

۸	اولی باب بعض انبیای	۶۲	فصل فی شهادت
	عظام و رسل کرام		جزء
	صورت احوالری	۷۰	فصل فی شهادت جعفر
	بیانده در		طیار
۱۶	فصل فی ابتلای نوح	۷۳	اوچنجی باب حضرت سید
	علیه السلام		المرسلینک وفاتی کیفیتی
۱۹	صل فی ابتلای خلیل		بیانده در
	لیه السلام	۹۱	در دینی باب حضرت
۲۷	صل فی ابتلای یعقوب		فاطمه زهرا نك وفاتی
	علیه السلام		بیانده در
۴۴	فصل فی ابتلای کلیم الله	۱۱۸	بشجی باب علی مرتضی
	علیه السلام		حضر تکرینک وفاتی
۴۵	فصل فی ابتلای عیسی		بیانده در
	علیه السلام	۱۴۸	التنجی باب حضرت
۴۵	فصل فی ابتلای ابوب علیه		حسنک بزم بلادہ ساغر
	السلام		بقا نوش آینه یکی
۴۷	فصل فی ابتلای زکریا		بیانده در
	و یحیی علیهما السلام	۱۶۳	دینی باب حضرت امام
۵۳	ایکم باب حضرت		حسنک مدینه دن مکہ به
	رسوک قریشدن		توجهی بیانده در
	چکدی اذالک بیانده در	۱۸۹	سکزیجی باب مسلم عقیلک
۶۱	فصل فی شهادت عبیده		شهادتی بیانده در
	ابن حات		

۲۱۴	طقوزنجی باب امام	۳۱۵	اونبرنجی باب حاتم کتاب
	حسنک مکہ دن		و مخدرات اهل بیتک
	کر بلایه توجهی		کر بلادن شامه
	بیانده در		کتدکاری
۲۴۶	اوننجی باب حضرت		بیانده در
	امامک لشکر یزید ایلہ		
	بحار به سی بیانده در		

بنم ایکی جملہ ایمره مرادم اولی خداوند
امیدم روز محشرده محمد مصطفی دند



بسم الله الرحمن الرحيم

* یارب ره عشقکده بنی شیدا قبل * احکام عباداتی بکا اجرا قبل *
 * نظاره صنعکده کوزم بینا قبل * اوصاف حبیبکده دلم کویا قبل *
 (حضرت ملاک متعال مقتدر منعم منتقم متکبر عظم ساطانه وعرشانه
 کتاب واجب التکریم * وخطاب لازم التعظیمده میدان محبت بلا
 کشلرین وبادیه ارادت متعطشلرین بو خطاب مستطاب ایله سرافراز
 ایتمش که (ولبلونکم) یعنی ای شاهراه صداقتده ثبات قدم دعواسین
 قیلنلر * وای طریق وفاده لاف استقامت اوروب شرف امتیازه
 طالب اولنلر * اگرچه ارقام صحایف اعتقاد کزبزه واضح * وکیفیت
 رسوخ صلاح وفساد کزبزه لایحدر * اما سزه دخی معلوم اولمق
 ایچون سزی امتحان ایدرز (بشی) برنسنه ایله (من الخوف)
 که اول عبارتدر یازغیب ایچون بیم عقوبات اخرویه دن * یاظهور
 رتبه تسلیم وتوکل ایچون ترس مصائب دنیویه دن (والجوع)
 که اول عبارتدر * یا انکسار صوات قوای شهویه ایچون غط
 شراب وطمع آمدن * یا انفاذ احکام شرعیه ایچون ارتکاب صیامدن

ونقص

(ونقص من الاموال) اول عبارتدر یایان اظهار انقیاد ایچون اخراج
 خمس وزکندن * یا طغیان نفس ایچون تاراج حادثا تدر (والانفس)
 اول عبارتدر * یا واسطه کهولتله تنقیص قوای نفسانیه دن * یا وسیله
 امراضله تعطیل جوارح جسمانیه دن (والثمرات) اول عبارتدر یا قلت
 فوا کهدن نکه نتیجه باغ وبوستان * یا فوت اولاددنکه ثمره شجره نوع
 انساندر * ومرتب امتحان بیان اولند قد نصکره بیورمشکد (وبشر
 الصابرين) یعنی بشارت ویرصابرله (الذین) انلر کیم (ذاصابتهم
 مصیبه) اگر واقع اولسه آنلره بر مصیبت (قالوا الله وانا لیه راجعون)
 یعنی مبدأ وجود مزخاق اکبر * وعاقبه الامرا کار جو عمر مقرر در هر
 آینه بوایت کریمه خواستندن * و بو عبارت شریفه ایمانستندن مستفاد
 اولان اولدر که عامه عباد عموم بلا شاملدر * و جمیع ارباب صلاح
 وفساده امتحان ایچون ولبلونکم حصرنه داخلدر * اما اول جمله دن
 مواقع مصائبده دامن تمکین طوئوب مضطرب اولمینلر * وهصادر
 نوابده خاطر تسکین ووروب اظهار جزع قیلمینلر * استعداد تشریف
 بشارت بولملر * ومستحق توفیق تقرب اولملر (قطعه) طایب ورطه
 مصائبده * شرف صبر سرفراز ایلر * صبر در اول محکمه محنتده * کفر
 وایمانی امتیاز ایلر (نثر) بو عبارت کتب سماویه دن منقولدر (من احب
 او احب صبه علیه البلاء) یعنی بر بنده مقبل که محب اولمغه لیاقت
 بولدی لاجرم کندوسین هدف سهام بلا و منزل نزول عنای قیلدی *
 همیشه سیره صداقت کلزار طینتده باران بلادن نشو ونما بولدی
 * و چراغ محبت خلوت خلقتده آتش محبتدن روشن اولور که
 البلاء للولاء کالذهب للذهب (نظم) بهجت افزای محبتدر بلا *
 کیم بلا آتش محبتدر طلا (نثر) بومفهومده مطابق وبومضمونه موافقدر
 اولکه حضرت رسالت صلی الله تعالی علیه وسلم بیورمش (ان الله اذا
 احب قوما ابتلاهم) یعنی هر طائفه که محبت معبوده اختصاص بوله
 مقرر در که محنته اسیر و بلایه گرفتار اوله * امام راتب ولا محازی درجات

بلاد * رمعارج بلا موافق طبقات ولادر * بونکنه بی مشعر و بومعنائی
مخبردر * اولکه حضرت رسالتدن سؤال اولند قدده که (ای الناس اشد
بلاء) یعنی نه گروه اوله نوع انساندنکه شدت بلا ایلله معروف و کثرت عنایله
موصوف * بیوردیلر که (الانبیاء) یعنی سر پرده نبوت محرم لری *
وتشریف رسالت محترم لری * زیر امراتب محبت لری درجات مختلرینه
مقرون * و رفعت منزلت لری شدت مصیبت لرنده مضموندر * و سؤال
اولند قدده (ومن بعدهم) بیوردیلر که (ثم الامثل) یعنی طریق مصائب رنده
انلره شبیه اولملر * و جاده متابعتده انلره اقتدا قلنلر * بونکنه اولیاء اللهه
اشارتدر که آینه دار حقایق اشیا اولوب عالم صورتنده احکام نبوتی اجرا
ایدوب * مراسم شریعتی احیایدرلر * و سؤال اولند قدده (ومن بعدهم)
بیوردیلر (فالامثل) یعنی شبیه تقوی و شیوه صلاحده اولیایه شبیه اولملر
و بو مضمون اتقیای انام * و صلحای فرقه اسلامدن عبارتدر که صواح
اعمالله سائر خلقدن امتیاز بولملر * و محاسن افعالله اقران و امثاله فایق
اولملر (قطعه) نه مخلصکه درگاه معبوده اقرب * همومی اشد و بلیاتی
اصعب * عجز قدر قربه کیم اولسه واقع * اولور آفت روزگاره مقرب *
فی الواقع عالم فناده مؤمن متالم * و منکر متعم * اولمق مصلحت وعین
حکمتدر تاملک بقاده ادراک فوت نعمت منکره موجب ترایدالم * و مؤمنه
باعث تضایف نعم * اولوب سروری زیاده قبله (شعر) بلمسه کافرندر
نعمته بیلسون روز حشر * نه کیم لطفک مظهر یدر مؤمن پاک اعتقاد *
قیلسمه مؤمن الم ادراکن اولماز مطلع * کیم نه تعذیبیلله در دوزخده ارباب
فساد (نثر) هر آینه میزان بلا ممیز مراتب ولا اولمغین معلوم اولدی
و ثبوت بولدی که نوع انساندن بارگاه معبوده اقرب فرقه انبیا و زمره
اولیادر زیر اشراط عظیم آداب عبادت * و مراسم اجرای شریعت
وارشاد امت انلره برامدر در جمیع بلیاتی شامل * و بر حکمدر جمیع لذاتی
حائل * و بودخی مقرر جله عقلا * و مقبول جمیع فضلا در که افضل انبیا

حضرت محمد مصطفی صلی الله علیه و سلمدر زیر اجماع انبیا ک امتی اکا
مود و عذر * و اصلاح جمیع طوائف مختلفه و ائم متنوعه اکامر جو عذر
* لاجرم مجموع انبیادن رتبه سی افضل * و بلیاتی اتم و اکملدر * اول
حضرت بومعنایه مطابق و بومضمونه موافق بیورمشکه (ما اودی نبی
مثل ما اودی نبی) و دلائل صادق بود دعوائه ادلدر که تواریخ سلفده مسطور
والسنه خواص و عوامده مشهور اولان انبیا بلالزینک هیچ بری معادل
اولماز * و امکان مناسبت بولماز * حضرت رسول اللهک صنادید
قریشدن چکدیکی جفاره * و سفهای امتدن کوردیکی بلالره * اول
جمله دندر واقعه دشت کربلا و حادثه قتل حسین بن علی المرتضا که
قدوه خاندان رسالت وزیده دودمان نبوتدر * بی تکلف اکامتوجه اولان
مصیبت حضرت رسوله نسبت کمال اهانت و نهایت حقارتدر حضرت
امام شافعی کتاب مرآة الجنانده حسن بصری نقلیلله ابن البرازدن روایت
ایتمشکه واقعه کربلا ده اهل بیتدن اون النی نفر صاحب سعادت شربت
شهادت ایچمشلر که زماننده هر بری بی معادل * و عصرنده هر بری
بی مماثل ایدی * و مصابیح القلوبده مذکوردر که کعب الاخبار برکون
اخبار سلف نقل ایدر کن دیدی ای قوم مصائب جمیع ازمنه یه وقف
اولدم * و نوائب جمیع طوائفه اطلاع بولدم * واقعه کربلا دن
اصعب حادثه یه مطلع اولدم * و آندن اعظم مصیبتی مطالعه قیلدم
* حقا که حضرت حسین مظلوم شهید اولند قدده یدی افلاک قان
اغلادی * دیدیلر یا ابا اسحاق هرگز افلاک قان اغلرمی دیدی (و یلکم
ان قتل حسین امر عظیم) یعنی ای بی در تیر قتل حسین امر عظیمدر
زیر اول حضرت مقبول رب العالمین و جکر کوشه سید المرسلین و فرزند
سید الاولیا * و نور دیده فاطمه الزهرا * و یادکار حسن مجتبا و زبیده
آل عبادر * قسم اول واجب الوجوده که کعبک روحی انک قبضه
قدرتنده در نقل صحیحله تحقیق ایتمشم که حسین مظلومک لقبی
ملائکه آسمان ابا عبد الله المقتول و ملائکه ارض ابا عبد الله

المنه بوج وملائكة دريا حسين شهيد يوب اول شهيد اولديغي كوندن
قيامته دك سما ويدن بر كروه روضه مباركنه مجاور اولوب عزاسنه
مشغول لردير وهر شب جمعه يمش بيك ملك زيارتنه كالوب صبحه دك
عزاسنه اشتغال ايدوب صبح اولدقده هديه ثوابه صوامع عبادت لرينه
مراجعت قيلولر (قطعه) حكيمدر كيم جيع خلق جهان * ملك وانس
وجن ووحش وطيور * عقل ونفس وعناصر وافلاك * عاوي وسفلى
واناث وذكور * طوته لر ماتم حسين شهيد * ايدملر آه وناله تادم صور * بو
مصيبة ن اوليان آگاه * اوله احد شفاعتدن دور * روز خشر او ايه
نصبي انك * نظر اطف كرد كار غفر * بودخى جمله اخبار صححه دندر
كه من بكى على الحسين اوتباكى وجبت له الجنة * يعنى هر كيم حسين ايچون
اغليه يا خود بر كيمه ني اغلايه واجب اوله كادخول جنت (شيخ جارا لله
علامه دن منقولدر كه من تشبه بقوم فهو منهم مقتضا سنجده اكر تقليد له
دخى كريان اولوب بعض كيمه بي كريان ايتسه اول جمله يه داخلدر
* وا كادخى اول ثواب حاصلدر * امام رضاي بخاريدن روايتدر كه
خائى كر بلا بر طينت پاكد ر كيم انده تخم شهادت دوكلش * ونهال
مصيت يكلمشدر * اكر جو ببارديده نمنا كدن آللى سيرا ايدملر
الدينامر زرع الاخرة * مقتضا سنجده روضه رضوانده اول تخمك نتيجه سى
آثار نعمات بهشت باقى اوله * واول نهالك ثمره سى آثار لذات نعيم
مؤيد اولوب انطفائى نيران قهر الهى قيله (نظم) خائى پاك كر بلاد
اول مبارك بقعه كيم * انده تحصيل مطالب ايلك آسان اوور * اشك
دوكل آه چكك ضايغ اولماز روز خشر * كامبخش چشم پر خون و دل
سوزان اولور * اشك آللك قطره سى كلبه كلزار بهشت * دود آهك
مدى نخل روضه رضوان اوور (نثر) المنه لله كيم فرقة اسلام وزمره
اصحاب ايمانه بوسعادت ميسر * وبوعادت مقرر اوو پدر كه هر ماه محرم
تجديد مراسم ماتم ايدوب اطراف وجوانبده متوجه دشت كر بلا اوور
اول تربت شريفده بقعه بقعه مجالس ومحافل قوروب تكرار وقايع

شهادى كر بلا ايله داغ مصيبتن تازه قيلولر (نظم) محرم در بهار گلشن
غم * نسيم دلکش آه دما دم * اول ايلر سبزه مر كاني نمناك * كوكلر
خنده سبزه اول صالرخاك (نثر) اما جميع مدته مجالس ومحافلده تقرير
اولان وقايع كر بلا و كيفيت احوال شهدا فارسى وتازى عبارتده بيان
اولعين شراف عرب و اكابر عجم تمتع بولوب اعزة ترك كه جزء اعظم
تركيب عالم * وصنف نوع بنى آدم اولوب سطرزند صحايف كتب كى
صفوف مجالس دن خارج قالوب استيفائى ادراك حقايق احوال دن
محروم قالور لري بوسيدن اقتضائى عموم ماتم آل * زبان حال ايله
بزخا كساره تعرض ايتدى و دست تعرضه كر بيان طوتديكه اى پرورده
خوان نعمت شاه كر بلا فضولى مبتلا نوله كر بر طرز مجدده مخترع اولسك
و همت طوتوب بر مقل تركى انشا قيلسك كه فصحاء تركى زباننده
استماعدن تمتع بوله لر و ادراك مضمونده عرب بدن و عجمدن مستغنى
اولملر (قطعه) تكرار دكر واقعه دشت كر بلا * مقبول خاص وعام
وصغار و كباردر * تقرير ايدنلره سبب عز و احشام * تحرير ايدنلره شرف
روز كارددر (نثر) يوفقيرو حقير كه بونصبتى اصغا قيلدم و بوخدمت
محض سعادت اولديغن محقق بيلدم * عدم استطاعت و قلت
بضاعتدن احتراز و اجتناب ايتوب ترتيبه توجه قيلدم (اكر چه عبارت
تركيدنه بيان وقايع دشوار درز يرا اكثر الفاظى ركبك و عباراتى ناهموارد
اميددر كه همت اوليا اتمامه مساعدت و انجامنه معاونت قيله (قطعه)
اى فيض رسان عرب و ترك و عجم * قيلدك عربى افصح اهل عالم * ايتدك
قصاى عجمى عيسى دم * بن ترك زبان دن التفات ايلم كم * الهى واقف
كيفيت حال وعانم دقايق افعال سين بيلور سنكه سندن غيرى معين
ومظاهرم بوقدر * و اطراف وجوانبده حاسد و معاند چوقدر * عجم
مكارم كدن و كرمم را حكمن توقع بودر كه بونباى مجدد تعميرنده وبوملك
مؤيد تسخيرنده الفاظ و معانيدن جميع مصالحم مهيا قيله سين * وارباب
حسد و اصحاب عناد هموم ايتدكجه بكامعين و مساعد اوله سين * انك على

کل شیء قدیر حالا السنه عربده مذکور اولان مقتل ابو حنیف و مصرع
طاووسیدر که سید رضاء الدین ابو القاسم علی بن موسی بن جعفر بن محمد
الطاووسی کمال تحقیق و تدقیق ایله اسناد معتبر دن نقل ایدوب اهتمام ایش
وافواه عجمده مشهور اولان کتاب روضه الشهداءدر که حضرت افصح
المتکلمین مولانا حسین واعظ تنبع تواریح و تفاسیر ایدوب دقتله یازمغین
روایتلری درجه صحته یش و بن خاکسارک نیتی اولدر که اصل تألیفده
روضه الشهداءیه اقتدا قیلوب سائر کتبه اولان نکات غریبدری ممکن
اولدقه کافلا ده قیل (و حدیقه السعدا) ایله موسوم ایدوب اوز باب و بر
خاتم ده صورت تألیفه اتمام و یرم ان شاء الله تعالی (اولکی باب) انبیا
احوالن بیان ایدر (ایکینجی باب) حضرت رسولک قریشدن چکدیکی
جفاری بیان ایدر (اوچینجی باب) حضرت سید المرسلین وفاتن بیان ایدر
دردنجی باب) حضرت فاطمه الزهرا وفاتن بیان ایدر (بشینجی باب)
حضرت علی المرتضی وفاتن بیان ایدر (الثنینجی باب) حضرت امام حسن
احوالن بیان ایدر (یدنجی باب) حضرت امام حسین مدینه دن مکه یه
کلدیکن بیان ایدر (سکرینجی باب) حضرت مسلم عقیلک وفاتن بیان ایدر
(طوقوزینجی باب) حضرت امام حسینک مکه دن کر بلایه کلدیکن بیان
ایدر (اونینجی باب) حضرت امام حسینک شهید اولدیغن بیان ایدر (اون
برنجی باب) مخدرات اهل بیتک کر بلادن شامه کلدیکن بیان ایدر (قطعه)
یارب مسافر ره صحرا ی مختتم * توفیق ایدوب بکاصدقی رهبرایت *
سر منزل مراده یتور سر بلند قبل * محروم قویمه جمله مرادم مبرایت
اولکی باب بعض انبیاء عظام و رسل کرامک صورت احوالدرین بیان ایدر
(بلک کر کدر که محنت سرای خلقت دار البلاء فطرتده مصیبت زده لر
پیشواسی وداشته لر مقتداسی آدم صفیدر (رباعی) آدم که فضای عالمه
باصدی قدم * اندوه بلایه او اولدی همدم * مخصوص صدر آدمه بلا ی عالم
عالمه بلا حکمین اولماز آدم * هنوز آدم صفی نکای عدم دن فضای

وجوده کلدن و خاعت خلقت کیوب افسر کرامت برله سرافراز اولدن
ملائکه زبان طعن اوزاندیلروانی هدف تیر طعن ایتدیلر که (اتجعل فیها من
یفسد فیها) (روایتدر که ابتداء خلقتده حضرت ملک جلیل عزرائله حکم
ایتدی که جمیع اجزاء زمینک هر جزء دن برقبضه خاک الوب بطن نعمانده
جمع قیله و بر صحابه امر ایتدی که قرق کون اول طیراغک اوزرینه باران رحمت
دو کوب تریشنه مشغول اووه و بو خدمته مأمور اولان سحاب اوتوز طقوز
کون دریای الم و چشمه غمدن نم چکردی و اول طیراغه باران محنت دو کردی
قرقچی کونکه موعده تمام ایدی بر نیجه قطره بحر فرحدن کتور و رب
اوزرینه صاچوب صورت تخمین اتمامه یتوردی و پیکر اتمامن ظهوره
کتوردی بوسیدن مقرر اولدی که طینت بشریت اکثر اوقات مثبت ریا حین
غم اوله * و حقیقتده آثار سرور نهایت ندرت و کمال قلمت بوله (قطعه)
آدمک غم برله طیراغن مخمر قیلدیلر * انده در دو محنته منزل مقرر قیلدیلر *
موقداندوه نیران ایلوب ترکیبی * صفحه جاننده نقش غم مصور قیلدیلر
نثر) القصه آدم وجوده کلوب (یا آدم اسکن انت وزوجک الجنة) اشارتیه
ساکن بهشت اولدقه و میوه شجره منهیه دن غیری جمیع تنعماتک
تصرفنه رخصت بولدقه ابلبس بو حاله واقف اولوب بنیاد حسد قیلوب
وسيله مار و طاوسله بهشته کیردی و آدمه و سوسه و یردی و راه ضلالت
کوستردی و آدمک ابلبس مغلوب اولدیغند سبب بو اولدی که مظهر افعال
ستوده و مصدر خصال حمیده ایدی کذب و خلافه امکان و یرمیوب
ابلبسک سوزن محض نصیحت تصور ایتدی (قطعه) ای خوش اول صافی
طبیعت کیم ضمیر پاکه * یتیمه مطلق بو کیم عالمده مکر و حيله وار * ای خوش
اوصاحب سخاوت کیم دم اظهار جود * دشمنک مقصودن اوز نفعینه
ایلر اختیار (نثر) روایتدر که شجره منهیه میوه سین آدم و حوا تناول
ایتد کد نصره کرد اربار چهره اعتبار لن طوتوب و افسر عزت فرق
اقتدار لرندن دوشوب و خلعت کرامت بدن لرندن انتزاع بولوب و صورت

حالمی دگر کون اولوب مضطرب و متحیر قالوب مسند عزتده ایکن
معتکف زاویه حرمان اولدیله خد متلرینه رضوان مأمور ایکن ایلردن
نفرت ایدوب و سرای سرورلی معمور ایکن سیل جاده دن ویران اولدی
اول بیچاره لر مکشوف العوره قالوب حیا قلمغین هر در خته که پناه
ایچون متوجه اولورلر دی انلردن درخت فرار ایدردی بو حالتده حضرت
عزتندن داکلدیکه (یا آدم) افررت منی آدم ایتدی بل حیاء منک یعنی سندن
فرار ایتنم کنندی فعلدن شرمندیم (قطعه) دبرز کوار خدا یا اساءت علم *
بنی مکرم ایکن خوار و خاکسار ایتدی * بودر جزاسی انک کیم سکا مخالف
اولوب * هوای نفس مرا عاتق اختیار ایتدی (نثر) عاقبت برك انجیردن ستر
عورت ایدوب فرمان قضا جریانیله بهشتدن طشیره قدم با صد قده
بر ساعت یمین و یساره باقوب توقع ایدردیکه مشرق کرمدن آفتاب عفو
و عطا طلوع ایده * وظلمت حرمانه اضاعت ویره و اوج عنایتدن سحاب
عاطفت پیدا اولوب کلزار اعمیده طراوت بتوره * هیچ برجا بندن رایحه
مراد استشمام ایتبوب و هیچ بر طرفدن دردنه درمان یتبوب نا امید طشیره
قدم بصد قده اسانه کلمه (بسم الله الرحمن الرحیم) جاری اولدی جبرائیل
ایتدی یا آدم بر دم توقف ایت اوله که بو کلمه طیبیه برکاتنده ابواب رحمت
افتتاح بوله * و شقاوت سعاده مبدل اوله * خطاب کلدیکه ای جبرائیل
آدمه نیچون مانع اولدک جبرائیل ایتدی الهی سنی رحمن الرحیم اسمیله یاد
ایتدی نوله که دریای رحمتک موجه کلوب و بحر عنایتک متلاطم اولوب بو
سر کشته بی ورطه بلادن برکناره جکسه * و کلزار امیدنه سحاب مکرمک
یاران رحمت دو کسه * ندا کلدیکه ای جبرائیل بنم رحمت عامدرا کر بو کون
آدمه تعلق بولسه بر نفسه مخصوص اولمش اولور صبرایت و تحمل قیلکه
عرصه دنیادن ملک عقبایه توجه قیلد قده و دار فنادن معموره بقایه
راجع اولد قده کندویه و بیک بیک اولادنه اظهار کمال نرحم قیل و هول
قیامتده جمیع بحر ملرینه پناه اولم (قطعه) زهی کریم که هر دم عموم

مکرمی * عطایه جمله خلق امیدوار ایلر * زهی جواد که مجرد لری تسلی
ایدوب * همیشه عفو کاهیل افکار ایلر (نثر) کنز الحقایقده مسطور در
که آدم بهشتدن اخراج اولندیغنه سبب بو ایدیکه متعرض عشق اولدی
و عشق اقتضای دار الملام ایدوب ملازم ارباب ملامتدر که ا کا دار
السلام مناسب اولمز * و اهل سلامت احتیاطیله رونق بولماز (قطعه)
ا کر ملامته صبر ایلر سین ای غافل * ملامت ایلمه عشق بوری سلامته *
کمال عشق ملامتده در خیال ایتمه * که عشق ذوق ویره اولسه ملامته
(نثر) و اول نهال دلر با که شجره منهیه صورتده آدمه کورندی شاهد
محبت ایدی و اول نهی تنزیهیه دن غرض از دیار غبت ایدیکه (الناس
حریص علی مامنع) ممکن که ا کر اول شجره منهیه منعله اختصاص
بولسیدی و نهیله ممنوع اولسیدی آدم کثرت لذات تنعماتدن ا کاپروا
قیلمیدی و شدت اشتغال سائر اذواقدن ا کاملتفت اولمیدی (قطعه)
لطیفدر هر جور کیم عاشقنه اول ماه ایدر * قیلعه نظاره غافل اوانی آگاه
ایدر * هر جفا سنده حبیبک بیک عنایتدر نهان * کیمکه غافلدر جفا سندن
آنک ا کر ایدر (نثر) عاشقه معشوقدن کلان جفاعین وفادر * آندن
غافل اولمق ا کابر جفا در (نظم) نه خوشدر اولکه محبوب اوله پرفن *
کوکلده دوست اوله و دلده دشمن * جفا سندن وفار اوله مضمون * اولوب
عین طلب منعینه مقرون * فرافه اوله ظاهرده طلبکار * وصاله اوله
باطنده خریدار (نثر) القصة آدمه حکم اولدیکه ای آدم ا کر مرادک
بهشت ایسه مبر اولدی قناعت قیل و شجره منهیه اطرافنه کله
و مطلقا کماثل و راغب اوله و محقق بیلکه آنک میوه سی اندوه محنت
و سایه سی ظلمت و حیرتدر * آدم طبیعت مقتضاسجه بهشتی چون
کورمشیدی آندن رغبت کوتور ب شاهد محبت کوکل و یرمشیدی
لاجرم اشکر بلا که لازمه عشق در ا کمال لازم اولدی * و کرداب محنت که
عین دریای محبتدرانی احاطه قیلدی (بیت) عشق دعوادر جفا چکیمک
کواه * کر کواه اولماز سه دعوادر تباه * سلطان العارفين قدس سره

بیورمشد که خلقت آمدن مقدم شاهد محبت جلوه ظهور اتم که
 بر مظهر استردی اول زمان که دبدیده عبادت ابلهس ملک و ملکوتی
 طوتدی شاهد محبت آنک اتصاله میل ابتدای اما سلطان غیرت اول
 اتصاله رخصت و یرمیوب و آنک ذوق وصالن ابلهس لایق کور میوب
 همیشد پرده خفا و خلوت عناده صقلردی اول وقته دکه دست قدرت
 رخساره آمدن نقاب عدم کو تورب آنی مسجود ملائک قیلدی * و آدم
 شرف کرامت بولوب منظور عین اعیان ممکنات اولدی (بیت) منور
 اولدی جهان پر توجا نندن * مشرف اولدی زمان دولت وصالندن *
 شاهد محبت نزهت سرای بهشته شجره منهیه صورتنده کندیسین اکا
 عرض ابتدای و آدم اختیار سزا کالواله اولوب هماندم تنای موصلت
 قیلوب دامن طوتدی اما پرده دار حرم سرای اراده ربانی و حاجب
 درگاه بارگاه مشیت تأیید سبحانی منع ایتدیکه ای آدم بو عروس ز بیانک
 حلیه زینتی کوهر اشک چشم پرغندر * و بو محمد ره رعنائک زیور بهجت
 یاقوت شعله آتش آه دما دندر * جنت فضایی فرح فراسنده بومیسر
 اولماز * و بهشت بهجت سر اسنده بو حلال صورت بولماز * تحمل ایتکه
 دارد نیاده بوزینتله مزین اولد قدده آنک عقر تزویجی سکامیسر اوله * و اول
 زینتله بوعروسک رونق جالان زیاده قیله (قطعه) عرس و عشقه زیور
 روی زرداشک کلکوند * دل سوزان و جسم دردناک و چشم پرخوندر *
 بوزیور حاصل اولماز بزمگاه سخن جنتده * متاع خانه محنت فزای دنی
 دوند (نثر) پس آدمکه عاشق بیقرار ایدی ناچار و عده وصال و امید
 اتصال ایله ترک بهشت ایدوب محنت خانه دنیایی اختیار ایتدی *
 و هوای محبتده ذوقله دامن صبر طوتدی حکم اولدیکه ای آدم
 حوادن مباحث اختیار ایت و ملک فراغتدن تجا و زایدوب
 سرکوی بلا ده قرار ایتکه هنگام وصال منقضی اولدی و ایام فراق کلدی
 و زمان موصلت انجام بولوب او ان مفارقت اولدی (قطعه) ای
 مائل راحت غم همراه اولغل * دم ذوقدن اورمه همدم آه اولغل

ای جامع هر صفت سر وصالی بلدک * هجران المندن دخی آگاه
 اولغل * القصه مقراض انقراض مدت رشته موصلت پیوندن قطع
 ایدوب و آدم حوادن مفارقت اختیار قیلوب هر بری بردیاره دوشدی *
 و هر بری بیک بلایه صتا شدی * آدم وادی سرندیده سرگردان اولوب
 حواسا حل دریای هنده دوشدی (بیت) نه اشد رای فلک دلداری دلدارندن
 آیرمق * جفا کش عاشقی یاروفادارندن آیرمق (نثر) آدم و حوا کندی
 حالتلرینه کریان و جمیع ملائک انلرک واقعه لرینه حیران اولوب ایکی
 یوزیل بو نو عله پریشانلق چکدیلر و اشک ندامت دو کدیلر * ابن عباسدن
 نقلدر هرگاه که آدم یاد بهشت ایدردی بیهوش اولوب اوزندن کیدردی
 * حضرت عزندن ندا کلدیکه ای جبرائیل آدم غریبدرانکله موانست
 قیل * برکون آدم جبرائیلدن سؤال ایتدیکه ای انیس و جلیسم حوادن
 نه خبرک و ارجبرائیل ایتدی اول ساکن ساحل دریای هند اولوب سنک
 فراقکله کریاندر * وایشی همیشه آه و فغاندر * آدم اول خبری استماعندن
 بیهوش اولوب عالم مرآقه ده کوردیکه حواسا حل دریاده ابروار سیلاب
 سرشک دما دم دو کوب دیر که * یا حبیبی آدم اجایع انت ام شبغان الابس
 انت ام عریان انائم انت ام یقظان * آدم جواب و یرمک نثارکننده ایکن
 اوزینه کلوب حوایی کور میوب برنوحه قیلدیکه جبرائیله تزلزل دوشوب
 سؤال ایتدیکه ای آدم بونه حالتدر آدم صورت واقعه بی بیان ایتدکه
 جبرائیل اول خبردن متأثر اولوب مناجات ایتدیکه یارب بو غریب بیچاره یه
 رحم ایت خطاب کلدیکه یا جبرائیل وقت اولدیکه کارار امیده نسیم مقصد
 توفیق کذار ایده و اول نسیم ایله غنچه مقصود آچله (بیت) آه آتشباری
 عشاقک سرایش سر دکل * عاقبت هر غم بتر پایانه غایتسز دکل (نثر)
 القصه آدمک توبه سی مقبول و دعایی اجابت بولدی و ایام محنتی مرور ایله
 هنگام راحت مبدل اولدی محققردن نقلدر که سبب قبول توبه آدم اوج
 نسنه ایدی بری حیا و بری بکا و بری دعا اما حیا سی اول غایتده ایدیکه

ابتداء خلق شده او چو زبیل باش قالدیروب یوقا ری باقدی و عین
و یساره نظر برقدی * و بکاسی اول مرتبه بی بولمشیدیکه هجوم سیلاب
اشکدن رخسارندن جو بیار لر عیان اولوب فرات ود جلّه کبی آندن
وحوش و طیور تمتع بولوب دیرلردیکه نه خوش آب خوشکوار و نه زیبا
شربت ساز کاردر آدم اول سوزی استهزایه جل ایدوب برکون مناجات
ایتدیکه یارب وحوش و طیور بنم آب چشمه تمشخرایدر لر و آب شوریده یه
شربت خوشکو ار دیرلرندا کلدیکه ای آدم هیچ جوهر کو هر اشک
اهل نیازدن اعلا و هیچ شربت زلال سرشک مردم پاک بازدن احلا دکل *
فی الواقع برکوهر که معدنی دیده ار باب نظر دندر خالک مذلتده قالماز
برجوهر که بنم تحفه در کا همدندر محقر اولماز (قطعه) واه نه معدندر
سواد چشم ترکیم آنده در * دانه در سرشک و لعله نور بصر * اول برنده رتبه
معراج درگاه قبول * بو برنده قوت کیفیت فیض نظر (نثر) امداء آدم
بوایدیکه یارب محمد و آل محمد حقیقون توبه می قبول ایله برکون بارگاه
عزندن ندا کلدیکه ای آدم سن محمدی نه ییلور سنکه ذیل شفاعتته
تمسک اولور سین آدم ایتدی یارب محمد ک اسم شریفی صفحه ساق
عرشده سنک نام لطیفکه مقارن کوردم ییلدمکه آندن اشرف و افضل
خلق یوقدر آکاتوسل ایدرم (نظم) اثر نور مصطفایی کورک * خاتم خیل
انبیایی کورک * نور ذاتی چراغ عالمدر * آب روی شفیع آدمدر (نثر)
و آدمک بر مصیبتی دخی قتل هابل ایدی * روایتدر اهل تفسیر دنکه قبول
توبه دنصکره آدم حوایه ملحق اولدی و یکر می نوبت حوا حامله اولوب هر
نوبت بر غلام و بر جاریه آندن ظهوره کوردی و شریعت آدمده هر بطنک
جاریه سی غیر بطنک غلامنه ویرلک عادت ایکن اتفاقا قبالک همزادی
اولان اقلیمای نام جاریه هابل همزادی اولان یهودا نام جاریه دن اجل واقع
اولدی و آدم هابل همزادی اولان جاریه بی قابله حکم قیلدی و قابل عادت
مسنونه یه قائل اولوب قول ایتدیکه اقلیمایی هابله و یروب کندی

یهودایه قناعت قیله و سائر اولاد آدم کبی مطیع و منقاد شرع اوله مکابر
قیلیدیکه ای آدم بومدعا اثر محبت کدر نه که مقتضای شریعتک آدم ایتدی
اگر بنم صلاحه راضی اولماز سه کزمر افعکزی قاضی الحاجاته رجوع
ایدوب آنک امر نه راضی اولک و آنک حکمنه متابعت قیلاک و آنلرک بری مزارع
ایدی مزد و عاتندن برقاج خوشه حاضر ایدوب و بری چوبان ایدی
برقیون مهیا قیلوب بر عرصه ده قیوب شرط ایتدیلر که هر کیمک قربانی
مقبول اولور سه اقلیمایی اول تصرف قیله مترصد حکم اولد قده عالم
غیبندن برق لامع چیقوب هابلک قربانی تصرف قیلدی و قبالک قربانی
معطل قالدی بو سببدن آتش حسد قبالک بنسای اختیارن یاقوب
و سیلاب رشک معموره قرارن ییقوب هابلک هلاکنه عزم ایتدی و همت
طوتدی آدم متوجه زیارت بیت المقدس اولد قده فرصت بولوب مشغول
خواب ایکن آنی هلاک ایدوب قرق کون باشی اوزرینه کتوروب کزدیردی
زیرا بیلر دیکه نتمک کرک برکون کوردیکه بر غراب بر حفره حفرایدوب
بر غراب میتی دفن ایتدی آندن ارشاد اولوب هابلی دفن ایدوب اوزرندن
کشدی (شعر) رشکدر جائه اضطراب صلان * رشکدر عالمی خراب
قیلان * رشکدر موجب جفای یزید * رشکدر کیم حسبنی ایتدی شهید *
القصد آدم بیت المقدس دن مراجعت قیلد قده جمیع اولادی استقبال
ایدوب هابل آنلرک سلکنده اولما مغین احوالن استفسار ایتد کده دیدیلر که بر
نیجه کوندر غائب اولوبدر آدم مضطرب اولوبیدی کون تجسس و تفحص
ایدوب سکرنجی کون ملالتله او یقویه واردی واقعه سنده کوردیکه هابل
الوده خالک و خون اولوب استغاثه ایدر که یا ابتاه الغیاث آدم اضطرابله
بیدار اولوب فریاد ایتد کده جبرائیل حاضر اولوب ایتدی ای آدم بونه
فغاندر آدم صورت واقعه بی بیان ایدوب هابلک حالن صوردی جبرائیل
ایتدی هابلی قابل هلاک ایدوب بر مو ضعه دفن ایتشدز آدم بنیاد
نوحه و تضرع قیلوب ایتدیکه ای جبرائیل آنک مزارن بکا کوستر

جبرائیل آدمی هابلک مزاری اوزرینه کتوروب و آدم آنک مزارندن طپراق
 حجاب کتوروب کوردیکه پیکری بوزلمش و اعضاسی پاره پاره اولش اغار
 نوحه قیلوب روی تضرعی بارگاه بی نیازه طوتدی و مناجات ایتدیکه یارب
 قابل سنک حکم کدن تجاوز قیلوب و بنم حرمت طوتیبوب بو مظلومی قتل
 ایتش جزاسین و بر حضرت عزندن داکلدیکه ای آدم مقرر ایتدیکه نصف
 عذاب دوزخ قابله منسوب اوله و اول عذاب ایچنده مؤبد قله ای عزیزلر
 هرگاه که آدم حرمتن طوتیبوب آنک فرزندن قتل ایدن بونجه عذابه
 مستحق اولور معلومدر که حضرت رسول آدمدن اشرف و افضلدر حرمتن
 طوتیبوب اکثر اولادن شهید ایدن نه تعذیله عذابه استحقاق بولوب
 و دأمانه عقوبتده قالور (صحیفه رضویه ده مسطوردر که قاتل امام حسین
 دوزخده بر آتشین تابوت ایچنده محبوس اوله که رایحه کر بهمه سندن اهل
 دوزخ فرقت قیله بی تکلف حسین مظلومک قتلی واقعه اعظم و حادثه
 اکبر رو اول چکدیکه محنت آدمک چکدیکه محنتدن بتردر کر چه آدم
 بهشتدن جدا دوشوب وادی غر بته سرگردان اولدی اما حضرت
 حسین مدینه مطهره و مکه معظمه و روضه رسول اللهدن محروم اولوب
 غربت کر بلاده آزار و ایدابولدی و اگر آدم بر فرزندینک قتلندن منزجر
 اولوب ملالت چکدی اول حضرت اولاد متعدد شهادتن مشاهد قیلوب
 اشک ندامت دو کدی (شعر) محنت آدم دکل مانند دوه حسین * فی المثل
 بر شعله در برق بلادن اول شرر * اشرف خلق جهالک اکبر اولادنی * قتل
 یدن دنیاده و عقبا ده اولماز بهر ور (فصل فی ابتلاء نوح علیه السلام) بادیه
 محنت بلا کشلرینک و باده محبت سر خوشلرینک بری دخی حضرت نوح
 ندیدر که طقوز یوزیل هدف سهام سیاست سفهای قوم اولدی
 و سنکد لیر جفاسین چکوب صبر قیلدی و دعوت ایتکدن تقصیر ایتدی
 و دقایق تبلیغ احکام الهیده آندن تکاهل و تکاسل ظهوره یتدی تظلمده
 مسطوردر که اول واضع قانون شریعت و کلزارر یاحین کرامت هر کون

سحاب ستمدن ژاله وارا و لمقدار سنک سیاست یاغدر برلر دیکه جسم لطیفی
 لعل آبدار کی طاشلر ایچنده یاتردی اماینه جبریل حاضر اولوب اول کل
 باغ رسالتی لاله وارجامه پر خون و اعضای پاره پاره ایله طاشلر ایچندن
 چیقاروب پروبالن اعضاسنه سوروب صحت و یروب اوزرندن کیدردی
 و اول حضرت ینه انجمن آری قوم اولوب کلمه طیبه (قواوالا اله الا الله
 عبارتیله آنلره آغاز دعوت ایدوب مدت عمرنده بو طریق مسلوک
 ایدوب اوج قرن قومیه مدارا قیلدی اما کون کوندن قومنک جفاسی
 ا کار یاده اولدی بر کون برمد بر فرزند ناپسند نه نوحی کوسرتوب نصیحت
 قیلدیکه ای فرزند بزم طریق مزده بو شخصه اهانت عین عبادتدر غافل
 اولیه سین و تقصیر قیله سین اول حرامزاده ایتدی ای پدر اولیه که
 بو وصیت ادا اولماین اجل یتوب بنی بو عبادت ثوابندن محروم ایده
 پس حضرت نوحه متوجه اولوب بر طاشله جبین مبارکن مجروح ایدوب
 محاسین شریفنه قان روان اولدی و اول سیل خونابه دریای بلای طوفان
 تموج ایدوب حضرت نوح دعا قیلدیکه (رب انی مغلوب فانتصر) ناوک
 دعاسی هدف اجابته یتوب و احاطه طوفان عالمی طوتوب جمیع مخالف
 غرق اولدی همان نوح تابع لریله قورتلدی (شعر) سیل بیداد ستمدن
 منشی طوفان نوح * اولسون غافل بلادن اهل بیداد و ستم * خانه ظالم
 کیدر سیلابه مانند حباب * طوتسه طوفان عالمی مظلومه طوفاندن
 نه غم * کنز الغرائب مسطوردر که زورق نوح ایام طوفانده هر طرفی سیر
 ایدر کن خطه کر بلایه ابرشد کده جایزه دیدکاری منزله متحیر اولوب
 توقف ایدوب حرکتدن دوشدی حضرت نوح بو حاله حیرت ایتدکده
 داکلدیکه ای نوح بو اول منزلدر که (مثل اهل بیت کشل سفینه نوح)
 بو منزلده غرقه کرداب خون اوله و اهل بیتک اکثر فاضل و اعیان بو منزل
 دائرة حیره براغوب سرگردان قیله فی الواقع تأمل ایتدکده مناسب
 کورینور که حدیث صحیح مقتضای سنجه سفینه نوح اهل بیت رسالتدر

زیر آهوی نفس اصحاب عنادله دریای مصائب متلاطم اولاد قده و صحرای
 کر بلایی طوفان بلا احاطه قیلد قده هر کیم اهل بیته داخل ایدی
 بلای مصیبتدن نجات بولدی و هر کیم خارج ایدی هلاک اولدی
 روایتدر که حضرت حسین مدینه دن عزیمت کوفه قیلد قده یدی یاشنده
 بر معصومه سی او اوب موافقه قدرت بولماغین ام سلمه خدمتده
 قالمشیدی واقعه کر بلاده حضرت امام شهید اولاد قده بر غراب مشکین
 بال پروبالن قانله رنگین ایدوب متوجه مدینه اولوب ام سلمه نیک دیوار
 سراینه قونوب خون افشانلق ایدردی اول معصومه آنی کوروب فراستله
 حسنینک شهادتن معلوم ایدوب فغان قیلدی ام سلمه ایتدی ای مخدومه
 نه واقع اولدی سکا اول معصومه ایتدی ای عزیزه غراب مخبر احوال سفینه
 نوحدر غالبابو کون سفینه اهل بیت طوفان بلای دنیادن نجات بولدی
 و محمدرک هوای قرب الهی آنلری ورطه هائلدن واصل ساحل نجات
 قیلدی و بو غراب آندن کلوب و آنلردن خبر ویرر ام سلمه ایتدی بر کون
 حضرت رسول خلوتدن چیقوب طشردده بر مدت مکث ایدوب زاید موی
 و غبار آلوده روی مراجعت ایتدی دیدم یار رسول الله بو کدورت باعثندر
 بیوردیکه ای ام سلمه بو کیجه بکا عرا قده بر مقام کوسرتدیله که اکا کر بلادیرلر
 و اول منزله حسنینک و بعض اولادنک قتل کاهنی زیارت ایتدردیلر و بن
 اول منزلدن بر مقدار خالک آلوب کلمشم مبارک اللزین آچوب اول طپراغی
 بکا تسلیم ایتدی و بیوردیکه بو طپراغی بر شیشه ده حفظ ایت اول کونکه
 وعدة شهادت یتر بوشیشه ده کی اجزای تراب و اوراق کل کبی قان رنگنه
 دوزوبن اول طپراغی حفظ ایتشم و بر روایت دخی اولدر که قاضی عیاض
 کتاب شفا ده نقل ایتشم که حضرت رسول حسین مظلومک قتلندن خبر
 و یروب زمین کر بلادنکه اکا طفطف دیرلردی بر قبضه خالک آلوب ام سلمه یه
 طابشوردی و بر روایت دخی امام یافعی مرأة الجنانده انس بن مالکدن
 امام حنبل واسطه سیله نقل ایدوب مسطور ایتشم که بر کون ملک السحاب

حیره رسالته کلوب حضرت امام حسین حاضر اولدی و قوللرین
 حضرت رسولک بو یانه براغوب مبارک کب سول یله بنیاد ملاحظه قیلدی
 ملک السحاب ایتدی یار رسول الله بو پرورده نعمتک اولان فرزند
 سعادت مند یکی امت یوفارک دشت کر بلاده قتل ایده لر و کر بلادن
 بر مقدار خالک نمونه ایچون حضرت رسوله عرض ایتدی و حضرت انی
 ام سلمه یه تسلیم ایتدی امر تقدیر ایلله ام سلمه اول شیشه یی حاضر ایدوب
 ملاحظه قیلد قده کوردیلر که اول خالک خونا ب اولمش و اول نشانه
 وقوع بولمش چون نشانه ایلله کر بلا واقعه سنک کیفیتن بیلدیلر
 آغاز مصیبت قیلوب عزایه عزیمت قیلدیلر (شعر) یارب نه فتنه در که
 خراب ایتدی عالمی * آزرده قیلدی روح رسول مکر می * اعیان آل احمد
 کردون جفا قیلوب * اشراف اهل بیته روا کوردی مانمی * و احسرتا که
 بولدی خلل سیل فتنه دن * شرعک متین بناسی و بنیاد محکمی * کلزار
 کر بلایه دکلدی نهال غم * خوشدر کیم آنی ایلله سیراب کوز نمی (فصل
 فی ابتلاء خلیل علیه السلام) دیار بلا مسافر لری و عقار عنانجاورلر بنک
 جمله سندن بری محبوب ملک جلیل ابراهیم خلیلدر که تا خلعت
 خلعتله سرافراز اولدی و خلوت خلعتده شرف و محرمیت بولدی هرگز
 هجوم بلادن امان بولمادی و صدور حادثه دن فارغ اولمادی جمله بلالردن
 بری اولدر که نمرود مرد و دلک آتش استیلا سی زبانه چکوب و سحاب
 تسلطی باران بلادو کوب استدعا قیلدیکه اول طلای تمام عیاره آتش
 سوزانله تاب ویره و اول شمع شبستان رسالتی باقوب ظلمت سرای کفر نه نور
 سروریتوره القصة ابراهیم منجیقه کرد کده و ملائکه آنی آتشف متوجه
 کورد کده مناجات ایتدیلر که یارب جمیع بنی آدمدن بر کیمسه در که سنک
 احدیتکه معترفدر و عبادتکله متصفدر آنی یا قدر مق استر ز رخصت ویر که
 معاونت قیلوب آنی بو تهله که دن خلاص ایده لم حضرت عزتدن خطاب
 کادیکه معاونت کیدک و اگر مدد دیرسه ایلک بو اشارتله ملک السحاب

حاضر اولوب ایتدی ای خلیل رخصت ویررسنک سیلاب سیاستله اعدانک
 ناره فسادن منطقی قیلوب بنای عنادلرین فتنایه ویرمه که حاضر اولشم
 و ملک الارض ایتدی اگر اشارت اولسه قوم غمرودی قارون کی تحت
 الثرایه چکمه که عزیمت قیلشم حضرت خلیل ایتدی ای عمال کارخانه
 دنیاوای حفاظ قوانین نظام اشیاء صلاحنه بودمده بنم اختیارم اولدر که
 دوستدن کلن دردک درمانه اقتدارم یوقدر (نظم) دردله خرسند اولن
 دردینه درمان استمزم * ذوق محنت بولسه عاشق راحت جان استمزم *
 هر کیمی استرسه جانان عالم عشقنده فرد * صبر ایدر تنهالغه انصار
 و اعوان استمزم * بو مناظره لرد نصکره خلیل منجیقندن جدا اولوب
 آتش سوزانه دوشمه که قریب اولدی جبریل امین اول شمع رسالتک پروانه وار
 باشنه دولانوب ایتدی ای خلیل (هل لك من حاجة) یعنی حاجتک
 وارمی خلیل الله (اما لیک فلا) یعنی احتیاجم وارا ما سکا یوق جبرائیل
 ایتدی (سل ربک) مدد استه اندنکه ا کا محتاج سین ابراهیم ایتدی (علمه
 بحالی حسبی عن سؤالی) یعنی انک علمی حالمه مانعدر سؤالمه (نظم)
 غافل اولماز دردنی درده گرفتار ایلین * عاشق و عارف د کل دردنی
 اظهار ایلین * ال چکک دردم علا جندنکه تحقیق ایتشم * استسه
 صحت ویرر بیماره تیمار ایلین * فی الواقع برعاشق صادق که یاردن غیر بی
 کندویه اغیار بیلور اغیار تدبیر یله دردنه درمان قیلغی کندویه عاریلور
 روایتدر که ابراهیمک غیریدن کمال استغناسی دریای رحمتی موجه کتوروب
 خطاب کلدی که بندن غیره امید طوتمینی بندن غیره محتاج ایتزم و بعض
 دیمشدر که خلیلک جوابی جبریل یله بو اولدی که بن محب دوستم هیچ دشمن
 کورمزم که بوجفاری اندن بیل حاشا که دوست جفا سندن شکایت قیل
 (یفعل الله ما یشاء و یحکم ما یرید) بو گفتاره مقارن ندا کلدی که (یا نار کونی
 برداوسلا ما علی ابراهیم) یعنی ای آتش سوزان سلامت اولغل خلیل
 نته کیم اول طبیعت بشریتدن چیقوب محض اخلاص اواری سندخی

طبیعتکدن چیقوب احراقی اشفاقه تبدیل ایت (شعر) کلشن امیدابر
 صبردن سیراب اولور * صبر قیلسک آب کوهر سنک لعل ناب اولور * تیره
 اولماز کسب ظلمت ایلوب هر خانه کیم * جلوه کاه پرتو خورشید عالمتاب
 اولور * و حضرت خلیلک بر مصیبتی دخی قضیه ذبح اسماعیلدر که لسان
 تنزیل جاری اولمشدر (ان هذا الهو البلاء المبین) روایتدر که برکون
 حضرت اسمعیل صید کاهدن رخسار غبار آلود ایله حضرت ابراهیمک
 حضورینه کلد کده و حضرت ابراهیم چشم التفاتله اول آفتاب عالمتابک
 صفحه رخسارینی مطالعه قیلد قده سلسله کبسوی مشکباردن هر سر مو
 جاننه برک پیوند و شعشعه جمال پرنورندن هر رشته شعاع بر عضونه
 بند اولوب لذت دیدارنده محو اولدی و تماشا ی رخسارنده جمله نقد
 وجودین صرف قیلدی (شعر) تعالی الله بونه رخسار مرغوب دلارادر *
 که دل دردنده عاجز جان تماشا سنده حیراندر * لاجرم سلسله غیرت عشق
 الهی متحرک اولوب رابطه محبت مجازینک انقطاعی لازم کلدی
 و معشوق مشفق عاشق صادق اغیاردن قطع ایتکه توجه قیلدی (شعر)
 یار استمزم که عاشقی اغیاره یار اوله * هر لحظه برتر دله بی قرار اوله * استر که
 لوح ساده اولوب نقش غیردن * پیوسته کندی نقشینه آینه دار اوله *
 القصه چون خلیلک قلبی محبت اسمعیل مملوقیلدی واقعه سنده دیوان
 قضادن حکم اولدی که ای محرم سر پرده خلت وای مقتدای امت اگر
 جاده محبتمده ثابت قدمسک بندن غیریدن رغبتی کوتور و مقتونی اولدیغک
 جگر کوشه کلک رشته حیاته تیغ انقطاع یتور (شعر) او یله کیم
 معشوقی عاشق غیره دمساز استمزم * عاشقن معشوق هم غیر یله همراز استمزم
 * ابراهیم اول او یخودن بیدار اولد قده ها جره ایتدی ای همسر مهربان
 اسماعیله تجدد لباس برله زیور ویر که دوست مهمانی او اور ها جرج حسب
 الاشاره اول خورشید آسمان لطافتک سنبل کبسوی مشکبارین
 شاهه لیوب و اندام لطیفن البسه الواله منین قیلوب مهیا قیلد قده ابراهیم

ابتدی بررسن و بر تیغ دخی همراه ایله هاجر ابتدی یا خلیل الله صحبت
 احباب سبب رابطه اتصال او اور تیغ که آلت قطع در انده نه مناسب
 و مجمع اصحاب محل حل اشکال او اور رسنه که آلت عقده در آمده نه واجبدر
 خلیل الله ابتدی شاید بر قربان ایتک لازم اوله و با غلغله و کسمکه تیغ ورسن
 ضرورت اوله القصه ابراهیم و اسمعیل هاجر و داغ ایدوب روانه اولدقده
 هاجر ورطه تفکره دوشوب متخیر قالدقده ابلهسکه محرک سلسله فساد
 و مؤسس بنای عدوان و عناد در فرصت بولوب عزم قیلدیکه خاندان خلتنه
 رخنه براغه و معموره نبوت خلیلک حیلله ایلله یقه بر پیر صالح صورتنه
 ممثل اولوب هاجر خدمته کلوب ابتدی ای صالحه بیلور مبسین ابراهیم
 و اسمعیل قنده کتدیلر هاجر ابتدی دوست صلاهی ضیافت اور مش
 ا کا اجابت ایدر ابلهس ابتدی ای غائل غلط خیال ایتش سین ابراهیم
 اسمعیلک قان دوکک استر تیغ ورسندن اندیشه نه اولد یغن بیلدکی
 و صورت حالندن کیفیت مألن ملاحظه قیلدکی و بو گفتاردن ابلهسک
 مدعاسی بوایدیکه جماعت نسا رقت قبلله مشهوره در و طائفه عورت قلیت
 صبر و ثباتله مو صوفه در هاجر بو خبردن متأثر اولوب اضطراب قیلله
 و خلیلک عزیمته مانع اوله هاجر ابتدی ای پیر حرف عجیدر کدسن ابلهس
 اولیه سین زیر اجلیل اغیار قتلندن فرار ایدر کن اسماعیلکه یار وفادار در
 جفا سین روا کوررمی ابلهس ابتدی ای هاجر و واقعه سنده بو امره مأمور
 اولمشدر هاجر ابتدی خلیل کاذب دکلدر فرمان آله بو خصوصه صدور
 بولوب جانب حقندن اشارت بویله اولد یسه زلال تیغ بلا چشمه آب بقادر
 و قطره خون اسمعیل لاله کلزار عز و علادر (شعر) جانله بزدن اگر
 خشنود اوله جانانمز * جانله منتدر آلت قربانی اولسون جانمز * ابلهس
 هاجر دن نو میزد اولوب خلیل الله ره گذارین طو توب ابتدی ای عاقل
 زمان وای افضل اهل جهان نه روا که کلزار نبوتک نهال نور سین زینت
 کلشن اقتدار ایکن و سوسه خواب خیال ایلله آورده تیشه جفا قیلا سین

و صدف رسالتک کو هر تابنا کن ز یور افسر عز و اعتبار ایکن دغدغه
 فکر محال ایلله کرداب بلایه صالوب متخیر و متأسف اوله سین (شعر) باغبانا
 زینت کلزار اولان شاخ کلی * کسمه فوت زینت کلزار دن اندیشه قبل *
 شاد ایدوب اغیار یکی آزرده قیلله یارکی * ذبح بار و طعنه اغیار دن اندیشه
 قبل * حضرت خلیل ییلدیکه اول ابلهس در دیدی ای مدبر اگر چه میوه
 نخل حیاتم و جوهر کجینه ذاتم اسمعیلدر حقا که اگر هر رک اعضای ترکیب
 بر اسمعیل اولسه وجهه سنک قطعنه امر معبود صدور بولسه توقف ایتیم
 و طریق تخلف طو تمیم (شعر) درد عشق یار کو کام ملکک سلطانیدر *
 حکم آلت حکمیدر فرمان آلت فرمانیدر * ابلهس لعین اندن دخی مایوس
 اولوب اسماعیلی طفل کوروب فریه قابل تصور ایدوب ابتدی ای کل کلزار
 نبوت و نهال حقیقه رسالت عزیمتک نه یکادر اسمعیل ابتدی دوست
 ضیافت خانه سنه ابلهس ابتدی حاشا ابراهیم سنی ذبح ایتک تدار کمنده در
 اسمعیل ابتدی ای پیر کراه اکرم بنم قتل اکا امر اولنسه دخی آلت
 اطاعتی بکا امر اولمشدر انقیادنده ترمدم یوقدر خصوصاً که امر اولمش
 اوله (شعر) جانمی جانان اگر استرسه منت جانمه * جان ندر کیم اتی قربان
 ایتیم جانانمه * خلیل ابتدی ای اسمعیل بو بدبخت شیطاندر حیلله سندن
 حذر ایت اسمعیل جانب ابلهسه سنک اجتناب توب دفع ایتد کد نصیره
 والد صالح و ولد خلف اتفاقله منایه کلدیلر ابراهیم تیغ چکوب رسن
 چوزوب ابتدی ای فرزند عزیز ناظم کارگاه حکمت و مصور صورت
 خانه فطرتدن ذبحکه حکم اولوب در صلاحک ندر اسمعیل ابتدی ای والد
 بزرگوار بو فرمانه موجب نه اوله خلیل ابتدی محبت قبول مشارکت قیلن
 و مجتده مشارکت مناسب او لماز غالباً طغیان محبتک موجب تحریک
 غیرت حضرت عزت واقع اولدی و هوای افراط مودتک دریای
 محبوب حقیقی متحرک قیلدی اسمعیل ابتدی ای عزیز (شعر) عجب
 للمحب کیف ینام * کل نوم علی المحب حرام * دیمشلم عشوق عاشقی

همیشه بیدار و جلوه حسنه ن خبردار است که دعوی عشقه آلوده
غفلت و آسوده خواب راحت اوله سین عجب میدر که بویه خواب پریشان
کوروب پریشانلق بوله سین القصة هر تقدیرله اسمعیل اول واقعه بی
کنندویه شرف روز کار بیلوب و اول سعاده مباهات قیلوب ایتدی (یا بت
افعل ما تو امر) ای پدر بزرگوار اسماعیله بدل وارو حضرت جلیله عوض
یوقدر واحد مطلق دامن طوت یوقسه اسمعیل کی چو قدر ابراهیم
ایتدی ای فرزند کرامی نه وصبتک و ارا اسمعیل ایتدی ای پدر عزیزم اوج
وصبتم واربری اولکه زمان قتلده اعضای جسمی محکم باغلیه سنکه
اقتصادی الم تیغ ایشد کده جسم ضعیفی اختیار سزا اضطرابه صالوب
حرکاتمدن سکا بر آسب ایشوب بکاموجب عصیان اولیه (شعر) چکرمزم
غم دو کسه قائم تیغ بر آنک سنک * و هم اند ندر که پر خون اوله دامانک
سنک * و بروصبتم دخی اولدر که زمان ذبحده رخساره زردی بر یوزینه
براغوب بنی بسمل ایده سین اولیه که مطالعه صفحه رخسارم ایتد کده
محبت طبعی اجرای حکمتنه تأخیر و یروب قتلده مانع اولوب سنی تقصیر
طاعته متهم قیلده و وصبتم دخی اولدر که دارالسعاده تکه مرا جعت قیلد قدده
والده مهر بانمی تسلی ایدوب رعایتش واجب بیه سین و صبر و شکر طریقه
هدایت قیلده سین و صایاتمام اولد قدده ابراهیم اسماعیلک اللرین و آیقلمین
محکم باغلیوب خلق مبارکنه تیغ بی دریغ اورد قدده ملائکه زمین و آسمان
خروشه کلوب تعجب ایتدیلر که یارب بویه بنده عظیم الشاندر و مخلص عظیم
الافراندر که ره محبتده آتش سوزانه براقصه تفاوت قیلماز و جکر گوشه سنک
قتلنه حکم ایدرلر منزجر اولماز القصة یتش نوبت تیغ چالیدی قطعا
قطع ایتدی و اول جسم لطیفه تیغ تیزدن ضرر یتدی خلیل الله خشمناک
اولوب تیغی طاشه چالده تیغ تیز بانه کلوب ایتدی یارسول الله (الخلیل
یا مرئی و الجلیل نهائی) و بن مترصد حکم جائله تابع امر خلیل روایتدر که
بوحالنده ملائکه علوی متعجب اولوب ایتدیلر که آیا ابراهیم استخامیدر که

چکر و شه سین قربان ایدر یا اسمعیل اگر میدر که حق رضا سچون
ترک جان ایدر حضرت واجب الوجوددن ندا کلدیکه بن ابراهیمدن استخی
و اسمعیلدن اگریم که ابراهیم قربان ایتدن قربان قبول ایدرم و اسماعیله
سؤال ایتدن هدیه ارسال ایلرم القصة ابراهیم منخیر ایکن جبرائیل یتوب
قربان یتوردیکه (قد صدقت الرؤیا) بشارت سکا که قربانک قبول اولدی
و عبادتک درجه قبول بولدی و بوکش عظیم البرکاتی اسمعیل عوضنه
قربان ایله ابراهیم نشاط تمامیه بند بلایی اسماعیلدن کوتورب اول
قربانه تیغ چالوب اسماعیله ایتدی ای فرزند عزیز چون نقد عبادتک
سکه قبول بولدی و درگاه رضای معبود جهره مبارکه مفتوح اولدی
و بوشکرانه ایله برد عالیه و بوفرستی غنیمت بیلوب بارگاه کبر یادن التماس
عفو و عطا قبل اسمعیل ایتدی الهی پیغمبر آخر زمانک امتنه رحمت
قیلکه آنلره اولان عفو و عطا همان بکادر جواب کلدیکه ای اسمعیل
حاجتک قبول اولدی و دعاریک درجه اجابت بولدی (شعر) ای خوش
اول بنده کیم عبادتله * شرف عز و اعتبار بوله * کند یسین قورتاروب
معاصیردن * غیری خلقک دخی شفیع اوله * حضرت علی بن موسی
رضادن تقلدر که ابراهیم اسمعیل عوضنه قربان ایتد کدنصکره خاطر
شریفنه خطور ایتدیکه فرزندی قربان ایتکه عزم ایتدیکه خوش
ثواب حاصل ایتدم حضرت واجب الوجوددن ندا کلدیکه ای خلیل
مجموع خلقدن زیاده کیمی سورسین ابراهیم ایتدی یارب سکا معلومدر
حضرت محمدیکه افضل کائناتدر خطاب کلدیکه محمد اولادینمی
سورسین یا کندی اولادیکیمی ابراهیم ایتدی آنک اولادینی ندا کلدیکه
ای خلیل آنک اعز اولادن کربلا ده شهید ایدرلر ابراهیم اول واقعه بی
استماعدن متألم اولد قدده ندا کلدیکه ای ابراهیم مظلوم کربلا سچون
بوبرمقدار تألمک ثوابی اوغلیکی قربان ایدیکک ثوابندن زیاده در تأمل
ایک ای اصحاب فطنت وای ارباب فراستکه شهید کربلا سچون نوحه

قیلوق نه مقدار عمل مأ جور و عبادت مأ ثور در فی الواقع مناسب کورینور
احوال شهید کر بلا وقایع ابراهیم و اسماعیل اکر ابراهیم آتش نمروده
توجه قیلوقده ملائکه دن معارنت قبول ایتدی شاه کر بلادخی مصائب
کر بلاده لشکر جن و سپاه ملکدن مساعدت استیوب دامن استغاثه
طوتمدی و اکر ابراهیم واقعه حکمیه بر او غان ذبح ایتکه اقدام ایتدی
شاه کر بلادخی واقعه مقتضای سنجه متعدد اولاد و انساین فدا قیلوب درجه
کماله ایتدی و اکر اسمعیل نقد جان صرف راه حق ایتکه موفق اولدی
شاه کر بلادخی اول مرتبه بی احسن وجهله حاصل ایدوب شهادته توفیق
بولدی ائمه اهل بیتدن منقولدر که هر دانه سرشکم شهادت کر بلا ایچون
کوزدن دو کور صدف شرفده بر کوه آبدار اولوب میزان عملدن اکثر
سببائی انکله رفع اولور و صحیفه اعمالدن اکثر سواد و خطابی اول محوقیلور
(شعر) کر بلا تشنه لرین یاد قیلوب اشک دوکن * عطش روز جزادن الم
و غم چکمز * شهدا حالن اکوب دردله یانوب یا قلن * الم شعله نیران جهنم
چکمز * شیخ سهل بن عبدالله دیمشدر که بن عاشورا کونی اشک ندامت
دو کردم و تأسف چکرد مکه دریغا واقعه کر بلاده اول شاهک ملازمته
موفق اولدم و مقدمنده سعادت و شهادت بولدم بوملا متله دیده نمنا کیم
او یقویه کتد که حضرت رسولی واقعه کوردم بیوردیکه ای سهل
حضرت ذوالجلالک عظمتی حقیچون هر قطره اشک که بنم فرزندم
مصیبتده کوزدن دو کدک اولقدر ثوابه سببدر که حسابندن کتاب دیوان
افلاک عاجزدر (و بودخی اخبار معتبره دندر که حضرت حسین روز قیامتده
عرضه عرصانه چهره خون آلودله کاوب مناجات ایدر که) رب شفعی لمن
بکی علی مصیبتی (یعنی الهی رخصت شفاعت و بر بکا آنلر ایچونکه
مصیبتده اشکبار اولمشلر و بوتعزیتده اهل بیتمه متابعت ایتشلر) (شعر)
خوش اولکه یاد قیلوب کر بلا شهید لرین * زمان زمان دو که اولوی شاهوار
سرشک * کر اولمبیدی غرض ماتم حسین شهید * ریاض دیده ده اولمازدی

جو یبار سرشک (فصل فی ابتلاء یعقوب علیه السلام) زمره ارباب بلا
و فرقه اصحاب عنانک بری یعقوب نبیدرو بری یوسف صدیقدر حضرت
امام رکن الدین علیه الرحمه ترجمه سوره یوسفده بویله تحریر ایشکه
بر کون شمسه ایوان رسالت و دیباجه دیوان نبوت متمکن مسند راحت
اولوب دریای التفاتک بر کارنده کوهر معدن وفا حضرت حسن مجتبی
و بر کارنده سروجویبار سخا حضرت حسین بن علی المرتضی قرار
طو توب کاه اول جوهرک نظاره سنده دیده یه نور و برردی و کاه بوسروک
مشاهده سندن سینه یه سروریتورردی و بوحاله مقارن جبریل ملک
جلیلدن کلوب سلامیتورردی حسن و حسیننه اشارت قیلوب ایتدی یا محمد
(اتحبهما) حضرت بیوردیکه (نعم اولادنا اکبادنا) جبرائیل ایتدی یا بی الله
محبتری منساویمیدر یا متفاوتمی حضرت ایتدی (لا فرق بینهما) بر بحر
معارف کوهر لریدرو بر فلاک مکارم اختر لریدر جبرائیل ایتدی یا رسول الله
بوشهرزاده لک بری زهر جفا ایلله فوت اولوب و برینک تیغ بیدر یغ ایلله
بغیرین چاک ایدر لر حضرت رسول ایتدی (من یفعل هذا بهما) جبرائیل
ایتدی یا رسول الله امت یوفالک حضرت رسول ایتدی آیانه جرمله مقتول
اوله لر و نه جنایتله بوجفایه استحقاق بوله لر جبریل ایتدی جرمدن مبرا
و جنایتدن معرا حضرت رسول کندیسین بو بلایه مخصوص تصور
قیلوب بوجفادن متالم اولدقده جبریل اول حضرتک تسلی خاطر ایچون
یوسف سوره سین نازل ایتدیکه نحن نقص عليك احسن القصص (شعر)
مصیبت حسن و محنت حسین شهید * دمی که اولدی غم افزای طبع پاک
رسول * تسلی لر پاک رسول ایچون حقندن * بیان قصه یعقوب و یوسف
ایتدی نزول * و منشأ ابتلاء یعقوب اولدر که اول حضرته حقندن اون
ایکی اولاد ذکور کرامت اولندی و جمله سندن سیرتده و صورتده یوسف
اکمل و اجل واقع اولدی تنکیم صریح تنزیل آندن خبر ویرر (ما هذا بشرا
ان هذا الاملاک کریم) بیت) جمال بی بدل و فتنه خواص و عوام * کل

همیشه بهار و مه همیشه تمام * عشق و محبت ملازم حسن و ملاح
اولی عادت معهود اولمغین دیده بصیرت یعقوب یوسف کمال جهان
بر غایتده واله اولدیکه باقی اولادن فراموش قیلدی اولاد یعقوب بو حالتی
مشاهده قیلدقده آتش رشک خرمن مروتلرین یاقوب وسیل حسد بنای
مودتلرین ییاقوب یوسف دفع و رفعنه همت طوتدیلر وقاعدہ مراعات
ابوت و اخوتی اوتدیلر (شعر) هو اتندبادی بنالریقر * حسد آتشی خانانلر
یاقر * همیشه مقدمات مکر ترتیب ایدوب انتظار فرصت چکرلردی
اول زمانه دکه یوسف واقعه سنده مهر و ماه و ستاره بی کندیسنه ساجد
کوردی و یعقوب بدن آنک تعبیرینی صورتی و آنک بومبها تندن حسد
اخوان زیاده اولوب بر مو سکه یوسف کل کلزار مصرک سلطانی
اولشیدی و دشنه سیلاب کف مخضوب خواتین مصرکی اعضای لاله
زاری پاره پاره قیلشیدی اولادی اتفاقله یعقوب بک خدمتیه کلوب ایتدیلر
ای آسمان نجوم سعادت وای معدن جواهر قنوت ابکار ریاحین
پردہ خفادن چیقوب عالم افروز اولدی * و مشاطه نو بهار جمله جهانی
حلیه اظهار ایلله مزین قیلدی و صریر صدای سیلاب (انظر و الی آثار
رحمة الله) دیوسکان بیت الاحزانہ صلاهی سیر صحرا ویرر و زبان سبره
نوخیز (انما الحیوة الدنیا لهو و لعب) دیو ابناء زمانه مرده تماشا ی بیابان
یتورر (شعر) چیقدی یشل پرده دن عرض ایلدی دیدار کل * سلدی
مرأت ضمیر پا کدن ژنکار کل * صان زلیخا خلوتیدر غنچه در بسته کیم *
چیقدی آندن دامن چا کیله یوسف وار کل * نوله که بو موسمه
یوسفه رخصت ویره سنکه بر نیجه دم لاله زار سیرنده کل کی کوکلی
آچله و سبره نظاره سی ترکس شهلا سین منور و بنفشه عطاری دماغ
لطیفن معطر قیلله یعقوب ایتدی ای عزیزلر یوسف ناز پرورده مسند
راحتدر زرد جفا سینه تحمل ایتمز و طفل نازک طبیعتدر سباع و ذیابه مقابل
اولسه مقاومته قدرتی بتمز اولاد ایتدیلر ای پدر بزرگوار یوسف

بزم حصن حایتمزده و حرز حراستمزده اولسه جمله سباعه نه مجال * یا اثر
حیله ذیابه نه احتمال (القصة انواع الخاح ایلله یعقوب یوسفک فراقنه رضا
ویروب اندام لطیفن ملون جامه لاله مزین قیلوب اولادنه همراه ایدوب
سپارش ایتدیکه خارج دروازه کنعانده شجره الوداع آلتنده بن کلنجه
توقف ایدک آندن کیدک آنلر شهر دن چیقوب شجره الوداعه یتد کدن
صکره یعقوب دخی متعاقبا کلوب یوسفی اختیار سز باغرینه باصوب یوزین
یوزینه سوروب ایتدی ای اولاد اجماد بنی یوسف محبتنده معذور طوتک
که اختیار لاله دکل (شعر) لذت شوق جالی دمدم افزون اولور * عارضین
کوردیکه کوز و کولم بتر مفتون اولور * یوسفه ایتدی ای جکر کوشم
حقا که اگر قدرتم اولدی سندن ایرلازدم امانیدیم ضعیف عالم ای
فرزند لبند جهد قیل که بو کیجه معاودت قیله سین (یابی لوبقیت اللیل
لا حرقت) پس یوسفه آغاز نصیحت ایتدیکه ای قره العین (اللیله حبلی)
معلوم دکل که یارن آینه روز کار نه صورت کوستر و بو بوستان عالمده
نهال حکمت نه ثمر ویرر (شعر) بو بحر نیل کون بیک موج هر ساعت عیان
ایلر * اولوالابصاره بر رکشف اسرار نهان ایلر * حالاسکادرت نصیحتم
وار (یابی لاتنسی الله) یعنی معبود کی اونمه (اذا وقعت فی بلیة فاستعن
بالله) یعنی اگر بلایه دوشرایسک معبود کدن معاونت استه (واکثر من قول
حسبی الله و نعم الوکیل) یعنی بو کلمه بی چوق ذکر ایت (لاتنسانی فانی
لا انساک) یعنی بی فراموش ایلله کدن دخی سنی فراموش ایتزم (روایتدر که
یوسفک دنیانام بر همشیره سی اولوب اول متوجه صحرا اولدیغی زمانده
او یقوده ایدی واقعه سنده کوردیکه بر نیجه کرک خونخواره یوسف کرتار
اولدی اضطرابله بیدار اولوب یوسفی تفحص ایتدکه دیدیلر متوجه
صحرا اولدی فریاد و فغان ایلله شهر دن چیققدقه کوردیکه یوسف یعقوبله
وداع ایتدکه دریا غنه دوشوب تضرع قیلدیکه ای عزیز پریشان واقعه
کورمشم بوسفر عزیمتن فسخ ایت و اگر توجیه لازم ایهه بکامل ازمنکه

اولمهر خست ویر که مفارقت طاقم بوقدر (شعر) شب وداع سحرگاه
 روز هجر اندر * اساس بنیه فریاد آه و افغان در (القصة اقتضای حکم
 قضا فسخ عزیمت رضا و یرمیوب یوسف والد بزرگوار و همشیره وفادار له
 وداع ایدوب اخوان جفا کار له روانه اولدقده یعقوب عم رویله ایتدی
 سن اکبر اولادم سین یوسفی سکا طایشوردم سندن استرم غالباً یوسف و سندن که
 دیمدی الله طایشوردم بونجه فراقه سزاوار اولدی و بونجه بلال له
 استحقاق و استعداد بولدی (شعر) هیچ مقصوده دسترس اولماز * غیر
 معبوده اعتماد قیلان * واصل منزل مراد اولماز * اونودوب آنی غیری
 یاد قیلان * و بر مشرب به شیر و شکر رویله تسلیم ایتدی که یوسفک طبع
 نازکنده تاب حرارت طاق بوقدر تشنه اولدقده بومشر به دن حرارت نه
 تسکین و یره سزمز یاده توقف ایتدیوب یوسفی بکایتوره سز که سز کلنجه
 بن منزله کترم (القصة آلر روان اولوب و یعقوب اثرلینه نکران قالوب
 هر لحظه بیک آه جگر سوز چکردی و هر دم بیک قطره سرشک لاله کون
 دو کردی (شعر) کندی اول سرو که کام دل دیوانه ایدی * مرغ جان
 نور رخ شمعنه پروانه ایدی * قالدی هجرنده کوکل مضطرب و سرگردان
 * ای خوش اولدمکه اکاه همدم و هم خانه ایدی * یعقوبک عرصه
 مشاهده سنده اولد قیه یوسفی قرن داشتلی مکرّم و محترم طوتوب گاه
 کوکسلرینه آلوب و گاه باشلری اوزرینه کوتوروب یوررلردی (شعر) کی
 کوکسند ایلردی مقامن * کی باشد مقام احترام * کی ایلردی
 کرد دامن پاک * یولندن رفع ایلردی خار و خاشاک * کی تکرار ایدوب
 گفتار شیرین * و یرردی نازنین طبعینه تسکین * کروه حیلله انکیز
 و جفا جو * کمال مکرله یعقوبه قارشو * قیلوب اظهار آثار تلافی *
 قیلورلردی قو تعظیم یوسف * چون امتداد بعد مسانه یعقوبله اولاد
 آراسنده حائل اولدی ورشته مد شعاع بصر یعقوب تیغ اشکله انقطاع
 بولدی اول بیوفال قوه لرنده اولان کینلرین فعله کتوردیلر و پرده مواسات

و مدارایی آرادن کوتوردیلر و یوسفی که افسر فرق رفعت و کوهر تاج
 سعادت لری ایدی عمامه مانم کی باشلندن خاك مذاته بر اقدیلر و کوردیکی
 واقعه دن تعرض ایلله ایتدیله که ای صاحب رؤیای کاذبه مسجود لری
 اولد یغک مهر و ماهه استغاثه قیل سکا اعانت ایتسونلر و واقعه کده
 کوردیکک ستاره لردن توقع ایتکه هبوط احتراق بالکه مساعد اولسونلر
 (القصة یوسف اوج تعظیم دن حسیض تخفیفه دوشوب هر کیمه که
 توجه ایتدیه تعرض اشدی و هر جانه که مائل اولدی آزار بولدی ظلم
 الیه عمامه سین باشندن آلوب و نعلینن آیاغندن صالوب سنبل کبسولرین
 پریشان ایتدیله و خار و خاشاک اوزره آنی پاره نه یورتدیله (نظم) کف پاین
 جراحت قیلدی پر خون * سمن بر کین خوناب ایتدی کلکون * غبار آلوده
 اولدی ماه روی * پریشان جعد موی مشک بویی * کیمه کیم دردینی ایلدی
 اظهار * اکالته آندن ایتدی آزار * کیمک کیم دامنبنی طوتدی اول پاک *
 کربانی قیلدی کل کی چاک * کیمک کیم آیاغنه دوشدی اول نور *
 باشندن قیلدی رأفت سایه سین دور * اول وقتده ککه درجه آفتاب ارتفاع
 بولدی و هواسینه سوزان یعقوب کی عالم سوز اولدی آتش عطش جگر
 یوسفه حرارت بر اقدی و لهب شدت تعطش خرمن صبر و قرارین یاقدی
 (شعر) پر مرده قیلدی سرو خرامانی قط آب * کلبر که دوشدی تاب
 حرارت دن اضطراب * یوسف غایت اضطرار بندن رویله ایتدی ای برادر
 بن سنک حیطة حاجت کده و حرز حر استکدیم بنم حالمه رحم ایلله و فریادمه
 یت آندن التفات بولیوب شمعونه ایتدی ای برادر تیغ طغیان عطش رشته
 حیاطم قطعنده درنوله بر قطره صوایله ناره اضطرار همه تسکین و یرسک و والد
 بزرگوارم همراه ایدن مشرب به دن جان سوزانغراحت یتورسک شمعون
 یمروت اول مشرب به بی طیرانغ دو کوب اکا و یرمدی و اول شیر و شکری
 تیره طیرانغ روا کوردی کالایق کورمدی تکیم دشت کر بلاده بعض
 بدبختلر زلال فرات جمیع مخلوقانه مباح ایکن آل مصطفیان قطع ایتدیله

و طریق هدایت ظاهر ایکن راه ضالقی طوئیلر (نظم) روز رزم کر بلاراه
خطا طوئیش فرات * قیلامش آل محمد در دینک درمائی * اول سبیل دندر
بو کیم عذریله طوئیش متصل * ایلوب فریاد خاککه کر بلادامائی * القصه
شمعون ایتدی ای یوسف قرداشلر کدن توقع ایتدی بکک قطره آب دشنه تیغ
ایدارد رو طمع ایلدی بکک التفات نولک خنجر خونخوار در یوسف که وعید
هلاک ایتدی مخافت قتلندن اکل و شر بی فراموش ایتدی (شعر)
چونومید اولدی افغان ایتدی یوسف * دراشکینی غلطان ایتدی
یوسف * جکر قابیله مژگان ایدوب غم * غم مژگانله درد دی دمادم * که ای
سبیل سرشک تندر فتار * چومانع بوق سکا لطف ایله زنه ار * یوری بعقوبه
حالدن خبر ویر * غم بی اعتدالمدن خبر ویر * خبر ویر سوبیله ای پیر بلاکش
* قیلوب در یوسفی کردون مشوش * او اوبدر خالک ذلت خاکساری * نه
همرازی نه غمخواری نه یاری * آیا کر یعقوب پریشان روز کار یوسف
نجسته خصالی اول ذلله کور سیدی نولور دی حالی واکر حضرت
مصطفی کر بلاد حسیبک احوالده مشاهده قیلیدی نه غایته یتردی
محنت و ملالی (شعر) تحقیق محنت و غم آل عبا ایچون * صحرای کر بلایه
کذرایله یانی * حال حسینه خالک مذلتده قبل نظر * اندیشه غریب دیار ایله
یانی (القصه) یوسف جله دن نومید او اوب روی تضرعی درگاه حاجاته
وقبه مناجاته طوئوب ایتدی الهی شکیم نار غم و ددن خلیله نجات ویردک
و طوفان اضطرابندن نوحه مدد یتردک بکا بوق حادثه دن امان ویر
یوسفک نسیم مناجاتی یهودانک روضه ضمیرنده کل رقت آچوب یوسفه
ایتدی ای برادر توهم ایتمکه بنم بقای حیاتمدن اثر اولدقه سکا فنا یتمز
و صرصر آفت حصن حیاتده ایکن کلشن احوالکه کذار ایتمز ساثر اخوان
یهودانک ظل حیاتین یوسفک اوزرنده ممدود کوروب قتلندن تبحر اوزایدوب
برغیری تدبیر ایتدی (واجعوا ان یحعلوه فی غیابت الحب) اتفاق
کنعاندن اوج میل مقداری یرده بر چاه بعید الغور و ارایدی مهجور

یوسفی اول چاه اوزرینه ایتوب بر اقق تدارکنده اولدقه یوسف اول
واقعده هولندن اضطرابه دوشوب اخوان یوسفالک اللربن او پوب آیتلرینه
یوز سوروب استغاثه قیلوردی اما فائده قیلردی و هیچ برینک دل سختی آنک
مرور سبیل سرشکندن نرم اولمازدی (نظم) درد اکه دارد هرده بر یارقالمدی
* شرح غم دل ایتکه غمخوار قالمدی * طی قیلدی جور ووردی مروت
بساطنی * مطلق بساط دهرده یارقالمادی * یوسف کوردیکه امید نجات
یوق تضرع ایتدی که ای عز یزلمهلت یرک که ایکی رکعت نمازه قیام ایدم
دیدیلر سن نمازی نه بیلور سین یوسف ایتدی اگر چه طفلم اما پدر بزرگوارمله
محراب عبادته چاق توجه ایدوب عارت ایتدکین مالوفم اولمشدر (القصه)
اجازت آلوب نمازه مشغول اولدقه مناجات ایتدی که یارب زمام مهام سنک
قبضه اقتدار کده در سندن حمایت استرم دیومنا جاتندن فارغ اولدقه
اول یوسفالک اطاله دست تغلب قیلوب بدن مبارکندن پیراهنن چیقار مق
استدکارنده یوسف ایتدی ای پیر و تکرزنده یه ستر عورت و مرده یه کفن
لوازمند نرنوله کر پیراهنمه تعرض اولیه سر دینجه دیدیلر که خون آلود
ایدوب حضرت یعقوبه کوستر مک مصلحتی ایچون پیراهن بزه لازمدر تضرع
فائده ایتوب بدن لطیفن غنچه وار پیراهندن معرا قیلدی لرو موی میانه
رشته رسی پیوند ایدوب تیره چاهه ایتدی در دیلر (مثنوی) تنی پیرهندن
قیلدی لر عور * کلن یرک سمندن صالیدیلر دور * رسنلر ایلوب اعضا سینه بند *
درون یاقدی لر قندیلر مانند * مقید اولوب فریاد و آهه * آتی ایندی ر دیلر
اول تیره چاهه * شعاع نور روی و برق آهی * منور ایلدی اول تیره
چاهی * اما هنوز نصف راه قعر چاه قطع اولدن اول زسنی سلسله
محبتری کی قطع ایتدی لر و اول بیچار بی تنها براغوب اول چاهک اوزرینه
خاروخاشاک یغوب اوزرندن کتدی لر روایتدر که یوسف غیردن قطع امید
ایدوب کندیسین واجب الوجوده تسلیم ایدوب غایت دهشتدن
یهوش اولدقه حضرت عزتدن جبرائیل حکم اولدیکه یاجبرائیل

ادرك عبدی فی الحال جبرائیل یوسفی کوتورب قعر چاهه یتوردی و حلال
 بهشتدن ستر بدن و یروب پروبالن صحت ایچون جراحتلرینه سوروب
 و سرمبارکن خالک مذلتدن کوتورب صورت احوالنه حیران قالدی ندا
 کلدیکه ای جبرائیل یوسفک برنجیه کون مو انستن اختیار ایتکه غریبدر
 بیدار اولدقده اکابنم سلام یتور و مرده نجات و بر جبرائیل ایتدی
 الهی اجازت ویرکه کشیدی اکا یعقوب صور ننده کو ستر مکه غایتده
 مشتاقدر یوسف اول خواب دهشتدن بیدار و اول سکر محندن هشیار
 اولدقده جبریل یعقوب صانوب فریاده کلدیکه یا ابتاه کوردکی که اخوان
 بیوفا بکانه جفال قیلدیلرونه عقوبتلرا نی بوزندان بلایه صالدیلر جبرائیل
 اول اضطرابه طاقت کتور میوب ایتدی ای یوسف بن یعقوب دکلم
 جبرائیل امین و رسول رب العالمین حضرت حق سکاسلاملر یتور و فراق
 والدک خصوص نده تعزیت و پررو حکم ایدر که بلایه تحمل قیله سین
 و صبرایله نجان امیدوار اوله سین (شعر) صبر قیل صبرله مقصودنه صبر
 اهلی یتور * صبر ایدن صبرله سر رشته مقصود طورتور * راویتدر که یعقوب
 اولادیله و داع ایتدیکی منزلدن متحرک اولیوب اول مسافر لک مراجعتنه
 انتظار چکردی و لحظه لحظه یاد رخسار یوسف ایدوب آه حسرت
 چکوب دیده دن اشک ندامت دو کردی اول زمانه ذککه یوسف
 خورشید رسن شعاعله چاه مغربه نزول ایتدی و غبار کدورت ظلمت
 دود دل یعقوب کی صفحه روز کاری طوتدی قطعاً مسافر لردن اثر پیدا
 اولیوب یعقوبک اضطرابی زیاده اولوب دیردی (شعر) برخبرویرای صبا
 سرور و انم قنده در * جائک آرامی یوق آرام جانم قنده در * نبلدک نیک فلک
 خورشید عالم نامی * اول رخ فرخنده ماه مهر بام قنده در * دمبدم تخیل
 ایدر دیکه آیالوج املدن اختر مرادم طلوعنک تا خیرنه سبب واقع اولدی
 اوله آسمان دعادن آیت رحمت نزولنده مانع اولدی اوله (شعر) بنی دور
 ایتدک ای دور فلک بر ماه سیمادن * که ذوق و صلیدر یکرک بکادنی و عقبادن

شب تاریکدن ای کردون قیاس ایتکل آنک حالن * که دوشمشدر جدا
 بر آفتاب عالم آرادن * یعقوب تمام کیجه بوسرورایله مترنم ایدی اول وقتنه
 دککه یعقوب سفید موی صبح صادق یوسف خورشید اشنیا قندن آه
 سرد چکدی و پیر کردون خم قامت اول آه سرددن رقت کلوب ستاره
 سر شکن دوکدی یعقوب ادای نماز صبح ایدوب اول کون دخی منزله
 مراجعت قیلیوب شجرة الوداع آلتنده سایه وار یردن یره متردد اولوب
 اول شمع شبستان سعادتک انتظار یله نوحه قیلدی اما اخوان یوسف اول
 امر قیجه ارتکاب ایتدکدن صکره اول کیجه مراجعت مبرر اولیوب
 صحرا ده قالب او یقویه یا تدیلر نصف الایده یهودا سائر اخوانندن
 مخفی چاه اوزرینه کلوب ندا قیلدیکه (یا خنی اخی انت ام سیت) یوسف
 ایتدی ایاسن کیمسنکه غریبلر حالن استفسار ایدرسین دیدی بن یهودایم
 ای برادر ندر حالک یوسف ایتدی ای عزیزنوله حالی آنک کیم غریبلردن
 جفا کورد کده معاونتن استدیکی قومدن جفا کوروب آتش فراق
 پدر و نائرة جفای برادر دن خرمن حیاته حرقت فنايته و خدمت
 ایچون دامن طونان طائفه بیداد ایچون کر بیان طوته (شعر) غریب ملک
 عشقم غیراشک و آه و درد و غم * نه بر مشفق نه بر مونس نه بر یار و نه بر همدم
 یهودا ایتدی ای برادر کیفیت حالک معلومدر و وصیتک و ارایسه بیان
 ایت یوسف ایتدی و صیتم بودر که والد بزرگوارم حضورنده مجلس
 جمعیتکرا انعقاد بولدقده بنم پریشانغمی فراموش ایتیه سز و جهد
 ایدوب اول پیر ضعیفک کو کلن یایوب خاطرین یقمیه سز الله الله
 نه مناسبدر بو وصیت اکا که حضرت سلطان کر بلا امام زین العابدینه
 وصیت قیلدیکه ای فرزند دلبد بنم سلامی صلحای امته یتور و التماس
 ایت که هر وقتده بر مظلوم و بر غریب مشاهده قیلدقچه بنم غریب لکیم
 و مظلوم لغم یاد ایدر (شعر) ای قیلنلر آرزوی آب کوژده مبدم * تشنه
 دنیادن کیدن آل رسولی یاد ایدک * ماجرای کر بلا ذکرین قیلک شام و سحر

طبع کز اول ذکر رقت بخشله معتاد ایدک * روایت در که یهودا هنوز
 مرا جعت قیلدن برادرلی خبردار اولوب عقبنجه کلوب کوردیلر کریان
 سبب کریه نه در دیدیلر ایتدی بو غریب ایچون اغلرم برادرلر آنی ملامت
 ایدوب و سرچاهی محکم ایدوب متوجه کنعان اولدیلر و یوسفک پیراهنن
 برک ایدوب کل کی خونین ایدوب سباعه الدردق دیمکه اتفاق ایتدیلر شجره
 الوداع قریب اولدقدہ یعقوبه ملازم اولان نیانام دختر بلند اختر کوردیکه
 اولاد یعقوب کلورلر اما یوسف آرالنده یوقدر اعضا سنه لرزه دوشوب
 مضطرب اولدقدہ یعقوب ایتدی ای ضعیفه بونه رعشه در اول معصومه
 ایتدی ای پدر بزرگوار اولدکله کلور اما یوسف آرالنده یوقدر بایزمنه حکمتدر
 (بیت) کلر آچلدی کورغز اول کل خندان چه سود * چیقیدیلر سیاره لر
 چیقیرمه تابان چد سود * بو حاله مقارن اولاد یعقوب ییلدیلر که هنوز یعقوب
 شجره الوداع آلتنده در حبله ایله کریه نلرین چالک و مکرله دیدهلرین غمناک
 ایدوب (واخواه و ابوسفاه) دیوب نوحه یه باشلدیلر نیا صورت حاللرندن
 مضطرب مطلع اولوب یعقوبه خبر و رد کده حضرت یعقوب بیهوش اولوب
 دوشد کده نیافر یاد ایتدیکه ای عزیزلر یعقوب الدن کتدی مدد قیلاک اولاد
 یعقوب اول پیرمظلومک اوزرینه جمع اولوب یهودا ایتدی ای جاهلار بونه
 فکر خطا و اندیشه ناصواب ایدیکه قیله دیکر حقا که بوتدیلر نتیجه سی
 دنیاده ملامت و آخرتده خجالتدر (القصه یعقوب نامرادی بیهوش ایکن
 اول خاک مذلتدن کوتوردیلر و کدی محنت خانه سنه یتوردیلر برمدند نصکره
 یعقوب دیدنه غمناکن آچوب یوسفی استفسار ایتد کده اول جفا جولر رشته
 تزویره تاب و یروب یوسفک پیراهن خون آلودن آرایه کتوردیلر و سباع و ذیابه
 نهمت براغوب ناله و افغانلرین افلا که یتوردیلر یعقوب اول خبردن ینه
 بیهوش اولوب برمدند نصکره ایتدی (این انا) دیدیلر کدی منزل کرامتکده
 و مقر سعادتکده سن یعقوب ایتدی حاشا چون یوسفم یوقدر منزل تعزیتدر
 و مقام مقام ندا متدر (شعر) نیدرم جان وجهانی بکادار کک * نه در

جان و جهان عاشقه دیدار کک (القصه یعقوب حزین لباس ماتم
 کبوب و بنای بیت الاحزان قیلوب ناله و افغانی برغایته یتوردیکه
 ملائکه آسمان متضرع اولوب مناجات ایتدیلر که یارب یوسفی یعقوبه
 واصل ایت بایزه رخصت و یر که بر یوزینه اینوب اکا موافقت قبله لم
 جبرائیل ایتدی یا یعقوب (ایکیت بیکاک الملائکه) یعقوب ایتدی
 ای جبرائیل (شعر) بستفدام غم هجران یارب نیلیم * عیب قیلاک کریه می
 بی اختیارم نیلیم * یعقوبک آب چشم اشکباری بر مرتبه رخصت
 جریان بوا دیکه سواد مردم چشمن بیاض دیده دن محوقیلدی نیکم صحیح
 تنزیل آدن خبر و یر که (وایضت عیناه من الحزن) نقلدر که حضرت
 امام زین العابدین واقعه کر بلاد نصکره همیشه کریان ایدی التماس
 ایتدیلر که یا امام کثرت بکایه اقدام ایتد صبرایت اول حضرت پیوردیکه
 ای عزیزلر بی معذور طوتک (شعر) راوغلندن جداد و شمشدی یعقوب *
 هجوم کریه چشمن قلدی بی نور * عجمی کریه قیاسم بنکه دوشدم *
 نیجه یوسف کی معصومدن دور * حضرت یعقوب پیغمبر مرسلدر
 اون ایکی اوغلندن بری غائب اولدی و غائبک دخی وصالته رجاحاصل
 ایکن اولقدر اغلادیکه نقطه سواد دیده سن تیغ سیل سرشک حک قیلدی
 والد بزرگوارم و اعمام عالمقدارم و اخوان بلند اقتدارم حضور مده
 شهادت بولدیلر و بی امید عالم بقایه توجه قیلدیلر که به قیاسم عجمیدر
 (شعر) بنم حالم نه بیلسون اولمین محنت کرفتاری * بلا آزرده سی غربت
 پریشانی غم افکاری * روایتدر که اولاد یعقوب یوسفی براغوب
 کتد کد نصکره هر زمان معاودت قیابوب احوالنجسس ایدرلردی برکون
 مالک نام بر تاجرک کذاری اول چاه اوزرینه دوشوب یوسفی چیقاردقدہ
 اولاد یعقوب خبردار اولوب اوزرینه واروب یوزم قولیمز درد یو آئی مالک
 صاندیلر سپارش قیلدیلر که بوینده کریزی پادربندوز نجیر سر قومک و عبد
 عاصیدر استیفای اکل و شر بله طغیان و یرمک یوسف صدیق آنلرک کلانی

استماع ایتدی که تصدیق و یروب صبرایدردی اما بند وزنجیره کلد کده
توقفسن فغانه کلدی مالک ایتدی ای غلام بنده کر بز پایه بندوزنجیر
لازمدرنه فغان ایدرسین یوسف ایتدی ای مالک بن بندوزنجیردن آغلم
اما اولکون یادمه کلدیکه حضرت سلطان بارگاه کبریا مالک دوزخه
حکم ایده که طاعتدن متمرده اوئلری سلاسل واغلاله چک آیا بکا
بوجقلاری روا کورنلرک اولکون حالی نه اووردیو آغلم مالک بو خبردن
متأثر اولوب ایتدی ای غلام کلماتکده اثر درد وار بو بند بلایه مستحق دکلسن
اما خواجه لک خاطری ایچون بر دم مقید اولدیغکده نصکره سنی اطلاق
اید رم چون اولاد یعقوب یوسفی مقید ایتدی یروب مالککه تسلیم ایدوب
کتدی یروب یوسف مالککه تضرع ایتدی که ای مالک اطفایت بنی بردخی
خواجه لرم دیدارنه مشرف قبل مالک ایتدی ای فقیر بونجه جفاد نصکره
بونه محبتدر که سنی آنلره مشتاق ایدر یوسف ایتدی ای مالک بونلر بنم
مخد و ملر مدر بونلردن نفرت کوردیکه القیم زیاده اولور مالک تعجب
ایدوب آواز یتوردیکه ای اشرف کنعان تعجیل ایتک که بو بنده بردخی
دیدار کزله مشرف اولمق استرا اولادی یعقوب توقف ایدوب یوسف زنجیرن
سورویهرک آنلره ملحق اولدی و ایتدی ای عز یزله هر جفا که قیلدیگر سز
حلال ایتدم بوشر طله که پدر بزرگوارمک هر کز عایتده اهمال ایتیه سز
یهودا کریان اولوب ایتدی ای یوسف حالا بر مصیبتدرواقع اولدی مردانه
اولوب جهدا ایتکه خاندان نبوته سیلاب جزعدن خلل یتورمیه سین
(شعر) مردانه کرک بلاده عاشق * عشاقه جزع دکل موافق *
بی صبر دکل مراده قابل * صبر یله اولور مراد حاصل (القصد یوسفی
ناقه به بند یروب بر غلام زشت روی و تند خوی اکا موکل ایتدی یروب ووجه
دار الملک مصر اولوب محمل عزیمت یورتدی یروب یوسف بیچاره هر مرحله ده
جرس وار افغان قیلوب وهر منزله متخیره بی زبان قالوب انواع کدورتله
کیدرکن یولده مقابر آل اسحاقه کذاری دوشوب والیده سی مزارین

کوروب اختیار سز ناقه دن کندیسین براغوب اول قبری قوجا قلیوب
فر یاد ایتدی که (یا امامه) ملا حظله قیلکه بنده کی بیع اولوب و سار قلمر کی
زنجیره چکلوب نه عقوبتله گرفتار اولشم قیردن آواز کلدیکه (یا ولاده
یا قره عیناه فاصبر ان الله مع الصابرين) صبح اولد قده یوسفه موکل اولان
غلام یوسفی ناقه اوزرنده کورمبوب تجسس ایدرکن کوردیکه بر قبر
اوزرنده او تورب نوحه ایدر بی محابا طبانجه ایله رخسار لطیفن مجروح
ایدوب ایتدی ای بنده عاصی خواجه لک سنک خصوصه کده صادق
اولد قلمری معلوم اولدی یوسف هیچ جواب ویرمدی اما درده برآه سرد
چکدیکه مالک و ملاکونه غلغله دوشوب فی الحال ابر بهار کی رعد و برق
پیدا اولوب بر طوفان قوی پدیکه اهل قافله متوهم اولوب دیدیلر بو علامت
قیامتد ریو سفک موکلای اولان غلام ایتدی ای عز یزله بن بو غلامه
بر طبانجه اوردیم بو غلام بر تضرع ایتدی بو علامت ظاهر اولدی مالک
ایتدی ای غلام سبب طبانجه نه ایدی غلام ایتدی ناقه دن دوشوب
فرار ایتک تدارکنده ایدی مالک ایتدی زنجیر ایله فرار ایتک او لماز
یوسفی حاضر ایدوب نیچون ناقه دن دوشدک یوسف ایتدی والیده مشفق
قبرین کوروب زیارتنه توجه ایتدم بو ظالم بنی بی کناه انجندی بن هم برآه
چکدمکه جهانی تاریک ایتدی (شعر) دود دلدن چهره خورشیده
کرچکسم نقاب * تاقیامت اهل دنیا به کورنر آفتاب * اهل قافله یوسفه
نظر اعتبار ایله باقوب التماس ایتدی یروب که ای جوان عالیشان بو کدورتی آینه
روزگاردن کوتور فی الحال یوسف آسمانه باقوب لب جوهر فشانن دعا به
متحرک ایتد کده هوادن کدورت کیدوب صفایه مبدل اولدی مالک یوسفک
بندوزنجیرن کوتوروب فاخر لباسلرله ملبس ایدوب مکرم و محترم قیلدی
ای عز یز یوسف مزار مادرن کوروب فغان ایتد کده بویله مؤثر اولدی
معلومدر که مخدرات حجه رسالت و سر پرده نبوت و ایتام اصلا بولایت
دشت کر بلا دهنسز باشلری و اشسز بدنلری کوروب نوحه قیلد قلمرنده

نه اترور روایت در که عز یز مصر یوسفی مالکدن آلوب زلیخا ک خدمت
اکامقرر قبلد قد و زلیخا آنک دام مجبند گرفتار اولد قد چون عشق زلیخا
آلوده عجز ایدی تاب ملامت کتوره بوب کند یسنه راحت و معشوقه
مخت روا کوردی و دامن پاکنه چاک تهت براغوب بند و زندانه
اکا از اترور دی (شعر) عالم عشق ایچره اولد عادت معهود
کیم * عاشق اهل درد اولوب معشوق اولان بیدرد اوله * هیچ عاشق
خاطر معشوقه آزار استم * مرد اولان معشوقه جور ایتمز مکر نامرد
اوله * بر کون زلیخا حکم ایله بکه یوسفی بر زلیخا ایله نایقه بند یروب مصرک
مخله لرنده کر دیروب ند ایدله که ولی نعمتی حرمی سر اینده خیانت قبله نک
جزاسی بودر بو خبر شایع اولد قد مصرک درو دیواری نظاره اهلندن
صخایف تصور اولدی زیر مشاهده جمال یوسف اهل مصری غایت
حیرتدن صورت دیوار قبلدی بو طریقه سیر ایدر کن زلیخا کسوت مجهول
یوسفک گذرگاهنه کدی که حالن کوروب گمانی استماع اید بو حالده یوسف
مناجات ایتدی که الهی بیگناه من واقع حاله واقف سین (شعر) بزرگوار
خدایا اسیر و خیراتم * شکسته حال و دل آزده و پریشاتم * مقیم گوشه
غم مبتلای دامالم * اسیر در دو گرفتار بند و زندانم * جبرائیل حضرت
جلیلدن کلوب ایتدی ای یوسف بند و زندانم الم چکمه کیم سنک ریزه
حبس معاندنه مضایقه چکمه لعل آبدار اولوب زیور افسر سلاطین
اولماز و قطره آب نیکنای صد فده محبوس اولسه در شاهوار اولوب محبوب
وصالنه دسترس بولماز ای یوسف زلیخا گذرگاهکده طوروب مترصد
استماع کلامکدر حکمدر که جزاع قلیله سین و کثرت المدن منشیکی
اولیه سنکه زلیخا غم لکدن خوشنود اولیه و سنک ملا لکدن سرور بولیه
روایت در که یوسف زلیخا به بند کده منادی لساننه بو جاری اولدی
(هزا غلام من که مان وال عز یز علیه غضبان) جبرائیل ایتدی ای یوسف
منادیه جواب دیر که (هذا خیر من غضب الرحمن و معصية الديان

و دخول النیران و سیر ایل القطران) یوسف بواد ایله متکلم اولد قد
جبرائیل اول صدای زلیخا به ایر شدردی و زلیخا منفعول اولوب کندی منزله
مراجعت قیلوب حارس زندانه ارسال پیام قیلدی که من بعد بو غلامه جفا
روا کورم بوب بند و زلیخا ین کوتوروب حسن عایتند تقصیر ایتیه سین
(القصه یوسف یدی پیل مقیم گوشه زندان اولدی اما اول مرتبه افغان
ایدردی که اهل زندان دیرلردی ای عزیز کوندز ناله ایدر سین باری کیچه
تحمل ایتکه بزه راحت مبر اوله زلیخا بو حاله مطلع اولد قد بهروردی که
زنداندن شارع عامه بر در یچه آچه اوله که صادر و وارد و نظاره سندن
یوسفک دل بیقرارنه برقرار کله اتفاقا اول در یچه جانب کنعانه
آجلدی هر کیچه که صلابت هندوی ظلمت شب اول گذرگاهدن خلقت
تردن قطع ایدردی یوسف اول در یجی مفتوح ایدوب جانب کنعاندن
متحرک اولان نسیمی مخاطب ایدوب یعقوبک احوالن استخبار ایدوب
اکا پیغاملر ارسال ایدردی (شعر) برخبر ویرای صبا اول ماهتاباندن بکا
* کیم غمی عشقنده یوزنم یتدی دور آندن بکا * اولمه غافل تکریم چون دایم
تردد ایلوب * که یتور بندن اکا پیغام که آندن بکا * بر کون براعرابی شتر
سوار شهردن متوجه صحرا ایکن نایقه آنی براغوب بی اختیار یوسفک
زندانه مقابل کلوب لسان حاله یوسفه سلام و یروب ایتدی ای پسندیده
ملک جلیل وای شکوفه گلزار بنی اسرائیل کنعاندن مصره کلدن وحالا
مصردن کنعانه کیدرم یعقوبه پیغامک واری یوسفکه کنعان ذکرین
و یعقوب آدن استماع ایتد کده فغانی آسمانه یتدی (بیت) صبا لطف ایتدک
اهل درده درماندن خبر و بردی * تنی بیجانه جانندن جانه جاناندن خبر
و یردک * بو حاله مقارن اعرابی اضطراب ایله کلوب نایقه به تاز یانه اورمق
صد دنده ایکن زمینه حکم اولدی که اعرابی بی حبس اید اعرابی مقید
اولد قد یوسف ندا یتوردی که یا خاالعرب نه جانندن کلور سین اعرابی
ایتدی کنعاندن کلورم یوسف ایتدی کنعانک قنغی ناحیه سندن

اولورسین اعرابی ایتدی منزل کاهم چشمه ساربنی اسرائیل و مرغزار
آل یعقوبد ریوسف ایتدی ای برادر اول بادیه ده هیچ بر درخت بارور
کوردمیکه اون یکی بداغی اولوب برین صرصر آفت قوپاروب برمدندر که
اصل درخت آرزوی فرعله پزمرده و بیخ درخت اشتیاق شاخسار له
افسرده در اعرابی ایتدی بونکته احوال یعقوبدن کنایه دراون یکی
اوغلندن برین یتوروب حالا برمدندر که یوللر اوزرند بر محنت خانه بنما
قیلوب اسمین بیت الاحزان قویوب آنده ساکن اولوب آینده ورونده دن
خبر ضرور اما اثر بولماز (شعر) هیچ کیم یارب اسیر دام هجران اولسون *
منزلی یعقوبه نسبت بیت الاحزان اولسون * عاشقک بردم مراد نیجه
مدار ایتمز فلک * نیجه هر دم کلسون فریاده کریان اولسون * یوسفک
دردی بو خبردن زیاده اولوب ایتدی ای اعرابی حالا عزیزیمک نه جانبه در
اعرابی ایتدی بادیه حجازه عزیم ایتشم که آندن متاع مناسب آلوب
کنعانه مراجعت قیلام یوسف ایتدی بو تجارتده نمقدار فائده متصور در
اعرابی ایتدی یوز درهم یوسف ایتدی سکار یاقوت ویرهیمکه قیمتی یکر می
بیک در همدن زیاده اوله بومر تلدن کنعانه مراجعت قیلوب اول بیت
الاحزانه کیدوب اول پیره بنم سلامی یتوره سین و خاکپایه نیازم عرض
ایده سنکه ای رسول صاحب قبول ذکر کده اولان غریبلری و فراقک چکن
بی نصیبلری هنکام دعادن فراموش ایتیه سین و سنی اونتمیانلری اونتمیه سین
اعرابی ایتدی ای عزیز اسمک ندر یوسف ایتدی (شعر) صفحه چهر مرده
شرح محنتم مرقومدر * ظاهر مدن باطنم کفیتی معلومدر * اظهار اسم
نه حاجت صحیفه صورت حاملدن کیفیت مالم معلومدر بو آثار و علامتدن
اول پیره خبر ویرد کده کیم اولدیغیم بیلور (شعر) کور رخ زرد مده ای
همدم سرشک آلمی * اول کل رعنایه بورنکیله بیلدر حاملی * ای اعرابی
اگر آنک مردم چشمی رهگذار سیلاب سرشکه دوشوب محو اولدیه
بنم خال رخسارم خون جگر کردابنده نایاب اولدی و اگر آنک مقامی

بیت الاحزان ایسه بنم منزل بندوزند اندرای اعرابی بو یاقوتی آلوب لعل
سرشکمدن اول معدن مرقه خبر یتور که آنی فرحناک ایدوب دعاسین
آله سین زیر استجاب الدعوه در اعرابی ایتدی بن گرفتار زمینم حر کشته
قدرتم یوقدر یوسف ایتدی ای اعرابی بوناچه مبارکدر سندن مقدم بادیه
غربت گرفتار لرینه سکان بیت الاحزان پیامن کتوروب و طالبه مظلوم
مرده سین یتوردی مستحق عقوبت دکل تعرضدن تجاوزایت اعرابی توبه
قیلوب اول مضایقه دن خلاص اولدی و اول یاقوتی آلوب جانب کنعانه
روان اولدی یوسف اول اعرابی آردندن سرشک سیلابن دو کوب دیردی
(یالیت را حیل لم تلدن) (بیت) چون دمی شاد اولمزم دور جفا انجمدن
کاشکه هرگز طوغیمیدم مادر ایامدن (قصه اعرابی کنعانه یتوب نصف
الیده بیت الاحزانه کلوب یعقوبه سلام و یروب ایتدی السلام علیک
یا بنی الله السلام علیک ایها المهموم السلام علیک ایها المغموم یعقوب
اول صدادن بر فرح احساس ایدوب حجره دن چبقوب ایتدی علیک
السلام ای بنده خدانه جانبندن کلورسین اعرابی ایتدی پیغام وار مصر
جانبندن و تمامی حکایتی تفصیلله شرح ایتدی یعقوب اول پیغامدن سرور
نام و نشاط تمام بولوب مرادنه یتدی (شعر) عفاک الله ای قاصد خوش
خرام * یتوردک بکاد لبرمدن پیام * رموز نهان آشکار ایلدک * بنی وصله
امید وار ایلدک * ای اعرابی جان عزیزمه کلمات بهجت آثارله تمکین
یتوردک و ناره هجرانمه زلال لفظ کهر بار ایله تسکین و بردک نه شکرانه
استرسین اعرابی ایتدی یا بنی الله دنیا مرادین یوسفدن حاصل ایتشم
سندن نجات آخرت ایچون استدعای دعا قیلورم یعقوب ایتدی الهی
بو بنده مقبولی سکرات موتدن فارغ ایدوب مستعد دخول بهشت قیل
بو حاله مقارن ناچه زبان حال ایله فریاد ایتدیکه یا بنی الله واسطه پیام بن
ایدم بن دخی دعا به محتاجم یعقوب ایتدی الهی بوناچه بی بهشت
ناقه لرندن ایدوب اکاسره زار جنت مرعان نصیب ایت اعرابی ایتدی

یا نبی الله بوزمان اجابت دعا در اول اسیر زندان ایچون دخی برد عاقیل
بعقر بایتدی الهی آئی طلوبنه واصل ایدوب جمع مرادینی حاصل
ایت الله الله نه خوش مناسبدر یوسفک جفال کوروب و بند وزنده
دوشوب یعقوبه ارسال پیغام ایتدیکی شهید کر بلانک جفای قومدن
تعرض بولوب دشت کر بلاده مختله گرفتار اولدقد روضه رسول الله
عرض حال ایتدیکنه زهی تحمل که اخوان واقارب بر بر مقابلنده شربت
شهادت ایچوب کندی تنها قالوب مترزل اولمادی و تغیر بولمادی (شعر)
دردا که اهل دآنش و ادراک کتدیلمر * مجروح دل شکسته و غمناک کتدیلمر *
آلایش زخارفه آلوده اولوب * دنیا به پاک کتدیلمر پاک کتدیلمر * روایتدر که
حسین مظلوم اخوان واقارب بد نصیره تنها قالدقد مناجات قیلدیکه
(ع) زارتنها قالمشم یارود یارمدن جدا * اهل بیت رسالت شهرزاد منک
بیکساکن کوروب فغانه کلوب هر طرفدن بنات مطهرات کریبان چال
ایدوب و بر طرفدن اخوان صالحات خون جگر برله دیدلر غمناک ایدوب
و بر طرفدن حضرت امام زین العابدین صدای افغانی متوجه افلاک
ایدوب غلغله مصیبت برغانه یتشدیکه فلاک بی رحمت اول حالته رحمی
کلوب شدت محنت دور ظالمی اول مظلوملرک حالته متحیر ایتشدی
(شعر) بکرمز یوسفک احواله احوال حسین * تنکیم یوسف اولوب
بسته زنجیر عجن * دوشدی زنجیره ولی قیلدی زنجیر صفت * تیر بیداد
عدو جسمی روزن روزن فصل ابتلای کلیم الله علیه السلام) تیر تحمل
سر کشته لرینک وتبع توکل کشته لرینک بری دخی حضرت کلیم الله علیه السلام
قلت عوان وانصار له جفای آل فرعونه متحمل اولوب و سفهای قوم آزارنه
صبر قیلوب شکر ایدردی فی الواقع آنک شدت احوالی و کثرت احوالی
شیدر وقایع شاه کر بلایه که استیلای اعدادن مزجر اولوب ترک روضه
رسول ایدوب یارود یارندن محروم قالوب دشت کر بلاده کر تار دام مصائب
وبسته بندنوائب اولدقد تحمل ایدوب مترزل اولمادی و عقیده صلاحی

اصلا تغیر بولمادی (شعر) محنتی موسی دکل مانند اندوه حسین * فرقن
ایتمش آنلرک میران اندوه بلا * شمع بزم افروز دروادی ایمن آتشی * تار عالم
سوزدر برق بلای کر بلا (فصل ابتلای عیسی علیه السلام) طریق محبت
ثابت قدس لرینک و سر ایدو محنت محرم لرینک بریدخی عیسی مجرد در که
سوزن و ارباب دنیادن کچوب سر رشته فنا طومش و ترک تعلقات فانی
ایدوب طریق تجرد اختیار ایتمش جماعت یهود آئی تهمتره منسوب ایدوب
صلبیه اقدام ایتدیلمر و متابعتدن انحراف ایدوب طریق مخالفین طوتدیلمر
تنکیم حضرت شاه کر بلا تصرف حکم خلافتدنکه استحقاق له اکا انسبدر
تجاوز قیلوب مجاورت روضه رسول اللهی اختیار ایتشدیکن و تعرض امر
سلطنتدنکه ارثله اکا اقر بدر اعراض ایدوب گوشه قناعت طومش کن
ظلمه امت صرصر هوای نفسله زورق نمکین در بای بلایه صالوب
سر رشته اختیارین زور بازوی ظلمه لندن آلوب غرقه کرداب فنا قیلدیلمر
(شعر) قصه قتل عسی * مریم قیلدیغی ساعت یهود * ایلشدی مضطرب
آئی مجریم جان * کور شهید کر بلا حالنکه هم جان قیلدی ترک * هم فراق
آل و اولاد بله اوادی امتحان (فصل ابتلای ایوب علیه السلام) پستربلا
بیمار لرینک و بادیه فنادل فکر لرینک بریدخی ایوب بلا کشر که نوید (ان الله
بمحک کل قلب حزن) دل پاکن محزن جواهر اشتیاق حزن و ملال ایتمش
و عقیده ناعند المنکسرة قلوبهم همیشه دل شکسته سنده مکان طومش
زیرا سلطان کبریاک دار فنده عنایتی عین عنادر و حاکم دیوان قضائک
التفاتی محض بلاد (شعر) بر درر مصدر جلال و جمال * بریلور لطف
وقهری اهل کمال * کرچه احوال مختلف چوق اولور * بر دراصل حقایق
احوال * روایتدر که ایوب صبور زمان محنتدن مقدم قرق ییل مداوم نوال
نعمت و مقیم ریاض راحت ایدی اون ایکی فرزندی اولوب ه بری استقلاله
بر سلیمان زمانیدی در تیوز مملوکی اولوب بعض قطار لرینه ساربان و بعض
رمهلرینه شبان و بعض بیستان لرینه باغبان ایدی اما هرگز اثر تعلقات

آنکه معبودی آره سنده حائل اولمزدی واسنیفای اسباب مراد مداومت
ذ کردن آنی غافل قیلزدی ملائکه ایوبك شدت اطاعتن و کمال عبادتن
کوروب تصور قیلدیلر که اول عبادته سبب تیسر مطالب و اول طاعته
باعث حصول مواهبدر کان ایتدیلر که اگر از اله نعمت واقع اولسه واستقرار
موهبت خلل بولسه آنک شکری شکایتیه مبدل اولور و بنای اعتقادی
تزلزل بولور لا جرم امتحان ایچون برکون حضرت جبرائیل ملاک جلیلدن
کلوب ایتدی ای ایوب برمدتد که مظهر آثار نعمت و مقیم گوشه را حنسن
وقت اولدیکه راحت دیارندن تخت ملکینه متوجه اوله سین و تکیه
نعمت لذت کوردک محنت ذوقن دخی بوله سین ایوب صبور اول خبردن
اصلا متغیر اولیوب و توهم قیلیوب ایتدی ای جبرائیل بودخی بر نعمت
غیره کرردر که هر زمان بر عالمک سیری مبسر در (بیت) بتلزم بن کدی رأیمله
زیان و سودمی * بنده ام بن پادشاهم یک بیلور بهبودمی (القصه ایوب
منتظر بلا و مترصد عنا و ایوب برکون گوشه محراب عبادته نمازندن فارغ
اولوب مشغول مواظب ایکن بر طرفدن شبان کلوب خبر و یردیکه تمامی رمه
سیلابه غرق اولدی و بر طرفدن ساربان کلوب تعزیت بتوردیکه جمیع
ناقه لرك صرصر سمو مدن فنا بولدی و بر طرفدن باغبانلر کلوب آفت
زاله دن بوستان هلاکن تقریر ایدوب فغانه کلدیلر و بر طرفدن خدم
و حشم زلزله دن قصر و ایوانک انهدامن خبر و یروب نوحه قیلدیلر اما
ایوب چون مقدمه دن واقف ایدی بو خبرلر دن اضطرار ایتمیوب و بو
حادثه لردن خاطرینه غبار کدورت یتیموب حقک ذکر نه مشغول ایدی ناگاه
خبر و یردیلر که ای ایوب اون براوغلاک اکبر اولادک مهمان سراینده ضیافته
مشغول ایکن سقف سرای منهدم اولوب اون ایکسیدخی فوت اولدی
ابتدای حالدیه ایوبه استیلای جزع بی اختیار ظفر بولدی اعیانیه غیرت
محبت منعیله صبر ایدوب دعایه مشغول اولدی (شعر) خاطریار اگر
عاشقه آزار استر * کرک از ارچه عاشق اگر یار استر * کفر در عاشقه اندیشه

صحت قیلق * یار اگر عاشقنی در دله بیمار استر * چون فنای مال و منال
وفوت اولاد و عیال ایوبه تغیر و یرمدی و بنای اعتقادنه سبب حوادث
خلل یتورمدی ملائکه ایتدیلر یارب افضل نعم شرف صحتدرو ایوبی فوت
اولان نعمتلك استردادنه امید و ارایدوب عبادته قائم ایدن اول نعمتدر
حکم اولدیکه امتحان ایچون صحرای وجودی سریر سلطان صحت ایکن
سیرگاه سپاه سقام اوله و مجاری عروق اعضا سنده هر قطره قان بر کرم
خونخوار اولوب مفاصل ترکینده منزل قیله بو مختله دخی صبرینه
اختلال و عقد عقیده سنه انحلال بولمزدی اول زمانه دکه کرم لری زبان قلبنه
دخل ایتدیلر و تفکر ره گذارن طوتوب تذکر سرچشمه سین طوتدیلر ایوب
بیمچاره فریاده کلدی و تضرع قیلدیکه (رب انی مسنی الضر) یعنی بکا
ضرر متوجه اولدی جمیع المده ذکر و فکر کله تسلی اولوردم و غم و اندوه
کوردیکه ذکردن فرح و فکر دن طرب تمنا قیلوردم حال دلکه آلت فکر در
وزبانکه سبب ذکردن مرض تاراجنه کتمکده در و بی تفکر دن محروم
و مناجاتدن مأیوس ایتمکده در حاشا که بو حاله رضا و یره سین و بو بند
مخلصی فکر و ذکر کدن محروم ایتمکدروا کوره سین (شعر) زبان بلبل باغ ذکر
شادر * دل آینه حسن صدق و صفادر * بی بی دل و بی زبان قویعه یارب *
که بی دلک و بی زبانلق بلادر * حق سبحانه و تعالی دل متضرع و زبان
متخشع دن قبول توقع قیلوب جمیع فوت اولان نعمتلك استردادنه حکم
قیلیدی و تن مکسور ینک جباری و دل و یرانک معماری اولدی ای عزیزلر
اگر ایوب صبور فوت اموال و موت اولادله متغیر اولیوب صبر قیلدی شهید
کر بلا ایسه خاتمانی یغمایه و یروب اخوان و اولاد و انساب موتن مشاهده
قیلوب صابر اولدی و اگر چه ایوبک بدنده درت بیک یکر می کرم خونخوار
منزل طوتدی شهید کر بلا نک تنده یوز بیک پیکان ابدار قرارگاه ایتدی
شعر دیمه کیم شاه کر بلا المی * غم ایوب دلفکار چه در * صمنه کیم زخم نیش
کرم ضعیف * ضرب شمشیر ابدار چه در (فصل فی ابتلای زکریا و یحیی

عليهما السلام) جفاي فلک از زرد لری و سخت زمانه افسرده لرینک بری
 ز کربا مظلوم و بری یحیای معصوم در (روایتی در که بر کون ز کربا محراب
 عبادتند مناجات ایتدی بکه الهی شام شباهه صبح شهب ایشدی
 و رابطه جان بن رشته سنه تاب مخالفت دوشدی) فهب لی من لدنک
 وایا یعنی عنایت قیل بکار خلف صاحب تقوی و فرزند پاکیزه لقاحق
 تعالی ناول دعا سین هدف اجابته بتوردی و یحیای معصومی ا کلو پردی
 اوج یاشنه یتد کده بر کون اطفال محله ز کربا حجره سنه جمع اولوب یحیایه
 تکلیف لعب و لهو ایتدی بلی یحیای حجره دن جیفیموب جواب ویردی که
 (مال لعب خلقنا) القصه ابتدای طفولیتده رقت تمامه مجبول اولوب و ترک
 لهو و لعب قیلوب همیشه استماع احوال قیامتیه مائل و کیفیت احوال
 محشری سائل ایدی و درت یاشنده ثوراتی حفظ ایتدی و اون یاشنده احکام
 شرعیه نک گنهنه یتدی شب و روز کریان اولغین و ماه و سال ناله و افغان
 قیلغین بر کون ز کربا مناجات ایتدی که یارب سندن بر خلف استدم که
 سرور سبتم آندن ميسر اوله بکار نطفه کرامت قیلد که آندن را حتم
 کشدی و ناله و افغانی بنی آزرده ایتدی ندا کلدیکه ای ز کربا سن بدن فرزند
 ولی شعار غنا قیلد بود و اولر و صاحب لرنشانی که همیشه کریان اوله لر
 و پیوسته ناله و افغان قیله لر ای ز کربا هنوز صبح بلادن بو نشانه سحر در
 و آتش محندن بو بر شر در تحمل قیلد که عن قریب بوش کوفه نک میوه سین
 دره جک سین و بو غنچه نک کلان کوره جک سین ای ز کربا وقتدر که سنی
 باشند یا غه اراه ایله ایکی پاره قیله لر و یحیانک حلقه تیغ نیز حواله قیلوب
 قتلنه متوجه اوله لر (شعر) یار سندن ترک جان استر کوتور جاندن طمع *
 هر نه آندن غیر کورسک قطع قیل آندن طمع * شمع وش جانان سنی چون
 یاقی استر متصل * آتش سوزانه کیر کس آب حیواندن طمع (القصه
 خوف یحیای بر غایتده ایدیکه اول حاضر اولد قده ز کربا عقوبات محشر دن
 بر گله بیان و بر حرف عیان ایده بیلر دی بر کون یحیادن غائل اولوب غائب

صانوب ز کربا ایتدی که دوز خنده غضبان نام بر کوه آتشین وارد که آندن
 سیل اشکله گذار ایتک اولور و بدرقه سوز و کدازله پایانه یتک اولور یحیای
 اشدوب در اعه سین براغوب جانب صحرا یه روان اولدی (الویل لمن دخل
 غضبان) دیوب فغانه باشلری ز کربا انک احوالنه مطلع اولد قده منبر دن
 اینوب والده سنه ایتدی ای ضعیفه بو کون سهو ایدوب بر شمه احوال
 دوز خدن بیان ایتدی یحیای استماع ایدوب فغان قیلوب صحرا یه دوشدی
 مرافقت قیل صحرا یه کیدوب آتی استغقاد ایدله اتفاقله اول ستم رسیده لر
 صحرا و کوه پیابان نورد اولوب اوج کون سیاحتیه اشتغال قیلوب آندن اثر
 بولمیلر و مقامنه مطلع اولمیلر (بیت) جانه بکر ز دایم بیلم مکانی قنده در
 * کیم بیلور عالمده عنقا آشیانی قنده در * درد یحیای کون بر شبانه یتوب
 سؤال ایتد کده شبان ایتدی بن یحیایی کور مردم اما اوج کوند ر
 بو کوه ساردن بر صدای دلسوز کلور که استماعی حضوره مانع اولور اول
 جانبیه توجه ایتد کده کوردیلر که آغشته خال و خون اولمش یخود یا تور
 اوزرینه کلوب فریاد ایتد کده اضطرابله کوزا چوب اوله صاندیکه ملاک
 الموتدر قبض روح ایتد که کلمش تضرع قیلوب ایتدی ای ملاک الموت
 اوقعه رمان ویر که پدر پیر و مادر ضعیفی کوروب و داع ایدیه والده سی
 ایتدی ای جگر کوشه م والده دافکار و مادر بیقرار ک بنم یحیای خبر دار
 اولد قده فرار ایتک تدارکنده ایکن انواع بیمین ایله تسکین و یروب وز کربا
 دخی بر جانبیدن تضرع قیلوب آتی منزله کتوردیلر و بر مقدار عدس طخ
 ایدوب یحیایه عرض ایتد کده یحیای آندن بر مقدار تناول ایدوب قبل خواب
 ایتد کده واقعه سنه خطاب ایتدی لر که ای یحیای مکر غضبانی فراموش
 ایتد که غدا تناول ایدوب فراغتله یاتد یحیای بیدار اولوب یینه اضطرابله
 فغان قیلوب صحرا یه دوشدی و فریاد و فغانی آسمانه ایر شدی
 (روایتی در که یحیای مدت عمرنده هرگز خیال معصیت خاطر نه یتور مدی
 وز کر مناهی دیلنه کتور مدی) (نقلدر که روز قیامت ایکی نوبت ندای عالم

ایده لر برنو بت یحیی ایچون بو عبارتله که ای اهل محشر نظر اید که بوند
معصومه مک هرگز ندیشه خطا خاطرنه کلمه شد و مطلقا لذات دنیویه
تصرف ایتمه شد جیع عالم کوز آچد قده یحیای معصومی مشاهده
قبیله لر و کنه کارلر شرمسار اوله لر و برنو بت دخی فاطمه زهرا ایچون
ندا قبیله لر بو عبارتله که ای معشر بشر (غضوا ابصارکم) یعنی ای بنی
آدم کوز یومک که فاطمه زهرا کورنقلدر که فاطمه زهرا عرصات محشره
برنوعله کذار اید که هیچ ناظرک قدرت نظاره سی اولمیه و هیچ کیم
مشاهده سنه قدرت بولمیه کتف یمننده پیراهن زهر آلود حسن مجتبا
و کتف یسارنده جامه پر خون شهید کر بلا و کف مبارکنده عمامه خونین
علی المرتضی غایت تضرعله دامن عرشی طوتوب تظلم کوستره که یارب
فریادمه بیت جبریل حضرت سید کائناته خبریتور که یارسول الله
خاتون قیامت دامن عرشه ال اور بدرو تظلم ایدوب بارگاه عدالت درگاهنده
طور بدر و قنبر که صرصر آه جانکدازندن دریای قهر الهی تموجه کله
و عالی غرقه طوفان غضب قبیله حضرت سید المرسلین استعجال ایلله عرش
یانتنه کلوب فاطمه زهرا یه نصیحت قبیله که ای نور دیده وای آرام دل
غمزیده بو کون روز معاوند و وقت محاصمت دکل وزمان رعایتدر ایام شکایت
دکل سن حسبنک جامه پر خونی و حسنک پیراهن زهر آلودنی اله آلوب
بندخی کبسوی غبار آلودمی آچوب دعا قبیله لم و امت کنه کارلره شفیع اوله لم
اوله که ارحم الراحمین اهل عصیان رجعت قبیله خصوصاً اول کیمسه لره که
دظ اوملریمز مصیبتده و شهیدلریمز تعزیننده دیدلرین کریان و سینه لرین
پریان ایتشار و غائبانه اولادیمز عزاسین طوتمشله (شعر) اهل بیتک یاد ایدوب
هر لحظه آب دیده سین * ضایع اولماز اشک دوکک دیده خونباردن *
بومصیبت اشکک هر قطره سننده روز محشر * اجر در بیک بحر رحمت ایزد
جباردن * اخبار صحیحه دن نقلدر که زکریای مظلوم یحیای معصومه
معاصر اولان ملک بی رحمت برمنکوحه سنک زوج آخر دن برجیله قری

اولوب کندی پیر اولوب استدعا قیلدیکه قرن اول ملک عقدنه مقرر قبیله
ملک یحیی ایلله بو خصوصده مشورت قیلد قده یحیی رضا و یرمبوب ملک
بواندیشه دن منع ایتدی اول مکاره منزجر اولوب یحیایه کینه سین خاطرنده
طوتدی برکون ملک جام استیلا ی شهوتدن مست ایکن قارشوسنده اول
محبوبه بی مزین قیایوب کا کوستردی ملک آنک وصالنه حر یص اولوب
طلب مواصلت قیلد قده ایتدی بو صورت یحیانک قانی دوکلمه یحیه
میسراولماز درجه امکان بولماز ملک یحیانک قتلنه حکم ایتد کده علمای
عصر ایتدی لر یحیانک بر قطره قانی بر یوزنه دوکلمه اجزای عروق نبات
من بعد پیوند طوتمیه و روی زمینده بهایم متعم اولمیه کیه بتمیه ملک حکم
ایتدیکه یحیانک باشین بر طشت اوزرنده کسوب قاز تحت الثراء دفن ایدلر
بر یوزینه دوکلمه (القصة جلاد لر مقرر اولوب یحیانک قتلنه امر اولاند قده
جلاد لر ایتدی لر زکریا مستجاب الدعوه در اوغلنی قتل ایتد کده آنک
بد دعا سندن احتراز ایدر ز حکم اولدیکه اول زکریا قانی دوکلمه بو عزیمتله
زکریانک منزله کلوب یحیایه مقید ایدر کن زکریا فرصت بولوب بر جانبه
فرار ایتدی بعض کیمسه لر یحیایه مقید ایدوب بعض کیمسه لر زکریا
جست و جوینه روان اولدی زکریا اضطرار ایلله کیدر کن شدت ضعفندن
بی طاقت اولوب بر پناه استر کن بر درخت عالی کوروب اکا متوجه
اولد قده اول درخت چاک اولوب زکریا یاه بطننده منزل ایتدی زکریا
دخول ایتد کد نصکره صورت التیام طوتدی اما زکریانک کوشه
رداسین ابلبس چکوب طشره قودی زکریا تفحصنده اولنلر ایتد کده
ابلبس لعین بر پیر صالح صورته کوروب زکریا احوالن استفسار ایدلره
اول لعین زکریانک کوشه رداسین کوستروب ایتدی مظلوم بکر بود درخت
ایچنده در دیدی کافر لر زکریای چیقار مق تدارکننده ایکن ابلبس ایتدی
ای قوم اکر غرضکنز آنک قتلی ایسه درخت ایچنده دخی میسر در
وانلره اریی ایجاد ایدوب تعلیم ایتدی (روایتدر که کفار زکریانک فرق

مبارک کنه اربعی قوی بد قلزنده حضرت عزتند ندا کلدیکه ای زکر یا وحکم
مطاع بند را کر متالم اوله جق اولور ایسک اسمک جریده نبوتن نحو
اولق مقرر در (شعر) عاشقم درسک بلای عشقندن آه ایله * آه ایدوب
اغباری اسرار کدن آکا. ایله * عشق سلطانی نه فرمان ایسه کوسر
انقیاد * اجتناب ایته تنفر قیله اگر اه ایله * زکر یا ایتدی الهی چون
بنم قائم سر کو یکده دوکلور حقا که اگر اه وار جمیع اندام زبان اولسه
شکر کدن غیری تکلمه اقدام ایتم و اضطراب ایدوب طریق جزعی
طویم (القصة اریله اول مظلومی فرقدن تابقدم ایکی پاره قیلدیلر برآه
چکمدی و دیده نمنا کندن بر قطره اشک نظم دوکدی (شعر) لذت جوری
بیلن جور دن اگر اه ایتم * یارسلر جسمی باشند آیاهه آه ایتم * اما یحیای
مقید اید نلر بر طشت اوزرنده سر مبارک بدن لطیفندن جدا ایدوب
اول نابکاره هدیه ایلدیلر و قان بر چاه بعید الغوره دو کدیلر (روایتدر که
اول قان هر بیل جوشه کلوب کل کی تازه اولوردی اول زمانه دکه بخت
نصر نصرت بولوب آنلردن یتش بیک کافر قتل ایلدی اول خونریز
دنصکره یحیانک قانی جوشدن ساکن اولدی (شواهد النبوه امام
زین العابدیندن نقلد که امام حسین مکه معظمه دن کوفه یه توجه
ایتد که هیچ منزله یتزدیکه یحیای مظلومک ماجرا سین ذکر ایتیددی
و بیورردیکه روز کار غدارک عدم مروتن و فلنک کمال مرتبه و قاحتن
کور که یحیی کی صاحبک سر سعادتندن بر فاجره یه هدیه ایتش (وسعد
ابن جیر عباسدن روایت ایدر که بر کون حضرت رسول علیه السلام خبر
واقعه کر بلادن متالم اولوب تفکر ایدردیکه آیا اول غریب لک انتقامن اول
ظالم لردن کیم آلور اوله حضرت عزتدن وحی کلدیکه یار رسول الله یحیی
این زکر یا ایچون یتش بیک و بر روایتده یوز یتش بیک کافر قتل اولندی
شهدای کر بلا ایچون یتش کره یتش بیک منافق قتل اولسه کر کدر فی
الواقع و وعده وفایه یشدی ز بر اختار بن ابو عبیده ثقی و مسبب بن قعقاع

خزاعی ابراهیم بن مالک اشتر نخعی و ابو مسلم مروزی بر برینی متعاقب
خروج ایدوب صفحه روز کاردن اکثر اعدای آل رسولی نحو ایدوب قاتلرندن
سر شک مظلوم کی جو یبارلر یور تدیلر (و عبون الرضاده مسطور در که
مهدی آر محمد قتله شهدای کر بلانک تته ذریاتن پر یوزندن کونورر
وقاعده نار و شرط انتقامی اول حضرت یزید (شعر) کر اولسیدی غرض
انتقام خون حسین * ظهور مهديه حکمزدی انتظار وجود * قضای
قاعده صبرا ختر اغندن * جزای قاتل آل رسولدر مقصود * (ایکجی باب)
حضرت رسولک قریشدن چکدیکي بلایی بیان ایدر حضرت سلطان
بارکا رسالت و ناظم کارگاه شریعت و کوه کجینه اسرار حکمت و کلین
حقیقه رحمت در خزانه نصیحت آچوب و درج اعلندن جواهر حقیقت
صاحبوب بیورمشکه (ان اعظم البلاء مع عظم الولاء) یعنی هر بلایه
بر جزا و هر عنایه بر عطا مقرر اولمغین مراتب بلا و عنایت ارتفاع بولدقچه مدارج
جزا و عطا هر تفع اولوب همیشه دار الشفاء هر جت امر اض محنت
مبتلارینه موقوفدر و همواره اوقاف طبیعت شفاخانه مکرمت بیمارلری
معالجه سنه مصر و قدر هر بنده صادق که حقیقه منبت نهال مجتدر لا جرم
نهال فطرتی مبداء ازهار ملال و مجتدر (یحیی بن معاذ رازی رحمه الله علیه
بر کون مناجاتنده ایتدی یارب جریان عادت اهل عالم بو طریقه در که
بر کیمسه بر کیمسه محبت بر افسه آنک جمیع جوانیدن رعایت خاطرن کندویه
لازم بیلور و ممکن اولدقچه آنک حصول مرافقه مائل اولورنه مجتدر که سن
محبته سرافرازا ایتدیک کی محنتله ممتاز ایدر سین ندا کلدیکه ای یحیی بنم
طریق خلاف طریق اهل عالمدر آنلر علامه مودت لری آثار محبت بنم
نشانه محبت و المدر (شعر) رنجدر کنج کوه ر راحت * درددر کلشن
کل رحمت * ای خوش اول دردمند عم پرورد * که رفیق غم اوله همدی
درد * درددر غیری اولیه یاری * غمزن اوز که رفیق و غمخواری *
(بعض کتب سماویه دن نقلد که ای بنی آدم هرگاه که صیاد قضا سنی

نشانه ناولك بلاقيه و جلاد فلاك تیغ جفايله قتل كه مائل اوله (فقر عینك)
یعنی دیده امید کی نور رضا ایله روشن ایدوب شکر قیلکه علامه مقام انبیا
واول انبیا نشانه حصول مرتبه عز و علا درو بو معیندر که بلای نوع بنی آدم
صانع اقریب اولغین سائر مخلوقا قادن زیاده درز بر ایشدای خلقته چشمه
خونابه دن رزق مقسوم اولوب کمال ذلته گرفتار اولوب و قدرت رد بولد قد
عقوبت تربیت استاد و اندوه معلم و ارشادله معذب اولوب بر مدت اول
مختده قالدور و مرتبه بلوغ حاصل ایتد کده مکنند کسب معیشت و سلسله
تکلیف عبادت قیدینه دوشوب گاه غم دنیا و گاه خوف آخرت قرارن آلود
و بودخی محققدر که تبه بلای انبیا جمیع بنی آدم دن اعلا و اعظمدر و بلایه
صبر ایدوب اکنساب قبول قرب ایتد انبیا به مصیبت (شعر) انبیا در
مظاهر رحمت * انبیا در خزان حکمت * هر بلا کیم فلک دن ایتدی
نزول * انبیا قیلدی اول بلای قبول * سپر ناولك غم آنلردر * آنک ایچون
مکرم آنلردر * و بودخی مقرردر که اول مقدار بلا که حضرت مصطفی
علیه السلامه یتشدرو اول مقدار زهر محنت که اول حضرت تجرع ایتشدرو
هیچ یه نمبره مبر اولمش دکل و هیچ کس بلایه آنک کی صبر قیلمش دکل
اگر بر جرعه شربت ایچسه آکا زهر بلایه مزوج ایدی و اگر بر خرجه کبسه
تارو بود رنج و غنایله منسوب ایدی فی الواقع بر بلای عظیمه رتصدی
اجرای احکام اولوب متعهد شفاعت اهل عصیان اولمق و غفلت مبرای
راحتده خواب فراغت سرمستی اولان به هوشلر ایچون کیچه لصباحه دك
یدار اولوب دعا قیلایق زهی سعادت که اگر منبر عزت بارگاه قدرت قاب قوسینه
چکسه کرد تکبر دامن اقتدار نه یتزدی و اگر قائد حکمت کریبان شکوهن
یچیه عجز و ننگاره تابشور سه دست اعتقاد دن دامن توکل کتمزدی
(شعر) کمال اعتدال طبعی اول غایتده کیم بولماز * تغیر کر زمین و آسمان زیر
وزیر اولسه * تکبر ایلمز معراجیه چیقسه پایه قدری * مزاجی کسر بولماز
فرش خالی ره گذار اولسه * مجملادیوان قضادن اول حضرت تک نام شریفنه

مرقوم اولان بلالرك ابتدای اولد رکه هنوز والده سی بطننده ایکن
والد بزرگواری وفات ایدوب صراف روز کار اول کوهر کرانغایه نك لقب
یتیم قویدی و توقیع رفیع وجود شرعی بو طغرا ایلله مزین اولدی (شعر)
نوله کر اولسه یتیم اول در دریای حیا * کر یتیم اولسه فرزند در دریایه بها *
و حضرت ایزد ملائکه به خطاب ایتدیکه اگر چه حبیب یتیم درین کالوی
و کفیل (نعم المولی ونعم الوکیل) روایتدر که ایکی یاشنه یتد کده والده
محرمه لری مکه دن مدینه به نقل ایدوب اول حضرتی والد بزرگواری نك
زیارتیه مشرف قیلوب مراجعت ایتد کده مریض اولدی و حضرت
رسول اول مخدومه نك شمع بالینی او اوب دل سوزان و دیده کر بان ایلله زار زار
آغلیوب دیردی (شعر) کتمه ای روح روان هجریله زار ایتد بنی * یاندروب
فرقه بنی صبر و قرار ایتد بنی * نظر مندر کل رخسار کی پنهان ایدوب بنی *
خار خار غم هجریله فکار ایتد بنی * اول صدق کوهر رسالت و نهال
شکوفه نبوت بهوش ایکن هوشه کلوب دیده اشکبار آید قدده حضرت
رسول اللهك چهره مبارکنده اشك حسرت کوروب زبان حال ایلله
بونکته بی مترنم اولدی (شعر عربی) نبارك الله فیک من غلام * ان صح ما
ابصرت فی المنام * وانت مبعوث الی الانام * من عند ذی الجلال والا کرام
* ای فرزند سعادت مند واقعه کور مشتم و هاتقدن دخی استماع ایتد که
سن پیغمبر مرسل سینا کر بن ملک فنادن اقلیم بقایه متوجه اولسم
غم چکمز زیرا سنك کی یاد کارم وار (شعر) غم دکل کردانه محو
ایتسه دور روز کار * چون نهال بارور قالمشدر آندن یاد کار * روایتدر که
اندوه مفارقت پدر و مادر مهر بان اضافه سائر نوائب و احزان اولوب
سکزیاشنه یتد کده جد بزرگواری خواجه عبدالمطلب کافل انجام و مهمام
مرام ایدی داردنیادن انتقال ایدوب اول حضرت عمی ابوطالب متکفل
اولدی و یکر می یاشنه یتد کده بش میل شبانلق ایتدی و اول صنعت
ضممنده رعایت امت کانه یتدی و یکر می بش ییلد نصکره خدیج

حضرت زینب را اتصال ایدوب قرقچی بیلند زول و حبله مشرف اولدی
 و قرق او چنجه بیلند آغاز دعوت قبلدی و ابتدای دعوتنده اون بیل
 مکه ده اهل کفر دن انواع شدائد و اصفه فکاید کوروب جفال چکدی
 (نسخه زلال الرضاده مسطور در که او حضرتک سعاد تخانه سی ایکی
 جارجار آراسنده واقع اولمشیدی بری ابوالهیب و بری عتبه بن ابی معیط
 (شعر) کل نیجه قیلسون یقه سین چاک غصه دن * هر دم بتر کا غم
 قرب جوار خار * یا قوت نیجه قهرله خونین دل اولسون * چکمش
 زمانه خاردن اطرافنه حصار * بعض تفاسیرده مسطور در که ابوالهیب
 منکوحه سی ام جمیل اکثر اوقات رهگذار لر دن خار و خاشاک جمع ایدوب
 گیمه اول کل کلزار رسالتک رهگذار نه براغوردیکه اول حضرت صبحدم
 نماز ایچون خر مسرای نبوتدن چیققدقه قدم شریق آزرده اولوب مزاج
 مبارکی مکر اوله (طارق بن عبد الله بن قنبر که بدأ اسلامده برکون
 باز رایچنده بر شخص مبارک صورت گوردم جائه کاکونله ندا قیلوردیکه
 یا قوم (قولوا لا اله الا الله محمد رسول الله و تفلحوا) و رظام آنک کفتارینی
 تکذیب ایدوب دیوادی ای قوم بو کذا بذر قولنه اعتماد ایتک و زمان
 زمان سنک ستم برله اعضای لطیفن مجروح ایدردی سوال ایتدم که بونلر
 نه طائفه در دیدیلر بوسرخ جامد شجر قرشیدر خاکی ایمانه دعوت ایدر
 و بوانکارنه اقدام ایدن عی ابوالهیبدر و اکثر صنادید قریش ابوالهیب تابع
 اولوب کاه ساخرو کاه شاعر و کاه کاهن و کاه مجنون دیواستهر اقیلورلردی
 اول حضرت بو جفاره تحمل ایدوب قطعاً دعوتدن خالی اولمازدی
 و شرایط صبره کجمله تقصیر قیلردی و حضرت واجب لوجود آنک تسلی
 خاطری ایچون آیتلر نازل ایدردی بو مضمون ایله که هیچ پیغمبری بر قومه
 ارسال ایتد ککدائی سحره و جنونه منسوب قیلدیلر بو طریق مهملکده
 صبر ایدن منزل مقصوده بتر و تحمل قیلان دامن مقصودی طوئار (فاصبر
 کا صبر او العزم من الرسل) (شعر) ای خوش آل کیم عشق میداند در

ثابت قدم * دامن دلداردن کسمران تیغ ستم * اوله کیم میخواره لر ذوقن
 زیادیلر شراب * خون دل ایچمک قیلور افزون صفاسین دهمدم * روضه
 الاحبابده مسطور در که عروقه بن عبد الله و قاصدن سؤل ایتدیلر که
 حضرت رسوله صنادید قریشدن متوجه اولان جفالر اکثره مطلع
 اولدله قنچی جفالر شد و اصعب ایدی عرویه ایشدی برکون کاکر قریش
 جمع اولوب اول حضرتک حکایتن ارایه کتوروب ایتدیلر بزبوتیمک نیجه
 بر غصه سین چکلم کلک اتفاق ایدوب قان دوکلم فاطمه بو مشورتدن
 خبردار اولوب کر یان کر یان حضرت رسول خدمته کلوب ایتدی (یا بابت
 ان القوم عزموا ان یقتلواک) حضرت رسول اصلاً مضطرب اولوب
 و اندیشه قیلوب ایتدی ای فرزند بر مقدار صو حاضر ایتکه اسلحه وضو که
 سلاح المؤمنیند رکنده مهیا قیلم و جوشن الصلاه که حصن
 المسلمیندرا کتمه آلم پس وضوء قیلوب حر مسرا دن چیقوب مسجد
 اطرافه قدم با صدقه بر مقدار سنگریزه الله الوب شاهت الوجوه دیوب
 اول سنکد لطر طرفنه ساچدی (روایتدر که هیچ برینک کوز آچغه فرصتی
 اولادی و هیچ بری اول اختر برج سعادتک طلوعنه اطلاع بولادی و اول
 سنگریزه لر هر کیمه طوقندی ایسه هنکام حرب بدر کبراده البته مقتول
 اولدی تکیم ابوجهل و شبیه و عتبه و امیه و عماره هدف تیردعای
 مستجاب اولوب انصار دین الله فنا بولدیرواقعه کر بلاده دخی یکرمی
 ایکی یلک نفر شامیدن و کوفیدن حضرت حسنینک ناوله دعا سنه هدف
 اولوب جمله سی اول بیلده هر بری بر بلا ایله دنیادن گتدی و هر برینه
 عقوبت ایتدی (شعر) بر مراد او لماز شهید کر بلا قان دوکن * اهل
 بیتک سبل اشک چشم کر یان دوکن * کبر العرابیده مسطور در که
 ابوجعفر اسنادیله برکون بر آشنایی کوردم اعجمی اولمش سؤل ایتدم که
 ای برادر سن بینا ایدک سبب نه اولدیکه نور بصر ظلمت عمایه تبدیل اولدی
 جواب ویردیکه ای عزیز واقعه کر بلاده بن داخل سپاه عبید الله بن زیاد

ایدم اول واقعه دنصکره مقامه مراجعت ابتدیکرده برکیجه واقعه
 کورد مکه حضرت رسول بر مسجد ایچنده محرابه یا صلابوب اوتوروش
 و اطراف و جوانیده صحابه حلقه اولمش حضرت حسین اعضای مجروح
 و لباس پر خون ایله متظلملر کی قارشوسنده طوروب عرضحال ایدر
 و شهدای کربلا قاتلارین برکتوروب رسول الله اشارت ایلر که (اضربوه
 بالسيف و احرقوه بالنار) و زبایلر آنلری قتل ایدوب اوده یا قدحینه حیات
 مجدد بولوب بردخی تکرار اول عذابه گرفتار اولور لر ایدی بن سیاستک
 صلابتندن توهم قیلوب حضرت رسوله پناه کتوروب استعانه طریقیله
 ایتدم (السلام عایک یا رسول الله) اول حضرت سلام آلیموب غضب
 کوزیله باقوب ایتدی یا عدو الله نیچون بنم حرمت طوتمدک دیدم یا رسول الله
 حق بیلور بن تیغ جگمدم حضرت رسول ایتدی تیغ چکمد یککده
 صادقین اما سبب کثرت سواد سپاه اعدا ایدک بیوردیکه ایلری کل
 بو طشت پر خونه نظر قبل مشاهده قیلد قده کوردیم بر طشت پر خون دیدی
 ای بد بخت بو بنم جگر کوشم قاندر پس بر میل ایله اول قانندن بنم کوزمه
 چکدی اول هولاله بیدار اولد قده عالم کوزمه تیره اولدی (شعر) شهید
 کر بلا قتلینه رغبت قیلدک ای ظالم * سکا چکمدک عذاب دنیه و عقبی
 مقرر در * تماشا می مصاف کر بلا قیلدک حذر قبل کیم * ملا متکاه
 تعذیبک سنک صحرا می محشر در * محمد اسحاق دن نقلدر که حضرت رسول
 ابوطالبک حصن حایتنده اولد قده کفار فی الجمله اذاسنه د سترس
 بولما زردی و متعرض اولما زردی اما فرقه اسلامدن هر قنده بر عاجز و فقیر
 کورسه لر ممکن اولد قده تعرض ایدر لر دی اول جمله دندر که امیه بن خلف
 بلال حبشی بی هر کون بطحایه ایلدوب عریان قیلوب اعضا سنه حرارت
 آفتابله قرمش طاشلری باصوب و بدن عریانله ریک کرم اوزرینه یا توروب
 لات و عزایه ایمان کتوروب ترک دین محمدی ایله دیوا ایدر دی بلال دخی
 ایدر دی احد یعنی واحد اولان معبوده پرستش ایدرم (القصه اول

میدان مجاهدت پهلوانلری و اول عالم ایمان صاحب قرانلری انواع بلایه
 و اصناف عنایه تحمل و صبر قیابوب دیرلر دیکه بلا عین عطا درو جفا محض
 رجا اما تدریجیه اوظالم ملک فسادی زیاده اولوب و ایام مرور یله دریای
 عصیانلری طغیان بولوب بر غایتیه یتدیکه مسلمانلرک قتلنه و نهینه دست
 تغلی دراز ایتدیلر و عمار بن یاسرک والد والده سین بی گناه قتل ایتدیلر
 و اول مظلوملره ستملر یورتدیلر بعض صحابه بالضروری حضرت رسول
 اشارتیه حبش جانبیه هجرت ایدوب و بعضی سائر بلاد و بقاعه
 متفرق اولوب اعوان و انصار دین قلمت بولمغین کفار اول حضرت آزارنه
 فرصت بولدیلر بر کون کزاری صناید قریش مجمعه دوشوب ابو جهل
 وعدی و سائر سفها هر جانبدن تیغ زبان چکوب اول حضرتی آزرده
 جراحت طعن و تشنیع ایتدیلر رسول اگر دخی (اذا خاطبهم الجاهلون
 قالوا اسلاما) طریقنه سالک اولوب مجادله و مقتله سز چکوب بر کورستان
 کارنده ملول و محزون اوتورر کن ابو جهل لعین قول قبیحله اکتفا قیلوب
 مرتکب فعل شنیع اولوب اول حضرتیه حددن زیاده آزار ایتوردی (روایتدر
 که حیره اول کون شکاره مشغول اولوب تمام روز بر شکاره ظفر بولموب
 غضبناک مراجعت قیلد قده مکه دروازه سنده جاریه عبید جعدان
 استقبال ایدوب ایتدی ای حیره سکا شکار ایتک و صید کاهه کتمک نه
 مناسبکه برادر زاده عزیز که حمایت سز اولمغین ابو جهل و سائر سفها انواع
 اهانتله اذالر ایتورر لر حیره بو کلامدن متأثر اولوب منزله کلده کده کوردیکه
 منکوحه سی کریان اوتورر سببین صورت قده اولدخی جاریه نک داغ طعن تازه
 قیلوب ایتدی یا ابا عماره نه مصیبت بوندن زیاده اوله که اشراف بنی هاشمه
 محل اولمیان جفالی روا کورر لر حیره ایتدی نه واقع اولمش در دیدی ای حیره
 ابو جهل بر قاج سفها ایله محمدی طو توب پرتو آفتاب کی رخسار مبارکن
 غبار آلود ایتدیلر حیره ایتدی و او یلا ابو طالب قنده ایدی دیدی کندی
 مزرعه سنه کتمش ایدی دیدی ابو لهب قنده ایدی دیدی اول سنکدل

التفات ایتیموب بلکه اهانتہ تحریر ص ایدردیکه بوکذاب و ساجردردیرایدی
و عباس قنده ایدی دیدی عباس پروانه وار اول شمع شبستان نبوتک
اطرافنه جز کنوب اسنشفاع ایدردی اما قبول ایتیزی حزه بوخبردن
غایده متالم اولوب زارزار اغلیوب اگر چه اوج کون طعام و شراب تناول
ایتمش ایدی اکل و شربه التفات ایتیموب محمدک انتقامن ابو جهلندن
آلینجه طعام و شراب بکا حرامدر (القصه حضرت رسولی استفسار
ایدوب روانه اولد قده حرم کعبه ده کوردی ملول و مکدر دیواره تکیه
قیلش ایدی (السلام علیک یا ابن اخی) خاطر مبارکک خوش طوتکه
انتقامک دشمنلردن آلمغه کلمشم و ممکن اولد قده دفع آندوه خاطر که تدارک
قیلغه عزیمت قیلشم حضرت رسول ایتدی جمیع اقر بانک التفاتی با که
جفادر عجبدر که خلاف عادت سندن ظهوره کله و تمنای خاطر ناشادمکه
هیچ کیمسه دن مبسر اولماز سندن مبسر اوله (شعر) چرخ هرگز سهو
ایدوب رأینجه دوران ایتدی * هیچ کیم دردم بیلوب تدبیره درمان
ایتدی * تنکدل بر غنچه ام بن کیم فلاک هرگز بنی * نوبهار اطف تحریر کیمله
خندان ایتدی * حزه کریان اولوب قسم یاد ایتدیکه ای برادرزاده عزیز
حقا که رضای خاطرک حاصل ایتک بکالایم اولمشدر حضرت رسول
ایتدی ای عم بزرگوار بنم رضای خاطرم بذل مال و ارتکاب قتال ایله
حاصل اولماز حزه ایتدی پس نیله حاصل اولور حضرت رسول ایتدی
ای حزه اکر رضای خاطرم استرایسک واجب الوجودک وحدانیتنی
و بنم رسالتنی اعتراف ایدوب لوح ضمیرکی غبار کفردن پاک ایت (شعر) عز
و جاه و دولت و اقبال و مملک عالمک * اولمه تحصیلنه راغب کیم فنا انجامدر
* دوات اسلامی کسب ایتکده قصیر ایتمه کیم * دولت باقی که دیرلر دوات
اسلامدر * حزه ایتدی ای مخدوم زاد بولکله ایله خاطرک خوش اولورمی
حضرت رسول ایتدی نعم پس حزه کمال اخلاص و اعتقاد ایله مسلمان
اولوب هم اول حرارتله ابو جهلک در سر اینه کلوب کوردیکه اکابر قریش

ایله اوتورمش بی محابا آندده کی یایله اوروب فرق نامبارکن مجروح قیلوب
ایتدی ای بدبخت سندن محمه جفا ایتک نه مناسبدر جماعت قریش آنی
غضبناک کوروب ایتدیلر ای ابا عماره بر کذاب ایچون بونجه حدت نه لایق
حزه ایتدی ای بدبختلر محمد قریشی صادق و امیندر و بندخی شهادت
و یریم آک صدق دعواسنه (شعر) حمد لله که اولوب کفر و ضلالتدن دور
* دوشدی کولم اوینه شمع رسالتدن نور * اشراف قریش حزه دن
اول کلانی استماع ایتد کده متوهم اولوب ارتفاع آفتاب دوات اسلامدن
اندیشه قیلوب حضرت رسولک قتلنه بیل با غلدیلر و ابوطالبه بنیاد
جدال و قتال قیلدیلر و ابوطالب دخی بنو هاشم و بتومطلبی جمع ایدوب
اول سرورک محافظت و معاونتندیکه محبت اولدیلر و جمیع بنی هاشم
ابو جهلندن غیری ابوطالبه اتفاق ایدوب بر شعبه اولوب بنی قریشدن
قطع علاقه ایدوب مناکحه و معامله آرازدن کوتورلدی (شعر) صبح
صادق کی طلوع قیلوب * نور شرع محمد عربی * پرتوفیض ایتدی
عالمکیر * بر بندن ایردی روز و شبی (القصه) اوج بیل بو منوال ایله
روز کارلری یکوب ابوطالب وفات ایتدی اوج آئی کچد کده خدیجه وفات
ایدوب جمعیعت اسلام بر مقدار خلل بولمغین و اعوان و انصار متفرق اولمغین
کفار طغیان طریقله اول حضرت اظهاریت ایتدیلر و طریق معاندنی
طوتدیلر مجمللا اون بیل مقداری مکده جفا چکد کده نصره فرمان
یتوب مکده دن مدینه یه انتقال ایتدی آندده دخی عبده اصنام صدد مخالفته
اولوب محاربه و مقتله و غزای بدر اول زمانده ظهور کلوب عمر رسول عبیده
بن حارث بن عبدالمطلب شرف شهادت بولدی * فصل فی شهادت
عبیده بن حارث (کیفیت شهادتی اولدر که چون مصاف بدرده سپاه
اسلام و لشکر کفار مقابله ایلدیلر سپاه کفار طقوز یوز الی مبارز و لشکر
اسلام اوچبوز مجاهد اولوب و تمامی لشکر اسلامده یتیمش مرکب
و آتی زره و سکر شمیردن غیری یوغیه ایکی جانبدن صفلر مرتب

اولد قده صف كفار دن اوج كچسه ميدانه چيقدي بری عتبة بن ربيعة
بری وليد بن عتبة و بری شبيه بن ربيعة واشكر اسلام دن دخي اوج
مبارز انصاري آنلره مقابل اولدي كفار مبارزلي انصار مجاهد لر دن
سؤال ايتديلر كه سز نه طائفه دن سرديد يلر كه انصار دن زندا قيلد يلر كه بزم
اي محمد انصار ايله عداوتن يوقدر بزه اقرارمزدن مبارز كوندن حضرت
رسول عبيدة بن حارث و حنة بن عبدالمطلب و علي بن ابی طالبی آنلرك
ميدانه ارسال ايتدی مقابل اولد قده عبيدة بن حارث عتبة به و حنة
شبيه به و علي بن ابی طالب وليده مقارن اولوب ايتداي حربه حنة ضرب
تيغ آدارله شبيه بن هلاك ايدوب و علي صدمه شمشير صاعقه بارله وليدی
قتل قيلوب دشمنلره غالب اولديلر اما عبيدة بن حارث عتبة بن ربيعة بر برين
مجروح ايدوب عاقبت عتبة عبيده به بر زخم منكر اوروب آيقدن براقدي
و حنة و علي اتفاقله عتبة بن قتل ايدوب عبيده بن كوروب حضرت رسول
خدمته يتورديلر و عبيده به يهوش ايكن كندوزينه كلوب كوزن آچد قده
خواجه عالمك جمال شريفن كوروب ايتدی يار رسول الله (الست شهيدا)
حضرت بيورديكم نعم سن سردفتر شهدا سين و عبيده اول حالته
مباهات ايدوب دارالحر بدن مراجعت ايتد كده منزل رو حاده دارالقراره
انتقال ايتدی و منزل مقصوده ايتدی (شعر) اي خوش اولكم حياتي
اوارجه * عمري صرف ره شربت ايد * مدت عمري آخر اولد قده *
بوجهاندن شهادت ايله كیده (فصل في شهادة حنة) اما حنة مك
شهادته بو وجهله تقريرا و انتم كه مصاف بدر دن صكره كفار لشكر جمع
ايدوب بيك مسلح و مرتب كافر مدينه به توجه قيلد يلر و احد ديمككه
معروف منزله ايتد كده حضرت رسالت دخي يديوز مهاجرو انصار ايله آنلره
مقابل طوروب برنوعله صف باغلديلر كه كوه احد قفاده و مدينه مقابلده
و كوه عين جانب يسارده واقع ارباب و كوه عينك بر شگافی اولوب كمينكاه
اولمغه قابل اولمغين حضرت رسول عبد الله حبيبي الی كاند ايله

آنك حفظنه تعيين ايتدی و مقرر قيلد يكه اكر لشكر اسلام غالب
واكر مغلوب اولسه لر انلر اول شكافدن انحراف ايتمه لر و اول رخنه دن
برغيري جانبه كمينه لر ايكي جانب دن آتش جدال اشتعال بولد قده و بازار
محاربه كرم اولد قده جماعت قريش دن طلحه بن ابی طلحه ميدانه كلوب
علي بن ابی طالب انده هلاك اولدی و فرزندى مباشر حرب اولوب حنة
الندين تاجر عسرت بن فناء قيلدی (القصة ابواب ظفر اشكر اسلام مفتوح
اولوب لشكر كفار اختلال و انحلال بولمغين علملري نكونسار اولوب
متفرق اولد قده لشكر اسلام غنائم طوتمقده فرصتي غنيمت بيلوب نهب
وغارته متوجه اولد قده رخنه كوه مستحفظلري اول حالي كوروب
بي اختيار منزل لر دن منحرف اولوب عبد الله منع ايتد يكه قابل اولمبوب
غارته متوجه اولمغين كفار اول عمرى خالى و لشكري غارته مشغول
كوروب اول عمره متوجه اولوب عبد الله به بعض اصحاب ايله شهيد ايدوب
لشكر عقبندن چيقوب حمله قيلد يلر لاجرم اثر مخالفت حضرت رسول
موجب تفرقه لشكر اولوب كفار تغلب ايدوب لشكر اسلام اوج قسم
اولدی بر قسمي مدينه جانبنه فرار ايتدی و بر قسمي علي وسعد و طلحه
كبي حضرت رسول خدمته قالدی و بر قسمي درجه شهادت بولدی
و روضه الاحبابده مسطور در كه لشكر اسلام هزيمت ايدوب حضرت
رسول تنها براقد قده اول حضرت علي دن غيري خدمته كورمبوب
ايتدی يا علي سن نچون سائر جماعته ملحق اولمادك حضرت عمر رضی
ايتدی يار رسول الله ان لي بك اسوة (شعر) برينده ام كه روز از بدن مطيع
اولوب * طوق وفای عهد كه چكمش قضايي * نقد حياتم ايلشم نذر
طاعتك * حاشا كه سندن ايله دوران جدايي * ناگاه جميع معاند لر اول
حضرت متوجه اولديلر حضرت ايتدی يا علي بو جمعي پریشان ايله
حضر ب علي اول جمعي پریشان قيلوب اكثر مالك نيرانه تابشوردي اول
حائده حضرت جبرائيل نازل اولوب ايتدی يار رسول الله كل مخالصة تدر

بو که علیدن ظهوره گادی حضرت رسول ابتد (بلی انه منی وانا منه)
 جبرائیل ابتد (وانا منکما) روایت در که منظومه (لافتی الا علی لاسیف الا
 فی الفکار) هاتف غیبی اول کون صادر ارا سی ارباب حق یق و احباب
 معارفه محققدر که سبب اعتلای رتبه مرتضی اتباع حضرت مصطفی قادر
 واعظم معجزات مصطفی ولایت مرتضی (شهر) تکمیل مرتضایه سبب
 قیام سوال * اقبال اتباع شه اندایت * حقیقت رسوله دلیل ایتسار
 طلب * طوع اطاعت علی مرتضایت * روایت در که کفاردن درت معاند
 عهد ایتدی که حضرت رسوله برضرت شور و ریز یوزندن اسلام آثارن
 کونوره بری ابن شهاب و بری ابن قه و بری ابن حمید و بری ابن ابی وقاص
 (القصة اشرا غلبه ایدوب ابرار مغلوب اولدقده فرصت بولوب ابن قه
 حضرت رسولک جبین مبارک کربن که مطلع آفتاب صدق و صفاییدی سنک
 جفا ایله مجروح ایدوب اول جراحتدن جاری اولان خونابه بی اول حضرت
 پاک ایدوب دیو دیکه ا کر بر قطره بوقاندن روی زمینه دو کلسه بلای آسمانی
 نزول قیله ابن شهاب بازوی شریفلرین که پنجه تاب دست ثعلب کفار ایدی
 ناولک بد ادله زخماک ایدوب و ابن ابی وقاص لب روح افزا لربن که مسیح
 احیای مراسم دین و ماده حیات شرع مبین ایدی خسته قیلوب آنک
 اثرندن دندان رباعیه لری شکست بولدی (مطلع) لعل ناب و در سیرابه
 حج و یرسه شکست * صائمه کیم آرتی حرقدری در و اعل اوله پست * و ابن
 حمید حر مزاده اول حضرتی جراحتله مشغول کوروب شمشیر
 حواله قیلوب حضرت اول ضر بدن احتیاط ایدوب بر مغاره یه تحصن
 ایتدکده رخسار عالم آرا لریکه منظور انظار احباب ایدی نظردن
 غائب اولغین ابن حمید ملعون تصور ایتدی که خورشید آسمان شرع افق
 سعادتدن نهان اولدی و شمع شبستان رسالت انطفاء بولدی مباهات
 ایدوب فریاده گادی که صاحب دعوای رسالت امرن تمام ایتدم
 ابلهس اول ملعونک اتفاقیله ندا قیلدی (الا ان محمد اقد قتل) روایت در که

آواز ابلهس مدینه یه یتوب دوست و دشمن اره سنده شیوع بولوب فرقه
 احباب محزون و زمره اعدا مسرور اولدی اما اندک زمانه نصکره
 حضرت رسول اول مغاکدن چیقوب صحابه یه ملحق اولدی و بو غزوه ده
 حضرت حمزه شهادت بولدی و کیفیت شهادتی بودر که مطعم که اکابر
 احیان مکه دن ایدی وحشی نام بر ملاوی اولوب غایت مبارز ایدی بر
 کون دیدی ای غلام مصاف بدرد بنم برع مقتول اولو بدر و محمدک ایکی
 عمی وار بری حمزه و بری عباس ایکیسندن برین قتل ایده یلمسک و عمک
 انتقامن السک سنی مالیدن آزار ایدردم وحشی ملعون حمزه قتلن قبول
 ایدوب و همواره مترصد فرصت ایدی و هند که منکو حه ابی سفیان
 ایدی آنک اتاسی دخی بدر مصافقه مقتول اولوب خاطرنده بو کدورت
 متمکن ایدی اولدخی و حشبنک عزمن معلوم ایدوب مؤ کد فساد اولوب
 انواع مواعده اول ملعونی تحریر یص ایتدی وحشی یه حارث بن عامر
 دخی ایتدی ای وحشی بنم اتام و قرنداشم بدرده مسلمانلر انده قتل
 اولدیلر اگر سن محمدی یا حمزه بی و یا علی بی قتل ایدجک اولسک سنی مال ایله
 یکنیاز ایدرم (شنوی) طمعدر سرفتنه روز کار * طمعدر قیلن عزت اهلنی
 خوار * نهال طمع میوه سیدر فساد * بهار طمع سیره سیدر عناد *
 طمع دیده دانشی کور ایدر * رخ شاهد فیضی مستور ایدر * وحشی
 ایتدی محمد قتلنه قادر دکل زبرا اصحابی آنک محافظتنه یکجهتدر لر و حمزه
 قتلنه دخی اقدام ایده یلمز زبرا اول یهلوان صاحب صلا بتدر اما علی
 نور سیده درهنوز احوال مصافه واقف دکل ممکندر که قتلنه فرصت بولم
 واکا غالب اولم (القصة اول عزیمتله وحشی حرامزاده منتظر فرصت
 ایدی اول وقتده ککه غزای احد واقع اولوب نیران محاربه اشتعال بولدی
 مقدم حضرت علی قصدن قیلوب کوردیکه شاهباز اوج لافتی غرابه
 صید اولماز و شیر پیشه هل اتی به هر شغال نصرت بولماز اندن تجاوز
 ایدوب حمزه قصدنه دوشدی و حمزه عادت معهود اوزره ایکی شمشیر ایله

مصاف ایدوب هر جابه حمله قیلوب صفوف اعدایی چاک اید رکن
 هر کی برناهوار یرده اعتشار بولوب آیاقدن دوشوب کندی پیاده قالبوب
 بعضی اعضا سندن زره دور اولغین وحشی حرمزاده فرصت بولوب اکا
 برضرب نیزه یتوردیکه برطرفدن بر طرفنه گذار ایتدی فی الحال کلمه
 شهادت کتوروب نقد روانی خازن جنانه تسلیم ایتدی (شعر) اول
 شهنشاه عظیم الشانه نکام اجل * تیغ دشمن اولدی مفتاح درد دار السلام
 * چهره اقبالنه آچلدی ابواب نجات * دوستدن استردی دشمندن میسر
 اولدی کام * و بعضی بد بختلردخی آنک حربه ایله سینه سین چاک ایدوب
 جکرن پاره پاره چقاروب هند جکر خواره یه هدیه اتدیلر و هند بی دولت
 آنک جکرن بیوب وحشی به آفرینلر اوقیوب احسانلر ایتدی (روایتدر که
 لشکر اسلام متفرق اولدیغی حالتده حضرت فاطمه حضورنده اولان
 خوانین ایله مترصد اخبار رسول ایکن بر سپاهی حضرت رسولک فوتندن
 خبر و بروب حضرت فاطمه اول خبردن بیهوش اولوب کندویه کلد کده
 بی اختیار مدینه دروازه سندن چیقوب عایشه و صفیه و حفصه و بعضی
 مخدرات حرمسرای عصمت دخی اتفاق ایدوب احد طاعنه توجه ایتدیلر
 وحدت فریاد و فغانه لاله لری کربیان چاک ایدوب و چشمه لری دیده لرین
 نمناک قیلدیلر (القصة فاطمه بر نحوه بنیاد قیلدیکه صداسندن احد
 طاغی مترزل اولدی (یت) براقدی کوهه صداناله و افغانی آنک * اقتدی
 چشمه یاشین چشم خونفشانی آنک * اثر مصیبت اعضای لطیفه فندن قوت
 رفتاری آلوب غایتده بی طاقت اولوب سایه وار اول آفتاب اوج عصمت
 بر کهنه دیواره تکیه قیلدی و اطرفنده اولان عورتدن بر صالحه یه
 تضرع قیلدیکه اول رزمگاه روان اولوب حضرت رسولدن بر خبر کتوره
 اول صالحه روانه اولوب رزمگاهه یتد کده کزاری شهیدلر اوزرینه
 دوشوب قرنداشین مقتول کوروب التفات ایتوب سرعتله آندز کچد کده
 اوغلنی دخی کوروب پرزخاه آغشته خاک و خون او لمش حیانتندن

برهق باقی اولوب تضرع ایتدیکه ای مادر مهر بان آخر نفسدر فرزند
 مستمندی سعادت دیدارگاه مشرف قبل اول صالحه ایتدی ای فرزند
 اگر چه آتش فراقک جگر سوز و ناوک هجرانک دلدوردر اما
 نه دیم حضرت فاطمه منتظر مر اجتهتدر سکا مشغول اوله مم معذور
 طوت آندن دخی بو عذرله کچوب معرکه فتله قدم با صدقه اول محله
 یتدیکه حضرت رسول مغاکدن چیه قوب سایه علمده قرار طوغمشیدی
 پابوس شریفیله مشرف اولوب ستایشلر قیلوب ایتدی (شعر) ی چراغ
 خانه شرع کل کلزار دین * ملجأ الافاق خبر الخلق فخر العالمین * نور
 رویکدن منور دید خورشید و ماه * خاکپایکدن مزین صفحه روی
 زمین * تفصیل ایله فاطمه احوالن عرض ایدوب اشتیاقن شرح قیلوب
 و سلامن یتوردی حضرت رسول الله صلی الله علیه وسلم ایتدی ای
 مستوره مر اجعت قیلوب فاطمه یه حیانتدن بشارت یتوروانی بنم
 حضورده کتور اول مستوره حضرت فاطمه یه سید کائناتدن بشارت
 یتوروب حضرت فاطمه مضطرب الحال افتان و خیران اول رزمگاهه
 یتد کده حضرت رسول استقبال ایدوب اکاتسلی خاطر و یرد کده
 خاتون قیام ایتدی ای پدر بزرگوار بو عورته شکرانه قبول ایتشم
 حضرت رسول ایتدی ای مستوره مر ادک ندر خاتون ایتدی توقعم
 بودر که عرصه قیامتده بکا و اولادده شفیع اوله سین حضرت رسول
 توقع قبول ایدوب و اول عورته رخصت اولوب شهیدلرینک اوزرینه
 کتد کدنصکره حضرت رسول ایتدی آیا حزه یه نه واقع اولدی
 اوله که آندن اثر کور لماز حضرت علی حضرت رسوله حزه شهادتن
 خبر و یردی (یت) نه خبردر بو که خونابه دو کرمز کاندن * صبر آلورجان
 حزن و دل سرگرداندن * حضرت رسول صحابه لریله حزه نک اوزرینه
 کلوب اعضای پاره پاره سن کوروب ناله لری چکدی و نحوه قیلدی و غایتده
 متأثر و متألم اولدی ز براعم بزرگوار و برادر رضاعی اولوب حین دعوت

نبوتنده هواداری ایدی بو حالته مقارن صفیه که حزنه نك همیشه سی
ایدی حاضر اولوب حضرت رسول آنی کوروب فرزندی زبیره ایدی
بازبیر والدیه کی برتدبیرله کلمه کدن منع ایده کورقند اشین بو حال ایله کورمیه
اول مخدوم زاده اناسنه استقبال ایدوب ایدی ای والدیه محترمه
حضرت رسولک رضاسی سنک مراجعتکدر صفیه ایدی ای فرزندی
استماع ایتشم که حزنه شهادت بولوبدرو یقینکه بومصیت رضای
خداورسول ایچوندرو قعم بودر که بکادخی تعزیتدن ومشا اده سندن
بو ثواب ميسر اوله حضرت رسول اول مظلومه نك کمال همتن وحسن
اخلاصن ملاحظه قیلوب رخصت ملاقات و یروب اتفاقله عزاسنه
اشتغال ایتدیلر و اول ساعتده جبریل علیه السلام کلوب بشارت
کتوردیکه حزنه نك صفحه آسمانه اسمی اسدالله واسدالرسول یازلدی
روایتدر که حضرت رسول حزنه نك جنازه سی اوزرینه نماز ایتدکه
یتش نفر شهیدک جنازه سین حاضر ایدوب بربری اوزرینه نماز ایتدکه
آنک جنازه سین کتور مبوب یتش کره اوزرینه نماز قیلدی (نور الائمة
خوارزمین قلدر که حزنه ایکنی شهید در اهل بیتدن وحسین مظلوم
خاتم الشهدادر و حضرت رسول بیورمشکه کر بلاده حسین ایله یتش
نفر مجاهد شهید اوله و آنلرک اوزرینه نماز قیلغه بر مؤمن حاضر اولیه
بنم حزنه اوزرینه یتش کره نماز ایتدیکمک بری حزنه ایچون ونمه سی اول
شهیدلر ایچوندر روایتدر که بر شهید دارالحربه آیاقدن دوشدیکي زمانده
حورالعین استقباله کلوب آنکله مصاحفه قیلور (القصة حضرت رسول
بیوردیکه حزنه بی جامه خون آلود ایله دفن ایده ل و دارالحرب احدثن
مراجعت ایدوب مدینه به کلدکده هر جانبیدن شهدای احد ایچون کریه
استماع ایدوب حزنه نك سرایتدن توجه استماع ایتوب حضرت رسول
بیوردیکه حزنه نك بوشهرده اهلی یوقدر عزاسین طومغه (مشهوردر که
ایکی وقت ایکی طائفه به حسرت مستولی اولور صباح اولدقده که هر فرزند

والده سنک کنارنده طوروب شفقتلر ومهربانلقلر کور راما یتیملری بیگسلاک
آتشی یاقاروهر اخشام اولدقده هر کیم کندی منزله متوجه اولور غریب
اوللرک خاطرینی سر اسیمه لک مخنتی یاقار (نقلدر که بر پیغمبر ملک الموتدن
سؤال ایتدیکه ای خازن نقود ارواح بونجه چکرلر که داغ مفارقتله یاقار سین
وبونجه خاتمئلر که اجل سیلابله ییقار سین آیا هیچ کیمسه به رحمت کلور می
ملک الموت ایدی نرحم نقشتی صحیفه خاطرمدن حضرت ایزد رفع
ایتشد راما بوحال ایله غریبلرک حالنه رحم کلور زیر استرداد زمان امانت
ربانی بری پدر و مادر یاد ایدوب آب حسرت دیده غمدیددن دو کر و بری
یار و دیاری فراقدن آه حسرت چکر (شعر) سبل اشک یتیم آه وغریب *
موج اوروب شعله چکسه شام وسحر * قطره سی صفحه زمینی طوتوب *
شعله سی آسمانه ایده اثر * روایتدر که جمیع مهاجرک وانصارک عورتانه
حکم اولدیکه حزنه نك سرایتنه جمع اولوب کندی شهیدلرینک عزاسین
آنده طوتال حضرت رسول مهاجر و انصارک بوفعللارندن غایت خشنود
اولوب دعا قیلدی ای عزیزلر ملا حظه قیلدککه حضرت رسول حزنه نك
بیگسلاکنه رحم ایتدیکي یرده کر بلاده حسینله بونجه اولادی شهید
اولوب مائئلرین طومغه کیمسه اولدیغی اجلدن اکر مکدر اولسه و آنک
رضاسیچون مخلوقات زمین و آسمانی عزاطوتسه غریب وعجیب اولمازامام
محبی السنه معالم التزیلنده نقل ایتمشکه واقعه کر بلادن مقدم حرت شفق
یوغیدی اول واقعه دنصکره ظاهر اولدی (بیت) صانع کیم کلکون
شفقتندر سپهر بیوفا * دامن دورانی طومش خون آل مصطفی *
شواهد النبوه ده مسطوردر که عبدالملک بن مروان مجلسنده برکون واقعه
کر بلاذکر اولنوردی زهیر آنده حاضر ایدی نقل ایتدیکه اول کون حوالی
مسجد اقصاده هیچ سنک ریزه برندن کتور مدیلر که آنک التده برقطره
قان کورمدیلر (وعیون الرضاده مسطوردر که علی بن موسی رضادن
نقلدر که جدم حسین شهید اولدقده آسمان خونبار اولوب حقا که

بیک فرشته رحمت آنک انتقامن آنگه افلا کدن مرکز خا که ایندیلمر اما
 رخصت بولدیلمر و حالار و وضعه مبارک اوزرنده موی ژه اینده وره ی
 خراشیده ایله عزاسنه مشغولدرلر (شعر) کر بلاد شنده شاه کر بلانک
 حاله * اتفاق عام اولوب مجموع عالم آغلدی * پایه عرش معلا ده دوکوب
 جبریل اشک * روضه رضوانده روح و آدم آغلدی * فصل شهادت
 جعفر طیار) و چچی شهید اهل بیتدن جعفر طیاردر (روایتدر که جعفر
 جمع صحابه ایله حبش جاننده هجرت ایتد که نجاشی علیه الرحمه آنک
 ارشاد یله اسلامه کلدی و قلعه خبیر فتح اولند قده حضرت
 رسول ملازمته مشرف اولوب حضرت آنک حقه بیهوده بیورمشکه
 (اشبهت خلقی و خلقی) فی الواقع بونه بیت تعظیمدر روایتدر که هجرتک
 سکرچی بیلنده حضرت رسول جعفری مر حل غسالی حربنه ارسال
 ایتدی و مؤنه منزلنده کفار ملحق اولوب لشکر اسلام اوچبیک مجاهد
 و لاسکر مر حل یوز بیک مفسد اولوب غایت کثرته ایدی اما سپاه ظفر
 پناه اسلام کثرت سپاه اعدادن اندیشه قتلوب بنیاد مقاتله قیلدیلمر
 اثنای مقاتله ده زید بن حارث علمدار سپاه ایدی شهید اولوب جعفر کندی
 رایت نصرت آبتی الله آلوب هجوم ایتد کده کفار مر کین سقط ایدوب
 پیاده قالوب فقه و جبار فرست بولد قده ضرب شمشیر ایله بازوی یمین بدن
 مبارکندن جدا قیلدیلمر اول شهید زوج جلالت رایتی بازوی بساره آلوب
 براقدی بازوی بسارن دخی قطع ایتدیلمر رایتی دیشیله طوتوب دوشمکه
 قویمدی (الفصه برنامرد بر ضرب منکر اوروب اول مظلومی آیاقدن
 براقدی) اخبار صحیحہ دن نقلدر که حضرت ایزد حجب و استاری رفع
 ایدوب حضرت رسولی مؤنه معرکه سنه مطلع ایتشیدی و اول حضرت
 دهیم جمع احواله مطلع اولوب اصحابه خبر ویردی و زید بن حارث
 و جعفر بن ابی طالب اره اوه اولد فلین اعلام یدردی و بیورردیکه جعفری
 کوردم بهشته کیروب یا قوندن ایکی شهید پیدا قیلوب طیاران ایدردی

و بودخی حضرت رسولدن نقلدر که بیورمش بن جعفری کوردم مثل
 ملک طیار بهشته پرواز ایدر بوجهتدن آکا جعفر طیاردرلر (و بعض
 قصصده مسطوردر که جعفرک یتیم ایکی زخمی اولوب دوشد کده هیبت
 و صلابتدن هیچ کیمه قتلنه اقدام ایده یتیموب آخر الامر اعدا هجوم
 ایدوب آبی بردن کتورد کده باش قالدیروب مناجات ایتد کده الهی بنم
 قتلله عم زاده مک نامو سنه خلل یتورمه حق تعالی ایکی شهیدال
 التفات ایدوب قوت پرواز ویردیکه کفار ایچنده اوچوب فردوس برینه
 نزول ایتدی (شعر) قتل ره عشق اولان سالکی * حقل التفاتی
 سرفراز ایدر * مذلت ترابنده کور مزر و * علو مقامیله ممتاز ایدر
 * پروبال پیدا قیلوب لاجرم * طیار بهشت ایله پرواز ایدر * هرگاه که
 عبد الله بن عمر جعفرک اولاین کوردی یو عبارتله تعظیم ایدردیکه
 السلام علیک یا ابن ذی الجناحین (روایتدر که حسین شهیددن حضرت
 رسول جعفرک احواله مطلع اولد قده آنک منزلته واروب اسماء
 بنت مجسمه که آنک زوجه سی ایدی حاضر ایدوب جعفرک اطفائی بر بر
 نوازش طریقله سرفراز ایتد کده اسماء ایتدی یا رسول الله بوکون
 جعفرک اولادینی یتیم طریقله نوازش ایدرسین مکر جعفر شهادت
 بولوبدر اول حضرت کریان اولوب آنره صبرله تسلی ویردی (عبد الله
 ابن جعفردن مرویدر که حضرت رسول کلوب بزه تعزیت ویرد کده اول
 تاننده کریان ایدیکه قطرات اشک محاسین شریفندن دوکلوردی
 و بیورردیکه الهی جعفری احسن مقامه و اجزل ثوابه ایرشدن و حالا
 سن آنک خلیفه سی اولوب حصن حیاتکده صافله و اول کوندن مکره
 یتیم کلوب اولان عزادن چیقاروب خاطر ابنی الله الدقه و والده لری یتیم
 ایچون تشفع ایتد کده بیورردیکه (انخافین علیهم وانا وایهم فی الدنیا
 والاخرة) روایتدر که جعفرک سکر اوغلی اولوب ایکیسی عون و محمد اصغر
 حضرت حسینله کر بلاد شهید اولدیلمر رحمة الله علیهم حضرت رسول

اللهك بر ابتلاسی دخی فوت ابراهیمدر (روایتدر که ابراهیم هجرتك
بکرمی ییلنده ماریه قبطیه دن متولد او اوب قابله سی مسئله نام جاریه
ایدی حضرت رسولدن نقلدر که ابراهیم متولد اولد قده جبرائیل نزول
ایدوب تهنیه طریقیله ایتدی السلام علیک یا ابا ابراهیم (قصه ابراهیم
بر ییل آتی آی فضای حیانه قلوب جوار رحمت واصل اولدی حضرت
رسول آنک فوتندن مجروح اولوب کربیه به آغاز ایتد کده عبد الرحمن بن
عوف ایتدی یار رسول الله سن خلقی جزعندن منع ایتدک حضرت رسول
ایتدی بن کربیه دن منع ایتدم خراش روی و کشف اعضادن نهی ایتدم
آب چشم ماتمده باران رحمت و نشان رأفتدر (العين تدمع والقلب تحزن
ولا اقول الامارضى به ربنا) شو اهد النبوه ده مسطور در که بر کون
حضرت رسول حضرت حسینی پردیزی اوز زینه و ابراهیمی پردیزی
اوز زینه آلوب نواز شلر ایدر کن جبرائیل حاضر اولوب ایتدی یار رسول الله
حضرت حق یو ایکی لؤلؤ شهواری بر رشته به منتظم قیلوب جمع ایتد
برینک رفعنه رضا و یرمک کرک (شعر) ای شهر یار مسند تمکین عز و جاه *
اولماز بر آسمان ایکی خورشیده جلوه گاه * حضرت رسول ایتدی اگر
ابراهیم فوت اولسه اکثر آلام بکاستوجه اولور و اگر حسین فوت اولسه بکا
و مر تضایه و زهرایه اولق لازم کلور بن مصیبت خاصی محنت عامه اوز زینه
اختیار ایتدم اول واقعه دن اوج کون کچد کده ابراهیم وفات ایتدی رحمة
الله علیه اول واقعه دن نص کره هر گاه که حضرت رسول حضرت حسینی
الینه آلوب التفات ایدردی و دیردیکه مر حبا ای فرزند عزیز می فداسی
ایتد یکیم جگر کوشم زهی بد بختلر که بویله عزیزه اهانتی روا کوره لر
کتر الغرابده مسطور در که بر کون حضرت حسین حضرت رسول
خدمتمده ایدی منزله مر اجعت ایتک مر ادایتدی اما بار اندن کتمکی
متعذر کوروب ملالت خاطر ظاهر ایتدی حضرت رسول حضرت حسینی
ملول کوروب ایتدی نه واقعه رحمتین ایتدی یار رسول الله باران بکامجال

ویرمز که منزله کیدم حضرت رسول دعا قیلدی باران توقف ایدوب
حضرت حسین منزله متوجه اولدی قیاس اید ککه قطره باران جفا سنه
متحمل اولیان اعضای شریفه سنک ستمدن نه جفال یتش اوله (شعر)
خارنا و کدن کل اعضایی اولمش چاک چاک * پایمال ایتش غم اول
سرور وانی ای دریغ * اختلاف وضع طغیان هوای مختلف * منطقی
قیلش چراغ خاندانی ای دریغ * حفا که هر ذره خاک و هر جزء افلاک
ناروز قیامت هر زمان هزار ناله دل سوز چکسه مصیبت کر بلایه وفاقیلماز
و اول محنت زده لر عزاسننه وافی اولماز (اوچنجی باب حضرت سید المرسلینک
کیفیت وفات بیان ایدر) همیشه دیده بصیرت برله مظالعه اوراق لیالی
وایام ایدن ارباب حقایق و اصحاب معارفه معلوم اولمشدر و همواره عین
فراسنله مشاهده مرور سنین و اعوام قیلان اولو الابصار ذوی الافهام
آراسنده وضوح بولمشدر بو که اعیان ثابته ممکنه مستلزم احاطه عدمدر
واصلنه راجع اولور هر مو جود که وجودنه عدم مقدمدر (مثنوی) کج
بقاصانمه بو ویرانه یی * ایتیه کور قبله بو بیتخانه یی * مهری کتور کبکد
دواردن * رسم وفا اومه بو غداردن * ملک وجودی عدم آباد ییل *
کور مد وجودک عدمک یاد قیل * آچمه جهان زانه چشم هوس *
عقدنه ییل باغلمه پیوندی کس * طوتکه جهان ملکنی طوتدک تمام * سودنه
چون ملکینه یوقدر دوام * دهر ندر آینه عکس دار * صورت آینه
بی اعتبار * ای عزیز مطلق ریاحین ریاض امکانه شبنم بقادن اثر طراوت
یتماشدر و سبزه بوستان حیات مستعار هر کر سحاب ثباتدن کسب رطوبت
ایتماشدر کبابه ایوان بنای عالم رقه (کل مخلوق بموت) و خیره طینت بی
آمدن خیره مایه (کل مرزوق یقوتدر) (مثنوی) طمع قیلک و فاملاک
جهلندن * وفا قندن بو فانی ملک قندن * بو ویران ایچره صمک
کنج یوقدر * جو اهر دن ابالب کنج چوقدر * ولی عادت
بو اولمشدر که دوران * قبله هر کجی بر طیراقده پنهان *
کر ادرالک ایلسک هر ذره خاک * چکوبدر پرده به بیک جوهر پاک *

نه بارگاه حشمتد ر که طاق و رواقی طارم اعلايه يتد که سيل فتادن تزلزل
بولوب و بران اولمادی * و نه نقش کار کار رفعتد ر که زینت و زینتی درجه کمال
حاصل ایتد که باز یجه لعین باز دهر دن صورت تغیر بولمادی * لاله زار
صحرای امکاندن مشام ادرا که رایجه (کل من علیها فان) کلور زمزمه
بزم جمعیت اعیاندن سمع عرفانه اصغای صدای (کل شی هالک) قلمور
(مثنوی) دهر دن آرزوی کام ایتد * بونده کام استیوب مقام ایتد *
فلک تیر کرد و تند خرام * هیچ ناکامه و پر ممشدر کام * الحق بوخار زاره
کل مراد امیدیه زلال حیات کرامی دوکن خارند امتدن غیری بهره
کور ممشدر * و بوستانه شکوفه مقصد متناسبه نهال توقع دیکن زهر بلادن
اوز که میوه در ممشدر * اتصال صحبتی خاطر انفعالدن خالی اولماز و التیام
الفتی ضرر انفکاکدن امان بولماز (مثنوی) دنیایه کلن کیدر ضروری *
مستلزم غیبدر حضوری * دور فلک قراری اولماز * اقبالنک اعتباری
اولماز * طوتدک طوتالم جهانی یکسر * مانند جم و قباد و قیصر * نه سود
چو عاقبت کیدر سین * اسباب جهانی ترک ایدر سین * یقین بیلک کر که که
وضیع و شریف و قوی و ضعیف عالم و جاهل و دیوانه و عاقل و مست
و هشیار و خفته و بیدار ملک عدمدن هبت متناسبه ایلد چیقوب و عالم
صورته اطوار مختلفه و اوضاع متنوعه ایلد سلوک ایدوب هنکام انقضای
مدت عمرنک تساوی طوتوب شربت (کل نفس ذائقة الموت) ایچمک
مقرر در و اعتقاد و اعتماد ایتد کر که خلعت ظهور کیوب فیض فطرت
قبول ایدنلره ادراک تسلط (ایمانت کونوا یدر ککم الموت) مقرر در (مثنوی)
کل ای ملک دنیایه مغرور اولان * می ذوقدن مست و مسرور اولان *
کرفتار دام بلا سین صاقین * اسیر دم از در هاسین صقین * کر بیانکی پنجه
روز کار * طوتد ر حذر قبل سر انجام کار * سنی دام قبره کرفتار ایدر * باشک
مهره رشته مار ایدر * کلان بو کذر کاهه کتمک کرک * نزول ایلین رحلت
ایتمک کرک * بولماز جهان کار کاهنده کام * فراغت مقامی دکل بو مقام *

فی الواقع اگر بقای بشر ممکن اولسیدی خیر البشر که نقش نکین (واکن
رسول الله و خاتم النبیین) در بو تشریفله مشرف اولمق انسب ایدی و اگر
دوام بنی آدم احتمال بو لسیدی قائل (انا سید ولد آدم) بو سعادت
استحقاقند قرب ایدی دلیل ازاله نقش تعینات جسم بنی بو یتر که حضرت
خواجه کائنات (انک میت و انهم میتون) خطابنه مخاطب اولمشدر
و شاهد تغیر صور صحایف امکانی بو کفایت ایدر که افضل عالم (وما جعلنا
لبشر من قبلك الخلد) خطاب مستطابن اصغای قلمشدر (شعر)
دور زمانه نک عدم اعتبارنه * شاهد شیاع واقعه انبیایتر * عمال کارخانه
احوال عالمه * موت نبی علامه فوت و فنا یتر * بی تکلف اعظم مصائب
شهید کر بلا فوت حضرت مصطفی در زیر موجب اطاله ایادی ظلم
و جفا در (مجملا کیفیت موت حضرت رسالت اولدر که اول شمع شبستان
رسالت و خورشید آسمان نبوت هجرتک اونچی ییلنده ادای حج الوداع
ایتد که عرغه کونی ساحت عرفانه بو آیت کریمه نزول ایتدیکه (الیوم
اکملت لکم دینکم و اتممت علیکم نعمتی) حضرت رسول بو آیتک مضمونندن
استشمام رایجه انتقال ایدوب و بو عبارتک مفهومندن احساس ارتحال
قیلوب محقق ییلدیکه تنکمای شهادتدن فضای فرحناز غیبه توجه
ایتمک کرک و دار فنادن ملک بقایه کتمک کرک زیرا غرض شرف رسالتدن
بیان احکام ایدی تمام اولدی و مقصود سعادت ظهورندن اظهار نعمت
اسلام ایدی درجه کمال بولدی پس اکابر و اشراف صحابه بی جمع ایدوب
بیوردیکه ای مهاجر و انصار بندن بو کون ضروریات امور دینگری تحقیق
ایتمک فرصت کنساب فوت اولدیکه وعده مفارقت قریب اولمشدر
و طریق مرافقت انتهاب اولمشدر و دخی بیوردیکه ای قوم عرصه قیامت
(یوم ینفع الصادقین صدقهم) قرار کاهیدر و قاضی روز جزا (یوم لا ینفع
مال ولا بنون) کواهدرا کر او کونده سزدن سؤال اولنسه که محمد سز کاه
نیجه سلوک ایتدی جواب کز ندر صحابه اتفاقله ایتدیلر رسول الله سندن

ادای رسالت والقای نصیحت استماع ایتدك شهادت ویریز پس
حضرت رسول انگشت سبابه قرشکافن جانب آسمانه قالدیروب ایتدی
(اللهم اشهد) یعنی الهی سن شاهد اول (روایتدر که حج الوداعدن
معراجعت قیلدقده اثنای طریقده غدیرغم دیمکله معروف موضعده
جماعتله ادای نماز ایتدکد نص کره صحابه به متوجه اولوب بیوردیکه
(الست بالمؤمنین اولى من انفسهم) یعنی مؤمنلره نفسلرندن اولی دکلیم
اول حضار مجلس اتفاقله تصدیق و یروب ایتدیله نعم یارسول الله
پس حضرت مرتضانک النذن طوتوب ایتدی (من کنت مولاه فهذا
علی مولاه) هر کیمک که بن مولاسی ایدم علی آنک مولاسیدر (لله
عاد من عاداه) یعنی الهی آنکله عداوت قیلنه عداوت قبل
(ووال من وآله) یعنی آنکله دوست اولنلره دوست اول (واخذل
من خذله) و آئی خوارطوتنی خوارطوت (وانصر من نصره) واکا
نصرت ویرنه نصرت ویر (وادراحق معه حيث ما كان) ومقارن ایله حتی
آ کافنده اولورسه (روایتدر که حضرت عمر الفاروق رضی الله تعالی عنه
حضرت مرتضانک الین طوتوب تهنیه طریقله ایتدی بخمک یا بن ابی
طالب اصحبت مولای ومولای کل مؤمن ومؤمنة (قطعه) کل ای رضای
رسول استین طهوره کتور * نشان دوات توفیق وآل من والاه * عداوت
اسد الله اوله قائل کیم * سکاچکلمیه شمشیر عاد من عاداه * و بولکات
حکمت امیر اناسنده ایتدی ای قوم بنی عالم عقبایه دعوت ایتدیله واول
جانبه توجه قیلوب حفظ صلاح ایچون (خلفت فیکم الثقلین کتاب الله
وعترتی) یعنی مظهر سر خلاقم ابکی امر عظیمدر بری قرآن وبری
اهل بیتهم زنهار طریق متابعتلرندن مخالفت قیلک ورسم مطاوعتلرندن
متجاوز اولمککه بونلر بریلره رابطه تمام بولوب حوض کوثر کنارنده بکاملحق
اولوب آثارشکرو شکایت ظاهر ایتسلاک کرک زهی امت بیوفا که بومضمون
مصحح اوایش ایکن اقرب زمانده تحریف مضمون قرآنی جاز کوروب

اهل بیته جفالروا کوردیلرودشت کر بلاده اولادر سوله اذالر یتوردیلر
(منوی) ای شریعت شرفندن غافل * خلل شرعه دمامد مائل *
مصطفادن نه جفا ایتدی سکا * اول وفایشه نه جور ایتدی سکا *
که مکافاتنه پیداد ایتدک * اوزک آزارنه معتاد ایتدک * بنیه شرعنه ویردک
تغییر * آل واولادنه چکدک شمشیر * اول سنی صاحب ایمان ایتدی *
لطفلر کوستروب احسان ایتدی * سن آنک ظلمله عرضین یقده * داغ
پیداد ایله جانن یاقده (نورالائمه ده مسطوردر که هنگام طفولیتده برکون
حضرت حسین مظلوم اطفال محله ایله ملاعبه به مشغول ایکن
حضرت رسول حاضر اولوب آنی طومتغه قصد ایتدی و حضرت حسین
حضرت خواجه دن فرار ایدوب هر طرفه توجه ایدوب حضرت رسول
متعاقب اروان اولوب ایتدی یا حسین بونه نفرتدر حضرت حسین ایتدی
یارسول الله بونفرت دکل بلسکه تحریک سلسله محبتدر (شعر) دایرک
عشاقدن عین طلبدر نفرتی * منع ندر مهر طغیانی محبت شدتی *
انطفای نار شوق ایلر لال اتصال * منع مقدار نجه درمطلوبه طالب
رغبتی * معشوقکه عاشقندن آهنگ کر یزاید آتش محبت و بازار طلبی
تیر ایدر (القصة خواجه کائنات اول احسن مخلوقات تردده طوتوب
آسمانه متوجه اولوب دعا قیلدیکه (اللهم احبه واحبه) هم اول ساعت
عالم غیبندن ندا کلدیکه یارسول الله بو محبتله ممتاز ایتدی بیکک جکر
کوشک و بوالغثاله سرافرازا ایتدی بیکک قره العین دشت کر بلاده شهید
اولوب درگاه عالم پناه، زه پدر بزرگواری و برادر عالمقدار ایله حاضر
اولوب بری بر حریتله و بری بر شربتله و بری بر ضررتله شهید اولوب
تظلم ایتسلاک کرک (منوی) برینک فرق تیغ ظلمدن شق * دم معجز
مثال بدر مطلق * برینک زهر دن حالی دکر کون * مزاج تلخ کل تک
باغری پر خون * برینک لاله وش جسمنده یوز چال * جکر قایتله جسم چاک
نمناک (القصة روایتدر که حج الوداعده ایام منی (اذا جاء نصر الله والفتح)

آیت کریمه سی زول ایدوب حضرت رسول جبرائیل علیه ای مقرب
درگاه الوهیت وای محرم بارگاه ربوبیت غایبانه کام توجیه عالم آخرت در
جبرائیل ابتدی یار رسول الله (والاخرة خیر لك من الاولى) حضرت
خواجه رسالت بوآیتی استماعندن و بو مضمونه اطلاعند نصکره تهنیه
اسباب انتقاله و ترتیب آلات ارتحاله مشغول اولوب همیشه (سبحانك اللهم
اغفر لی انك انت الوهاب) کلمه طیبه سنی تکرار ایدردی صحابه ابتدیلر
یار رسول الله بو کلمه بی تکرار ایتدن غرض ندر حضرت رسول ابتدی بنی عالم
بقایه دعوت ابتدیلر و ثنای تکلمه کریان اولدی ابتدیلر یار رسول الله موتدن
کریه ایتد حضرت تکریدن نه مناسبدر خصوصاً که محترم و مغفور اولدیغکر
مقرر در حضرت رسول ابتدی بنم اضطرابم آنکچوندر که بونجه جفالر
چکوب دائرة ایمانه چکدیکم مسلمانلر آیند نصکره مکاید ایلدیه گرفتار
اولوب نه آفتلره مقارن اولهرونه مختلره دوشوب نه اهانتلر بوله لر (القصة
اول آفتاب آسمان لطف و کرم متوجه درگاه اولوب برای وفاتندن مقدم
صحابه کباری عائشه منزلنده جمع ایدوب آنلری بر بینه سفارش قیلوب
بودعا ایلد سرافراز ایتدیکه (رفعکم الله هداکم الله جمعکم الله حفظکم الله
نصرکم الله وفقکم الله) و شرائط دعاد نصکره وصیت قیلدیکه ای
قوم بنم توجهم عالم بقایه مقرر اولدی و آفتاب حیاتم رخصت غروب
بولدی حرمت اهل بیتمی سزه و سزی اول پادشاه بیر و اله تابشورد مکه
ملک بقاسنه خلل انتقال طاری اولماز و مرآت حیات مؤبدی کدورت
فنا بو لماز لایق اولدر که همیشه طریق اطاعتیه مسلوک اولوب
مطاوعتدن مخالفت روا کورمیه سز و قاعده احکامنه اختلاف
آرا ایلد خلل یتورمیه سز و برنوعله سلوک ایده سز که روز قیامتده سزک
افعال کز بنی شرمنده ایتیه و دامن مباحاتمه نتیجه اعمال ذمیه کزدن
کرد حیات یتیمه صغاری و کبار حضرت رسولدن بو اخبار مو حشی استماع
ایتد کده اتفاقله کریان اولوب ابتدیلر یار رسول الله بو واقعه هائله نه وقت

واقع اولسه کزک پیوردیکه عن قریب واقع اولسه کزک دیدیلر یار رسول الله
عیاذ بالله بو صورت واقع اولسه غسل شریف کزنی قنخی خدمتکار یکزه
رجوع ایدرسز پیوردیکه اقرب اهل بیتم غسله اولی در دیدیلر نه جامه
ایله جسم مبارک کزدن ایدلم پیوردیلر که اکنده کی جبهه ایلد و اگر مصری
حله لر و یعنی جامه لر دخی اولسه جائز در دیدیلر که مرقد شریف کز نه مقامده
اولمق مناسبدر پیوردیلر که حالا متوطن اولدیغهم منزلده دیدیلر سکا کیلر
نماز ایتسونلر بیوردیکه تجهیز و تکفینم تمام اولد قدسه قبرم
مهیا قیلوب جنازه می قبرم کنارنده قویوب طشره چیقک یلمش اولک که
نماز مه اقدام ایدن اول جبرائیل و آند نصکره میکائیل و آند نصکره
اسرافیل و آند نصکره عزائیلدر جمع ملائکه ایلد و آند نصکره سز کلوب
دفعه دفعه نماز ایدک اما ابتدای نماز اهل بیتدن اولسون صحابه
بی اختیار ناله و زار ایدوب ابتدیلر یار رسول الله سزی قبره کیم ایندر سین
پیوردیلر که اقرب اهل بیتم گروه ملائکه معاوندیه که انلر سزی کوروب
سز انلری کورمیه سز وصیت تمام اولد قدده حضار مجلس ایلد موادعه
قیلوب غایبانه سلام ارسال ایدوب پیوردیلر که بند نصکره دارد نیایه کلوب
شریعتیه اقتدا قیلنلره و غایبانه بنم رسالتیه معترف اولنلره بندن قیامتده دل
سلام اولسون آند نصکره مترصد تبلیغ وصال و منتظر زمان اتصال اولوب
احیانندن هجرتک اون برنجی یلمنده صفر آیتک یگر می سکر بنی کونده مقبره
بقیع زیارتنه متوجه اولوب سکا بقعه بقیع ایچون استغفار ایدوب اول
مقدار دعا قیلدیکه کندولری دخی آرزو ایتدی و ابتدی کاش بندخی بو
بقعه نک مدفونلرنده اووب بودعا یه داخل اولدم (روایتدر ابوهریره دن که
دیمش بن حاضر ایدم حضرت رسول ابتدی ای ابوهریره بکادوام حیات
مستعاری و لقای پروردکاری و دخول دارالقراری عرض ایتد بلر لقای
پروردکاری اختیار ایتدم و ترک ماسوی طریقن طو تدم) نقادر که بر کیجه
اول حضرت مأمور اولدی که کورستان بقعه کیدوب امواتنه استغفار

ایده آند نص کره شهدای احد قبورن زیارت قیلوب آنرا بچون شفیع اوله
 بو تودا نشاند اول حضرت بر صداع طاری اولدی که فرق مبار کارن
 عصایه ایله محکم باغلیوب میونه سراینه کلوب بی اختیار تکیه قیلدی
 و بیوردی که (این انا غدا) یعنی یارین بنم منزل قنده در فاطمه اول حضرتی
 مضطرب کوروب امهات مؤمنانه ایتدی ای خواتین سعادتخانه عصمت
 حضرت رسول متکسر در و هر کون بر منزله گتمک متعذر کورینور
 بر منزله مقیم اولسنه راضی اولک مخدرات حجرات رسالت اول صلاحه
 راضی اولوب مقرر ایتدی که حضرت رسول حضرت عائشه منزله
 اولوب هر بری خدمت آنده ادا قیله پس میونه سرایندن چیقوب برالی
 مرتضی کشفنده و برالی عباس کشفنده حضرت عائشه حجره سنه کلوب پستره
 دوشد که حواء محرق پیدا قیلدی (شعر) آفتاب شرع که بولمشیدی اوج
 ارتفاع * لاجرم محروم اولور بولدی رفعت آفتاب * نوله کرتب حدیله
 آفتاب جسمندن عرق * برله کلدرا قیدر فرط حرارتدن کلاب * عبدالله
 این مسعوددن تقلیدر کدن اول وقت حاضر ایدم نبضه ال با صدقه
 حرارتلرین غایت زیاده کوروب ایتیم یار رسول الله بونه عجب تب محرقدر
 بیوردی که هر کسک مرضی مقدار بجه در دیدم یار رسول الله بودرده دوا
 نه در دیدی اول معبود حقیقونکه بنم نفسم آنک قبضه قدرنده در که هیچ
 گیمه به بر مرض طاری اولماز که کناهلری آنکله دو کلزنتکه باد صرصردن
 اوراق اشجار و تصادم هوا دن قطرات امطار (نقلد رکه ابوسعید
 خوارزمی دنکه دیمش بن حین مرضه اول حضرت ملازم ایدم اوزرینه
 بر قطیفه چکمشیدی حدت حرارتلری قطیفه دن محسوس اولوب
 بیوردی که انبیاک مراتبی اعلی اولدیغی کی مرضلری دخی اشد و اقواد زرا
 انبیا محنتلرینک زیاده اولدیغن استدعا قیلورلر و محنت موجب قربت
 اولدیغن بیلورلر (شعر) ربی راحت دایرک دردی دوا در عاشقه * ربی
 بحد اول سبیدن دردی بیایان اولور * غافل اولک دوست دردندن کیم

اولدیقه فزون * موجب تشریف و شفقت باعث احسان اولور (رباعی)
 یارک الم عشقی دوا دن یک اولور * خاک سر کوبی توتیادن یک اولور * عشاقه
 حبیب ایلدی کی جور و ستم * خیر ایتدی یکی اطفیله سخا دن یک اولور *
 و بیوردی که بومرض اول زهرک اثریدر که ام البرام او غلنک ضیافتده
 بکاو بر دیلر و هر مدته المی بحدد الوب بر دوا ایله دفع اولوردی اما بنوبت
 هنکام رحلت اولمغین اشتداد بولدی غالب ابدن شریفنده اوزهرک
 اثری ملازم اولمقدن غرض شرف شهادت ایدی (روح الارواحده
 مسطوردر که چون بحر فیض نیوت و دریای کمال ولایت بر بریله مفارن
 اولوب (یخرج منها لؤلؤ و المرجان) مقتضا سجه حضرت حسن
 و حسین ظهوره کلدیلر اول شهر زاد لک هر بری بر کیفیت وارث اولدیلر
 لاجرم حضرت حسن اکبر اولمغین جد بزرگوارلرینه اقتدا قیلوب الم
 زهرله دپادن کشتی و حضرت حسین اصغر اولمغین والد عالمیقدارلرینه
 تشبث قیاب ضرب تیغله آخرته نقل ایتدی (شعر) زهر دن تلخ اوله لی
 لعل شکر بار حسن * زهر کامن هیچ کیم عالمده شیرین کورمدی *
 اوله لی شمشیردن بر خون تن پاک حسین * استراحت بولدی شمشیر تسکین
 کورمدی * و بودخی مناسبدر که حضرت حسن مدینه ده جد
 بزرگوارینک مجاورتن اختیار قیلدی و حضرت حسین موطن عراق
 اولوب والد عالمیقدارینک ملازمی اولدی (شعر) وادی غریبه
 تنها القدن اگر اه ایلوب * مر تضا شیری هم خواب ایتدی احمد شیری
 * قیلدی لر قسمت ولایت بحرینک کوهرلر * اکبر اولان اکبری حفظ ایتدی
 اصغر اصغری (الفصه حضرت رسول اون درت کون بیمار اولوب
 قضایه متوقف قالدی (روضه الاحبابده مسطوردر که اشتداد مرضه
 فاطمه زهرایی حاضر ایدوب طریق ثودد و قاعده تفقد رعایتند نص کره
 اخفا ایله بر تکام ایتدی حضرت فاطمه کریان اولدی آند نص کره
 بر تکلم دخی ایتدی که اند و هن نشاطه تبدیل قیلدی حضرت عائشه

ایتدی یا فاطمه آیا اول اندوهه وسیله نه ایدی و بونشاطه سبب ندر فاطمه
ایتدی ای مخدرة زمان حضرت رسول ابتداء تکلمنده بیوردیکه ای
فاطمه هر یل جبرائیل تبلیغ احکام ایچون برنوبت کلوردی بوییل ایکی
نوبت نزول ایتدی غالباً اجلم قریب اولمشدروهنکام حیاتم درجه شهادته
نهایت بولمشدربی بوخبردن متالم اولد قده بیوردیکه ای دختر عزیزم
غم چکمه که سکا بشارت ویریم ایکی سعادتله بری اولکه افضل نساء اهل
بهشت سن اولورسین و بری اولکه اهل بیتک جمله سندن مقدم سن
بکاملاقات قیلورسین بومژده بی استماعده تریاک زهر فراقن بکاسازکار
ایدوب سرورلا حقندن الم سابقه تسکین یتدی و بیوردیکه ای فاطمه
چون جمیع نساء اهل عالم دن سنک ذریته اعظم و مقامک افضلدر لاجرم
سنک بلیاتک اتم و اکمل در صبرایت و تحملی پیشه قیل غرض بوکه اول
حضرتک اشتیاقنه که اشد بلیاتدر حضرت فاطمه صبر ایدوب تحملی
پیشه قبله فی الواقع اگر مژده علودرجات اخروی و بشارت سمومرتبه معنوی
موجب تسکین خاطر اواماسه حضرت رسول الله کی سرور خجسته لقانک
آتش فراقنه و الم اشتیاقنه صبر و تحمل خارج احاطه احتمال امکاندر زیر
آتش جانسوز الم جانستاندر (شعر) خنجر هجران و تیغ قطع و شمشیر فراق
چاک چاک ایلردی زهرانک دل افکارنی ویرمسیدی وعده وصلنی انک
مصطفی *مژده ذوق وصال و دولت دیدارنی (روایتدر که اول سرورک
تب محرقی کلدکجه زیاده اولوب و حرارت جسم لطیفی کتدکجه تزیاید بولوب
بیوردیکه یدی کوزه ایله یدی قیودن صوکتوروب اوزرینه دو که لر که خفت
بولوب مسجدی تشریف پیوره حسب الاشاره یدی کوزه ایله یدی قیودن
صوکتوروب اول چشمه حیاتک اوزرینه دو کدیلر فی الجملة خفت بولوب
حجره دن طشره چیقوب جماعتله نماز قیلوب برخطبه حکمت آمیز
انشا قیلوب درگاه واجب الوجوددن مجدداً شهداء احد ایچون استغفار
قیلد قد نصکره بیوردیکه انصار بنم خواصمدر انلری کرامی طوتک

و خطا زدن تجاوز قیلاک و برروایتدخی اولدر که اول حضرتک مرضی
تزیاید بولدقده انصارله قراری قالمیوب مسجد نبوی اطرافنده تردد
ایدرلردی عباس اول حاله مطلاع او اوب مصطفایه عرض ایدوب
حضرت مرتضی دخی آکا موافق شرح حال ایتد کدنصکره حضرت
رسول یزندن طوروب ایتدی یا علی انصار نه دیرلر مرتضی ایتدی انصار
دیرلر که حاشا اگر حضرت مصطفی دنیادن نقل ایده جک اولسه و بومصیبت
وضوح یواسه بزم احوالمنه اولور و عهد رعایتزدن کیم کلور حضرت
رسول آیاغه طوروب برالین مرتضی کتفنه و برالین عباس کتفنه براغوب
مسجده کلوب منبر اوزرینه چیقوب قرار طوتدی و حید و ثنایه مشتمل
بر خطبه بلیغه انشا قیلدی و انصاری مهاجره و مهاجره انصاره مبالغه
تمامله سفارش قیلدی (روایتدر فضل بن عباس دنکه ایام مرضده برکون
حضرت رسول بنم الم طوتوب حجره دن چیقوب و مبارک باشنه عصابه
باغلیوب منبر اوزره قرار طوتدی و بلاله بیوردیکه ندا قیل خلق جمع اولسون
آنلره وصیت قیلایم که بو آخر وصیتدر بلال حسب الفرموده ندای عام
قیلوب و جمیع خلق حاضر اولوب اول حضرت ادای خطبه دنصکره
بیوردیکه ای فرقه اسلام و زمرة انام بنم اجلم قریبدر زنهاریندن بدنلریکزله
جدا اولدقده کوکلریکزله جدا اولمک و تنکه بن سزی فراموش ایتمزم
سزدخی بنی فراموش قیلک ای قوم هیچ پیغمبر شربت بقایچما مشکه
بندخی اول شربت نوش ایدم (و برروایت دخی اولدر که بیوردی ای قوم
سزه ابلاغ احکام ایتدم و اصلاً حکزه اقدام قیلدم و بلالره مبتلا اولدم
حالاً صحبتکردن انقطاع ایتمک مجالیدر و مفارقت قیلاق زمانیدر کیمک کیم
بنده حق و ارایسه آلسون و کیمک کیم مشکلی وار سؤال قیلسونکه بارگاه
قریه جمیع دعوا دن منزله کیدوب و دامن تجرد می دست تعلق و نظم طومیه
بو ادادنصکره منبردن اینوب جماعتله نمازظهری ادا قیلوب ینه منبره
چیقوب کلمات سابق تکرار قیلد قده حضار مجلسدن بر شخص آیاغه

طوروب ایتدی یار رسول الله سنک دشتکده بنم اوج درهم وار حضرت رسول اول دینک اداسنه حکم ایدوب علی المرتضی ادا قیلدی اندنصرکه اصحبندن عکاشه نام کچسه آیاغه طوروب ایتدی یار رسول الله تبوک سفرندن کلورکن ناقهیه تازیانه حواله قیلدک ناقه دن رد اولوب بکایرشدی اول ضربدن غایتده متالم اولدم حالاقصاص استرم حضرت رسول ایتدی جزاک الله خیر رحمت سکا که بوقصاصی آخرته براقبوب دنیاده طلب ایتدک بیوردیکه ای عکاشه اول تازیانه معروفکمیدر عکاشه ایتدی برادیمه طوتلمش تازیانه در حضرت رسول ایتدی اول تازیانه فاطمه زهرا منزلده در بیوردیکه کتوره لر سلمان بحسب الفرمان فاطمه سراینه متوجه اولوب حجره قیوسنه یتدکده ایتدی (السلام علیکم یا اهل البیت) سلمانک آوازیں اشیدوب حضرت فاطمه ایتدی ای سلمان حاجت ندر سلمان ایتدی فلان تازیانه بی حضرت رسول استر فاطمه ایتدی ای سلمان حال مرضده تازیانه دن عرض ندر سلمان صورت حالی عرض ایتدکده حضرت فاطمه ایتدی حضرت رسول بیماردرآنده تازیانه قدرت احتمالی یوقدر فی الحال حسن وحسینی حاضر ایدوب ایتدیکه ای جکر گوشه لرم جدیدکزه برحق متوجه اولمش وحسن عدالت اداسنه اقتضا ایدریورک وآنک عوضنه ضرب تازیانه بی قبول ایدلر سلمان وحضرت حسن وحسین تازیانه بی آلوب مسجد شریفه کارکده اهل مسجددن خروش وولوله افلا که چیقوب هر بری برطرفدن عکاشه یه الحاح عفو ایدرلر دیکه بر تازیانه برینه هر بریمزه بیک تازیانه اور حضرت رسوله متعرض اولمه وجسم لطیف بیماری آزرده قیلله و حضرت رسول بیوردیکه قصاص بکامتوجه اولدقده سزه تازیانه اور مق مناسب دکل عکاشه ایتدی یار رسول الله بن اول کون عریان ایدم صحت قصاص ایچون سندخی عریان اول حضرت رسول رداء شریفن کتف لطیفندن براقدقده سکان حضایر قدس و حضار مجلس انسدن خروش و افغان افلا که

چیقوب جهان غوغا صالیدی عکاشه حضرت رسولک کتف مبارکنده مهر نبوته نظر قیلدی فی الحال اول مهر مبارک یوزن سوروب تازیانه بی اندن صالیدی و دیدی یار رسول الله بنم بومبالغه دن ایکی غرضم وار ایدی بری بودرکیم سنک انصافکی خلقه اظهار ایدم وری اولکه (من مس جلدی لایمسه النار) مقتضاسنجهدن مبارککه یوزم سورم و آتش دوزخدن امان بولم بوقضیه دنصرکه حضرت رسول منبردن اینوب خوابگاهه کلوب و مرضی تراید وتضاعف بولوب سمع مبارکی عالم قدسندن صلاهی خوان نعیم اصغاقیلدی و طائر روح شریفی حبسکا. دنیا دن زهتکام بقایه متوجه اولدی (قطعه) غریب ملک وجود ایتدی آرزوی وطن * مقرر اولدیکه روح ایلیمه وداع بدن * ایرشدی وقت که شهباز آشیانه قدس * قبله ارادتله ترک حبسخانه تن * روایتدر که اول حالده جبرائیل نزول ایدوب ایتدی یا حبیب الله پروردگار عالم سکا ارسال سلام ایدوب سنی موت و حیات آراسنده مختار ایتدی اگر بقای حیاته طالب ایسک ایلم حیاتک بقا بولسون واکرموته راغب ایسک سهولتله ميسر اولسون (شعر) دنیا وعقی بنم ملکمدرای فخر رسل * سن بکایرینده صافی دل و صاحب وقار * رأی رأیکدر سنک سندن بکایوق امتناع * ایلدم احسان سکا هرملکی ایسک اختیار * حضرت رسول ایتدی ای جبرائیل عنان اختیاریمی حضرت حق رضاسنه ویرمشم وحسن اعتقاد ایلله دائرة تفویض وتسلیم کیرمشم (فان شاء حیاتی وان شاء امانتی) بیت) خالقم بیکرک ییلوریندن بنم بهبودمی * اکا طبشوره شمع چوقدن زبان وسودمی * روایتدر که آخر مرضده اوج کون حضرت رسول چیقوب جماعته غازیتمدی و دردی کونده عشاء الاخر وقتنده بلال سده سعادت دستگاهه و عتبه عالمیناهه کلوب ندا قیلدیکه الصلا یار رسول الله حضرت استماع ایدوب بیوردیکه حق سکا اجر خیر و بره نبوت دخی الصلا یار رسول الله دیدی حضرت جواب ویردیکه ای بلال ایزد تعالی سکا مژده رحمت

توره بلال برنوبندی (الصلاة يارسول الله) حضرت
 بهوش ایدی جواب ویرمدی بلال نوید اولوب کریان کران جماعته
 متوجه اودی وایتدی (واغوثاه و انقطاع رجاء وانكسار ظهرا) دریا که
 اصل رابطه انعقاد جماعت ترك جماعت قبلدی و اساس بنیه سنت حفظ
 سلسله دن فارغ اودی (قطعه) دردا که بنای شرع ویران اودی *
 جمعیت اسلام پریشان اودی * ویرمشدی فلک مراد من لطف قلوب *
 گویا که بواسطه یمن اودی * اول ائمه جماعته حضرت رسولدن
 فرمان یوردیلر که ابو بکر الصدیق رضی الله عنه امامت قلوب جماعت
 منعقد اوله حضرت ابو بکر حسب فرمان متوجه محراب اولد قده
 صورت محراب زبان حاله رسولک طاق ابروسندن خبر ویروب حضرت
 ابو بکر لقمه نمان بار حیرتله رکوعدن مقدم حیده قبلدی و مشاهده شکل
 محرابدن چهره سنه ابواب فراق آجلدی بی اختیار فغانه کلوب و جله
 صحابه آنک اتفاقیه کریان اولوب صدای نوحه لزدن حضرت رسول
 خبردار اولد قده فاطمه دن سوال ایتدی که بونه غلغله در حضرت فاطمه
 ایتدی یارسول الله صحابه شدت فراقکدن فغانه کلدیلم و مهاجر
 و انصار اندوه مفارقتکدن کریان اولمشلر حضرت رسول بران مرتضی
 کشفه و بران فضل بن عباس کشفه براغوب بردخی حجره شریفه دن
 چیقوب جماعته نماز ایتدی (بعض کتبه مسطوردر که ام سلمه دیمش
 بن ایام مرضه اول حضرت ملازم ایدم برکون لب شکر بارن متحرک
 کوروب متوجه استماع اولدم واشتدم که مناجات ایدر بو مضمونله که
 الهی بنم امتد آتش دوزخدن نجات و یروقیامت حسابن آنله آسان قیل
 (مطلع) کورک اول پادشهی امتد غمخوراغن * امت بی ادبک ظلم
 و ستمکاراغن * دیدم یارسول الله حالک ندریدی ای ام سلمه هنگام وداعدر
 و دم انتزاع بو ائمه مرتضی حاضر اولوب ایتدی یارسول الله واقعه
 کوردم که برززه کیمش ایکن اوزرمدن چیتار دیلر حضرت رسول ایتدی

اول زره بن ایدم که جمیع مکاره دن سنک پناهک ایدم وقتدر که بن کجوب
 سن تنه قالوب بلالره گرفتار اوله سین ای علی زنه ار که دل تنک اولوب جزع
 قیلیمه سین و مصابتدن غیری طریقه ذاهب اولیمه سین بو ائمه حضرت
 فاطمه دخی کریان اولوب ایتدی یارسول الله واقعه کوردم که المده بر
 ورق مصحف واریکن ناکاه المدن غائب اولدی حضرت رسول یوردیکه
 ای فاطمه اول ورق بن ایدم نظر کدن غائب اولسم کرک بو ائمه حضرت
 حسن و حسین حاضر اولوب ایتدیلم برای جد بزرگوار واقعه مرده کوردم که
 هواده بر تخت روان اولوب آنک التمه بزباش آچیق یورورز حضرت رسول
 ایتدی ای جگر کوشه لر اول تخت بنم نعشدر که سز کسوی مشکبار بکزی
 آچوب التمه یوریه سز بو واقعه لردن و تعبیر لردن اهل بیتک ناله و فغانی
 بر غایت یته یکصد سین فلاکده ملاکراشتدی (قطعه) نیجه کوزدن
 کتمسون خونابه جاناندر کیدن * نیجه جسم و جان آیتدن دو شمسون
 جاندر کیدن * نیجه عالم اولسون اهل نظر چشمه طار * چون نظرمدن
 چشمه خورشید رخشاندر کیدن * روایتدر که ایام مرضه برکون دخی
 جبرائیل نزول ایدوب ایتدی یارسول الله کنیدیکی نیجه کورر سین حضرت
 رسول ایتدی ای برادر کنیدی میموم و مغموم کور یرم برکون دخی یته
 بو سوالی ایتدی یته اول جوابی ایتدی او چچی کون ملک الموت واسمعیل
 نام بر ملک دخی اتفاقله کلوب جبرائیل ایتدی یارسول الله ملک الموت باب
 سعادتده طوروب رخصت استر هیچ بنی آدمدن رخصت طلب ایتمشدر
 حضرت رسول یوردیکه ای جبرائیل رخصت ویر ملک الموت حجره
 قیوسندن کوروب سلام و یروب ادب طریقیله ایتدی یارسول الله حق بنی
 سنک رعایت خاطر که مأمور ایتمشدر اگر رخصت اولور سه تقدرو حکمی
 خزانه بهشته تسلیم ایدیم و اگر او ناز سه کلدی کیم کی معبودمه کیده یم
 حضرت رسول جبرائیلدن یکانظر قبلدی جبرائیل ایتدی ای سید
 کائنات رب العالمین مشتاق جمالکدر و ارواح انبیا آرزوی وصالکدر

حضرت رسول ایته ای ملک الموت سنک شمشیر صلابتک مقراض رسته
مبادت در و شیخ هیبتک شمع شبستان مو اصلک در خد متکده تقصیر
ایته که بندگی مشتاق لقایم و آرزو مند عالم بقایم (ابن عباسدن نقلدر که
حضرت رسولک وفاتی کوئی حضرت ایزد بیوردیکه ملک الموت پر یوزینه
ایوب رخصت حاصل ایتمدن حضرت رسولک اوزرینه کیدوب قبض
روح شریفن قیلیمه و کشتاخانه متعرض اوایسه ملک الموت بیک بیک
ملائکه ایله البسه ملون کیوب و انواع زیب و زینتله مزین اولوب اول
حضرتک در سعادت میرایند کادیلر ملک الموت بر اعرابی صورته ممثل
اولوب رخصت دخول استدی فاطمه حاضر ایدی جواب و یردیکه ای
اعرابی حضرت رسول کنندی حالنه مشغولدر و حال احوال ملاقات دکل
ملک الموت صدای بلند ایدوب بردخی رخصت استدی فاطمه ینه اول
جوابی و یردی او جچی نوبت اشد اصواتله صدا یئوردیکه حضرت
رسول خبردار اولوب فاطمه دن کیفیت حالی سوال اییدی فاطمه ایتری
یار رسول الله بر میزم اعرابدر رخصت ملاقات استر عذرله ممنوع اولماز
و معذرت آکافانده قیلن حضرت رسول اییدی ای فاطمه پیلورم بسین اول
اعرابی گمدر فاطمه اییدی الله و رسوله اعلم حضرت رسول اییدی اول
قاطع لذات و مفرق جماعات یعنی ملک الموت در قبض روح ایتمکله کلمش هیچ
باب آگامسدود اولماز و هیچ کیم دفعنه چاره یولماز رخصتدن غرض حرمت
خاندانی نبوتدر یوخسه اکانه احتیاج اجازت و رخصتدر فاطمه یو واقعه دن
مضطرب او او بیهوش اولد قدده حضرت رسول فاطمه نک سینه
بی کینه سینه دست مبارکن قوبوب بخود اولوب فاطمه کندویه کلدکده
رسولی بخود کوروب تصور ایته دیکه عالم بقایه توجه قیلشد فریاد ایدوب
اییدی (والله ما حالک) حضرت دیده اشکبار آچوب فاطمه بی کرمان
کوروب ایتری ای جگر گوشه آغلمده که حمله عرش سنک ناله و زار کدن فغانه
کلدیلر کنندی مبارک ایله فاطمه نک چهره سندن سر شکن پالک

ایدوب مناجات ایته دیکه یارب بودرد مندی بنم فرامده صبر ایله تمنازایت
پس طریق تسلیه ایله اییدی ای فاطمه بنم روح قبض اولد قدده (انالله
وانا الیه راجعون) کلمه سنی تکرار ایدوب تحملی پیشه قیل که هر انسانه
ایزد تعالی هر مصیبتده عوض و یرمک مقرر و هر تحمله بیک تحمل
مقرر در فاطمه اییدی ای سرور سکا عوضی اولور بو حاله مقارن امهات
مؤمنائی جمع ایدوب جمله سینه تقوی و طاعت و صبر و قناعت و صبت
قیلوب فاطمه اییدی حسن و حسینی حاضرایت حسن و حسین حاضر
اولوب سلام و یروب کرمان کرمان قرشوشنده طور قدده جمیع حضار
مجلس اتفاقله کرمان اولدیلر (بیت) دم و دادرای چشم تر سرشک روان
قیل * زمان هجر درای دل دو کوب سرشک فغان قیل * امام
حسن چهره پر غبارن رخسار پر انوار ینه سوروب و حضرت حسین
دیده اشکبارن کف پای عرش مقداره یتوروب فغان ایدر لردی اول
حضرت عین اشفاقله انلره نظاره قیلوب مفا رقتلرندن آه حسرت
چکردی و سرشک رقت دو کردی (مقتل نورالائمه ده مسطور در که
اول حضرت حین وفاتده حسن و حسین متوجه اولوب دیرایدیکه
ای دریغای شملک غباری چهره احوالکری طوتوب و بی کسلاک اثری
صورت اطوار کرده پیدا اولدی و جعینکر بوزلدی آیامت بیوفاسره
نه جفا قیلله لرونه بهانه لرایله متعرض اوله لبوتکلم اثناسنده بی اختیار
کرمان اولدی ام سلمه اییدی یار رسول الله سبب کویه ندر حضرت رسول
اییدی (انما بکیت رجعه لامتی) یعنی کرمان اولدی غم اتم ایچوندر زیر احسن
اهتمامله شرف اسلام بولمشیکن و قابل قرب اله اولمشیکن بند نصرکه
ابلبس اغواسنه گرفتار اوله لوار تکاب کمال معصیت قیلله له هم آنلره
عقوبت الهی توجه قیلله و هم بنم سعیم ضایع اوله (روایتدر که اول اثناده
علی بن ابی طالبی طلب ایدوب و حضرت مرتضی کلوب اول حضرت
پسردن سر مبارکن قالدیروب بعض لازم اولان و صبتلری ادا قیلوب

اما تلمیسی تسلیم ایتدی حضرت علیدن نقلدر که حضرت رسول بکایک
باب علم تعلیم قیلدی هر برندن دخی بکایک باب مفتوح اولدی (القصة
اعرابی قیوده طوروب اجازت طلب ایدردی عاقبت رخصت حاصل
ایدوب حجره یه کوروب ایتدی (السلام علیک ایها النبی) حضرت
ایزد سکا سلامریتوروب قبض روح ایتدکه فرمان ایتشدر فرماندر
حضرت رسول ایتدی ای ملک الموت سندن برحاجتم وار ملک الموت
ایتدی یار رسول الله ندر حاجتک حضرت رسول ایتدی بنم روح قبض
ایتمه جبرائیل کلمینجه ملک الموت ایتدی فرمان سنکدر بوحاله مقارن
حضرت ایزد رضوانه بیوردیکه بهشته آیین باغلیوب حور و غلمان مزین
قبیله و مالک دوزخه امر ایتدیکه نار بحیمه تسکین و یروب حیات
وعقاربک سمیاتی رفع اوله و سکان عالم ملک و ملکوت و ارواح انبیا
و کروه ملا اعلی استقباله چیقدر و خدام حریم عرش انور اقد سدن
چراغ لریاقه و بوم صالح مرتب اولدقد نصکره جبریل حکم اولندیکه
سندس بهشتدن بر مندیبل حضرت رسوله ایلنوب خدمته مشرف
اوله جبرائیل کر یان کر یان کلدکده حضرت رسول ایتدی ای برادر
بونک کبی حالتده بندن مباحث اختیار ایدرسین سبب ندر جبرائیل
ایتدی یار رسول الله سنک خدمتک بنی سندن دور ایتشیدی سکا بشارت
کتورمشم یار رسول الله (النیران قد اخدت والجنان قد زخرفت والخور
العین قد زینت والملائكة قد صفت بقدم روحك العزیز) (شعر) اشتباک
دوات قر بکده در ارواح قدس * رفع ایدوب ظلمت حجاب عرض قبل
دیدار کی * روضه رضوانه وصلکدن نصیب ایت نو بهار * حور و غلمان
برفنه شمع ایت مه رخساری * حضرت رسول ایتدی ای برادر
بو بشارت لر خوشدر اما بکا برخبر ویر که بو خبر لردن افضل اوله جبرائیل
ایتدی یار رسول الله بهشت سندن و امتکدن مقدم جمیع انبیایه و امتلرینه
حرام اوله حضرت رسول ایتدی بو خبر دخی خوشدر اما بوندن اعلا خبره

منتظرم. جبرائیل ایتدی یار رسول الله مقرر اولدیکه روز قیامت سبقت
و تقدم تقویض و شفاعت و توفیق استحقاق رحمت سکا و یریله حضرت
رسول ایتدی بو خبر دخی خوشدر اما بوندن اشرف خبره متر صد م
جبرائیل ایتدی ای خازن نقود حکمت و ای آیین کنجینه رسالت
مقصودک ندر حضرت رسول ایتدی ای جبرائیل اتم فکرنده یم
آیاند نصکره حل اشکال و اغلاق مهام و تحقیق کلمات و منشایهات آیات
و تمیز حلال و حرام و تدبیر لوازم شرع و احکام و نظام قاعده اسلامه
نوجهله اقدام ایده لر و در دلرینه درمان کیمدن بوله لر جبرائیل ایتدی
ای سرور اندوه و غم چکمه که آنلری حق تعالی کندی پناهنده صاقلوب
قیامت کونی سنک شفاعتکی آنلره نصیب ایدر و اول مقدار کتاهلرندن
تجاوز قیله که سن راضی اوله سین حضرت رسول ایتدی حال راضی اولدم
ای ملک الموت خدمتک قیام ایت ملک الموت اول حضرت قبض روح
شریفنه مشغول اولدقد اول حضرت سقف سرایه باقوب دیر ایدی
یار فیق الاعلی) ناگاه بو کلاه ایله عالم بقایه انتقال ایتدی (مثنوی) اوچدی
اول طاوس قدس آشیان * کندی اول شاهنشاه علوی مکان * کر جهاند
ممکن اواسیدی بقا * ترک ایدوب کتمزدی آدن مصطفی * و بر روایت دخی
اولدر که ملک الموت جبرائیلک حضورنده اول حضرتک روح شریفن
قبض ایدوب جبرائیل اعلای علیینه ایلندی (و حضرت علی بن ابی
طالب بدن نقلدر که اول حالنده بن آسماندن صدای و امجداه استماع ایتدم
(روایتدر که حضرت نبید نصکره هر کز فاطمه زهرا ای کیمسه متبسم
کورمدی اول زمانه دکه که حضرت رسوله و اصل اولدی و مطلق
منبسط اولمادی اول وقتهد که عالم بقایه توجه قیلدی (شعر) آغله
ای زهرا که سندن مصطفی فادرفوت اولان * مصطفی فوقی زمین و آسمانی
آغلدر * افضل خالق جهان چیمش جهاندن لاجرم * بوم مصیبت
جمله خلق جهانی آغلدر (دردیجی باب) حضرت فاطمه الزهرا وفاتن

بیان ایدر (پرده دار حر مسرای قدرت ابرکار عالم ارواحه رخصت تزویج
تعیینات اشباح ویرد کده حلیه استعداد الامله مزین قیلدین خلوتسکاه
منقادن منصه ظهوره چیقارمن * و مشاطه نهانخانه حکمت مخدرات
نفوسک دست تعلقلین دامن عقد ابدانه يتورد کده حلال استحقاق
سقامله زینت ویرمدین جلوس مسند شهوده رخصت ویرمن (منوی)
خاک و افلاک مادر و پدری * جفت اولنده مکر نتیجه لری * الم و شدت
و مشقت ایمنش * غم و اندوه و درد و محنت ایمنش * که جهان ایچره یوق
بولردن غیر * هم نشینی سلوک و همدم سیر * غالباً عروس خودرای بیوفا
جهانک پیونده رغبت قیلان و عقد اتصانه راغب اولان بیلر که آنک مهر
موجبی نقد روان * و جهازی قطار هفته ایامه یوکلوا متعه بیکراندر
و همیشه منزلک فراشی خاک فنا و عطاسی ابر بلا و همواره کلکونه
رخساری مظالم و لرغانی و لالی اطراف بنا کوشی ستمزده لراشک رواندر
(منوی) زال مکاره در جهان خراب * غمزه شوخی آفت احباب * رنگی
کلکونه عذاری عیان * دیده دن اهل درد دو کدیکی قان * طرف روینده
اولاولا * سرخی اشک عاشق شیدا * دانه خال روی داغ جگر * طره سی
دود آه اهل نظر * مضطرب خسته لرمذام آندن * بولمامش هیچ خسته
کام آندن * مجمل ازمان غدار و جهان ستمکارک عدم و فاسنه شاهد بویتز
و قلت حیا سنه بودلیل کفایت ایدر که بتول زهرا کی کوهر پا کیزه حریم
غیب دن فضای شهوده قدم با صدیغی زماندن پرده نشین عالم بقا اولنه دک
بردم کل رخسارندن قطرات اشک حسرت کم اولمادی و بر ساعت کبسوی
مشکبارندن عقد ملال آچلمدی * گاه محنت طعن خواتین قریش چکدی
و گاه الم مفارقت پدر برز کوارن کوروب اشک لاله کون دو کدی * و گاه
مفارقت مر تفضی مصیبتن کوردی * و گاه اخبار شهادت اولاد آکا
الم يتوردی (شعر) وه که دوران فلاك فاطمه زهرانک * غنچه لاله کی
قیلیدی قره باغر بنی قان * بر زمان یکمدی ایام حیاتندن کیم * دل

پر خوننه یاندرمدی بیک داغ نهان * محرم حریم غمخانه سوز و کداز *
رخساره شاهد رازدن بو طرزله پرده صالمامش و مریم خامه مشکین طرازدن
مسیح تکلم بو طریقه متولد اولمامشکه حضرت رسولک خدیجه کبرادن
آلتی اولادی اولوب ایکبسی ذکور بری قاسم که حضرت رسول آنک اسمیه
مکنی ایدی و بری عبد الله که طیب و طاهر دیمکله معرو و قدر * و بنات
مطهراتک بری زینب و بری رقیه و بری ام کلثوم و بری فاطمه ایدی و جمیع
اولادی زمان اسلامده متولد اولوب جمله سندن اصغری فاطمه ایدی
و مجموعی حیاتنده عالم بقایه انتقال ایدوب تاجر زهر فراقی زهرادن غیره
نصب اولمادی فاطمه ولادتده اختلاف روایت چوقدر بعضیلر دیرلر که
واقعه قیلدن یکرمی بیش ییل یکد کده متولد اولدی (و شیخ محمد امام محمد
باقر دن نقل ایدر که مبعثدن بیش ییل یکد کده تولد بولدی (و روضه
الواعظینده مسطور درر که خدیجه فاطمه بی حامله اولدقده حضرت
رسول بیوردیکه ای خدیجه جبرائیل بکا خبر ویردیکه صدق بطنکنده
اولان اولوشاهوار بر صبیبه در فاطمه نامکه آنک نسلی جواهر رشته
امتداد زمان اولوب قیامتده ک تسلسل بوله و اول سلسله جواهر کردن بند
عروس کائنات اوله (روایتدر که مدت حملی منقضی اولوب زمان ولادت
قریب اولدقده خدیجه خواتین قریشدن قابله طلب قیلدی خواتین
قریش ایتدیلر سن بزه عاصی اولوب ابوطالب کفالتنده اولان یتیمه راضی
اولدک بز سکا انتساب ایتکدن عار ایدر ز خدیجه بو خبر دن متالم ایکن
ناگاه خلوتنده درت خاتون خواتین قریش وینی هاشم وضعنده ظاهر
اولوب آکا تعظیم ایتدیلر خدیجه آنلری مخدرات قبائل عرب تصور ایدوب
اصل و نسب لرن سوال ایتد کده ایتدیلر ای خدیجه حق بزی سنک خدمتکه
مأمور ایتدی یو خاتونک بری ساره زوجه خلیل و بری مریم بنت عمران
و بری کلثوم رضیعه موسی و بری آسیه زوجه فرعوندر و بونلر دنیاده سکا
خدمتکار و آخرتده رفیق و یار اوله لرس بری میبندده و بری بسارنده و بری

قفا سنده و بری مقابله سنده قرار طوب فاطمه متولد اولدی طاهر
و مظهر عالم وجوده قدم با صد قدم نور رخساری آسمانه علم چکدی
و رایحه مشکباردن صفحه روی زمینه غبار عیبر و عنبر چو کدی (شعر)
شرع کلزارینه رونق و یردی بر نورس نهال * آسمان دینه پرتو صالیدی
بر فرخ هلال * اول نهالک برک و بارندن طرولوب دامن دهر * اول هلاله
قیادی انوار هدایت انتقال (روایتدر که همان اول ساعته بهشتدن اون
عدد حوری هر بری بر طشت و ابر یقله حاضر اولوب قابله اولان خاتون
اول ابر یقلدن آب کوژد و کوب فاطمه بی غسل ایدوب بر کافوردن حریره
صاروب خدیجه به تسلیم ایدوب غائب اولیلر حضرت رسول قدوم
فاطمه دن خبردار اولوب حجره کاد کده خدیجه فاطمه بی اول خر قه ایله
حضرت رسولک کنار نه قویوب حضرت آکا فاطمه نام ایتدی و کنیه سی
ام محمد و لقبی رضید و مر ضیه و میونه وز کبه و زهرا در و آنک فضائی
حددن زیاده و مناقبی لایعد و لایحصى در (روضه الاحبابده حضرت
عائشه دن منقولدر که آدن سؤل ایتدی لر که خواتین جنسندن حضرت
رسول کیمه زیاده احترام ایدری عائشه ایتدی فاطمه نك حرمتن زیاده
طو تر دی دیدیلر جنس ذ کوردن کیمک رعایتن افزون ایدری دیدی علی
ابن ابی طالبک و بو خبر صحت یتمشدر (فاطمه بضعة منی) روایتدر که
حضرت رسول بر غزیه متوجه اولوب و مر تضى همراه اولوب حضرت
حسن و حسین طفل اولمغین مر افقت قیلدی لر اتفاقا زمان غیبلرنده بر
کون حضرت حسین مدینه خرما نخنده سیر ایدر کن صالح بن رقهه یهودی
فرصت بولوب حسینی آلوب منزلنده پنهان قیلدی بر کون پیدا اولوب
آتش مفارقت زهرا جکر ن یاقوب یتش نوبت حجره قیو سنه کلوب
بر کیمسه بولمادی که آنک مطالبته ار سال قیله عاقبه الامر امام حسنه
ایتدی ای جکر کوشم حسین غائب اولمشدر طلب ایت حضرت امام
حسن اضطرار ایله مدینه باغنه کلوب یا حسین بن علی و یافره عین النبی ابن

انت دیونجس ایدر کن بر کوشه دن بر آهو چیقدی امام حسن ایتدی
(باطنی ارایت اخى حسینی) آهو حق فرمانیله متکلم اولوب دیدی ای
نور دیده مصطفی و مرتضى و ای سرور سینه زهرا (اخذ صالخ بن رقهه
اليهودی و اخبأه فی بیته) امام حسن صالح یهودینک منزله کلوب ایتدی
ای صالح قرن داشتیم حسین سنک منزله کده در بکاتسلیم ایت عمل ایقه
یو خسه والده سنه عرض ایدرم کنکره کردونه کند آه جکر سوز چکوب
و دست نیازله دامن عرشى طو توب بردعا ایله جمیع یهود جنسنى بر یوزدن
کتور و یا والد بزرگوارنه صورت حالى شرح ایدرم تیغ آبدار و ذوالفقار
صاعقه کردار یله بر یوزن یهودیلر قانیله لاله زار ایدر و یا جده عالمقدارنه
بو واقعه دن خبر و بر برم هدف قاب قوسینه ناولک دعا روان ایدوب طائفه
یهوده مرده نزول بلا کتور و خرمن جعینلرینه برق فنا یتورر (شعر)
حذر قیل ناله مظلومدن ای سنکدل ظالم * که تیر آهنگ بیکانی
کردوندن گذار ایلر * سنان بر قدر آه نظم احتراز ایت کیم * اگر چه
سنکدلسین زنجی آنک طاشه کار ایلر * صالح یهودی اول فصاحتدن
متأثر اولوب ایتدی ای عزیز والد کیمدر امام حسن ایتدی صفوات
خالدان رسالت و قدوة و دودمان نبوت صدف عفت و عصمت غره چهره
علم و حکمت نقطه دارة مناقب و مفاخر لعله ناصیه محامد و مآثر مار
سادات مجمع سماعات سمع عرصه عرصات بتول عذرا یعنی فاطمه زهرا
صالح ایتدی والده ک معلوم اولدی و الد کیمدر امام حسن ایتدی
شیر یزدان شاه مردان مجدد جهات مکارم مخترع قوانین مراحم مصلی
القبلائین قرة العین سید الثقلین رئیس الاولیاء انیس الانبیاء یعنی علی
المرتضادر صالح ایتدی والد کدخی معاوم اولدی جدک کیمدر امام حسن
ایتدی کوهر خزانه خلایق و ثمره شجرة اسمعیل نور قندیل تعظیم و تجلیل
حبیب ملک جلیل اول امام مفضل الطاعه که مکده ده نماز فر ائض
اد ایلوب مسجد اقصاده سنت ادا قیلدی و احوال قرون سابقه

وامور آیمیری احکام خالیه دن اوضح یلیدی منزل فرقان و اوضح ایمان رسول
الثقلین محرم حریم قاب قوسین جد سبطین سرور انبیای عی محمد مصطفی
شاهزاده ادای مناقب قیلد قبه صیقل کلام معجز نظامی صالح یهودینک
مرآة ضمیرندن ژنک کفر و ضلالتی تدریج ایله رفع ایدوب و نکات
موعظه آمیزی تأثیر تام قیلوب قطرات اشک کوزدن دو کوب ایتدی ای
شاهزاده تسلسل عبارت داپذیرک کند کردن جان اولدی و ترشح زلال
کلمات بی نظیرک حدیقه اعتقاده ترویج طراوت براغوب و ریاض روانی
خرم قیلدی (شعر) کوهر دریای حکمتدر کلام دلکشک * طائر دل
صیدنه هر نگشته سی بردانه در * رشته عرفانه جان پرور سوزک در لر دوزر *
سوز بودر کیم سن دیدک غیرک سوزی افسانه در * ای نور دیده برادرک
سکا اول وقت تسلیم اولنور که بنی دائرة ایمانه چکوب کلمه اسلامی عرض
ایده سین امام حسن آکا اسلامی عرض ایدوب صالح یهودی اخلاصه
مسلمان اولوب حضرت حسینی اوندن چیقاروب اوزرینه بر طبق درم
نثار ایدوب حسنه تسلیم ایتدی و حسن حسینی فاطمه حضورینه
کتوروب شرف قدومندن محنت مفارقت نهایتیه ایتدی (شعر) اولکه
عشق ایچره بنی شهره دوران ایتدی * کتدی غم کلدی بکا کولدی
کدورت کتدی * صالح یهودی بر کوند نصکره یتش نفر یهودی
اقر باسندن مسلمان ایدوب در حجرة طهارت زیارتنه کلوب درگاه عالم پناهه
یوز سوروب تضرع ایتدی که ای معصومه خطا قیلدم کاهمی عفوایت
حضرت فاطمه ایتدی ای صالح بن کاهکدن بکدم اما پدربزرگوارندن
دخی استعفا طلب قیلکه اول سرور اولیا و سر دفتر اوصیادر (القصة)
صالح یهودی حضرت مصطفی سفردن مر اجعت ایدنه دل صبر ایدوب
مرتضی خدمتیه مشرف اولوب صورت حالن عرض ایتدکده حضرت
مرتضی ایتدی ای صالح بن تجاوز قیلدم اما جدعالمقدار لرندن دخی
استدعای عفوایتک کر که سید انبیا و افضل خلق خدا در صالح کریان

کریان حضرت رسول خدمتیه کلوب عرض حال ایتدکده حضرت رسول
پیوردیکه سنک بکاشترط اسلامه معذرتک مقبولدر اما حسن و حسین
حضرت ایزد شحتر ملریدر و آنلرک اذاسندن البته حضرت حق منادی
اولمشدر استغفار ایتک کرک صالح بیچاره صحراره دوشوب فریاد و فغان
ایدردیکه (شعر) یارب اسپردام بلا و مصیبتیم * مستغرق تلاطم بحر
ضلالتیم * برق کاه یقندی بن وجود می * رحم ایتکه ذات ایله طلبکار رحیم
اون یدی کون سر اسیمه و سر کشته ازوب تحسرو و تحیرله نوحه لر قیلوب
اون سکز می کونده جبرائیل حضرت رسوله سلام دلاک جلیل کتوروب
ایتدی ای سید کائنات اول بیچاره نک توبه سین قبول ایتدم و کاهنه قلم
عفو چکدم بشارت و پرومژده یتور * ای عزیز تأمل قیل و نظرایت کور که
بر گیمسه حضرت حسینی بر زمان محبوس ایدوب خاطر مبارکن آزرده
قیلغله تمقدار تضرع نصکره مغفور اولدی آیانه اوله آنلرک احوالی که
دعوی اسلامه اول معصومی تیغ صاعقه بار ایله پاره پاره قیلوب ایتدکلی
عملدن استغفر ایتیمه رو صلا دامن تأسف و تحسرو و تمیله (شعر) ای
دو کن ظمیلله اولادر سولک قانی * اولما مش کو اخیر غوغای محشر دن سکا
* مست جام چهل غفلت سین اوز کدن بیخبر * خوف بوق حقندن خجالت
یه ق پیمبردن سکا * خذیفه ایمانیدن نقلدر که بر کون حضرت رسول
خدمتیه ایدم مغرب نمازن ادا ایدوب فارغ اولدقده حجرة طهارته متوجه
اولدی بن دخی عقبچه روان اولدم کوردم بر شخص مهیب خدمتیه
کلوب آنکه مشاورت قیلدی و غائب اولدی اول حضرت بندن واقف
اولوب ایتدی ای خذیفه نه حاجتک و ارایتدم یار رسول الله کلشم که بنم
ایچون و والده م ایچون طلب غفران ایدم سز پیوردیکه (غفر الله لک
ولامک) و پیوردیکه ای خذیفه اول شخص که بنم مشاورت ایدردی
کوردم کی بلی یار رسول الله کوردم پیوردیکه اول برملکدر که هرگز بوندن
اقدام یر بوز بنه نزول ایتما مشدر حضرت ایزد دن رخصت حاصل ایدوب

بنام سلامه مشرف اولغه گلش بکا بشارت یوردیکه فاطمه سیده نساء
بهشتدرو حسن و حسین بشهت نوجوانلرینک سیدلریدر پس فاطمه به
ایتدی ای فرزند سکا بوسعدت بترکه افضل خواتین دنیا و آخرت اوله سین
حضرت علیدن نقلدر که چون حق تعالی بهشتی آدم و حوایه ارزانی
قیلدی و حوانک لطافت جمالی تأثیر هوای بشهتدن متضاعف و متراید
اولدی بر کون آدم دقتله حوایه نظر صالوب و آنک جمالن منظور نظر
اعتبار قیلوب ایتدی ای حوا آیا نقاش قدرت کارگاه فطرته سنک پیکر
جمله کدن اجل صورت چکمشمی اوله فی الحال بارگاه عزتدن جبرائله
حکم اولدیکه آدمی فردوس اعلا سیرنه هدایت قیل آدم نزهت سرای
فردوسه قدم با صدقه کوردیکه بر بساط مرتفع اوزره البسه مکمل
و مرصعله بر جیله قرارطوتمشکه شعشعه نور جالندن ساحت بهشت
منور اولمش و لطافت رخسارنه دیده حور و غلمان متحیر قالمش نوردن
فرق مبارکنده بر افسردرخشان و هر قولاغنده بر کوشواره در غلطان
(قطعه) لاله رخساری اولمش زیور باغ بهشت * خاکپایی خلدباغن
ایلمش عنبر سرشت * صنع معماری بنا قیلدقه قصر حسنی * مشکتاب
ولاله حمرادن ایتمش خاک و خشت) آدم متحیر اولوب ایتدی ای جبرائیل
بونه جیله در که مشاهده حسنی حیرتفر او ملا حظة جمالی دل بادر جبرائیل
ایتدی بو فاطمه زهرادر که بنت محمد مصطفادر و باشند کی افسر
درخشان زوجی علی مرتضی و بو کوشواره لرینک بری حسن مجتبی و بری
حسین شاه شهیدان کر بلاد آدم ایتدی ای جبرائیل بونلرنه زمانک
خلقیدر لر جبرائیل ایتدی ای آدم اگر چه بونلر عالم صورتده سندن ظهور
ایده جکلر در اما خلقتلری درت بیک ییل سندن مقدم واقع اولمشدر (قطعه)
بن سر بلند عالم ایدم عالم اولدین * خاک درک مقام ایدی آدم اولدین *
دولت بنی بر اقمشیدی آسمه نکه * آدم بهشت خلوتنه محرم اولدین * عائشه
صدیقه دن منقولدر که بر کون حضرت رسول اوزرنده بر کسای پشیمه

اولوب حضرت مرتضی و فاطمه و حسن و حسین اول کسای التمه الوب
یوردیکه (انما یرید الله لیذهب عنکم الرجس اهل البیت) و هم اول درت
کیمسه نك خصوصنده یوردی (انی احرب لمن حاربکم و اسلم لمن سالمکم)
یعنی بن حرب ایدرم انلرکه که سرکه حرب ایدر و صلح ایدرم انلرکه که
سرکه صلح ایدر حضرت فاطمه سکنز ییل مکه ده ملازم مصطفی اولوب
کرامات و اشاراتک نهایی یوقدر اول جماله دندر که بر کون حضرت رسول
مسجد حرامده دیواره تکیه قیلوب قرارطوتمشیدی خواتین عربدن بر گروه
مزین و مرتب خدمته مشرف اولوب ایتدی لر یا محمد اگر چه ملاله سندن
پیکانه یز اما بوشهرده همدخانه یز بو کون بر جمعیتدن اولوب خواتین عرب
جمعیدر التماس ایدر که فاطمه زهرایه رخصت و یره سنکدیزی مشرف
قیله شاید حسن اختلا طله منقطع اولان رشته التمنز تجدید اتصال
بوله خواجه کائنات رد سوال جائز کور محبوب التماسلرین قبول ایدوب
یوردیکه سر کیدک بن فاطمه بی متعاقبا ار سال ایده یم پس
فاطمه حضورینه کلوب ایتدی ای نور دیده وای نطفه بر کزیده بزه دیوان
قضادن حکم اولمشدر که جفا کوردیکه و فاعرض ایده و زو بیکانه لک
مشاهده قیلدجه آشنالی قیله وز (شعر) خاردن خون بزرگ کوردیکه کل
خندان اولور * صبر ایدن خیل و حشم پیدا دنه سلطان اولور * محنته صبر
ایلین راحت بولور کیم یوسفه * سلطنت تختینک اول پایه سی زندان اولور
ای فاطمه خواتین عرب بدن حضورکی التماس ایتدی لر که جمعیتلرین
فیض قد و مکه مشرف قیله سین و بن دخی قبول ایدم ایتدی شرط
وفای عهد حسن رضای شریف کدر فاطمه ایتدی (شعر) سن شهمنشاه
سریر عدلسین * بن سنک بر بنده فرمانکم * ربقه حکم کدن ایتم انحراف
* نیکیم پرورده احسانکم * ای پدر بزرگوار وفای عهد که اقدام
اید رم اما متحیرم که نه کسوتله اول محفله کیرم حالا عتبه نك و شبهه نك
و ابو جهلک بنات و ازواجی البسه الوانله مسندر فعتده او تور مشلر درین

بوجاهه مرقع و چادر پشمینه ایله حاضر اولدوقده حاله الخطب بریکادن
 متعرض اوله وهند جگر خوار برطرفدن تشیع قبله دیدی حضرت
 رسول ایتدی ای نور دیده آنلرک نظر لری قاصر در نظاره عالم معنی
 قیلا زلر و عالم صورتدن غیری عالم اولدیغن بیازلر (یت) مردم صورت
 پرستک همی کوتاه اولور * محو صورت ذوق معیندن چان آگاه اولور *
 بونی دیوب اشک حسرت دیده اشکباردن رخساره دوکله وردی حضرت
 رسول ایتدی ای جگر کوشم ملول اوله که بزه نسبت البسه فاخره لباس
 تقوادر و تاج مرصع کلیل علم و رضادر عروس نو بهارک پیرایه جالیه
 نه اعتبار چون صرصر خزان تسلطیله تاراج اولور و شاهد شمعک افسر
 زرنکار نه اعتماد چون رشته حیاتی اول قطع ایدر (قطعه) مقصودک
 اکر دین ایسه دنیادن کج * اللهه یاپش جله اشیادن کج * تاپشور
 نم اشک و شعله آهه عنان * یعنی که سرادن و ثریادن کج * بو محاوره
 اثنا سنده جبرائیل نزول ایدوب ایتدی یار رسول الله حکمدر که فاطمه بی
 اول جمعیه ارسال ایده سینه که یمن قدومندن بعض اسرار نهان منکشف
 اولسه کرب حضرت رسول ایتدی ای فاطمه جبرائیل ارسال که
 فرمان بتور دی فاطمه ایتدی یار رسول الله بنده مخالفت یوغیدی اما
 ملاحظه قیلور د مکه دنیا مانم سرای آخرتدر بومانم سراده سور
 و سروره حاضر اولوق نه مناسب چون حکم مطاع ایزد مؤکد فرمان
 شریفکرواقع اولدی دخی نه چاره پس مقنعه عفتی فرق مبارکنه آلوب
 و چادر عصمتی پرده بدن لطیف قیلوب جردن چیقوب آفتاب تابان کی
 تنها طشریه قدم باصدی (شعر) طلوع ایتدی بر جندن اول آفتاب *
 براقدی جانندن آفتاب * قدم خاکه باصدا قدده اول نور پاک * قنادیل
 نور اودی اجزاء خاک * خواتین عرب دیده غرور آچوب مترعد و منتظر
 ایدیلر که فاطمه چادر پاره پاره و جاهه رقعہ رقعہ ایله بزم سر بر رفعت و افسر
 شو کتزی کورد کده آتش حسرت بنی وجودن یاقه جقد و سبل

سرشک * بوری حیاتی بیقه جقد رنا گاه کور یلر که هیبت صلابتله بر
 خانون عظمی و بر بانوی کبری انجمنلرینه سایه سعادت براقدی که
 شمشعه نور جانندن باصره خیره اولوب دبده چشمندن دیده عقل
 حیرت آلور فرق مبارکی اکلیل مرصعه کردون سای و بدن لطیف دینی
 ملونه جلوه نمای سلاسل لاییدن غره جبینی پر زیور و جائل مطالادن
 سرو خرامانی بار و اطراف جوانبده مهوش جاریه لوکل رخسار خادمدلر
 کیمی شقه چادر عصمتی ادب ایله کتور مشکه خاکدان دنیادن غبار آلود
 اولیه و کیمی دامن مقنعه عفتن طومشکه خار زارد هردن آزار بولیه
 و کیمی خاک رهگذارنه کلاب افشان و عود سوز و کیمی راه مرورنده
 خاشا کروب و شمع افروز (القصه اول شکوه و شوکتله اول مجموعه قدم
 باصدا قدده خواتین صنادید قریش اول شکوه و شوکتله وزیر و زینته
 متحیر قالوب و کیم اولدیغن بیلیوب توقفسن صدر مجلسی اکتاسلیم
 قیلوب آیت غرور لری منسوخ بوصورت جمعیتلری مسوخ اولوب
 بر برینه ایتدیلر آیانونه شهر زاده در که قبائل مزده کور مامشز و یونه اسباب
 تجملدر که دامن تملیکنه دست تصرف بتور مامشز (قطعه) کیمدر
 آیا بو که نور یله منیر اولدی جهان * مه رخسانه در دیده دوران نکران *
 اوزی حوری قدی دلبر روشی جان پرور * اوتور شمع دورر سرو یورر روح
 روان * رعب و دهشتلری دفع اولوب نظر تأمل قیلد قدده تحقیق ایتدیلر که
 فاطمه بنت رسول الله در ترتیب مقدر تلری عکس مطلب نتیجه و یروب
 بعضکه جبلیتلرنده اشتداد کفر رسوخ بولمشیدی اول کر اماتی سحره
 حل ایدوب بتاب نظاره کتوره میوب مجلسدن چیقدی و بعضکه قابل
 اصلاح ایدی زبان معذرت آچوب ایتدیلر ای مخدوم زاده صفا کتوردک
 و بری طپراقدن کتوردک مأکل و مشار بدن خاطر مبارکک نه استرسه
 حکم ایت حاضر اولسون فاطمه درج جواهردن کوهر مواعظه نثار
 ایدوب ایتدی ای اعزّه قیش (قطعه) بزجهانی پائال ایتش جهان

ایمان از * قله قاف قناعت بکلین عنقار از * فقر اندر فخر من دنیا به
 رغبت قیل از * جیفه به میل ایتر از طوطی شکر خال از * بزم مائده
 فقر دن غدا من تسبیح و تهلیل در حاصیل از اول غدا دن تعظیم و تجمیل در
 و کله (اجوع یوما و اشع یوما) در بزرگواری مباحات در و نعمت ولایت
 و کرامات اول سلوک بر کاتب در اگر بزم رضای خاطر من مقصود ایسه
 ظلمت بکردن فضای ایمانه چقک و خلوت اعتقاد کرده شمع ایمان یا قق
 اکثر حضار مجلس فاطمه نك لفظ کهر با رندن متأثر اولوب و اول کرامت لری
 مشاهده قیلوب مسلمان اولدی لر و شرف ایمان بولدی لر و بوضورت شواهد
 النبوه مسطور در (روایت در که مدت هجرت دن بریل تمام اولد قده
 فاطمه طقوز یاشنه و بر روایتده اون درت یاشنه و بر روایتده بکرمی یاشنه
 یتشیدی اکابر و اشراف قریشدن تزویج نه رغبت ابتدا کجه اول حضرت
 رسول بیوردیکه فاطمه تزویج نه منتظر و حیم (کتاب مناقب ابوالموالد
 خوارزمیده مسطور در که حاض ابو المعانی حسین بن علیدن نقل
 ایتشکه بر کون حضرت رسول ام سلمه سر اینده ایدی بر ملک نزول
 ابتدا کجه بکرمی باشی اولوب هر یاشنه بیک دیلی و ارایدی و هر دلیل مسیح
 و مهمل ایزد جبار ایدی و کف دستی فضای آسمانه مقابل شکلی مهیب
 و شمائل هائل حضرت رسول آتی جبرائیل تصور قیلوب ایتدی ای برادر
 هرگز سنی بو صورتده کورمشم ملک ایتدی ای ملک رسالت بکاسر صائیل
 دیر حضرت حق بنی ارسال ایتدی بر نوری بر نوره تابشور مغه
 یعنی فاطمه بی مرتضایه عقد ایتکه حضرت رسول بر حسب حکم
 الهی همان اول ساعتده جبرائیل و میکائیل شهادت بله حضرت فاطمه بی
 مرتضایه عقد ایتدی و شیخ ترمذی کتاب نظم دار السبطین ده ذکر ایدر
 انس ابن مائکد که بر کون حضرت رسول خدمتده ایدم بشیره مبارکنده
 آثار و حی ظاهر اولوب مجلی اولد قده بیوردیکه ای انس جبرائیل کلوب
 بکا بو پیامی کتوردی (ان الله یأمرک ان تزوج فاطمه علی) ایتدی اشراف

مهاجر و انصاری جمع ایت بن دخی امر شریف مقتضای سنجه صناید
 قریشی جمع ایتد کند نصره اول حضرت خطبه بلیغ ادا قیلوب ایتدی
 ای قوم امر واجب الوجود و حکم نافذ معبود جاری اولدیکه فاطمه
 زهرایی علی مرتضایه عقد ایدم سزک شهادت کزله پس علی مرتضایی
 حاضر ایدوب ایتدی یا علی فاطمه بی سکا و یردم و در تیور مشقال نقره خالص
 مهرله قبول ایتدکی علی ایتدی یا رسول الله راضی اولدم و قبول ایتدم و بر
 روایت دخی اولدر که حضرت دعا قیلوب بیوردیکه (جمع الله بینکما
 و اسعدکما و بارک لک علیکما و اخرج منکما کثیرا طیباً) و کتاب مناقب خوارزمیده
 مذکور در که جبرائیل حضرت رسولک خدمتده کلوب جنتدن
 بر مقدار قرنقل و سنبل کتوروب ایتدی یا رسول الله حضرت ایزد بیوردیکه
 صحن بهشت مزین اولوب و نهال طوبی باره کلوب و ملائکه عرض اسما
 کونی آدم خطیب اولدیغی منزلده جمع اولم و حور و علما مجمع سور مرتب
 قیله لر و احیل نام فرشته که حجاب بارگاه ربوبیتدن واعیان درگاه الوهیتدن
 نوردن منبر قوروب زبان فصیحله خطبه نکاح انشا قیلوب فاطمه بی
 مرتضایه عقد باغبانه و ملائکه کواه اولوب کتاب دیوان قضاده ثبت ایدم
 بو صورت واقع اولوب بنکه جبرائیل بو عقد نامه نک صورتن بر حریره تحریر
 ایدوب خازن بهشته تسلیم ایدوب و مهم عقد سر انجام اولد قده مخدرات
 حجرات بهشت طبق طبق سنبل و قرنقل نثار ایدوب و نهال طوبی
 کتور دیکه شکوفه لری اوزر لرینه صاچوب و عرایس حورا حلال
 حلیه لرین رهگذار لرینه براغوب قاعده سور مرتب اولدی و بو کتور دیکم
 سنبل و قرنقل اول نثار لر دندر بر روایت دخی اولدر که نهال طوبی رقعده
 نثار ایدوب اول رقعده لر هر برنده بر مخلصک اسمی مرقوم مضمونی بو که
 فلان آتش دوزخدن آزاد اوله و اول رقعده لری خازن بهشت روز
 قیامت اصحابنه تسلیم قیله یا رسول الله سندخی فاطمه بی مرتضایه
 عقد ایت پس حضرت رسول اول امره و جنبه فاطمه بی مرتضایه

عقد ایتدی و ام سلمه یه پیوردیکه علیک حجره سنه واروب فاطمه بی تسلیم
ایده ام سلمه روان اولدوقده حضرت رسول دخی نماز ایدوب متعاقب
روان اولوب رکوزه صوکتوروب ولعاب شهید امیر یله ممزوج ایدوب
اوزرینه معوذتین و مناسب آیتلر اوقیوب حضرت علی یه اول کوزه دن
وضوء ایتدی یروب تخرج ایتد رد کد نص کره فاطمه نك سینه بی کینه سنه
صاحبوب ایتدی (اللهم انی اعیزها لک و ذریتهما من الشیطان الرجیم)
و بر مقدار دخی مر تضایک اعضا سنه صاحبوب ایتدی (اللهم کما اذهبت
عنی الرجس و طهرت فی فطهرهما) ند نص کره طشره جیمیق استد کده
فاطمه کر یان اولوب حضرت رسول ایتدی ای جگر گوشه آغله المنه لله
سنی بر کیمسه یه و بر مشتمکه قدری جمیع خلقدن فزون و عملی جمله دن
زیاده در اول بنم اقرب اهل یتیم و افضل اعوانم و اشرف انصار مدر اول
معبود حق چونکه نفسم آنک قبضه قدر تنده در که سنی بر کیمسه یه
و بر مشتمکه سلط اندر دیاده و سید در آخر تنده فاطمه ایتدی یا رسول الله
بن قلت مال و عسرت خال دن اندیشه قیلوب علی جانندن ملالت چکیم
اما خدمت شریف کن فی الجملة مفارقت لازم کلور رقتم آنکچوندر (بیت)
سندن آبرلق معاذ الله براولم کدر بکا * بلکه ابرلقدن اولم بلکه یکر کدر
بکا * روایتدر که حضرت فاطمه نك جهازی ایکی عدد دقیرص بر دوه ایکی
بازوبندنقره و بر قطیفه مرقع و بر قدح و بر آسیاب سنک و بر اردبیر و ایکی سبزو
و بر مشک و بر مشر به و ایکی نهالی برینک خشوی تراشه سختیان ایدی
برینک لیف خرمان و درت عدد بانس ایکی بسی پشمیندن مملو و ایکی بسی
لیف خرماندن محشو (امام سیف الدین کلب سنن الجامعه نقل ایتمشکه
منافه لر دن بری مدینه ده مر تضایه طعن ایدوب ایتدی ای علی سن اشجع
اهل زمانه و فریدو بکانه سین نیچون بر کیمسه ایله اتصال ایتد ککه شامی
چاشته و فاقیلر و چاشت بولسه شام به لازا کر بنم اتصال قبول ایتسیدک
سر ایدکن سر اینه دك جهاز مملو قلمدم و سنک معیشته کفیل اولیدم

مر تفضی ایتدی ای کمر اه بوا مر بنم تدبیرمه دکل الحکم لله العلی الکبیر
(شعر) ای مر صرع تاج مغروری اولان بیلکم فلاك * هر کیمی عالمده بر نکیله
ایلر حا کسار * لعل صانه کیم فریب فرقه اطفال ایچون * رنگ و یرم شد
قره طیراغه دور روز کار * و هیچ شک یوقدر که حضرت احسن احوالی
بره اطف ایتشد و خزانة التفانندن افضل مواهب بز یتشد (قطعه)
بزنتاع ملاک دنیادن فراغت قیلسنز * کیمای فقر دن کسب سعادت
قیلشنز * غیره عرض ایت ای فلاك جاه و ملاک و مالیکم * بز فناءت اهلیر
فقر یله عادت قیلشنز * روایتدر که حضرت علی طعنه جهال دن متأثر
اولیوب استغنا طریقن مسلوک ایتمشیکن ندا کلد یکه ای علی متوجه
آسمان اولوب تماشا قیل حضرت علی نظاره قیلد قدده کوردیکه
پایه عرشدن فضای فرشه دك درو کوه و مشک و عنبر بو کلو ناقه لر
هر برینک مهار ی بریری چهره غلام انده و هر برینک اوزرنده بر ماه
پیکر جاریه ندا قیلور لر که (هذا جهاز فاطمة بنت رسول الله) حضرت
مر تفضی بومو هبتی مشاهده سندن و بوسعادت ملا حظه سندن مسرور
اولوب متوجه حرم سرای اولدوقده فاطمه استقبال ایدوب ایتدی یا علی
بکا عرض ایدنلری سکا دخی عرض ایتدی لایله المنه لله که جهازی کوردک
(شعر) ملاک دنیاده بز ی جا هل محقر کور مسون * بز بقا ملکن مسخر ایلین
سلطانلرز * عالم معنیده اعلالدر قودن قدرمز * کر چه صورتده حقیر
و بی سرو سامانلرز * روایتدر که بر کون خواجه عالم پیوردیکه سلیمان نبی
دامادنه بر تاج مرتب ایتشیدی ید بیوز دانه ایله مر صرع حضرت علی
حجره طهارته کلد کده فاطمه یه نقل ایتدی فاطمه استماع ایتد کده خاطر
شریفته خطور ایتدیکه شاید علی جهاز و جهات و دختر سلیمانی اول
عظمتله ایشیدوب و بنم جهاز می بو حقارتله کوروب خیال ایده که
حضرت رسول سلیمانجه کلز بود غدغه خاطر ند ایدی اول وقته دك که عالم
بقایه رحلت ایتدی بر کیمجه حضرت علی واقعه سنده کوردیکه بهشته

بر صرع تخت منصوب اولوب اطرافنده حوری صف چکوب فاطمه
اوزرنده قرار طومش و برد ختر بلند اختر نهایت حسن جمال ایله نثار ایچون
ایکی طبق بوا هر مهیا قیلوب منتظر در که فاطمه زهرا اکا نظر قیله
حضرت علی فاطمه دن سؤال ایتدی که آیا بوی کچدر حضرت فاطمه
ایتدی که یا علی بوسلیمان نبی قزیدر حق تعالی بنم خدمته مأمور ایتددر
یا علی بوعزیزه نک برکون چهازی حکایتن نقل ایتدک و بواندیشه بنم
خاطر مده ایدی و بواندیشه دن الم چکدی بکمل اجر نه بوسعادت مبسر
اولدی یا علی اول تاج عوصنه که سلیمان نبی دامادنه مرتب اولمشیدی
حمل اواء الحمد سکا مقرر اولدی ولواء الحمد بر علمدر که خاصه حضرت
رسول الله کدر ارتقاعی حددن زیاده اولوب اوج شقه سی و ابری مغربده
و بری مشرقده و بری مکه اوزرنده بر شقه سنک اوزرنده یازلمش (بسم الله
الرحمن الرحیم) و برینک اوزرنده (الحمد لله رب العالمین) و برینک اوزرنده
(لا اله الا الله محمد رسول الله) (نقلدر که عرصات قیامتده اول اواء حمیدی
حاضر ایدوب ندا قیله لر که قنده در امت محمد عربی قنده در توابع خواجه
هاشمی و حضرت نبی اول لوای مبارکی الله الوب تمامی انبیا و اولیا
و کافه اهل اسلام اولوا التنده جمع اولوب تنکه بیورمش (آدم و ذریته
تحت اوائی يوم القيمة) و فرق مبارک کنه نوردن بر تاج سبر اورتوب و حریر
اخضر دن برخلعت کیوب براقه بنوب و سائر انبیا دخی سوار اولوب
واول علمی حضرت علینک الله و یروب متوجه بهشت اوله لر (روایتدر که
حضرت علینک فرق مبارک کنه اول علم بر تاج هیئتنده ملحوظ اوانوب
ندا قیله لر که یا علی بو تاج افضلیدر یا خود اوتاج که سلیمان نبی دامادنه
و یرمشیدی (امام نجم الدین عمر رضی الله عنهدن روایت ایدر که برکون
حضرت رسول حضرت فاطمه حجره سنه کلوب فاطمه بی ملول کوروب
سبب ملالتن سؤال ایتد کده ایتدی یا رسول الله اوج کوندر که سرایمده
مأکولات قسمندن نسنه یوقدر حسن و حسین مضطرب اولمشو بواحوالی

حضرت نکردن مخفی طوتارم اما بو کون حسن و حسینک اضطر این کوردم
دیرلر که آیا هیچ عالمده بر طفلاک ریاضتی بزم ریاضتیه بترمی ای پدر بزرگوار
حضرت نکردن ریاضت اولور میکه کستا خانه درگاه الهیدن بر توقع ایدم
خواجده عالم ایتدی ای فرزند حضرت ایزد مخلصک کستا خلغن
قبول ایدر فاطمه اجازت حاصل ایدوب ایکی رکعت نماز قیلوب مبارک
الارین کتوروب ایتدی یارب بیلور سنکه عورات و اطفالک ریاضته
طاقتلری اولماز یا طاقتمز چه محنت مقرر ایت یا محنتمز چه طاقت مبسر
ایت بودهای تمام ایتد کده ضعفدن بیهوش اولوب هم اول ساعت جبرائیل
نزول ایدوب ایتدی یا رسول الله فاطمه نک ناله دلسوزی ملائکه آسمانی
خروشه کتوردی فریاد نه بیت حضرت رسول حجره یه کیروب کوردیکه
فاطمه اختیار سزد و شمش فرق مبارکن دیزی اوزرنه آلوب پنجه قر
شکافن سینه سی اوزرنه قیوب دعا قیلدی که یارب فاطمه بی الم جوعدن
مخافظه قیل فاطمه خواجه کائناتک رایحه کیشوی مشکباردن
استفاده قدرت قیلوب کند و سنه کلد کده اوزرنده من بعد الم جوع
احساس ایتدی (فاطمه دن نقلدر که اول دعا برکاتندن حیاتم اولدچه
کندیمی هرگز الم جوعه مبتلا کوردم (در معارجده مسطوردر که
برکون حضرت رسول فاطمه نک حجره سنه کلوب تفقد طریقیه ایتدی
ای فرزند حالک ندر فاطمه ایتدی یا رسول الله المنة لله فقر من برغایته
یتشدر منزلزده اوج کوندر که طعام اثری بوانماز حضرت بیوردیکه
(اللهم انزل علی محمد و اهل بیته کما انزلت علی مریم بنت عمران) و دیدی
ای فاطمه مطبخه توجه ایدوب ملاحظه حکمت قیل فاطمه مطبخه
توجه ایدوب حسن و حسین عقبه روان اولوب کوردیلر که جو اهرله
مر صرع برکاسه ایچنده بر مقدار طعام فاطمه اول کاسه بی کتوروب حضرت
رسول خدمته یتوردی و حضرت رسول بیوردیکه (کلوا
بسم الله) پس نبی و داماد و فاطمه و حسن و حسین اول طعامک تناولنه

مشغول اولدیله (روایتدر که یدی کون اول طعامدن تناول ایدرلردی
تو کیمزدی برکوی امام حسن حجره دن چیقوب الله بر مقدار اول طعامدن
آکوب بر یهودی عورتی کوروب طلب ایتدی امام حسن کرم جلیبی
مقتضای سنجه امساك ایتیموب التفات ایدکده اثر اطلاع نامحرمدن اول
کاسد و طعام غائب اولدی حضرت پیوردیکه اگر بو حالت واقع اولمیدی
هرگز منقطع اولمازدی) بعض تفاسیرده مسطوردر که برکون حضرت
رسول فاطمه حجره سنه کلوب ایتدی ای چکر گوشه اوج کوندر طعام
تناول ایتیمشم منزلکده ما کولات قسمندنه وار فاطمه ایتدی یار رسول الله
بزه دخی بو حالت واقع اولمشدر حضرت رسول ما یوس چیققدقه
فاطمه خجالت چکوب دعا قیلدیکه الهی بنی بو خجالتدن قورور و بر طعام
کرامت قیل دعا یه مقارن فاطمه کوردیکه آستانه حجره ده بر غریب
طوروب برکاسه ده بر مقدار طعام برخادمه و یردیکه بوهیدیه در فاطمه
اول طعامی آندن آکوب حسینی حضرت رسول احضارنه روان ایتدی
حضرت حاضر اولدقده اول طعامی حضورنه کتوردیلر کوردیکه اصل
اطعمه دنیایه شبیه دکل حضرت بو عبارتله فاطمه دن سؤال ایتدیکه
(انی لک هذا) حضرت زهرا بوجوابه ملهم اولوب (هو من عند الله برزق
من یشاء بغير حساب) دیدی بو خبردن حضرت رسول منبسط اولوب
بیلدیکه مطبخ غیبندن شرائط سیاس ادا قیلوب ایتدی ای چکر گوشه
المنه لله که حضرت ایزد سکا مرتبه بنت عمران نصیب ایتدی پس علی
و فاطمه و حسن و حسین اول طعامدن تناول ایدوب سائر اهل یتیمه دخی
حصه ارسال ایتدیلر (شعر) نوله کر انعامنی عام ایتسه خوان لطفدن *
اولکه خاص و عام خوانی لطفنک مهمانیدر * نوله کر مریمدن افزون
کورسه تقد پا کنی * اولکه عبسی بر کینه بنده فرمانیدر * بو خبردرجه
وضوحه یتشدر و بونکته جمیع عالمده اشتهار بولمشدر حضرت رسول
فاطمه بی جمیع اهل یتیمدن زیاده کوروب تعظیمنده مبالغه قیلوردی

و حضرت فاطمه دخی اول حضرتی کندی روح شریفندن اعز و اشرف
بیلوردی اما راوی اخبار جکر سوز و حاوی آثار غم اندوز بو طرزله تنبیه
حکایت قیلش و بو طریقله متمم روایت اولمشکه خواجه کائنات عالم
فادن ملاک بقایه انتقال ایتدکده زمین و آسمان مترزل اولوب غایت حرقت
جن و انس و وحوش و طیوری فغانه کتوردی و کمال رقت تمامی نظام عالمه
خلل یتوردی و مرکز خاک فرق افلا که کرد ملالت ساچدی و خازن
نهانخانه قضا فرینش یوزینه ابواب کدورت آچدی (شعر) دهر زهت
خانه اقبال و یران ایلدی * کنج اسلامی فلك طیرا قده پنهان ایلدی * طی
قیلوب راحت بساطن دهر دن فراش چرخ * صورت جمعیتن خلقک
پریشان ایلدی * بو وقعه هائله و حادثه نازله وقوع بولدقده و جمیع اهل
عالم نوحیه مشغول اولدقده حضرت مرتضی فاطمه ایتدی ای چکر
گوشه سید البشر و ای زبده اولاد پیغمبر تهجم مصائبه تحمل شبوه ارباب
وفا و طغیان نوابده تصبر قاعده اهل بیت مصطفی در اولمیه که هجوم
سیلاب سرشک پرده حجابی آفتاب جمالکدن براغوب و آتش آه جگر سوز
خرمن صبر و قرارک یاقوب صدای فغانکدن نامحرملر خبردار اوله لر و صورت
اضطرار بکدن بیدر دل فرح بوله لر صبرایت و تحملی پیشه قیل اول زمانه دک
که آفتاب عالم تاب حضرت رسول الله کی متزوی زوایه حجاب و سایه نشین
سحاب نقاب اولوب و آسمان زمهره اهل ماتم کی جامه مشکفام کیوب
رخسارنده قطرات سرشک کواکب ظاهر قیلوب تردد نامحرم منقطع
اوله و هر کیم مقامنده تسکین بوله اول وقت حضرت مصطفی قانک مزار
شریفن زیارت ایدوب درددلک عرضه یتور و سوز و کدازله اول حضرتیه
شمع مزار اولوب کیفیت مافی الضمیرک زیانه کتور (شعر) ای خوش اول
ساعتکه دلدار اوله دیار اولمیه * یار اوله خلوتده اطر افنده اغیار اولمیه *
یار حالن یاره اظهار ایتیمکه فرصت بولوب * مدعی آگاه نامحرم خبردار
اولمیه * حضرت فاطمه مرتضانک نصیحتندن تجاوز ایتیموب اول داغ

نهانله قانلریودوب وسوزدانی نههان طوتوب غنچه لاله کی نوبهار وعده به
منتظر و مترصد اولوب صبرایتدی اول وقتهدککه چراغ خلوتخانه طارم
چارم انطفا بولوب شدت ظلمتدن غریبلر فغانی آسمانه یتدی حضرت
زهر اشدت غمدن بیهوش ایکن کوزا چوب حضرت مرتضایه تضرع
ایتدی که یاعلی نه وقت اوله مرتضی ایتدی ای فاطمه شب دیجوردن بر ثمن
کچمشدر فاطمه ایتدی یاعلی آیارخصت زیارت مہسراولور می مرتضی
ایتدی ای فاطمه رخصت مہسراولور بوشر طله که صدای بلندایله فغان
ایتمه سین پس فاطمه قیامه کلوب حضرت مرتضی هدایت قیلوب روضه
مبار که به کلدیلر نظر زهرا که مر قدمه مصطفایه دوشدی فریاد و فغانی ملاء
اعلا یه ایرشدی ایاقدن دوشوب بوسرودله مترنم بوادایله متکلم اولدی
(شعر) ای فلک دار الشفاء شرعی ویران ایلدک * اهل دردی مبتلای داغ
حرمان ایلدک * پرده ادباره چکدک چهره اقبالی * جمع ایدوب یوز غم بکا
حالم پریشان ایلدک * آسمان شرع خورشیدینه کوستردک زوال * ماه
ملکی نیره طپراق ایچر مپنهان ایلدک * کر دیم کافر سین ای کردون عجب
یوق ته کیم * قصد قتل مقتدای اهل ایمان ایلدک * زار زار آغلدقه
حضرت مرتضی تسکین و یروب دیرایدی ای فاطمه نوحه دن صبرا علا
واصوبدرو جزعدن تحمل اولی واثو بدرفاطمه ایتدی ای عم زاده عزیز
بنی منیع ایتمه که افضل جهاتک مفارقتی اعظم مصائب رو بویت
حضرت رسول مرثیه سنده حضرت زهرادن صادر اولان ایما تندیر
(بیت) صبت علی مصائب لوانها * صبت علی الایام صرن لبالب *
نقلدر که مرقد مبارکدن برقبضه خالک الوب دیده اشکبار نه طوتوب آغاز
نوحه قیلدی بو مضمونله (شعر) هجری باغرم قان ایدن کابرله خندانم قنی
راحت جان حزین وجسم سوزانم قنی * دیده نمناکه تار اولدی عالم ای فلک
لمعه رخسار خورشید درخشانم قنی * و بو خبر صحت یتشد که حضرت
رسولک وفاتند نصکره هرگز فاطمه تبسم ایتمشدر و مطلق صفحه

خاطرندن کدورت کتمشدی اول غایتده که برکون اهل مدینه افغانندن
متأذی اولوب دیدیلر یابنت رسول الله یا کوندز ناله قیلوب کیمه آرام طوت
یا کیمه نوحه یه مشغول اولوب کوندز تحمل ایتکه خلقه بروقت راحت
ممکن اوله حضرت زهرا خلقک التماسین قبول ایدوب کیمه لر نوحه قیلوب
کوندز داغ صبرله جکرن داغلیوب تحمل ایدردی (امام جعفر صادق
نقلدر که افراط کریمه بش کیمسه یه منحصر در بری آدمکه بهشت فراقندن
نالان ایدی و بری یعقوبکه یوسف هجرندن کر یان ایدی و بری یوسفکه
یعقوب دردندن پریشان ایدی و بری فاطمه زهرا که حضرت رسولک
آتش فراقندن بر یان ایدی و بری امام زین العابدینه قرق ییل واقعه کر بلا
دنصکره لایق قطع سر شک افشان ایدی (روایتدر که مفلح نام بر بنده سی
اولوب برکون ایتدی یا بن رسول الله اولیه که بونجه کریمه دن هلالک اوله سین
دیددی حضرت امام بیوردیکه ای مفلح حقا که کریمه بکا اختیار سز کلور
هرگاه که معرکه کر بلا ده والد بزرگوارمک و اخوان و اعمام عالیققدارمک
تشنه لب شهید اولدقلرین و مخدرات اهل بیتک گروه بخاره اسیر اولوب
اهانت چکد کلری یادمه کلد کجه کریمه دن کنندی محافظه قیله بیلزم
(شعر) دوشد کجه یادمه الم دشت کر بلا * کوکلم فغان و ناله ده بی اختیار
اولور * کلد کجه یادمه لب خشک شه شهید * بی اختیار چشم ترم اشکبار
اولور * ایام چون بلار ه صالمشدر ربی * بن کوردیکم بلاری کیم کورسه زار
اولور (القصه حضرت رسولک وفاتندن اوج ای کجد کده و بر روایتده
آلتی آی کجد کده برکون حضرت مرتضی منزلنه کلوب کوردیکه فاطمه
برمقدار خیر ایدوب و اولاد امجادنک کبسولرین یومغه برمقدار کل مخمر
ایدوب و رختلرین یومغه برمقدار صو حاضر ایتش حضرت مرتضی
اول حالته حیرت ایدوب ایتدی ای مخدومه زمان وای مخدره جهان
هرگز دنیا اشغالنه سنک بومقدار التفاتکی کورمشم آیا بونه حکمتدر که
بو کونده اوج عمل انجامنه اقدام ایتش سین حضرت فاطمه قطرات اشکی

دیده اشکبارندن دوکوب ایتدی ای تاجدار هل اتی وای شهسوار
 عرصه لافتی وای خطیب منبر سلونی وای وارث مرتبه هارونی وای
 کل باغ وال من و آلاه وای آتش داغ عار من اعداه وای طراز مستند
 صدق و صفا وای رازدار حضرت مصطفی وای شیر بیشه حقیقت
 وای کشتی لجه طریقت وای شکوفه گلزار ابوطالب وای اسد الله الغالب
 وای مهتر بهتر اهل زمین و زمن وای معدن جوهر حسین حسن (هذا
 فراق بینی ویدیک) رأی عقده کشای و ضمیر عالم آرایه مخفی و مستور
 اولیه که رشته اتصال صوری مقرض قضا ایلله انقطاع بولوب و مدت
 مقاربت مجازی هر و ر عمر له منقضی اولوب وقت اولدی که دست
 تعلقم دامن دولت خد متکدن دور ویده امیدم مشاهده پرتو جمال کدن
 مهجور اوله (رباعی) وقت اولدی که شام هجر له اوله صبح وصال *
 تغیر پذیر اوله بو کیفیت حال * وقت اولدی عروس وصال اولوب پرده
 نشین * عرض ایلله شاهد غم هجر جمال * ای علی دون کیچه رسول
 الهی واقعه کوردم بالینم اوزرینه طوروب هر طرفی ملاحظه قیلوب
 فریاده کلوب ایتدم یا بنی یا رسول الله فراق کدن هلاله اولدم آیاقنده سین
 حضرت رسول ایتدی ای فاطمه سکا بشارت ویرمه که کلمشم دم در که
 رابطه قید حیات مستعاری قطع ایدوب مضیق تنکای فنادن فضای بقایه
 قدم با صه سین ای فاطمه سن کلمینجه کتمزم اگر دولت وصالم استرایسک
 شتاب ایلله وسعی قیلدی که یار بن کیچه بکامهمان اوله سین و بن بیدار اولدم
 و حالا اول امید له متوجه عالم بقایم یا علی اگر چه سنک آتش الم مفارقتک
 جگر سوزدر و محنت مباعدتک غم اندوزدر اما اول حضرتک دخی مرده
 وصالی دلفروزدر کتمک تدارکن ایتدی که اولدر که یار بن سن مصیبتمه
 مشغول اولد قده اولاد لرم اندیشه غذا چکیمه لر ورختلرین یودیغم
 اولدر که بند نصکره بو مصیحت ایچون بوز صوین غیره دوکیه لر
 و کسولرین یودیغم اولدر که معلوم دکل که بند نصکره غمخورلری

کیم اوله (ای عزیز فاطمه زهرا انلرک کسولر نه غبار قوت نقدن مکدر
 اولوردی و جامه لری کرد آلود اولمقدن اظهار ملالت قیلوردی آه اگر
 کورسیدی دشت کر بلاده رخسار لری آغشته خاک و خون و بدن لری
 خون جگر دن لاله کون (بیت) کر بلا دشمنده خاتون قیامت آه اگر
 * غرق خون کورسیدی شاه کر بلا نک حالی * هیچ شک یوق کیم
 قیلوردی کر بلا طیراغنی * غرق خون کوزدن دوکوب سیلاب اشک آلی
 (القصه مرتضی فاطمه دن اول خبر جان کدازی استماع ایتد که ه اشک
 ندامت دیده نمیده دن روان ایدوب ایتدی آه بونه محنت مجدد در که ینه
 بوز و برنی و نه بلای غیر مکرر در کینه فک ظهوره کتوردی ای فاطمه
 هنوز والد بزرگوارک داغ فراقی مرهم پذیر والم اشیا قی تسکین بولدن
 سندخی جانه برداغ تازه یاقق و دل ویرانه بی صاعقه مصیبتله یعمق روامیدر
 (شعر) آه کم هر دم فک درد اوزره دردم آرتر * کوستر بیک درد
 بر درینه درمان ایتدین * بغرمی بریان ایدر هر لحظه بر برق بلا * بر بلای
 حسن تدبیر یله بریان ایتدین * فاطمه ایتدی ای علی اول مصیبتده صبر
 ایتدک بو محنته دخی تحمل ایت و بر زمان بندن غافل اوله و رعایتده تعال
 قیله که آخر نفسدر بو کلماتی ادا قیلدیجه نم دیده اشکبار له شهزاده لرک
 رختنی تر قیلوردی و آتش آهله اتمک ایچون تنوری کرم ایدردی و دیردی ای
 جگر کوشه لر آیابند نصکره سزک حالکزنه اولور شهزاده لر بو خبردن متألم
 اولوب کر یه یه آغاز ایتدیلر فاطمه ایتدی ای نور دیده لر بر زمان کورستان
 بقیه واروب بنم ایچون دعا قیلک و تضرع له دعایه مشغول اولک انلر متوجه
 اولد قده پستر عصمته تکیه قیلوب مرتضایه ایتدی ای همسر مهربان وقت
 و داعدر حلال ایت حضرت علی آه حسرت چکوب ایتدی (شعر)
 و احسرتا که یا قدی بنی آتش و داع * یارب که منقطع اوله آیین انقطاع *
 بو حاله مقارن اسماء بنت عجمشی طلب قیلوب دیدی ای اسماء بر طعام
 مهیا قیل که جگر کوشه لرم معاودت قیلد قده تناول قیله لر وقومه که

بنم یائمه کله رو بنی بو حال ایله کوروب پریشان اوله لر (القصة شهرزاده لر
کورستان بقیه بدن مراجعت قبله قدسه اسماء استقبال ایدوب انلره طعام
تکلیف ایتد کده شاهزاده لر ایتد یلر بزم هرگز والده مزدن آبرو طعام
تناول ایتد یکمز بو قدر اسماء ایتدی ای عزیزلر والده کزک جزئیجه کدورتی
وار سنر طعام تناول ایدک دیدیلر ای اسماءزه والده مزدن آبرو طعام ساز کار
اولماز (القصة ترك طعام ایدوب حجره کلد کارنده کوردیلر که فاطمه تکیه
قیلوب حضرت علی بالینی اوزرنده کر یان اوتورر شاهزاده لره ایتدی ای
جگر گوشه لر بر زمان روضه رسول الله اوزریند واروب دعا قیلاک شهرزاده لر
اطاعت قیلوب روان اولد قدسه فاطمه ایتدی یا علی بر زمان بندن غافل
اوله که انجام عمر در (شعر) حیاتمدن همان بردم قالوب در اوله غافل کیم *
میسر اوله ذوق دولت و صلاک دم آخر * حیات مستعارم کسوتن ناراج
ایدوب کردون * کفندن اکمه کیدرمک استر خلعت فاخر * حضرت علی
ایتدی ای فاطمه بو خبر استماعنه قدرتم بو قدر فاطمه ایتدی بو خبر واقعه
بی تدبیر و حادثه بی تأخیر در (شعر) صندردی نهال نغمی باد اجل * جان
مرغنه دام قوردی صیاد اجل * تر رابطه سن روح دن استرقبله قطع *
شمشیر سیاه سله جلاد اجل * فاطمه علی کنارنده بی هوش اولوب
بر زماند نصیره اوزرینه کلوب علی پی کر یان کوروب ایتدی یا علی هنگام
تعزیت دکل زمان وصیتدر علی ایتدی ای فاطمه وصیتک ندر فاطمه
ایتدی درت وصیتم واربری اولکه بندن سکا نسبت ترک ادب واقع
اولد یسه عفو ایده سین علی ایتدی حاشا که سندن ترک ادب صادر اولمش
اوله همیشه سن بنم غمخوارم و پیوسته غمکسارم ایدک دیدی ایکنجی
وصیت اولدر که بنم اولادمی محترم طو توب انلردن برکسته خلق صادر اولسه
تجاوز قبله سین اوچنجی اولدر که بنی کیجه وقتنده دفن ایده سنکه زمان
حیاتده دیده نامحرمدن مستور اولد یغم کی حین و فاطمه دخی نعشه
انظار پریشان متعلق اولیه درد بنی وصیتم اولدر که بنم زیارتدن قدم

چکمه سین و همیشه بنی دعادن اونوتیه سین (شعر) چون بنی سندن فلک
ناچاره هجور ایلیمه * خاک پایکدن بلا کش باشمی دور ایلیمه * التماس سندن
اولدر کیم غبار مقدمک * روحی هر دم ملاقاتیله مسرور ایلیمه * بووصایا
اثنا سنده حضرت علی فریاده کلوب زبان حال ایله ایتدی (شعر) دادار
براقدی طرح غمخانه هجر * ساقی زمانه طوتدی پیمانه هجر * دردا که
سرای وصل ایکن تکیه کهیم * وقت اولدی مقام اوله ویزانه هجر * ایتدی
ای فاطمه سنک وصیتلرک درجه قبوله یتدی اما بنم دخی سکا اوج
وصیتم وار عرض ایده بری اولکه بندن سکا تقصیر ملا زمت واقع
اولد یسه حضرت رسوله شکایت قیلیمه سین ایکنجی اولکه حضرت
رسول الله سلام یتوره سین اوچنجی اولدر که بندن اول حضرت اظهار
شکر ایده سین فاطمه علینک وصیتلرن قبول ایدوب مکالمه قیلقدنه ایکن
ناگاه بر خروش و غلغله صداسی کلدی حضرت علی متوجه اولد قدسه
کوردیکه حسن و حسین (والاماه و امصیتاه) دیوب فریاد ایدرک کلدیلر
اضطرار بله حجره قاپوسنه کلوب ایتدی ای جگر گوشه لر بونه حاتدر
ایتدیلر ای در مدینه علم رسول خدا وای شیر پدشه لافتی والده مزله وداع
ایتمکه ککشوز حضرت علی ایتدی ای نور دیده لر نه یلیدیکز والده کز
بوعالنده در دیدیلر ای پدر بزرگوار سنک فرمان شریفک مقتضای سنجه
روضه رسول زیارتنه متوجه اولد قدسه سمعمره برصدا ایرشدیکه فاطمه
یتیملری کلدی ناگاه هر قد مبارکدن ندا کلدیکه ای نور دیده لر توقف
ایتموب مراجعت قیلککه والده کز دیدار یله مشرف اولوب وداع ایده سنر
زیر امتوجه عالم آخرتدزو حالا ابراهیم خلیل و اسمعیل ذبیح و موسی
کلیم و عیسی روح الله و سایر انبیای هر سل وارواح قدس آنک روح پاکنک
استقبالنه ککشلر بز بوخبردن متنبه اولوب اضطرار بله مراجعت قیلدق
بوسوزی دیوب فاطمه نک آیاغنه دوشوب نوحه یه بنیاد ایدوب تضرع
ایتدیلر که ای محمد و مه محترمه دیده التفات آچوب بو غریب مبتلارنه

بر نظر قبل و گفتاره کلوب بوبادیه بلا سر کشته لر یله تکلم ایت (شعر)
 بر نظر قبلیم دواي درد بیمار فراق * بر نظر نرکس مردم شکار کدن
 سنک * بر تکلم قبلیم که ارباب مطالب مقصدی * بر تکلم در لب کوهر
 نثار کدن سنک * آواز لری فاطمه نک سمع مبارکنه ایرشوب دیده مر حجت
 آچوب آنلری نکارنه چکوب قطرات اشک حسرت دیده اشکبار دن
 دو کوب ایتدی ای یتیم لر آیا بند نصکره سزل کیفیت احوال کزنه اولور
 اول ائشاده جمیع اولادی جمع ایدوب ذ کورن ائنه وائش ذ کوره امانت
 طریقله تسلیم ایدوب و مجموعن حضرت مرتضایه تاپشوروب و جله سین
 واجب الوجوده موضوع ایلد کدن نصکره تکرار حسن و حسینی بردخی
 روضه رسول اوزرینه کوندروب ام سلمه دن صوا سنبوب غسل ایدوب افخر
 لباسین کبوب وسط سر اینده فراشین براقدیروب جانب ایمنه تکیه قبلدی
 و بازوی ایمن رخسارنه بالین ایدوب اسماء بنت عجمشه ایتدی بر کون
 حین مرضنده جبرائیل حضرت رسول الله خدمته کلوب بهشتدن
 بر مقدار کافور کتوبوب رسوله و یردی اول حضرت بر قسمن کندوسنه
 حفظ کفن قبلوب بر مقدار بنم ایچون و بر مقدارن علی ایچون بکا تسلیم
 ایتشدی و فلان محله در کتور که کند و حصه می آلوب علی حصه سین
 سکا تسلیم ایدیم اسماء بنت عجمش حسب الفرموده اول کافوری کتوروب
 کندی حصه سین آلوب اسمایه ایتدی بر زمان طشره چپکه بنم معبودمه
 راز دلم عرض ایده جک زماندر اسماء طشره چپقدقه استماع ایتدی که
 فاطمه دیر ایدی یارب رسول حرمتی حقیچون و علی مرتضی قدر ایچون
 و اولاد معصوم کرامت لر ایچونکه امت کنه کار لره مر حجت قبل و عاصیلر
 جرایمنه قلم عفو چکوب مترجم اوله سین بو حالنده اسمایه کریمه غالب اولوب
 فاطمه آنک کریمه سندن خبردار اولد قده ایتدی ای اسماء دیمدیمیکه بنی
 بر زمان حاله قوو بر زماند نصکره تفحص ایت پندن آواز کورسه یاتمه
 کل واکر کلز ایسه بیلش اولکه پرورد کارمه واصل اولشم اسماء بر زمان

طشره ده توقف ایتد کدن نصکره ندا قبلدیکه (یا قرة عین رسول الله)
 جواب ایشتمدی بردخی دیدی یاسیده النساء ینه جواب ایشتمدی اضطر ابله
 حجره یه کپروب رخسار مبار کندن جامه خوابی آلوب کوردیکه عالم
 بقایه انتقال ایشش اسماء مضطرب الخال اولوب فغانه کلد کده حسن
 و حسین حاضر اولوب ایتدیلر ای اسماء والده مر حالی ندر اسماء صبر ایتبوب
 باشندن مقنعه سین براغوب کریبان چالنه ایدوب شاهزاده لر بو واقعه دن
 خبردار اولد قده کثرت اضطر ابله حضرت مرتضی خدمته متوجه
 اولدیلر حضرت مرتضی اشرف الله عبادتده ایکن حسن و حسین فریادن
 استماع ایتدین صورت حال دن خبردار اولوب بیهوش اولد قده حضار
 مجلس حسن و حسین ایتدیلر ای شاهزاده لر بونه افغاندر که شیر پیشه
 شجاعتی و از درهای فضای ولایتی آیاقدن براقدی شاهزاده لر ایتدیلر نیجه
 آغلیه لم و نیجه فریاد ایتیمه لمکه سرور ریاض عصمتی صرصر اجل پایمال
 ایتدی و نو بهار عفت و طهارته خزان فنا تغیری یتدی (شعر) بزنی فریاده
 کتوردی فلک کج رفتار * نیجه افغانلر ایدوب قیلیمه لم ناله وزار * و یردی
 جمعیت احوال مزه دور خلل * صالیدی آینه اقبال مزه دهر غبار * قبلدی
 نو مید بزنی سبره پزمرده کبی * فر قزدن کتوروب سایه سنی ابر بهار * ای
 اصحاب غمخوار و احباب غمکسار زهرای ازهر و بتول مطهر قافله
 ارجعی الی ربک راضیه مرضیه (رفاقتیله جانب دار السلامه * والله
 یدعوا الی دار السلام * مقتضای سنجه توجه قبلدی و تنکنای مضیق دنیادن
 روی ارادت منحر ف ایدوب میل کلزار خلد برین و مجامع اعلای علین
 و خدمت سید المرسلین ایتدی تمام اصحاب و احباب صورت حاله اطلاع
 بولد قده حضرت مرتضی ایله اتفاق ایدوب آغاز نوحه قبلدیلر و حضرت
 مرتضی بومصیبتیه بر مرثیه انشا قبلدیکه بعض ایاتی بودر (شعر) اکمل
 اجتماع من خلیلین فرقه * فکل الاذی دون الفراق قلیل * وان افتقادی
 فاطمه بعد احد * دایل علی ان لایدوم خلیل * یعنی هر اجتماعه

بر افتراق مقرر در و هر بلا فراقه نسبت محقر در و حضرت رسوا نص کره
فاطمه فوتی دلیدر آکا که هیچ جمعیتک دوامی اولماز و همیشه الفت ثبات
بولماز (شعر) غایت دور روز کار بودر * حال دوران بی ثبات بودر * که فراقه
مبدل اوله وصال * یته عالمده هر کاله زوال * فی الواقع اگر تأمل قیلسک
زهرای از هر وفاتی حضرت مظلوم کر بلایه نسبت اشد مصائب و اصعب
نوابد زیرا هنوز نهال طبیعتی کلشن صورتده نشو و نما بولدن و هلال
وجود شریفی آسمان خلقتده بد ر تمام اولدن والده مشفقته نیک سایه
مرحمتی و مادر مهر بانک ظل رأفتی فرق مبارکدن کتور یلوب و آنک
تریتن فلک بپروت غیره محتاج ایدوب بلالره مبتلا و مختلره آشنا قیلدی
(شعر) هر زمان عشاقی بر در دیله دوران زار ایدر * بوچن هر لحظه بر محنت
کولین اظهار ایدر * درد تعلیم و یروب کردون طریقت طفلنه * بو بلال
در سیدر کیم دمبدم تکرار ایدر * بشیخی باب علی مرتضی وفاتی بیان ایدر
حضرت مهمین متعال و ملک بی انتقال عمت عطیانه و طابت بلیانه کلام
معجز نظامنده بیور مشکه (ولا تحسبن الذین قتلوا فی سبیل الله امواتا
بل احياء عند ربهم يرزقون) ظاهر عبارتک مطلع مضمونندن لامع
اولان آفتاب سر حکمت و بو کلامک چشمه مفهومی مندن ترشح قیلان
زال معرفت اولدر که میدان عنا کار زاریا حین عطادر و شمشیر فنا
چشمه زلال بقادر هر آینه شمشیر بلا که چشمه زلال بقادر کفار النده اولمک
آب حیاتک ظلمده اولدیغنه اشارتدر و آب حیات ایچون ارتکاب هول
ظلمت جفایه اقدام ایدوب کفار النده اولان شمشیر بلادن شربت شهادت
ایچمکدن عبارتدر (شعر) لذت اندوه و ذوق دردی ادراک ایلین * عبش
دهر و عشرت دنیا به پروا ایلز * شاهد فیض بقا حسن تماشاگاه ایدن *
نقش زائل صورت فانی تمنا ایلز * محمل لازبان سلوک ار باب حال و اسان حال
اصحاب سلوک اتفاقیه بو مضمونی کویا و بو معنایه جبین کشادر که قبول
ریاضات و ارتکاب مصائب جمعیت اسباب راحت و نیل اسنیفای مطالب بدن

اولی در لاجرم فرقه انبیا و اولیا که سبقت اقبال تقرب بولمشلر اختیارله
سالک طریق مصیبت و بلا اولمشلر و زمره مشایخ و ارباب انکشاف که
سیر عالم وحدت قیامشلر محنتی راحتدن مقدم بولمشلر و کافه حکما که بال
استدلال ایلله حسیض امکاندن اوج ادراک معرفت و جو به پروا ایتمشلر
دامن ترک تعلقات و طریق نفی تنعمات طوتمشلر (شعر) بلال شهباز
اقبال اولور * صفای بخش آینه حال اولور * کل ترکس کلشن اعتبار * دل
چاکدر دیده اشکبار اولور * فی الواقع خزانه حکمتده بلادن اشرف جوهر
نفیس اولسیدی احتیای حضرت عزت آکا طالب اولورلردی و خوان
حکمتده مصیبتدن انفع نواله صورت احتمال بولسیدی خواص بارگاه
قرب الهی آکار غبت قیلورلردی (شعر) آتی کورمکه فلک بر نیجه دم *
کیمه همدم فرح ایلر کیمه غم * آتی کور کیم حقیق عالمدن * کیم فرحندن
چیقار و کیم غمندن * الحق اثبات استحسان بلایه بو شاهد یتر و حجت
استعلای رتبه مصیبتده بواسطه دل کفایت ایدر که بلا انبیا و اولیا ملازمنده
درجه کمال بولمش و مصیبت محرم سر پرده نبوت و ولایت اولوب اهل بیت
اختصاصنه مشرف اولمش اول جله دندر حضرت شاه ولایت علی
مرتضایک اعتلای رتبه ابتلاسی و بدایت عمر دن نه ایتنه دک میدان بلادده
استعلای درجات محنت و بلاسی اصح اقاویل منقوله و اسد اسانید
مقبوله دن مستفاد اولوب شواهد النبوه مسطور در که حضرت علی ابن
ابی طالب امام اولدر ائمه اثنی عشر دن و مناقب و فضائل آندن زیاده در که
امداد خامه ایلله تحریره کله و یامساعده زبان ایلله مذکور اوله (امام احمد
حنبلدن نقلدر که دیمش اکابر صحابه نک هیچ برندن او لمقدار فضائل
و مناقب که علی بن ابی طالب بدن بزه تمشدر و تمام شد و ولادت شریفی عام القیلدن
او توزیل کچد کده حرم کعبه ده رجب آیتک اون اوچنده جمعه کونی واقع
اولمشدر شیخ مفیددن نقلدر که دیار یمنده مبرم نام برعاید متقی و اریدی زاهد
زهاده روزگار ایدی (شعر) صحیفه املی نقش ماسودان پاک * ایر شمش

از کینه غبار مرگ خلاء * و یوزطقسان بیل عمری گوشه عبادتده بکوب
ملتفت حال روز کار اولاماش و سجاده دن غیر یه قدم باصمبوب
محرابدن غیر صورتی نظر صالماماش بر کون مناجانده ایتدی الهی حرم
محترمک سکاندن و کعبه معظمه نك اعیانندن برینک دیدارنه مشرف
اولمق تمناسنده یم مبرس ایت دعای بیر یاسی اجابته یتوب ابوطالبکه
اشرف اعیان مکه و افضل سکان کعبه ایدی بر سفرده ایکن رهگذاری
اول زاهد نیک نام و عابد عالمقامک مقامنه دوشوب زیارتنه توجه ایتدی مبرم
ابوطالبک تعظیمند نصکره کیفیت احوالن استفسار ایتد کده ابوطالب
ایتدی مکه دیارندن بنی هاشم قبیله سندن عبد مناف اوغلی ابوطالم
مبرم بو خبردن منبسط اولوب تکرار تعظیم ایدوب ایتدی المنه لله مرادم
حاصل اولدی و دعای بیر عوتتم اثر قیلدی دیدی ای ابوطالب اخبار
سالفه دن بزه یتشدر که عبد المطلبک ایکی نبیره سی اولوب بری عبدالله
صلبندن ظهوره کلوب اظهار سربوت قیله و بری ابوطالب ظهرندن
ظاهر اوله مودع ظهور روزموز ولایت اوله ونی او توز یاشنه یتد کده ولی
دنیا به آیا اول نبی که دیده دوران منتظر دولت دیداری و چشم زمان
مشتاق پرتو رخساریدر ظهوره کلشمی اوله ابوطالب ایتدی بلی
یا شیخ محمد متولد اولوب حالا یکر می طقوز یاشنده در مبرم ایتدی
ای ابوطالب بوندن مکه به مراجعت ایتد کده اول مقرب درگاه معبوده
بندن سلام یتور و عرض ایتکه مبرم شهادت و بر که خالق فردوبی همتادر
وسن آنک پیغمبری سین ای ابوطالب سندن متولد اولان عزیزه دخی
سلام یتور و عرض ایده سنکه سندخی وصی پیغمبر سین نیکم آنده
نبوت تمام اوله سنده دخی ولایت اختتام بوله ابوطالب ایتدی ای عزیز
بو گفتارک حقیقته بر بیان استرم شیخ ایتدی (بسم الله) ابوطالب
قارشوسنده بر قوریمش درخت انار کوروب امتحان ایله ایتدی ای شیخ
استرمکه بو درخت خشکدن برک و بار کوستره سین شیخ درگاه معبوده

تضرع طوئوب ایتدی الهی اول نبی ذی شان و ولی حقیقونکه حقیقه تاریقه
اعتراف ایدوب صفتلرندن بیان ایتدم شرمنده ایتیمه - ین فی الحال اول
درخت خشک بارور اولوب ایکی تازه نار ثمر و یردی شیخ اول انارلر دن
ابوطالبه و پروب ابوطالب اول انارلرک بر یسین پاره لیوب ایکی دانه سین
تناول قیلدی (روایتدر که اول انهلر نطفه به سرایت ایدوب مبدأ وجود
شخص علی ابن ابی طالب اولدی و حجره رخسار شاه مردان اهل رمانی کی
اول اثر دن ایدی) القصه ابوطالب اول مرده دن خرم و خندان اولوب
نقل مکان قیلوب مکه به مراجعت قیلد قده صلب شریفندن اول
نطفه فاطمه بنت اسد بطننه انتقال ایتدی و مدت حمل منقضی اولد قده
فاطمه بنت اسد دن نقلدر که بن خانه کعبه طوافنده ایدم اثر محاض
ظاهر اولوب درد نبی شو طده حضرت رسول بنی کوردی فراستله
احواله مطلع اولوب ایتدی ای فاطمه طوافی تمام ایتدی ایتدم خبر
پور دیکه طوافی تمام ایتد کرمض ایقه بولور ایسک حرم کعبه به کیر (و کتاب
بشار المصطفاده نقل ایتشدر که فاطمه بنت اسد طواف کعبه ایدر کن
عباس بن عبدالمطلب و جمیع بنی هاشم آنک عقبجه طوافه مشغول
مناجات ایکن ناگاه فاطمه به اثر طلق ظاهر اولوب طشره چیمغه مجالی
اولیوب ایتدی که یارب بکا و لادنی آسان ایله فی الحال دیوار بیت الله شق
اولوب فاطمه نظر دن غائب اولدی و بزخانه کعبه به کیر و ب احوالنه مطاع
اولمق استدک مبرس اولمادی اوج کون غائب اولوب درد نبی کون خرمدن
چیمقدی انده علی ابن ابی طالب (امام الحرمین نقل ایتشکه هرگز علیدن
مقدم بوسه عادت هیچ کیمسه به مبرس اولمامشدر که نفس خریده متولد اوله
اندن صکره دخی مبرس اولیه جقدر (شعر) مرتضی بر در دریای ولایتدر کیم
* حرم کعبه در اول در یتیمک صدقی * غیردن اشرف اگر اولسه انکیچوندر
او کیم * حرم کعبه دن اول کسب قیلوب بدر شرفی (القصه فاطمه بنت اسد
حرم کعبه دن حضرت مرتضای چیقاروب حجره سنه کلوب عات اوزره

آنی مهده باغلد قده ابوطالب حاضر اولوب استديکه رخسار شريفن
 کوره نديانه ال اورد قده علي بنجه خير کشايله ابوطالبك ان منع ايدوب
 رخسار نه بر بنجه اوروب جهره سين خراشیده قبلدی ووالده سی دخی تقرب
 ایدوب استديکه رضاعنه اقدام ایده منع ایدوب آنکدخی رخسارن
 بجروح ایتدی ابوطالب متخیر اولوب ایتدی ای فاطمه بو طفلی نه اسم ايله
 موسوم ایده لم فاطمه ایتدی ای ابوطالب بو طفلک بنجه سنده اسد صلابتی
 وار اسد ديمک مناسبدر ابوطالب ایتدی بنم صلاحم بودر که زید اسميله
 موسوم ایدم خبر ولادت حضرت رسول اشتد کده فرحناک اولوب
 ابوطالبك سراینه کلوب سوال ایتدی که بو طفلک اسم نه مقرر ایتدی که
 هر کیم اختیار ایتدی کن بیان ایتد کده حضرت رسول ایتدی بنم صلاحم
 بودر که اسمی علی عالی همت اوله فاطمه ایتدی حقا که بندخی هاتندن
 بو اسمی اشتدم (و بر روایت دخی اولدر که والد و والده را سنده اسم ایچون
 نزاع اولوب استخارده طریقیله متوجه حرم اولوب فاطمه روی نیازی
 درگاه بی نیاره طوتوب ایتدی یارب حرم شریف کده کرامت قبلدیغک نطفه
 شریفه سندن تعیین اسم التماس ایدر زبونیا زانسانده بام کعبه دن صدا
 کلدی که اسم شریفن علی اعلا قیلاک هر تقدیر له نام مبارک کن علی عالی قدر
 قویدیلر حضرت رسول استدی که مهده اوزر نه واروب مرتضی ايله ملاقات
 ایده فاطمه ایتدی ای برادر دلیرانه کتمه که بو طفل شیر خصلت و غضنفر
 صولندر اولیه که حضرت تکرزه نسبت بر بی ادبلاک ایده حضرت رسول
 ایتدی ای فاطمه علی بکا نسبت طریق ادبه رعایت ایدر پس متوجه
 اولوب حضرت مرتضی مست خواب ایکن رایحه کبسوی مشکبار
 رسول الهی استشمام ایدوب دیده حقیقت بینن آچوب ملاحظه نور
 رخسار نبی قبلدی و زبان حال ايله بو مقالی مترنم اولدی (شعر) شکر کیم اولدم
 مشرف دولت دیدار که * دیده خونبار می آچدم کل رخسار که * اولدی
 ضایع عدم منزل لرین قطع ایتدی کم * واصل اولدم پرتو خورشید عالمنا که

(القصه اول شیریشه ولایتی حضرت رسول مهده دن آچوب
 کارنه آلوب تهنیه طریقیله ایتدی (شعر) هر حبای قبله ار باب عن
 واحدشام * خیر مقدم ای شه اصحاب قدر و احترام * بن که مبعوثم جهان
 خلقینی دعوت قیلغه * قیلدم سن کلدن بوامر اقدام قیام * ذات پاکک
 انتظاریدی نه پنهان غیردن * موجب تأخیر اظهار نبوت والسلام *
 و بر زمان زبان معجز بیانلر ندن برائ کل کی غنچه دهاننه قیوب لعابند که
 سر چشمه اسرار (و ماینطق عن الهوی) در شربت (هذا لعاب رسول
 الله فی فی) تجرع ایتدردی (روایتدر که حضرت مرتضی ابوطالبی
 منعندن غرضی اول ایدیکه ابتداء خلقتده حضرت رسول ايله مصافحه قبله
 و رضاع امتا عندن مقصود بو ایدیکه آغاز فطرتده لعاب لسان رسول
 الله دن متجرع اوله (شعر) قطره قطره زلال معرفتی * ابر در یادن اکنساب
 ایتدی * فیض حق اول هلالی ایتکه بدر * قابل نور آفتاب ایتدی
 (القصه طشت آفتابه حاضر ایدوب مصطفی ید قرشکا فله علیک
 غسلنه مباشرت ایتدی) (روایتدر که جانب یمین غسل ایتد کده اشارت سنر
 جانب یساره منقلب اولوردی حضرت رسول بو حاله مطلع اولد قده کریان
 اولدی فاطمه ایتدی ای برادر سبب کریه ندر حضرت رسول ایتدی ای
 فاطمه بن بو طفلی ابتدای خلقتده غسل ایدرم بو طفل بنی نهایت عمرده
 غسل ایدر و بن غسل ایتد کده بو طفل جانب یمیندن جانب یساره کندی
 منقلب اولدیغی کی بندخی کندم منقلب اولورم (القصه حضرت رسول
 اول در شهواری پیوسته صدقوار کنارنده تربیت قیلوب غمخوار لغن
 ایدردی و اول غنچه نور سنک ابر بهار کی اوزرینه کلوب کیدردی
 مرتضی بش یاشنه یتد کده ملاک حجاز قلت امطار دن مورد غلا و حقط
 اولدی و عدم اغذیه دن احوال خلق اضطرار بوادی و ابوطالب عیالمنده
 ایدی بر کون حضرت رسول عباسه ایتدی سن توانکر سین و ابوطالب
 فقیر الحال و کثیر العیالدر مناسب اولدر که شدت حقط زائل اولنه دک

هر بر بزم ابوطالب يك بر فرزند نه متكفل اوله لم واكا معبشت خصوصنده
معونت قبله لم اتفاقله ابوطالبك حضورنه كلوب شرح حال ايتد كلرنده
ابوطالب ايتدی علی بن بهمنه قویك سائر اولاد می سز بیلور سز عباس
جعفر طباری آلوب حضرت رسول مر تضایی قبول قیلوب آلك كفا اننده
ایدی اول زمانه دکنه که حضرت جبرائیل ا کامرده رخصت دعوت
یتوردی و علی اکا ایمان کتوردی و حضرت علینک بر کنبی دخی ابوتراب
ایدی و بولقیدن زیاده خوشحال اولوردی و تسمیه وجهنده اقوال
مختلفدر (شواهد النبوه) مسطوردر که بر کون حضرت رسول فاطمه
حجره سنه کلوب علی بن حاضر کور محبوب تفحص ایتد کده فاطمه ایتدی
یا رسول الله بعض قضیه دن ملالت خاطر بولوب طشره چیقدی غایا که
مسجده تشریف پیوردی حضرت رسول مسجده کلوب کوردیکه ردای
مبارکی بدن لطیفندن دور اولوب جسم شریفی آلوده غبار اولمش
حضرت رسول اول غباری پاک ایدوب پیوردیکه قم یا اباتراب (عمار
یا سردن نقلدر که غزوه عنترده بن و علی بر درخت سایه سین خوابکا
ایدوب تکیه قیاش ایدک حضرت رسولک کذاری اوزر یمره دوشوب
آواز یتوردی حضرت مر تضایه که (قم یا اباتراب) و پیوردیکه یا علی خبر
ویریم سکا که جمیع خلقدن اشقی ایکی بد بختدر بری اولکه صاحبک
ناقه سین ذبح ایتمش و بری اولکه سنک محاسن شریفک فانکه رنگین
ایدرو حضرت علینک بر کنبی دخی ابوالریحانیندر (جابر علیدن نقل ایدر که
حضرت رسول اوج کون وفاتندن مقدم مر تضایه ایتدی یا ابالریحانین
سکا وصیت ایدرم ایکی ریحانه حفظله که بری حسن و بری حسیندر
یا علی عن قریب سنک ایکی رکنک منهدم اوله و ایکی عضوک انقطاع
بوله فی الواقع او یله اولدی اول حضرت رسول فوت اولوب آند نصکره
حضرت فاطمه نک وفاتی صورت بولدی (حضرت علیدن نقلدر که
پیورمش بن جفا چوق چکدم کردش روز کاردن و جوری چوق کوردم

عالم غداردن جمله سندن اصعب اوج مصیبت ایدی و جمیع سندن اعظم
اوج محنت ایدی بری وفات حضرت رسول که جمیع مهسا لکده
پناهیم و قوسکار هده امید کاهم ایدی آنک وفاتندن نصکره هرگز هجوم
نوائب بکا کم اولادی و تعرض اعدادن خاطر م ترفه بولادی (شعر)
ای خوش اول کونلر که بر امید کاهم و ارایدی * محنت عالم هجومنده
پناهیم و ارایدی * بن فقیره جور قیلد قچه عدوی مست رأی * عرض
احوال ایتکه بر پادشاهیم و ارایدی * ایکنجی مصیبت فوت زهرا ایدیکه
مصطفی قاد نصکره هرازم و جمیع وقایعه چاره سازم ایدی چهره بقای
پرده خفایه چکوب شبستان عیشی تیره و تار و کلبه احزانمی موقد نار
اضطراب واضطرار ایتدی (شعر) دور دن واه که نصیبم غم هجران
اولدی * کل باغ امل غنچه حرمان اولدی * دانمده راحت ایچون پنبه راحت
با صدم * طوتوشوب اولدخی بر آتش سوزان اولدی * اوجنجی مصیبت
اولدر که جگر کوشه نرم شهادتک خبری ایدیکه رسول الله دن معلوم
ایتدم (شواهد النبوه) مسطوردر که بر سفرده حضرت مر تضانک
کذاری دشت کر بلایه دوشوب گریان اولوب پیوردیکه بومقامدر مقتل
اکابر شهدا و بومکاندر موضع سفک دماء اعظم آل عبا صحابه صورت
حالی استفسار ایتد کده ایتدی بومترلده بر طائفه مقتول اوله که حساب سز
بهشته دخول بوله لر و بوندن زیاده ابضاح ایتدی و هیچ کیمسه بوسرله
حقیقته یتدی اول زمانه دکنه و واقعه کربلا صورت بولدی و سفک دماء
اهل بیت واقع اولدی الحق بو واقعه نک نسیم تدا کارندن اچلان کلبرک
ندامتک هر بری بر شعله جگر سوز و بو حادثه نک سحاب اخبارندن سیراب
اولان کلزار محنتک هر نهالی بر تاوک دلدوزدر (شعر) یک جگر اولدی قان
بو واقعه دن * تیره اولدی جهان بو واقعه دن * هم یدی اختر ایلدی
افغان * هم طقوز آسمان بو واقعه دن * کلدی فریاده رده و کوکده * ملک
وانس و جن بو واقعه دن * القاب حضرت مر تضی فی نهایت راول جمله ندر

امیر النحل و یعسوب الدین و کرار واسد الله (فردوس الاخبار ده معاذین
جبلدن نقلدر بو خبر که) حب علی حسنة لاتضرها سبته و بغض علی
سبته لاتنفعها حسنة) بر کون حضرت رسول مرتضایک جبین مبارک
او یوب عباس بن عبد المطلب ایتدی یار رسول الله بو شخصی سورمب سین
حضرت رسول ایتدی ای عباس بو شخص بنم محبوب و کام یوقدر که
بونک محبتدن تغافل ایتک بکا ممکن اوله ای عم بزرگوار حکمت حق
هر پیغمبرک ذریتن کندی صلبنده مودوع ایدوب بنم ذریتی بونک
صلبنده مقرر ایدوب قیامتده ک بخله شریک نسب اولمش امام ترمذی علیه
الرحمة نقل ایتشکه سلیمان سوال ایتدی لر که افراط محبت مرتضایه سبب ندر
سلیمان ایتدی حضرت رسولدن اشد مکه بیوردیکه هر کیم بنی سور
علی بنی سور و هر کیم علی بنی سور بنی سور و حق تعالیدن انکیچون دعا
ایلمشکه یارب محبت قبل آنکه که مرتضایه اظهار محبت قبلور و عداوت
قبل آنکه که آنکه عداوت قیلخی کند و به لازم بیله (شعر) فرضدر کیم
اوله صغار و بکار * مائل حب حیدر کرار * آنکیچون دیمش رسول الله *
حضرت حقه و آل من و آله * ای که لطف الهی طالب سین *
روز محشر نجاته راغب سین * اوله اول شاهه دشمن بدخواه * هدف
تیر عادم عاده (شواهد النبوه ده امام مستغفری اسنادیله مسطور در که
صلحای زماندن بر متقی پاک اعتقاد و بر عابد صافی نهاد دیمشکه بر کیم
واقعده کوردم عرصات قیامت قائم اولمش و محاسب قضا خلق اولین
و آخر بنی حاضر ایدوب نصب میزان قیلش و بن متوجه صراط ایکن
حضرت رسولی کوردم کنار حوض کوثرده حسن و حسین ساقی اولوب
صحرای محشر متعطشترین سیراب ایتکه نصب اولمش و بندخی اشتیاق
تمامله خدمت لریندم شرف اولوب بر جرعه التماس ایتدم حضرت رسول
ایتدی رشحات کوثر دن سکان صهب یوقدر ما یوس اولوب ایتدم یار رسول الله
علت منع ند دیدی ای غافل سنک جوار کده بر شقی و اساقی کوثر مذمتن

ایلمر و سن احواله مطلع سین منعه اقدام ایتمز سین دیدم یار رسول الله منع
ایلمر هلا کیم قصد ایلمر حضرت رسول الیه بر مجرد تیغ و یوب
بیوردیکه بوتیغله اول ملعونی هلاک ایت بندخی واقعده آنی قتل ایتدم
رسول خدمته مراجعت ایتد کده حسنه امر ایتدیکه بکا صوویره
نشاط تمامله بیدار اولدقده صبح ایدی ناگاه استماع ایتدم که فریاد ایدوب
دیر لر که فلان کیمه بی بو کیمه پسترنده ذبح ایتمش لر حاکیم خبردار اولوب
جمع همسایه لر بن تهمتله حبس ایتدی لر بندخی اول گروهه داخل ایدم
چون بیلموردم که همسایه لرک اول قضیه دن خبر لری بوغدی صدق دن
نجات اسنبوب حاکمه صورت واقعده بی شرح ایتدم حاکم محب خاندان ایدی
کلامی تصدیق ایدوب ایتدی ای عزیز بندخی آنک حقیقت احواله
مطلع ایدم کندی جزا سنه یتش جزا الله خیرا (شعر) تیغ باطن تیغ
ظاهر دن بتر خونریز اولور * ظهرو باطنده شمشیر ولایت تیر اولور * و بو
دخی شواهد النبوه ده مسطور در که ابراهیم بن هشام مخزومی مدینه ده
والی ایکن هر جمعه کونی خلقی منبر آیاغنه جمع ایدوب و کندی منبره چیقوب
مرتضای منبت ایدردی بر کون منبر آیاغنده بکا خواب غلبه ایدوب
واقعده کوردم که حضرت رسولک مرقد مبارکی شق اولوب کافور
کون لباسله بر کیمسه چیقوب ایتدی ای عبد الله سنی بوملعلوک کلماتی
مکدر ایتزمی دیدم بلی یار رسول الله امانه چاره حکم حاکم مطاعدر
دیدم ای عبد الله مشاهد قیلکه آکافهر لهی نه سیاست کوستر بیار
اولوب نظر ایتد کده کوردم منبر دن دوشوب هلاک اولدی (شعر) جام
بغض مرتضی نوش ایلمن نا کسلره * ساقی دوران ویرزهر هلاهل عاقبت
هم کورر لر عالم صورتده آثار بلا * هم جکر لر بند اغلال و سلاسل عاقبت
(روایتدر که غزوه خیبرده حضرت رسول بیوردیکه یارین رایتی بر کیمسه به
و برسم کر کدر که چهره مبارک کنده نور یحی الله ورسوله درخشان و ناصیه
پاک کنده نشان یحی الله ورسوله عیان اوله صباح اولدقده رایتی مرتضایه

و پروردی و بودی و ایستد که حین صرعه طائف حضرت رسول علی ابن
 ابی طالبی حاضر ایدوب زمان طویل آنکله مشاورت قبلی لشکر مخیر
 قالوب ایستد بر آید صاحب و حبه احتیاج مشاوره حضرت رسول واقف
 اولوب ایستدی بن کندی رأیله آکاشرخ راز ایتمزم حضرت عزت امر
 ایتمزم و بو خبر صحیح زمندی ولسانی اسنادله منقولدر که (شعر) اول
 ایدی محرم رسول الله * سر ذات وصفاندن آگاه * کاتب نقش نامه تنزیل *
 خازن کج خاه تاویل * آفتاب سپهر فضل و کمال * نوبهار ریاض جاه
 و جلال * اول سلطان سریر سلونی که آفتاب کیفیت ذتی مشرق (علمی
 و انانه) دن لامع و اختر صفاتی (یاعلی انت منی بمنزله هارون من موسی)
 سپهرنده طالع در و خزانه اوصافندن (انامدینه العلم و علی بابها) بر کهر در
 رشته شتاره منتظم و حریقه محاسن و مناقبندن (ساوونی عمادون العرش)
 بر غنچه در نسیم ایضاح و اتضا حدن مبسم و جله فضائلندن علمی اول
 غایتده ایدیکه بر کون باب منبری پابوس شریفی ایلله مشرف قیلوب
 بهر مش که روح قبضه قدرتنده اولان معبود حق چونکه اگر فرمان بشوب
 زبور و ورات و انجیل اهلی تکلم قیلسیر بن جمیع اسرار لرندن خبر و پرردم
 و آنرا تف قله بکاتصدیق و پروردی و عبادتی اول مرتبه ده ایدیکه هر کیچه
 خلوتندن یک تکبیر استماع اولنوردی تکبیرات فرائض و سنن معهوددن
 غیری و حلمی اول درجه ده ایدیکه بر کون بر بنده سنی یتیم کره ارفع اصواتله
 طلب قبلی جواب استیوب مطالبه سنه توجه ایستد کده گوردی حجره
 قیوسنده طور مش ایستدی نیچون جواب و یرمدک ایستدی یاعلی استدمکه
 سنی غضبناک ایدم علی ایستدی ای غافل بن اول گمسه ام که سنی بو امتحانه
 مأمور ایدنی غضبناک ایدرم یعنی ابلهسی و اول بندینی آزاد ایستدی و مدت
 عمرینک معاشین قبول ایستدی حقا که بونهایت حمد و ثوابی اول غایتده
 ایدیکه زمان خلافتنده که حد مغربدن سمرقنده دک تحت حکومته
 ایدی کوفه ده پیاده تردد ایدوب ارتکاب رکوب خیل ایتمزدی بر کون

بعضی حوایج آلوب کندی کتوروب خادم لرینک بری ایستدی یا امیر المؤمنین
 بو خدمت رجوع بنده یتفات ایت پیوردیکه (ابوالعیال احق ان یحمل)
 خادمی ایتدی سن خلیفه زمان و سلطان جهان سین بو عمل سکا نسبت
 موجب تخفیفدر پیوردیکه (لاینقص الرجل من کاله اذا حل لعیاله)
 و سخاوتی اول مرتبه ده ایدیکه عالم فائیده درت درهمی اولوب برین
 سرله و برین چهارله و برین کیچه و برین کوندز تصدق ایدوب شان شریفنده
 آیت (الذین ینفقون اموالهم باللیل و النهار سرا و علانیه) نازل اولوب
 و جله عالمه اندشار و اشتهاار بولدی و فقر و فاقه ده اول مقدار ایدیکه کیفیتی
 آیت (و یطعمون الطعام علی حبه مسکینا و یتیم و اسیرا) مضموننده
 درجه وضوحه یتیم و درجه کمال احسانی آیت کریمه (یوتون الزکوة وهم
 را کعون) معناسنی ثابت ایتمش (روایتدر که بر کون زمان خلافتنده
 خزانه یدت الم له کیروب جمعیت سیم و زر کورد کده ایستدی) یا حرا یا بیضا
 غرا غیری) یعنی ای زر زرد در خسار وای نقره تا تمام عبار جلوه در با و عشوه
 عقوبت فزایله غیره غرور و یرک زیر این سزه اویله طلاق و یرمشمکه
 مراجعتی ممکن اوله و بر غایتده سزی ترک ایتمشمکه تجدید مصائب صورت
 بوله (شعر) اولسه زر خورشید آنی حفظ ایتمزم کردون مثال * نقره ماه
 اولسه اکا خورشید و شصه لم نظر * رفعم بایند در خاک سیه خورشید
 و ماه * همتم باینده در طیراغه یکسان سیم و زر * و جله کراماتندن بری
 اولدر که پای دولتی رکاب سعاده با صدقه افتتاح تلاوت کلام ایدوب
 صدر زینه متمسک او اوب بر رکابه دخی قدم با صبحه ختم ایدردی (شواهد
 النبوه مسطوردر که اسمائیت عجمس فاطمه دن نقل ایتمشمکه شب زفاف
 عرصه ارض آنکله تکلم ایستدی کن استماع ایتمدم صباح اولدقه تحیر طریقه
 حضرت رسوله اول حالی عرض ایستد کده سجده شکر ایدوب پیوردیکه
 ای فاطمه بشارت سکا که زوج که سعادت تفضیل و یروب ایزد تعالی اتی
 بر بوزنک خلقندن افضل ایستدی و بودنی شواهد النبوه ده مسطوردر که

حرب صفینه توجه ایتد کده قلات آب واقع اولوب لشکر یمین و یساره تردد ایدرکن بر دیره یتدیلر راهب دیر خبر ویردیکه فلان منزله بر چشمه وار لشکر متوجه اولد قلری سمیدن منحرف اولوب اول جانبه عنانتاب اولد قدده حضرت شاه ایتدی غیری جانبه کتمک هم اول منزله بر صخره کوروب اشارت ایتدیکه کوتورک جمیع لشکر هجوم ایدوب اول صخره یی کوتورمکدن عاجز اولدیلر حضرت علی انکشت خیرکشا ایل اول صخره یی کوتوروب التدن بر چشمه زلال خوشکوار چیقوب لشکر تمام سیراب اولد قد نصره ینه اول صخره یی چشمه اوزره قویوب دفن ایتدردی راهب بو کرامتی کوروب ایتدی ای عزیز سن رسولمسن دیدی یوق بن وصی رسولم راهب اخلاصله رسول الله ایمان کتوروب مسلمان اولدی حضرت امیر سبب سوال ایتد کده ایتدی یا ابا الحسن متقد ملر یزدن انتقال ایدوب کابلزیمزده مسطوردر که بر موضعه بر چشمه وار آنک اظهاری مبر اولماز الارسوله یا وصی رسوله و بو کون سندن بو کرامت ظاهر اولدی معلوم ایلدم که سن وصی رسول سین جدا لله مر ادمه یتدم (القصة ترك دیر قیلوب ملازمت شاه مر دانی اختیار ایدوب ملازمتده محاربه قیلوب سعادت شهادته یتدی (شعر) خدمت اهلینه سیم وزرورمک * شاه ملک مجازه عاتدر * حاصل خدمت نبی و ولی * شرف رتبه شهادتدر * حقا که حضرت علی مرتضایک اوصاف حمیده و اخلاق ستوده سنده استدعای حصر تحریر و داعیه ضبط تقریر خارج احاطه قدرت بشر و صورت احوالی مافوق امعان نظر در اول جله دندر غزوه بدر و حرب احد ده ملحوظ اولن ان آثار نزول لافتی و مقاتله عمرو و عنتر و محاربه مر حب یهودی و قلع باب خیبر و حرب عتبه و شبهه (شعر) بر سرورک که شهره حسن خصایلیچون * و صافی هل اتی اوله مداحی انما * لایق دکل که ایلایه خورشید ذاتک * دامن اتصالی آلوده هر سهها * راوی کلزار سخن و آرای اخبار کهن اول شهریار مسند

امامت و شاهباز اوج ولایتک مناقبندن عجز له عنار تصرف منعطف و منحرف قیلوب اخبار و فائندن بو طریقله شمه بیانه کتورمش و ظهوره یتورمش که چون مسند خلافت مقدم شریفلر یله عرش سای اولدی و جلوس مبارک لیل حق مر کزنده قرار بولدی اتفاقا واقعه جل و صفین واقع اولوب قضیه حکمی صورت بولد قد اول معرکه دن کوفه کعباد وزها دندن درت بیک نفر کیمسه اول شهریارک تحت لوای نصرتدن چیقوب و اطاعتدن تدر ایدوب دیدیلر که (لا حکم الا لله) و سکر بیک نامرد دخی اطراف و جوانب دن آلره ملحق اولوب ابن کوانی کنیدیلر سردار ایدوب خروج ایتدیلر حضرت مرتضی ابن عباسی رسالت طریقله آلره ارسال ایدوب نصیحت قیلدی قبول قیلوب ایتدیلر چون علی حکمنه راضی اولمادی بزاندن مبرا اولدق ابن عباس مأیوسا مر اجعت قیلوب حضرت شاه قیام حجت ایچون بالذات آلره مقابل طوروب نصیحت قیلد قدده عناد لری زیاده اولدی ایتدیلر علی کناه عظیم ایشسن اکر توبه قیلوب ینه تدر یجله ترتیب سپاه ایدوب متوجه شام اولوب محاربه قیلد سنکله مصالحه قیلورز و اگر بومصالحه یه راضی اولماز ایسک سنکله حرب ایده رز حضرت علی ایتدی سز ابتدا حرب ایتمینجه بن حرب ایتنم (القصة هر جانبدن لشکر جمع اولوب تهیه اسباب حرب ایتدیکه حضرت علی آلره التفات ایتدی اول زمانه دکه فساد لری قاعده اعتدال دن تجاوز ایدوب مسلمانلره تسلط و تغلب ایدر اولدیلر و داعیه قیلدیلر که حضرت امیر متوجه شام اولد یغن تحقیق ایتد کده متوجه کوفه اولوب غارت قیلد لر لشکر اسلام بو خبردن متردد اولوب ایتدیلر یاعلی خوارج دفعن ایتمینجه هیچ بر جانبه کتمک اولماز و بوفسادک ضررندن تغافل ایتک اولماز (شعر) حقیر کورمه عدونی که عقرب کورک * دمی دوشنده فسادی فرزند از دردن * تصور ایتد که خصم قویدن اوله عیان * مضرتیه که یتد دشمن محقر دن * حضرت امیر

برو بت دخی ابن عباسی ارسال ایدوب نصیحت ایتدی اثر اجابت
 کورمیه بینه کندی بالذات آنله مقابل طور ووب نصیحت ایتدکده
 اول جمله دن ابن کو'نیکه امیر خوارج ایدی اون نفر اقر باسیله خوارجدن
 رجوع ایدوب و سکرزیک نفر دخی التوبه التوبه دیوب خوارجدن
 دونوب لشکر اسلامه ملحق اولدیله و بانی خوارج عبدالله بن وهبی
 و قرقوس بن زبیری کندیلرینه امیر ایدوب جانب نهر وانه توجه قیلدیله
 و حضرت امیر رایت ظفر آیتی متحرک ایدوب عقب لرجه روان اولدی
 حضرت رسول بوطائفه به مارقین دیوب حضرت امیره مخالفتلرندن
 خبره برمشیدی و جبرائیل بونلرک خبرین حضرت رسوله کتورمشیدی
 (شواهد النبوه ده مسطوردر که حضرت رسول مرتضایه خبر ویردی که
 حرب ایده جکسین مارقین جماعتیه یعنی خوارجله و سردار لری
 ذوالشید نام ماعون اوله سینه سند ه پستان نسا کی برلحم زاندا اوله و نسخ
 اصفهانی دلائله اسناد درسته منقولدر که ابومعبد خدریدنکه حضرت
 رسول خدمتده ایدم قسمت غنایمه مشغول ایدی بنی تمیم دن ذوالخویصره
 نام کیمسه حصه سنه راضی اولیوب ایتدی یا رسول الله رعایت عدل ایت
 حضرت رسول بیوردیکه بن عدل ایتسم کیم ایدر حضرت فاروق ایتدی
 یا رسول الله رخصت ویر بوی ادبی جزاسنه یتورهیم حضرت رسول ایتدی
 یا عمر صبر ایتکه عن قریب امثال واقرائله حیطة اسلامدن چیقارنتکه
 قوس قویدن تیر پران خروج ایده افضل اهل اسلامه * و مهتر لری برمدیر
 سیاه چرده اولوب کتفنده پستان نسا به شبیه برلحم زاندا اوله حقا که بن ابو
 سعیدم بوکاتی حضرت رسولدن استماع ایتدم و مشاهره قیلد مکه علی
 بوطائفه ایله حرب ایتدی وقتلا آراسنده مهتر لری بولوب اول نشانه پی
 آنده کوردیم (شعر) زبان مصطفی معجز بیاند * چو جبریل امینه همز باندر
 * روایتدر که توجه غزای خوارجله لشکر حضرت امیر نهر وانه قریبنده
 رودیره یتوب راهب دیر نعره اوردیکه ای عسکر اسلام امیر کزه اعلام

ایدک بو جانبه کلسون حضرت امیر واقف اولوب عنان عزیمتی اول جانبه
 منعطف ایدوب دیره یتدکده راهب ایتدی ای سردار لشکر اسلام بو کونلر
 ستاره طالع اسلام هبوطه مائلدر صبر ایتکه درجه صعوده یتوب
 طالع اسلام قوی اوله حضرت امیر ایتدی ای راهب دعوی حکم
 نجوم ایدرسین فلان ستاره دن بکا خبر ویر راهب ایتدی بن بو ستاره دن
 واقف دکلم حضرت امیر ایتدی ای راهب معلوم اولدیکه احوال سما
 معلومک دکل احوال ارضدن خبر صوریم حالا قدم باصدیغک منزلده
 نه مدفوندر راهب ایتدی بیلزم حضرت امیر ایتدی بر ظر قدر بو نشانه ایله
 و ایچنده بر مقدر ادرم وار بو عدله و بو نقش سکه ایله راهب ایتدی ای عزیز
 یومکاشفه سکا قندن حاصل اولدی حضرت امیر ایتدی رسول الله تنکه
 خبره برمشیدی و بیورمشیدیکه بر لشکرله حرب ایده سین آنلرک لشکرندن
 اوندن اکسک قورتل و سنک لشکر کدن اوندن اکسک شهید اوله راهب
 متحیر اولوب امتحان ایچون قدمی آتنده کی یری حفر ایتدکده اول ظرف
 مقرر اولان درم و نشانه ایله چیقوب راهب فی الحال ایمانه کلدی و حضرت
 امیر ملازمین اختیار ایدوب خدمتده نهر وانه متوجه اولدی (شعر) هر
 سعادت منده کیم توفیق دولت یار اولور * واقف سر نهان و کاشف اسرار
 اولور * نقلدر که جندب بن عبدالله از دی دیمش بن مرتضایله حرب جل
 وصفینده همراه ایدم اگرچه ولایتده شکم یوغیدی اما نهر وانه نزول واقع
 اولدقده بو خاطر مه یتدیکه حربنه اقدام ایتدیکم بوطائفه نک جمیعسی
 عباد و زهاددر ایدمی بونلری قتل ایتک عظیم کناه کورینور صبحدم
 لشکر دن طشره چیقوب ستان ورعی دل زمینه محکم قیلوب سپرم
 سایبان ایدوب سایه سنده قرار ایتشیدم حضرت امیر تنه بندن بکا کذار
 ایدوب ایتدی ای جندب صوبه درمانک واری مطهره پر آب واری ایدی
 تسلیم ایتدم نظرم دن غائب اولوب مدت طویلده دنصکره پیدا اولدی
 تجدید وضوء قیلش یا نمده قرار ایتدی بو حاله مقارن بر سپاهی پیدا اولوب

حضرت امیر ایتدی ای جندب بوسپاهی دن نهروان احوانی سؤال ایت
سؤال ایتد کده سپاهی ایتدی مخالف نهروانی یکدیله حضرت امیر ایتدی
حاشا غلطدر بو خبری سپاهی مبالغه قیلدیکه والله نهروانی عبور ایتدیله
بو حاله مقارن برسپاهی دخی کلوب بو خبری مؤ کد قیلد قدده حضرت امیر
حدتله ایتدی البته بو خبر غلطدر نیجه کچه لر نهروانی که آنلرک موضع
سفک دمار ی بو جانبد در بونی دیوب پرندن طور دی بن بو گفتاری ترددم
تمیز نه میزان ایتدم و خاطر مده مقرر قیلد که ا کرد عواسی کذب اولوب
اهل نهروان عبور ایتمش اوله لر آنکله قتال ایدنلرک مقتداسی بن اولام
وا کر گفتاری صحیح اولوب عبور ایتامش اوله لر آکا جائمی جمله دن مقدم
فدا قیلد حقا که نهروانه قریب اولد قدده کورد مکه رایات مخالف هنوز
پرندن متحرک اولامش و اول عسکرک بر فردی عبور ایتامش بن رأی مدن
منفعیل ایکن حضرت امیر ققامدن کلوب کتغمی دور توب ایتدی ای
جندب حقیقت حال معلوم اولدیم دیدم بلی یا امیر المؤمنین (شعر)
اوا که صدق صحت گفتار یکه شکاک اوله * آکا قایلدر که شمشیر کله باغری
چاک اوله * روایتدر که کنار نهروانده سپاه خوارج سبزه لب جویبار کی
صف چکوب طور دیغن * و علملرن جولانه کتورد کارین کوروب سپاه
شاه عالیه بی اختیار متوجه حرب اولوب بنیاد کارزار قیلدیله اول صفک
سایه سین صفحه روی زمیندن کتور مکه متوجه اولدیله لشکر کفار و اسلام
وسپاه نور و ظلام بر بر یله ممزوج اولوب ناره جدال و قتال اشتعال بولوب
برنبرد اولدیکه هر نقش نعل سمند بر حفرة قبر اولسیدی قتلا دفتنه وفا
قیلردی و هر زره غبار بر کوهسار اولسیدی خونابه قتلا سیلنک رهگذارین
طوته بیلردی (شعر) خاکه خون دو کدی زخردن بد خواه * لعل
ناب اولدی نعل دلدل شاه * اولدی مقر اض ذوالفقاره شعار * قطع
عقد سلاسل فجار * آخر الامر صبح ظفردن آفتاب فتح طالع ایدوب لشکر
اسلامه پرتو براقدی و آفتاب مهجده لوی اسلام شعله آتش اولوب سپاه

اعبدانک فراهم قیلد یغی اسباب تدبیر و امتعه تدارکن یاقدی (والله یؤید
بنصره من یشاء) دن نسیم عنایت (فقد جاءکم الفتح) متحرک اولوب
وسر چشمه (انا فتحنا لک فتحا مبینا) دن زلال مکرم (نصر من الله)
ترشح قیلوب لشکر اسلام منصور و سپاه اعدا مقهور اولدی و ستاره اهل
حق محصول سعادت قیلوب اختار باب بطلان اثر و بال بولدی (شعر)
هر سپاهک کیم اولور سرداری شاه اولیا * هیچ شک یوق کیم نه یا که
عزم ایده منصور اولور * هر یکا کیم صالسه پرتو روشن ایلر آفتاب *
قنده کیم ابر بهار ایتسه کذر معمر اولور * روایتدر که اول درت بیک
بد بختدن اوج بیک طقوز یوز طقسان برنفر مقتول اولوب طقوز نفر فرار
ایتشیدی و لشکر اسلامدن همان طقوز سعادت مند دوات شهادت یتشیدی
حضرت امیر امله کشته لر آراسنده ذوالشید دیدکاری ملعونی بولدیله
اول نشانه امله که حضرت رسول خبر و یرمشیدی (الفصه حضرت
سلطان ولایت فتح نهروان مهماتن سرانجام ایدوب مسند استقلال
و استعلا ده متمکن اولد قدده اکابر و اشرافه یوز طوتوب ایتدی کیمدر که
کوفه ده فتحنامه ایلنوب مضر تمز دن خبر و یره عبدالرحمن بن ملجم نامرد
آیاغه طوروب ایتدی اگر اجازت اولور سه بن بو خدمتک اهلیم حضرت
امیر ایتدی ای ابن ملجم سنک بوندن زیاده خدمتک بزه کچه جکدر مردانه
اولغل (روایتدر که ابن ملجم دیار مصر دن اولوب حضرت عثمان قتلنه کلن
قومله همراه اولوب کوفه ده قالمشیدی) و بر روایت دخی اولدر که حضرت
امیر متوجه حرب خوارج ایکن هر جانبدن لشکر طلب ایدوب یمندن ابن
ملجم کلمشیدی و هر بری بر تحفه کتورد کده آنک بر شمشیر آبداری اولوب
هدیه طریقیله حضرت امیره عرض قیلد قدده حضرت امیر اندن انحراف
ایدوب هدیه سین قبول ایتدی ابن ملجم خلوتده حضرت امیر حضوره
کلوب ایتدی ای شاه دلدل سوار وای کار فرمای ذوالفقار نیشه خلق
آراسنده بو بنده کی شرمسار ایدوب هدیه سین قبول ایتدک حضرت امیر

ایندی ای ابن ملجم نیجه آلق اولور سندن برنیجه که سنک مرادک بندن
آنکه حاصل اولور ابن ملجم بو خبردن متوهم اولوب بنیاد جزع قیلدیکه
یا امیر المؤمنین حاشا که حضرت کز نه نسبت بندن ترک ادب صار اوله
حقا که سنک دولت ملازمک تمنا سنده ترک وطن قیلمشیم و سنک هوای
خدمتک تولا سنده مقیم دیار غریبت اولمشیم (شعر) حاش لله کیم سکا بن
یار ایکن اغیار اولم * نقص یمان و خلاف عهد ایدوب غدار اولم *
آرزوی دولت دنیا و دین ایتمیم * استمزمی خاطر م عالمده برخوردار
اولم * حضرت امیر ایدی ای پیو فاشک یوقدر که سن آینه رخساره غبار
فنا یثور رسین و سن خاندان ولایتدن ذوق و صفاترن کتور رسین (شعر)
بیکانه در طریق وفادن جبلتک * پیداد در ایشک ستم و جور عادتک * لاف
وفای عهد اور رسین ولی چه سود * چون حفظ عهد قیلمغه یوقدر مروتک
* ابن ملجمک اعضا سنده و همدن لرزه و شوب رخسار بی شرمنده خلاف
عادت عرق خجالت ظاهر اولوب ایدی ای امیر المؤمنین امرایت دست
تامبارکی قطع ایتسونلر که بو ضرر اندیشه سی مرتفع اوله حضرت امیر
ایندی هیچ قصاص جرایمه تقدیم اولم زاما مخبر صادق بکا بو وقعه دن خبر
ویرمشدر (و بر روایتی اوند که ابن ملجم خوار جدن ایدی اما حضرت
امیر نه روانه توجه ایتد کده فرصت نزار بولوب لشکر اسلام ایچنده قالوب
حضرت امیره ملازم اولمشیدی (القصه حضرت امیر اول ملعونک
التماسین رد ایتموب خوارچ فتحنامه سین و یروب کوفه یه روان ایدی ابن
ملجم کوفه یه یئتد کده شهر آیین باغلدوب اشراف واکا پره فتحنامه یی ابرار
ایندی بو مضمونله که سپاس بیقیاس اول منشی احکام دیوان قدرت
و عملی ارقام عنوان حکمت که تصدی امور حل و عقه عالمی و تصرف
احوال نوع بنی آدمی من حیث الاستحقاق خاتم انبیا محمد مصطفایه
مفوض ایدوب بو خصوصده مبشروحی و الهام ایلله بشارتنامه لر ارسال
ایتمش و درود نامه دود اول پادشاه ملک رسالت و سلطان سریر نبوت که

(انت منی بمنزلة هارون) اشارتیه اندن نسق حفظ نظام و ترویج کارگاه
اسلام بکایتش حقا که احاطه حکم جهان مطاعهم هم محروسه دنیا و هم
معهوره عقابیه شاملدر و مجاهدله نعیم باقی و معاندله بحیم هائلدر (شعر)
آفتاب دولتیم شمع جهان افروزدر * نوری بزم افروز عالم ناری عالم سوزدر *
غرض بو مقدمه دن اولدر که دائرة اطاعتدن چیقوب حاشیه نه روانه
جمع اولان طائفه طاغیه خوارچی قلع و قمعنه لشکر ظفر اثرم رایت عزیمت
غزا متحرک قیلوب توفیق جهاد تمنا سیه متوجه اولدقد اول بدبختلر
(ایماتکونوا یدرکم الموت) مقتضای سنجیه مقرنجات و مجال فرار بولوب
ناچار مقابله یه کلوب و خاشاک وار کندیلر شعله تیغ صاعقه باریمه
اوروب مباشر جدال و قتال اولدیلر اما اقرب زمانده اسهل و جوهله تلاطم
امواج دریای لشکر اسلامدن کرداب فتایه دوشوب عذاب حیاتیه راحت
ممانی اختیار قیلدیلر (شعر) تیغی اعدایه نصرت برک سوزان ایلدی *
فیض دولت شمع اقبالم فروزان ایلدی * ایمدی کر کدر که اعیان و اشراف
و خواص و عوام اهل کوفه بو خبردن متبهج و مسرور اولوب طریقه
شکر و سپاسی مرعی و مسلول ایدلر و السلام (روایتدر که بومرده
سرورندن شهر کوفه ده برنیجه کون آیین بغلیوب خلق عیش و عشریه
مشغول ایکن برکون ابن ملجم دارالاماره دن کندو سراینه کیدرکن
برقصردن صدای دف و نای استماع ایدوب احتساب طریقیله منع
ایتمک صد دنده اولوب اول قصره دخول تدارکنده ایکن قصردن برنیجه
مزین و مرتب عورات چیقوب اول مجمع ایچنده بر محبوبه مشاهده
قیلدیکه اول عصرده اندن احسن و اجل محبوبه یوغیدی (شعر) بتی
کیم غمزه سی غارتگر اسلام ایماندر * خرامی فتنه دوران نکاهی آفت
جاندر * خار نرکس مستی آچیلز تا که ایچمزقان * گرفتارینه رحم ایتمز
دمادم ایچدیکی قاندر (القصه شعله آتش رخساری ابن ملجمک خرمن
قرارنه برناره براقیدی که اول سیه روز کارک روز کارن یاقدی (شعر)

خنجر مر کانه ایلر می هوس جان سون * بت سجو دندن حذر ایتزمی
ایمان سون * الحق بنای ایمانی محکم اولسیدی غمزه محبوب مجازیدن
رخنه بولمازدی و اساس عقلنده ثبات اولسیدی سیل حادثه عشق
هوایدن مترزل اولمازدی اول بدبختک بنای عقیده سی سست و پیمان
ایمانی نادرست اولغین برنظر دن انهدام بولوب ورتو جهدن مترزل
اولوب نیاز عاشقانه عرض ایدوب ایتدی (شعر) ای حرامی عقل بنیادندن
استحکام الان * جلوه نازیده اهل عشق دن آرام الان * قنده دربار مکات
اسم اوصافک ندر * کیمدر آیا شربت لعل لبکدن کام الان * اول مکاره
سحاره لب سحر نکیز آچوب ایتدی قبیله بنی تمیذم و اسم قطامه در
و برمدن در که رقبه تصرفدن سلسله تعلق ترویج سر تفعدر و خاتم قید نکاح
انامل تجرد مدن منتزعدر (شعر) کهرم رشته دن مبرادر * جوهر فردر
یکادر * قطامه نک لذت گفتاری علاوه عشق رخسار و ذوق رفتار اولوب
ابن ملجم ملعونک شوقی زیاده اولغین ایتدی ای نازنین بن خریدار کوهر
وصه الک و مشتاق دولت اتصالکم نوله کر شرف قبوله سرافراز و سعادت
رضا ایله ممتاز اید سین (شعر) یلسک رغبت دل و جان دن طلبکارم سکا *
نقد جانم نذر وصل کدر خریدارم سکا * قطامه ایتدی بو برامر عظیمدر
اولیامله مشورت قیلیمینجه مبرسر اولماز و اقربا و انسایدن رخصت آلمینجه
صورت بولماز قطامه منزله متوجه اولوب ابن ملجم منتظر جواب اولوب
طشردده طور دقده اول ملعونه البسه ملعونه آرایش غیر مکرر قیلوب
و جواهر کونا کونا ایله مزین اولوب (شعر) پیرایه دن زیاد اولوب اول بت
لطافتی * دورانک اولدی فتنه سی دنیانک آفتی * جلوه نازله غرفه اوزرینه
کلوب ابن ملجمه عرض دیدار ایدوب جواب و یردیکه ای طالب وصال
و مشتاق جمال اولان سرگردان و حیران کوهر اتصال ذی قیمت
و کرانمایه در عهده سندن چیقان متصرف اولور و شاهباز وصال بلند
پرواز در صیدنه قدرت بولن رغبت قیلور (شعر) هر کیم استروصل جانان ترک

جان ایتک کرک * یو خسه حسرتلر چکوب آه و فغان ایتک کرک * ابن ملجم
بدبخت دام عشقه گرفتار و متاع و صله خریدار ایدی تضرع ایتدی
ای مخدومه مهر لندر قطامه ایتدی بنم مهرم اوج نسنه دربری اوچبیک
درم بغدادی و بری جاریه جیه و بری قتل علی بن ابی طالب ایتدی ابن ملجم
ایتدی ای قطامه نقد و جاریه مقبول اما قتل علی امر عظیم و شغل و همدر
قطامه ایتدی نقد و جاریه دن تجاوز ایتدم اما قتل علی اقصای مراددر
زیرا بنم قرنداشمله اون نفر اقربا و انسایم لشکر خوار جدن ایدی انک
شمشیر آبدار یله شربت فنا ایچم شلر آندن بوانتقامی المینجه قرارم اولماز
و بو مهمی کفایت قیلین وصال مدن بهره بولماز بو مبالغه اثنا سنده
ابن ملجمک یادنه علی بن ابی طالبک گفتاری کلوب ایتدی غالباً کدیو امر
مقدرا و لشدر و بو حکم صحیفه تقدیرده تحریر بولمشدر اول بدبختک عرق
نفاق متحرک اولوب ایتدی ای قطامه بو امری قبول ایدرم برضربه
بندن راضی اولور ایسک قطامه ایتدی قبول ایتدم و بعض کیمسه لید خی
سکامعین و ظهیر اولمغه تعین ایدرم اما کلامکده صادق ایسک شمشیرکی
بکاتسلیم ایت تاشرطدن تجاوز ایتیمه سین ابن ملجم شمشیر بنی آکاتسلیم
ایدوب اول ملعونه دل پر کینه ایله منزله روان اولدی (روایتدر که اول
کون حضرت امیر سعادت و اقبال ایله غزای نهر رواندن مر اجعت قیلوب
جمع اهل کوفه استقباله چیقوب تعظیم و تکریم ایله اول شهر یاری شهره
کتوردیلر و حضرت امیر جامعه یتد کده حرم سراینه کتمدن دلدادن
ایتوب مسجد قدم باصوب ایکی رکعت نماز قیلدی و جمع اولاد و اشراف
و اعیانی حاضر ایدوب پایه منبری قدومیه مشرف ایدوب بر خطبه به آغاز
ایتدی حمد و ثنای مشتمل و نعت مصطفائی محتوی و خاص و عامی طریق
و عظه بهشته امیدوار و عقوبات دوزخدن خبردار ایتد کدنصکره جانب
یمینه نظر صالوب امام حسنه ایتدی (یانی کم مضی من شهرنا هذا) و طرف
یسارنه مائل اولوب امام حسنه ایتدی (یانی کم بقی من شهرنا هذا) دیدیلر

اون بشی کونیدر و اول شهر رمضان ایدی پس دست مبارک کنی محاسین
 شریفنه قویوب ایدی بو آید بومکرم بنم قائم ایله خضاب اولور و بنم
 قائم بوجلسده درابن ملجم بوتکلمدن هیئت عظیم آلوب خلوتده حضرت
 امیر خدمنه کلوب ایدی یا امیر المؤمنین سندن التماس بودر که امر ایده سین
 بنم الارمی قطع ایدوب سیاسته یثوره لر حضرت امیر ایدی حاشا که
 نگاهدن مقدم سیاسته حکم ایدم اما حضرت رسول بکا خبر و یردیکه
 سنک قاتلک قبیله مرادیدن اولوب بر مراد ایچون سکا ضربت اوره اما
 مرادنه یتیمه ای ابن ملجم سکا خبر و یره یکه صدق کلامی آندن تحقیق
 ایده سین ایام طفولیتده سکا مربی اولان بریهودی عورتی ایدی و اول
 یهودی عورتی بر کون غضب طریقیله سکا ایدی ای ناکه صالحی ذبح
 ایدن شقیدن اشقی ابن ملجم ایدی صدقت یا امیر المؤمنین بونشانده دن
 بغایت متأثر اولوب منفعل اولدی (القصة حضرت امیر شرائط مواعظ
 و نصایح نصر کره مسجد دن منزله تشریف بیوروب بر کیجه امام حسن
 مقامنده افطار ایدردی و بر کیجه امام حسین منزله اما اوج لقمه دن زیاده
 تناول ایتزدی ایتدیلر یا امیر المؤمنین قلت طعامه سبب ندریدی وعده
 ملاقات حق قریب اولمشدر غرضم رعایت طهارتدر (روایتدر که رمضان
 اینک اون طغوز نجی کیجه سنده که موعد قتل ایدی اول حضرت
 صباحه دك طاعت و عبادته مشغول اولوب هر ساعت صحن صحرايه
 چیقوب آسمانه نظر قیلوب انتظار وعده چکوب دیر ایدیکه صدق
 رسول الله هرگز رسول الله قولی خلاف اولماز و لوح قضاده تحریر اولان
 خط تقدیرله مطلقا تغیر بولماز (شعر) هر کیم تقدیردر تغیر بولمازای کوکل
 * لوح تقدیرک خطی هرگز بولمازای کوکل * اول زمانکه مرغ سحر بو
 مصیبت خانه ملال افزاده سوزو کدازله زمزمه به آغاز ایدی و مؤذنلر
 سرودی ارباب عبادت سمعنه یتکه وعده ایدی اول مقتدای عالم و پیشوای
 نوع بنی آدم وضو نازه قیلوب طشره جیمغنه عزیم ایتد که اتفاقا اول سرای

فر حفر زاده بر نیجه مرغابی اولوب رهگذارنه کلوب دامن عصمتن طوتوب
 زبان حال ایلله فر یاده کلدیلر بنات مطهرات آنلرک منعنه اقدام ایتد کده
 حضرت امیر ایدی ای جکر کو شه لرم منع ایتک که بونلر بنم ماتم
 طوتار لر امام حسن ایدی ای پدر عالمقدار بونه فال نام بار کدر حضرت
 امیر ایدی ای فرزند سعادت مند کوکلم بو کون شهادت شهادت و یر
 پس جمیع اولادین حاضر ایدوب بر بر مواده قیلوب بو مضمونی بیان
 چکردی (شعر) جانه یتدم محنت و درد بلای دهر دن * ایلدم عزیم سفر
 محنت سرای دهر دن * میل سیر لالزار جنت ایتدم نیلیم * غیجه وش
 کوکلم طوتلدی تنکای دهر دن * نیچه بر آواره قیلسون کردش کردون
 بنی * نیچه بر کوکلم فکار اولسون جفای دهر دن (القصة متوجه
 مسجد اولوب صباح نماز ادا قیلوب ورغبت تمامه عادت معهود اوزره
 درگاهه توجه قیلدی هم اول کیجه ابن ملجم بدبخت قطامه ملعونه
 سراینه کوروب و قطامه بی سعادت ابن ملجمک تیغ بیدر یغن زهرله سیراب
 ایدوب مروان تمیمی و شبت ابن بحیری پیدا قیلوب آنک معاونتنه مقرر
 قیلشیدی اول اوج حرامزاده تمامی شب مشغول شرب خرا اولوب کلاب
 مانند صبحدم مست خواب ایکن قطامه که منتظر اظهار فساد ایدی
 آواز بانک نمازی استماع ایتد کده اول غافلری بیدار ایدوب ایدی ای بخبرلر
 طور آنک که علی مسجد ده تنهادر ابن ملجم بی امان اول ایکی بدبختلر ایلله
 افضل زمانک قتلنه یکجهت اولوب سرعتله مسجد کلوب کندیلر
 خواب ایدنلر سلکته بر اقدیلر حضرت امیر تحت مسجد ادا سندن نصر کره
 خفته لری بیدار ایتکه توجه قیلوب ابن ملجم که مقدم ارباب
 غفلت ایدی مبارک قد میله تنبیه ایدوب ایتدیکه (قم وصل) و تجاوز
 ایدوب ینه محرابه کلوب نمازه مشغول اولدی ابن ملجم اول ایکی
 بدبختی دخی او باروب طور آنک فرصت غنیمتدر دیدی (وتاریخ طبری
 و بعضی تواریخده بویله مسطوردر که امیر هنوز بانک نمازه
 مشغول ایدیکه اول حرامزاده لریک ایکی مسجد قیوسنک ایکی

طرفه طوروب و ابن ملجم مسجد کبروب مقرر ایتدیلر مقدم اول ایکی
نامر دضرب ایده لرا کر هیچ بری کار کر اولسه ابن ملجم تمام ایده (القصه
حضرت امیر مسجد قدیم با صد قدیم مروان تمیمی تیغ براقدی رد اولوب
طاق درگاه مسجد اوغرا دی آنک عقبه شبت بن بحیر شمشیر حواله
قیلیدی کار کر اولوب فرار ایتدیلر و حضرت امیر دل و جانله شهادته
راغب اولغین التفات ایتوب نمازه اشتغال ایتد کده ابن ملجم بد بخت
فرست بولوب سجده اولی دن باش کتورد کده فرق مبارکنه شمشیر زهر
آلودی توردی اتفاقا اول موضعه ایتدیکه روز حترب خندق عمرو بن عبدود
تیغله زنجناک اولمشیدی و اول بد بختک تیغ مغز استخوان کله یه دله
اثر قیلیدی حضرت امیر ایتدی (فرت رب الکعبه) یعنی دام غم دن نجات
بولدم و دائرة المدن آزاد اولدم ابن ملجم بد بخت بو حرکت صدورند نصرکه
فرار ایدوب آوازه دوشدیکه (قتل امیر المؤمنین) اهل کوفه صغار و کبار
متوجه مسجد اولوب حسن و حسین اطلاع بولوب جامه چاک و دیده
نما کله حاضر اولدقد کوردیلر که قنبدیل زیارتگاه امامت سنک پیدا دایله
شکست اولمش و نخل نخلستان ولایت صرصر جفایله پامال اولمش
سربازی قدم مبارکنه قویوب فغانه باشلدیلر و حضرت امیر دمدم فرق
مبارکندن خونابه یی آکوب رخسار لطیف و محاسین شریفنه سوروب
مباهات ایدردیکه المنه لله سعادت شهادت نصیب اولوب بونشانه ایله
طرف بارگاه کبریا و ملاقات حضرت مصطفی و مشاهدۀ دیدار زهرا
و مصاحفۀ حزنۀ سیدالشهدا و مخالطۀ جعفر طیار ایتسم کرک و بوسیلاب
خونله زورق مرادم روانه اولوب منزل مقصوده ایتسم کرک (شعر) شکر
کیم باغ مرادم کلی آچلیدی بو کون * حق بنی واصل اقلیم بقا قیلیدی
بو کون * شاهزاده لر و اوایله و امصیبتاه دیوب خاص و عام کوفه شرائط
عزایه اقدام ایدوب دیرلیدی (شعر) ای سپهر بیوفاییهوده دوران ایلدک
قصددین ایتدک بنای شرعی یران ایلدک * سر نگون قیلدک عبادت منبر

و محرابی * معبد اسلامی طبر اغیله یکسان ایلدک * لشکر اسلامی قویدک
سرور و سردار سن * نولدک ای ظالم که قصد شاه مردان ایلدک (القصه
حضرت امیرک زنجین باغلیوب سوال ایتدیلر که سکا کیمدن واقع اولدی
بو جفایه ووردیکه صبر ایدک که عیان اوله جقدر و یقینا بو عمل مرتکبن حق
رسوا قیله جقدر بو حاله مقارن شبت بن بحیر فرار ایدوب کیدر کن بر کیمسه
آنی مضطرب کوروب سوال ایتدیکه مکر قاتل امیر المؤمنین سن سین انکار
ایتمک استدی زبانه اقرار جاری اولدی خلق کوفه آنی لکد کوب ایتدیلر اما
ابن ملجم منافق مسجد دن چیقوب حجره سنه کبروب اثواب و اسلحه سین
براققد ایکن کوفه اهلندن بر کیمسه آنی کورد کده کانه دوشوب
ایتدی مکر سن قاتل شاه مردان سین اول ملعون لایمک تدارکنده ایکن نعم
دیددی اول کیمسه کریبان طوتوب مسجد کتوردی (و بر روایتی اولدر که
مسجد دن چیقوب صحرا یه متوجه ایکن همدان قبیله سندن بر کیمسه
آنی کوردیکه النده شمشیر خون آلود جرأت ایدوب اول ملعونی طوتوب
هجوم عامله باغلیوب مسجد کتوردی حضرت امیر اول ملعونه عتاب
طریق قیله ایتدی ای برادر مکر بنده لیاقت امارت یوغیدیکه وجود می رفع
ایتمک اقدام ایتدک معاذ الله یدی ینه حضرت امیر ایتدی پس نه باعث
اولدیکه اولاد می یتیم قویوب خاندانه رخنه براقدک ابن ملجم ایتدی
یا امیر حسناتدن غیری بکاسندن یتیمشدرامانه چاره (و کان امر الله قدیرا
مقدورا) حضرت امیر یوردیکه آنی حبس ایلدک و بن حیاته اولدجقه
بن تناول ایتدیکم طعام و شرابدن اکا و برک و جفا قیلک اکر بن بو
قضیددن نجات بولسم صلاح بمند و اگر نجات بولسم اول بکابر ضرب
اوردی سزدخی آکابر ضرب اورک حسب الفرمان ابن ملجمی حبس
ایتدیلر حضرت امیری حسن و حسین بفراش اوزره کتوروب مسجد دن
چیقاردیلر اول ساعت اثر صبح صادق پیدا اولمشیدی حضرت امیر
ایتدی ای جکر گوشه لرم بنی متوجه مشرق طوتدک متوجه مشرق

اولوب ایتدی ای صبح صادق اول پروردگار حقیقونکه آنک شوقیله
کریبانک چاکدر روز محشرده شهادت ویره سنکه حضرت رسولدن
تعلمیم نماز اولادیم کوندن بوکونه دلک سن بنی خافل بو لمیوب همیشه
بن سکا استقبال ایتشم آند نصکره توجه آسمان قیلوب ایتدی الهی
سن بواحواله کواه سنکه روز محشرکه یوزیکرمی درت بیک پیغمبر
وارواح اولیا وشهدا عرش آلتنده حاضر اوله شهادت ویره سین حضار
مجلس خروش غلغله به آغاز ایتدیله (شعر) جهانی ابرآفت غرق سیل
اضطراب ایتدی * دل اهل وفای آتش حیرت کباب ایتدی * مدد کیم
دور ظالم روز کارک رونقن یوزدی * فغان کیم عالمی کردون دون پرور خراب
ایتدی * اشراف اهل بیت اضطراب تمامله فریاد و فغان ایتدی که حضرت
امیر آلره تسلی و یروب دیردی ای شاهزاده ل بن مصطفی خدمتیه وزهرا
صحبیه مشرف اولورم بنم ایچون تأسف چکیم و جزع قیلک زیر ابو کیجه
واقعه کوردیمکه حضرت رسول آستین مبارکیله چهرمدن غباری پاک
ایدردی بود لیلدر که چهره جائدن غبار بدن رفع اولور (شعر) خوش
اول زمانکه چیقوب یوسفم یوزندانن * غبارتن اوله مرفوع چهره
جاندن * روایتدر که حضرت امیراوزرینه جراح کتوردیلر جراح اول
زخم منکره نظر قیلد قده فریاده کلد یکه یوزخک شمشیرنه زهرآب
ویرمشلر جراحی قابل علاج دکل (و بر روایت دخی اولدر که جراحدن
مقدم ام کلثوم ابن ملجمی حبسده کوروب ایتدی ای بد بخت بونه اندیشه
باطل ایدی که قیلدک حضرت امیره بهر حال سنک زخک اثر قیلن اما سنک
حالت نه اولور ابن ملجم ایتدی ای خاتون بن اول تیغی بیک آلتونه آلوب
وبیک التون دخی و یروب زهرله سیراب ایتشم جراحندن امان ممکن دکل
و بو واقعه رمضان آیک یکر می برنده ایدی حضرت امیر وصیت یازوب
اولادری ایله و داع ایدوب ام کلثومه ایتدی (یابنتی اغلق علی ابیک الباب)
ام کلثوم حج ه قیوسین مسدود ایدوب حسن و حسین طشرده کریان کریان

او توررکن ناگاه برصدا اشتدیلر که برهاتف دیردی (افن یلغی فی النار خیر
ام من یأتی آمنا یوم القیمة) و برهاتف دخی دیردی (بل یأتی آمنا یوم القیمة)
و بر روایت دخی اولدر که حجره دن (لا اله الا الله) کله سین استماع ایتدیله
شهرزاده لر بی اختیار حجره به کیرد کده کوردیلر عالم بقایه انتقال ایتشم
(شواهد النبوه) مسطوردر که اهل بیت دیمشله هنکام وفات مرتضی
غیبدن برصدا کلدیکه چیقک حجره دن بو بنده پالک اعتقادی کندی خانه
قویک بزحیره دن چیققد قده حجره دن برصدا کلدیکه دریغ محمد مصطفی
وفات ایتدی و علی المرتضی شهید اولدی آیا کیمدر آنلردن صکر رعایت
امت قیله برهاتف دخی ندا یئوردیکه آنلرک سیرتلیله متخلق اولان آواز
ساکن اولد قده حجره به کیردک کورد ککه مغسل و مکفن اولمش اوزرینه
نماز قیلوب کتوردک (بر روایت دخی اولدر که حضرت امیر وصیت ایتدی
بن کچد کده دیوار سرادن بر لوح پیدا اولوب بنی اول لوح اوزرینه براغوب
کوکن کفن و خنوط ظاهر اولور تغسیل و تکفین تمام اولد قده بنی
برتابوته قویوب صحن سراده قویک اوزریده برنوبت امام حسن و برنوبت
امام حسین نماز ایدوب تابوتی کوتورک هر قنده که سرتابوت میل خالک
ایدرسه اول بقعه بی حفر ایدک ساجدن برتابوت چبقار بنی اول تابوتله انده
دفن ایدک (و بود دخی شواهد النبوه) مسطوردر که حسن و حسین وصیت
ایتشکه بنی تابوته قویوب کتوروب غریبین دیمکله معروف زمینه التوب
انده برز مردفام حجر ظاهر اولور بنم مدقم انده در وصیت مقتضاسنجه
شاهزاده لر عمل قیلوب حالامشهور اولان مقامده دفن ایتدیله و تعرض
سفهادن احتراز ایدوب قبرشرفن مستور قیلدیلر همیشه مستور ایدی
تا اول زمانه د ککه هارون الرشید مستولی اولدی برکون اول نواحیده شکار
ایدرکن بر پشته کوردیلر که بعض جانور لر انده متحصن اولمشله هر نه قدر که
جوارح بر اقدیلر اول جانور لره میل ایتدیله بو حاله متحیر اولوب بر پیره
اول قضیه سرن سوال ایتد کده ایتدی اجداد مدن استماع

ایتدم که مرقد علی بن ابی طالب بونده در هارون الرشید ترك شكار
ایدوب اول موضعده نجسس ایدوب اثرن کوروب معمور ایتدی وایام
حیاتنده انی زیارتگاه ایتشیدی (قصه شاهزاده لرشاه مردانی کیجه ایله
کوتوروب کوفه دن چیقاروب وصبت ایتدی یکی منزله دفن ایتدیروب
مراجعت قیلدقده عزایه مشغول اولوب خلق شهر دفعه دفعه کلوب
شرائط تعزیتی ادا قیلورلردی اما هر نیجه استفسار ایدرلر دیکه
ای شاهزاده لر حضرت امیرک مرقد شریفی و مشهد منوری قنده در
زیارت شریفیله مشرف اوله لم دیرلردی (شعر) بالله اول شاه شهر یارقنی *
سرور اهل روزگار قنی * جمله درد ایلرک طیبی اولان * مظهر لطف کرد کار
قنی * اول اگر کندی ایسه عالم دن * اول مقام ایتدیکی مزار قنی * قطعا
اثر بولزلردی و مزارندن واقف اولمزلردی (روایتدر که حسن و حسین
حضرت امیری دفن ایدوب مراجعت قیلدقده برفقیه صتا شدیلر که
آواز حزینله فغان ایدردی حالن صورددقه ای عزیزلر بن بر غریب
مهمجورم محنتم چوق غمخوارم یوق دیدیلر بو اوقاتده غمخوارک کیم
ایدی دیدی بر ییل مقداری ایدیکه هر کون بو شهر دن بر شخص
اوزریمه کلوب بنله موانست قیلوب جمیع مایحتاج حاضر ایدوب
کیدردی دیدیلر اسمی ندر دیدی اسمن صوردم جواب و پردی که بنم
مر حتم رضای حق ایچوندر شهرت ایچون دکل دیدیلر صورت و هبتی
ندر دیدی بن اعمایم اما بوقدر بیلورمکه ایکی کوندر اوزرمدن قدم چکوب
احوالمدن نظر التفاتی دریغ ایتدی دیدیلر نشانه اطواری ندر دیدی
اشتغالی تسبیح و تهلیلدر حقا که صدای تسبیح و تهلیلنه ملائکه دن جواب
ایشتدم بلا که درودیواردن تعظیم و تکریم احساس ایتدم و هر ساعت
محالستمدن مسرور اولوب دیردیکه (مسکین جالس مسکینا و غریب
جالس غریبا) شاهزاده لر بو خبر دن کریان اولوب ایتدیلر ای درویش
بو نشانه لر علی بن ابی طالب نشانه لردر و درویش ایتدی ای مخدوم

زاده لر آگاه واقع اولدی دیدیلر بر بد بخت آنی شهید ایتدی و حالا بز آنک
مرقدن کلوریز دریش اول خبردن مضطرب اولوب فغانه باشلیوب
ایتدی ای شاهزاده لر جد بزرگوار کزو پدر عالمقدار کز حرمتی حقیچونکه
بنی اول سرورک مزاری اوزرینه هدایت قیلک شاهزاده لر رحم ایدوب
برالن حسن و برالن حسین طوتوب حضرت امیرک مدفن شریفنه
یتوردیلر اول درویش قبر اوزرینه دوشوب ایتدی الهی بو مرقد شریف
صاحبی حقیچون بنی غمخوار سر قویمه اول غمخوار واصل ایت دعا سی
موافق حکم قضا اولوب فی الحال نقد جانی نثار مرقد شاه مردان ایتدی
(شعر) قطره دریاه اتصال ایتدی * ذره خورشیده انتقال ایتدی *
شاهزاده لر اول درویشک اوزرینه نماز ایدوب هم اول موضعده دفن ایتدی لر
فی الواقع وفات شاه مردان شهید کر بلا به نسبت اعظم مصائب واکبر
نوائب ایدی زیر جمیع مکار هدن حصن حصین و حصار متین اولوب
دلیل منخ و مأرب ایدی لاجرم غروب آفتاب شوکتی موجب استیلا ی
ظلمت و ظلم و فساد اولوب وازاله ظل رأفی باعث اقتضای طغیان عدوان
و عناد اولدی (شعر) شاهک حایتنده ایکن هر کز ایتدی * کلزار
خاندانه نسیم بلا کذر * قتلندن اول شهک نم خونابه چکمدن * آل
عبایه نخل بلا ویرمدی ثمر * التنبی باب * حضرت امام حسنک بزم بلا ده
ساغر بقانوش ایتدیکن بیان ایدر حضرت سلطان سریر کبریا و مالک
ملاک (توئی الملاک من تشاء) خواص درگاه رفعت دستکاهه ارشاد تسلیم
و توکل قیلوب جواب طعن و تعرض و تعلیم ایتشکه (قل ان یصیبنا الا
ما کتب الله لنا هو مولینا و علی الله فلیتوکل المؤمنین) و نواب بارگاه عالم
پناهه اهدای سبیل صبر و تحمل ایدوب بو عبارتله تسکین و تمکین
ویرمشکه (وما صبرک الا بالله) (شعر) سکا کر منزل مقصوده یتکدر مراد
ای دل * پریشان کز مه هر جانب ره صبر و تحمل طوت * تردد پنجه سندن
جهد ایدوب قورنار کریبانک * کف اخلاص له دامن تسلیم و توکل طوت *

حقا که نهال رضای ایزد جبار جو بیار تسلیم و توکلدن سیراب و اینجه
اندن احتیای ثمار دوام نعمت و تقطیف ازهار بقای سعادت ممکن اولاز
و چراغ اقبال قرب اله آتش صبر و تحملدن اضائت آیینجه اهل ظلمات
سرایین منور قیلز (شعر) کیمی کیم سور ساقی روزگار * اکا ساغر سم
قاتل و یر * کیمی کیم بیلور احترامن روا * اکا جام زهر هلاهل و یر *
چون وقوع مصائب و حدوث نوائب لازمه وجود عالمدر بلکه اکثر
اجزای ترکیب عالم حروف المدر لاجرم هر مصیبتده جزع غیر مکرر
واهل جزع همیشه معذب عذاب مصیبت اولق مقرر در (شعر) جزع
تقدیر چون تغیر و یرمز * قضای مبرمه تأخیر و یرمز * بلا وقتی آکار غبت
خطادر * بلا اوزره جزع هم پر بلادر * الحق دائرة تسلیم و توکل بر حصار
مستحکمدر که متحصنلره شجخون سپاه نوائبدن اثر آفت یتزو مقام
تفو یض بر حصن متین مبرمدر که متمکنلره هجوم سیلاب حادثه تأثیر یتز
هر آینه دوران بزمنک زهر هلاهل مصیبتی اهل تسامحه شهد شفا در
وفلاک جلادک تیغ سیاستی ارباب تفویضه مفتاح کنجینه عطادر (شعر)
معینده زهرله طواو بر شیشه در سپهر * اندن پر ایلیوب قدح مهری
هر سحر * ساقی دهر خلقه برابر طو ترولی * تحسین اکا کیم
ایتمیوب اول زهردن حذر * نوش ایده اویله کیم شه دنیاودین حسن *
نقدنی چراغ ملاک زبده بشر * پابسته سلاسل حسن رضای دوست
* سرمست تشنه می خونابه جگر * بو مضمون مسطور شرفنامه
شواهد در بلکه معتقد اکا بر ارباب عقاید که حضرت حسن ایکنجی
امام ذرائع اثنی عشر دن و کسبت شریفی ابو محمد و لقب لطیفی نقی و توفیق
ولادت هجرتک او چینی ییلنده رمضانک واسطنده مدینه منوره ده واقع
اولدی صحیفه رضویه ده مسطور در که اسماء بنت عبسدن نقل اولنور که
دیمش امام حسن ولادنده بن قابله ایدم اول آفتاب اوج سعادت آسمان
عصمتدن فروزان اولد قده اول نهال کلشن ولایت حدیقه عفتدن

نشو و نما بولوب فضای وجود کلد کده حضرت رسول واقف اولوب
فاطمه حرم سراینه سایه سعادت براغوب شهرزادهک احضارنه امر ایتدی
بن امام حسنی بر کهربایی خرقة یه صاروب خدمته کتوردم حضرت
رسول اطفایله ایتدی ای اسماسکا کراتله دیمدیمیکه بنم اولادمی صارو
خرقة یه صارمه بندخی حسب فرمان بر کافور فام خرقة یه صاروب
مبارک الله و یردم حضرت آکاتلقین بانک نماز ایدوب حضرت علیدن
سؤال ایتدی که بوظفله نه نام تعیین ایتدک هر نضی ایتدی یار رسول الله
اولادم تسمیه سنده حضرتکه تقدم ایتزم اما خاطر مده بوایدیکه صلاح
شریفک اولسه حرب تسمیه ایدم و یا خود حظه حضرت بیوردیکه حکم
خدا مقدمدر بوحاله مقاری جبرائیل نزول ایدوب ایتدی یار رسول الله
حضرت حق سلام ایلر بیورر که علی سکامو سایه هارون منزله سنده در
آنک اوغلنی هارون اوغلنک اسمیه موسوم ایت حضرت بیوردیکه آنک
اسمی نه در جبرائیل ایتدی شپردرو شیر سر یانی دلجه حسن دیمکدر پس
حسب الحکم اول مخدوم زادهک اسم شریفن حسن ایتدی (روایتدر انس
ابن مالکدنکه امام حسن اشبه اولاد ایدی حضرت رسول الله وصفنده
ابن عازب نقلیه مسطور در که کوردم بر کون حضرت رسول الله امام
حسنی کو کسی اوزرینه آلوب بیوردیکه (اللهم انی احبه فاحبه) یعنی
بوشهرزاده بی بن سورم سن دخی سو دخی بیوردی بن بوشهرزاده بی سورم
وسونی دخی سورم ابوهریره دن منقولدر که هر کز امام حسنک رخسار
شریفن کوزمد مکه کثرت فر حدن چشم چشمه چشمه شاداب سرور
دو کدی بر کون حضرت رسول مسجده عبادته مشغول ایکن امام حسن
حاضر اولوب کار شریفنه چیقوب کبسول یله ملاعبه ایدردی حضرت
رسالت رخسارینی رخسارنه سوروب دیردی (اللهم احبه واحب من
یحبه) (منوی) مه کردون عفت و عصمت * هم حسن نام هم حسن سیرت
اولین کوهر خزانه جود * آخرین نقش کارگاه وجود * مطلع نظم اهل

بیت نبی * نور چشم محمد عربی * لعل نابی که روح پرور ایدی * غیرت
شهدور شک و شکر ایدی * دور طالمند اولدی زهر اشام * زهر اعلیٰ قیلوب
زهر دقام * چنکرن پاره پاره قیلدی آنک * آخر نبی شراره قیلدی آنک
* عام اولوب اول شراره آنک اثری * بر جگر داغی اولدی هر شرری *
(سنن ترمذیه مسطور در ابن عباسد نکه حضرت رسول بر کون
امام حسنی کشف مبارکنه آلوب طشره چیقیدی صحابه دن بری ایدی
(نعم المركب) حضرت رسول التفات طریقله ایدی نعم الزاکب
(شواهد النبوه ده مسطور در که بر کون حضرت رسول مسجده کلوب
امام حسنی حاضر ایدوب حضاره ایدی بنم یو خلفم سید در و سرور در
واقرب زمانده بونک سببیلله اصلاح اوله ایکی کرو هک ارسنده و واضح
دلائل فضائل حسن و حسین بویتر که حضرت رسول بیورمش (الحسن
والحسین سید اهل الجنة) و کتاب اعلام الورد ابن عباسدن
نقلدر که دیدی بن حضرت رسول خدمتده ایدم فاطمه کریان کریان
کلوب ایدی یا ابی حسن و حسین حجره دن چیقوب مدت غیبتلری
امتداد بوالدی و حضرت علی حاضر دکل که مطالبت قبله چاره ندر
حضرت رسول بیوردیکه ای فاطمه غم چکمه که حضرت ایزد آنلرک
حفظنده بزدن اولی در پس دعا قیلدیکه الهی اول شهرزاده لری اگر دریاده
ایسد زورق عنایتله کاره یوروا کر صحرا ده ایسه بدرقه هدایتله منزله یور
فی الحال جبرائیل نزول ایدوب ایدی یار رسول الله آنلر فاضل اهل دنیا
و اعظم اهل عقبار و والد لری آنلردن اعلادر هیچ الم چکمه که اول
شهرزاد لری نبی نجار حظیره سنده اسایشده در و حضرت ایزد ایکی فرشته
آنلرک حفظنه موکل ایدوب بال و یر لری آنلره غطا و فراش ایدوب
خدمتلرینه مشغولدرلر حضرت رسول اول حظیره یه روانه اولوب امام
حسنی کتوردی و اما حسینی بر فرشته کتوروب کلور کن ابو ایوب
انصاری فرشته بی احساس ایتوب تصور ایتدیکه شهرزاده لری ایکیبسی

دخی رسول الله ده در ترجم قیلوب ایدی یار رسول الله بویکی شهرزاده لری
برین بکاو برین کتوره ییکه حضرت تکزه سبکبارلق حاصل اوله حضرت
رسول ایدی ای ابو ایوب بونلر مکر ملردر دنیا ده و محترم ملردر عقبا ده
و والد لری کنیدی لردن اشرف و افضلدر پس جانب صحابه یه توجه قیلوب
ایدی ای قوم خبر و یریم سزه جد و جد جهشتدن اشرف عالمده
کچر دیدیلر کچدر یار رسول الله بیوردیکه حسن و حسین که جدلری رسول
الله در و جد لری خدیجه بنت خویلد در اشرف قبائل عرب دندر دیدی
خبر و یریم سزه و الد و والد جهشتدن کچدر اشرف دیدیلر کچدر
یار رسول الله دیدی حسن و حسین که والد لری علی بن ابی طالب در و والد لری
فاطمه بنت رسول الله در دیدی خبر و یریم سزه خال و خاله جهشتدن
کچدر اشرف دیدیلر کچدر دیدی حسن و حسین که خال لری قاسم
ابن رسول الله در و خاله لری زینب بنت رسول الله در دیدی خبر و یریم
سزه که عم و عمه جهشتدن کچدر اشرف دیدیلر کچدر دیدی حسن
و حسین که عملری جعفر طیار در و عمه لری امهانی بنت ابی طالب در (شعر)
قنده در بویله بر شرفلی نسب * معدن فضل و عز و علم و ادب * صفت
حضرت حسین و حسن * بجهله کائناته در روشن * اول بری نقد پاک
مصطفوی * بوبری نور چشم مرتضوی * اول بری بدر آسمان کمال * بو
بری سروجو بیار جمال * اول بری اوج آفتاب یقین * بوبری کلبن حقیقه
دین * بوبری رهنمای جلوه نما * رفع الله اقتدارهما (روایتدر که
ابن زبیرله سفرده ایکن بر کون بر نخلستانه یتدیلر که نخلرنده اثر طراوت
عالمشیدی آنده قرار طوتوب ابن زبیر آرزو قیلدیکه نو لیدی بود درختلرده
رطب ظاهر اولیدی امام حسن روی نیازی در گاه بی نیازه طوتوب دعا یه
اشتغال ایدوب دعاسی اجابته یتدی فی الحال بر نخل طراوت پیدا قیلوب
رطب ظاهر اوادی بعض شکا کلر آبی سحره حل ایدوب حضرت امام
ایدی بوسحر دکل اما ترفیض رسول الله در (التقصه اول شهرزاده لری

منسوب اولان کرامات و ولایت احاطه حصره کز و بو مختصرده مرقوم
اولمغه قابل اولان (شعر) حسن و صفیه یوقدر حد و غایت * وفا قیطان اکا
حضر روایت * سوزی ذکر صنفی هر انجمندر * دلیل حسنی اول پس کیم
حسندر * اماراوی اخبار جکر سوز و حاوی آثار غم اند و ز بو طریقله
اول شهرزاده عالمنا هک وقایع احوال بدن خبر و یرمش و بوسرودله
زمزمه اخبار شهادتندن مسامع اهل روز کاره بتور مشکه چون
حضرت شاه اولیا مسند خلافتی آکا تسلیم ایدوب احکام شرعیه
نفاذن آکاتقویض ایتدی و نوبت ریاست امت تدریجیه اول پادشاه رفعت
دستگاهه یتدی اول حضرت شرائط تعزیت ادا سندن نصره خاص
وعای جمع ایدوب پایه منبری مقدم شریفیه مشرف ایدوب اول قائم مقام
حضرت مصطفی و نایب مناب حضرت مرتضی لسان بلیغ و زبان فصیح
ایله بر خطبه به آغاز ایدوب مو عظه سندن نصره ندا قیلدیکه ای سگان
سر پرده حکم شریعت وای حضار حظیره تقوی و طهارت بنم ابن
البشیر بنم ابن النذیر بنم وارث سلطان تخت رسالت بنم جانشین حاکم ملک
ولایت جدیا کیم سزی دین حقّه دعوت ایتدی و والد بزرگوار مدن سزه
سعادت هدایت یتدی حال ابن دخی سزی انلرک طریقنه اهدا قیلورم
و محقق بیلک که بکا اقتدا انلره اتباع و بکا مخالفت انلره امتناعدر (شعر)
بنم وارث علم و حلم رسول * بنم کوهر کنج بطن بشول * بنم جانشین شه اولیا
* بکا اقتدا دراکا اقتدا * بو حاله مقارن عبدالله بن عباس ایانغه طوروب
ایتدی ای قوم بو مخدوم زاده فرزند رسول الله در سزدن اقرار طوع
امامت و اظهار قبول بیعت استر نه دیر سز جمیع حضار مجلس فریاد
ایتدیلر که سمعنا و اطعنا قاعده بیعت تمام اولد قد نصره ابن ملجمی
حاضر ایدوب ایتدی ای بد بخت حضرت علیدن سگانه یمانلق یتشیدی
ابن ملجم ایتدی ای شهرزاده اوله جق اولدی ایمدی اگر اجازتک اولورسه
حاکم شامکه مسند که صاحب دعوادر انک قتلین قبول ایدرم

حضرت امام حسن تطویل کلامه رخصت و یر محبوب برضربه اول
پلیدی هلاک ایلوب پیوردیکه جسده مر داری احراق ایده لر اول
جانب بدن تسلی خاطر ایتد کد نصره نظام ملک و ملت و نسق احکام دین
و دولات اشتغالنده اولوب اندک زمانده اوتوز بیک مجاهد دایره بیعتنه
کیردیلر و جمعیت عساکر نصرت مأثر مسند خلافت رونیق تمام
و یردی (شعر) بولدی خورشید جهان تاب خلافت ارتفاع * شعله
عالم فروزی صالیدی هر جانب شعاع * بو خبردن حاکم شام مترزل اولوب
آلتمش بیک مبارزله متوجه ضبط عراق اولدی و حضرت امام حسن
دخی قرق بیک مجاهد ایله کوفه دن چیقوب استقبال طریقله عبدالرحمن
دیرن مخیم خیام نزول اردوی همایون قیلدی اول منزلدن قبسین سعدی
ایکی بیک نامدار ایله طلیعه سپاه ظفر پناه ایدوب کند و متعاقب اران اولدی
مر حله مر حله کیدر کن سبابط مداینه یتد کده استراحت طریقله بر نیجه
کون توقف ایتدی چون شهرزاده اکثر اوقاتده ذکر ایدردیکه بن کند و
اختیارمله مرتکب خصوصت اولزم و کیمسنه ایله سلطنت دنیا ایچون
منازعه قیلزم هوای نهب و غارت ایچون جمع اولان لشکر شهرزاده نک
توقفندن کان ایتدیلر که انده محاربه میلی یوقدر بو قید و بواندیشه عقیده لرین
فاسد ایدوب موافق ایکن مخالف اولدیلر و اطاله آبادی تغلب ایدوب
جمیع اثواب و جهازن یغما قیلدیلر و حضرت شاهزاده بعض خواصیله
متوجه مدائن اولوب کیدر کن خزرج بن دحیه اسدی که چوقدن مترصد
فرصت آزار اولوب کینده ایدی فرصت بو اولوب شهرزاده یه بر زخم اوروب
بعض ملازم لر آتی طوئوب پاره پاره قیلدیلر اما حضرت امام اول زخمدن
غایتده مزجر اولوب مدائنه قصر ابیضی نزول اجلال ایله مشرف
قیلوب جرا حله عاجله سنه اشغال ایتدیلر (قصه شهرزاده معاوننه
و مطاوعته اعتماد ایتدیکی اهل کوفه ده وفا کور میوب (الصلح خیر)
مقتضاسنجه حاکم شامله بعض شروط اوزرینه که تفصیلی انک موجب

ملالدر مصالحه قیلوب مدینه به متوجه اولدی (روایتدر که بر کون
علی بن غیر همدانی مدینه ده اول حضرت ایتدی یا بن رسول الله معاویه
مصالحه سنه سندن رضا و یرمک مناسب دکل ایدی جواب و یردیکه ای
علی ز کجینه حکمت خزینه دارلری و میدان ولایت شهسوارلری یزیزه
معلوم اولان سزه مستوردر و بزادرالک ایتدی بکمز اسرار سزک ادر اکر کردن
دوردرهنوزایکی جانب بن جدال و قتال ایچون مهیا اولان اشکرک و عده
خونریزی توقف و تا خیرده در و قنسر تو جهلرینه حاکم قضا رضا و یرمز
و خلعت خونابه خزانه حکمتدن حسین مظلومه و یرمشدر بنم اقدامی
زمانه روا کورمز عرصه هیجاده حسین ایچون صف قتال مرتب ایدن
بزم بلاده بنم ایچون زهر نایدن جام ابالب مهیا قیلشدر و حسین مظلومه
عراقده ملازمت مرتضی مقرر اولد قده بکامدینه ده ملازمت مصطفی
مقرر قیلشدر (شعر) فرمان برز مخالفته یوق مجالمن * هر حکم کیم
اولور صمد کار سازدن * التور بنی حجازه مقیم عراق ایکن * اولکیم سورر
حسینی عراقه حجازدن * فی الواقع هر امر بروقت مخصوصد و هر وقت
بر امره متعلق بی تکلف اکر معاویه نک معاصری حسین اولسیدی
صلاح زمان مقتضاسنجه مصالحه ایتک مقرر ایدی و اکر یزید ایلله امام
حسن مقابله قیاسیدی مقابله ایتک نا مبرسر ایدی و هر برینک مقامی
ازلدن مقدر ایدی (و شواهد النبوه مسطوردر که حضرت ایزد بنی امیه
ملکن حضرت رسوله عرض ایتد که حضرت رسول کوردیکه
اشرار بنی امید بر برینک عقبینجه منبره چیقارلر بوجالت اول حضرت
دشوار کلوب متفکر اولد قده تسلیه خاطر ایچون سورة (انا اعطیناک
الکوثر) و سورة (انا انزلناه) نزول ایتدیکه عبارتنده اولان الف شهر
بنی امیه نک ملکنه مشعر درو عطای کوثر تنعمات عالم بقادن مخبردر غرض
بوکه ملک دنیای فانی عوضنه آنلره حوض کوثر و یرمشدر (روایتدر که
امام حسن مصالحه ایتد کدنصکره مدینه به مراجعت قیلد قده

ارباب عداوت تحریک سلسله فتنه دن توهم ایدوب اول حضرت نک دفع
ورفعنه اقدام ایدوب بعض فساد اهلنی تحریک ایتدیلر که اول حضرت نک
بصره ده واقع اولان احباسندن او تون سکر نفر مؤمن و موحدی بر بهانه
ایله قتل ایدوب انواع قباحات ظهوره کتوردیلر حضرت امام اول حاله
اطلاع بولد قده عبدالله بن عباس ایله متوجه دمشق اولوب رهگذاری
موصله دوشوب سعد موصلی که امیر موصلی ایدی تشریف شریفندن
خبردار اولوب استقباله چیقوب بی نهایت اغزاز و احترامله خدمت قیلوب
شهرزاده بر قاج کون انده استراحت کوروب اندن مسافر اولوب دیار
دمشقه یتدکده والی شام اشراف و اکابر اعیان ایله استقباله کلوب کمال
اعزازله شهره کتوروب مراسم خدمت انده مبالغه قیلدیلر و حضرت امام
خاطرنده اولان قضیه لری شرح ایدوب مناسب جوابلر آلدی (القصة
خطه دمشق دنینه موصله مراجعت قیلد قده بونوبت سعد منزله نزول
ایتمیوب حسن نام بر آشناسنک منزله قدم باصدی و داعیه قیلدیکه بر نیچه
کون موصله طرح اقامت ایدوب استراحت بوله کروه اعدا که همیشه
مترصد فرصت ایدی اول میربانک عقیده سی و عده مال ایله حضرت
امامدن منحرف قیلوب شبیه شبیه زهر لر ارسال ایتدیلر که مطعوماتده
و مشروب اتنده مبرسر اولد بجه ممزوج ایدوب و یره اول بدبخت اوج نوبت
حضرت امامه زهر و یردی اما بقای مدت حیات مانع تأثیر اولوب اثر تمام
ایتدی اما موجب تغییر مزاج اولوب طبع شیر یفلرین مکدر ایدردی و اول
میربانک احوالنه حضرت امام مطلع ایدی اما اظهار ایدوب انفعال
ایتمزدی (شعر) آه کیم دنیاده بر یار موافق قالمدی * غمکسار و مونس
و غمخوار و مشفق قالمادی * و هر نوبتکه شهزاده تکمر مزاج پیدا
قیلوردی دعا بر کاتبه ینه صحته مبدل اولوردی میربان عاجز اولوب
صورت حالی اول سلسله فساد محرک لرینه عرض ایتدیکه اوج نوبت
امامه زهر و یردم اثر قیلدی بونوبت بر شبیه زهر هلاهل ارسال ایتدیلر که

اگر حضرت خضر استشمام رایحه سین قبلسه فنان امان بولمازواکر
صفحه وجوده صورتی چکسه لر نسیم حیات کائناته کذر قیلزردی اتفاقا
اول قاصد ارباب مفاسد کلورکن استراحت ایچون برمنزله دوشوب
مست خواب اولدقده بعض سباع و بهایم آنی هلاک ایدوب بوحاله مقارن
حضرت امامک بر ملازمی کلورکن اول مقتولی کوروب و اول شبهه
ونامه بی آلوب حضرت امامه کتوردی و حضرت امام مطالعه قیلدقده
موجب خجالت میربان اولسون دیو پنهان ایتدی اما سعد موصلی
حضرت امامک ربک مبارکن غضبندن متغیر کورد کده حقیقت مکتوبی
سؤال ایتد کجه حضرت امام مشغول احادیث و تفاسیر اولوب اول
سرک افشاسنه رغبت قیلزردی عاقبت الامر سعد موصلی حضرت
امامک مصلاهی شریفی التندن اول نامه بی برتقریله آلوب مطالعه
ایتد کده غایبده مضطرب اولوب حضرت امامدن اجازه تسر
مجلسدن طشیره آنی حاضر ایدوب ایتدی ای بدبخت مصطفی و مرتضی
وزهرادن سکانه تعدی واقع اولمشیدی اول بدبخت ایتدی حاشا انلرمحض
مکارملردر سعد ایتدی ای بی دولت پس نه باعث اولدیکه اولادنه قصد
ایدر سین و اول نامه وزهری اظهار ایتدی اول بدبخت و بی دولت انکار
ایتد کده بیوردیکه ملازم انواع اهانتله اول پلیدی هلاک ایتدیلر
اما حضرت امام منکسر و منزجر موصلدن چیقوب مدینهیه تشریف
بیوردی اتفاقا مروان حکم انده ایدی اول بدبخت ظاهر حضرت امامه
محبت اظهار ایدردی اما باطنده طریق عداوته سلوک ایدوب همیشه
دفعنک تدبیرنده ایدی برکون انسونه نام برد لاله یه ایتدی ای انسونه
جعه بنت اشعث حضرت امام حسنک حرم محترمیدرو بیلورم که امام
حسنک متعدد ازواجی اولمغین خاطری آنک طرفندن جمع دکل فی الواقع
حیفدر که اول حسن و جمال ایله اوقاتی ضایع کچوب مدت عمرنده اقتدار
و اختیار بولیه و بن استماع ایتشمکه یزید بن معاویه کراتله ذکر ایدردیکه

آنک تزویجی بکا انسبدر ای انسونه اگر جعه نک مزاجن امام حسندن
منحرف ایدوب بومهمی کفایت ایدو جک اولسک جمیع مرادک حصولنه
کفیل انسونه روسیاه اول امری قبول ایدوب اندن چیقوب امام حسن
سراینه توجه ایتدی اتفاقا حضرت امام اول کون اخوان و انسایله سیره
چیقمشیدی جعه تنه ایدی و جعه مدینهده اسماعیلکله معروفه ایدی
انسونه ملعونه آغاز تکلم قیلوب هر جانبدن مقدمه لر ترتیب ایدوب
برتقریله اظهار مدعا قیلدیکه ای بانوی مکرمه وای خاتون معظمه
المنه لله دامن کمال جلالک غبار نقصدن میرا و جمیع اسباب کمالک مهیار
حالا سنک اول وقتکدر که همیشه سلسله جمعیت منتظم اولوب مجلسک
عیش و عشرتدن خالی اولمیه و مطلق نسیم تفرقه کلشن جمعیتک
اطرافنه کذر قیلیم نه مناسبدر که اوقاتک برزاهد حباله سنده صرف
اوله که اکثر اوقاتی عبادتده صرف اولوب گوشه محرابی ابروی مقوسدن
احسن بیل و درجات منبره سلسله زلف معبردن یکرک توجه قیلله
خصوصا که هر ایکی کونده بر محبوبه یه میل ایدوب طریقه عقد و طلاقه
عادت ایتشدرو چوق عورتلره الم مفارقتی یتشدر جعه که اول کلماتی
اشدی و اول گفتار ناصوابه قولاق طوتدی منافق زاده ایدی آبا
واجدادی مرتضی تیغیله دنیادن کتمشیدی لاجرم جبلتده اولان عرق
نفاق متحرک اولوب آبا واجدادینک انتقامن آلمغه متصل مقیم مکمن
انتظار ایدی بوسوزلردن متأثر اولوب وانتقامه فرصت بولوب ایتدی ای
انسونه طریق تدارک ندر انسونه ایتدی ای خاتون محقق بیلش اولمکه
یزید بن معاویه بو خدمت مقابله سنده سنی متصرف حکم خلافت ایدوب
مقدم خواتین حرم سرا قیلور حال تدارک اولدر که امام حسن دفعنه اقدام
ایده سین جعه بیوفا حضرت امامک قصدنه مکرین باغلیوب و انسونه
اول منزلدن چیقوب مروانه صورت حالی عرض ایتد کده مروان بر مقدمار
زهر ارسال ایدوب جعه اول زهری انکیله ممزوج ایدوب حضرت

امامه و بردی حضرت امام اول غسل مسموم تناولیدن بپحضور اولوب
استغراق ایدوب روضه رسول الله اوزرینه واروب عرض نیاز ایتمکله
شفایولدی اما جمعه یه بدکان اولوب منزله تردد ایتمز اولدی برکون
تفقد احوال طریقله جمعه نك منزله گذارایتد کده جمعه ایتدی
یا امام مدینه خرمالغندن بر مقدار رطب کتور مشلر رغبت ایتمز مبدین
حضرت امام رطب مائل ایدی بیوردیکه کتور حاضر اولد قده جمعه یه
امر ایتدیکه سندخی مرافقت قیل جمعه مسموم اولیان رطبیدن تناول
قیلوب حضرت امام ملاحظه قیلوب رطب مسموم مدن یدی دانه
رطب تناول قیلوب بینه مزاج شریفی متغیر اولوب ایتدی ای اسم بورطبیدن
مزاج متغیر اولدی سببی ندر جمعه انواع عذله دفع کان ایدوب حضرت
امام آندن بینه روضه رسول الله که دارالشفاء اهل درد در توجه قیلوب
شفایولدی برکون اخوان و انسابی جمع ایدوب ایتدی ای عزیز بن بو
شهره کلدیکیم زماندن بو کونه دک برکون راحتدن دم اورمدم و بر ساعت
استراحت کورمدم صلاح اولدر که موصله وارم تبدیل آب و هوادن
تمتع بولم و بودام کدورتدن آزاد اولم پس ابن عباس و بعض
خواصیله متوجه موصل اولوب و اول بقعه مبارکه یه بتوب طرح اقامت
براقده آوازه وصول موکب همایون شامه بتوب محروسة دمشفده
براعمی واریدیکه دشمن خاندان حیدر کرار ایدی وصول مقدمندن خبردار
اولوب دل پر کینه ایله موصله متوجه اولوب نولک عصا سنین زهرله سیراب
ایدوب حضرت امامک ملازمتن اختیار ایتدی برکون عصا سنین هریره
با صوب تردد ایدرکن اتفاقاً نولک عصا سی حضرت امامک مبارک آباغنه
ایرشدی اول حاتی احساس ایتمکله قوت ایدوب اول نولک عصای زهر آلود
ایله حضرت امامک پای مبارکن مجروح قیلدی اول غایده که حضرت
امام آه ایدوب آیاقدن دوشدی عبد الله ابن عباس و بعض مخلصه
استدیلر که اول بی بصیرة سیاست کوستره لر حضرت امام مانع اولوب

مرافقه سین قیامتد بر اقدی (القصة موصلده دخی اثر راحت بولوب
آزارد مادام چکوب دیر ایدی (شعر) دردا که دمی دم اورمدم راحتدن *
قور تلمدم اندوه غم و محنتدن * هر بقعه ده کیم میل اقامت قیلدم * اول
بقعه مکدر اولدی بر آفتدن (القصة اول زخک معالجه سنه جراح لر
کتوردیلر جراح لر کورد کده بوزخک سنان زهرله سیراب ایتمش لر دیدیلر
اون بش کون مقداری تدبیر لایدوب شهراده اول زخدن نجات بولدی
واول اعجمی انتقامن آلوب موصلدن چیقوب دمشق کیدرکن ابن عباس
اوزرینه حواله اولوب عصا سنین التدن الوب بینه اول عصایله اول ملعونی
هلاک ایتدی (روایتدر که شهراده موصلده دخی قرار طو تمیوب بینه مدینه یه
متوجه اولدی اما جمعه نك سراینه تردد ایتوب کد ورتن زیاده قیلغین
پیوسته منتظر فرصت ایدی تا که شب جمعه صفر آینک یکر می طقوزنده
بر مقدار الماس سوده آلوب حضرت امام اولان منزله متوجه اولدی
و خاطر ندیده مقرر ایدیکه اگر کورسملر اظهار شوق و تحسیر قیلله و اگر
کورسملر مدعا سین حاصل ایدوب بر سر اد اوله منظره اوزرینه کلد کده
کوردیکه شهراده مشغول خواب و اطراف و جوانبده اولنر غافل و بالین
مبارکی اوزرینه کلوب کوردیکه صوابچدیکی کوزه نك اغزی مختومدر
الماس سوده بی کوزه اوزرنده اولان حریر اوزره قویوب تحریک ایتدیکه
حر بردن بکوب صوابله مزوج اولدی و اول بدبخت سر عتله مر اجعت
ایدوب منزله کتد کده شهراده بیدار اولوب زینبه ایتدی ای همشیره
عزیزه حالا واقعه کورد مکه جدم بکاء عرض اشتیاق ایتدی بر مقدار
صو ویر که آتش فراقه تسکین ویریم زینب اول کوزه نك مهنر آچوب
امامک الله ویرد کده حضرت امام اول کوزه دن بر جرعه نوش ایتد کده
الماس سوده اجزای جگر دن رشته رابطیه یی قطع ایدوب پاره قیلدی
حضرت امام ایتدی آه بونه شربت ناسازگار ایدیکه در و نه آتش
بر اقدی و بونه جرعه ناخوش کوار ایدیکه جان و جگر م یاقدی هم اول

ساعت حضرت امام حسین حاضر ایدوب ایتدی ای برادر عزیز (شعر)
 زهر غم روز کار کار ایتدی بکا * کور بو ستمی که روز کار ایتدی بکا * هر
 ظلم که ضمنده ایدی دورانک * اظهاره اتوردی آشکار ایتدی بکا * مخفی
 و مستور اولیه که حالا جدی واقعه کوردم المدن طوتوب ریاض
 بهشتی بکا عرض ایدوب بیوردیکه ای فرزند بشارت سکا که دام بلادن
 نجات بولدک و تحت زمانه دن خلاص اولدک یارین بنم حضور منده سین
 بیدار اولد قدده بو کوزه دن بر شر بت صوایچدم جکر مدوغراندی کویا که
 زمان رحلت در حلال ایت حضرت حسین کر یان اولوب اول کوزه بی الله
 آلوب استدی که امتحان ایچون تجرع اید امام حسن النبدن آلدیکه
 بو بنم نصیبدر سکا مبرس اولماز ویره اورد قدده اول کوزه صنوب و اول زهر
 دو کلوب اجزای ارضه تأثیرندن شاخ شاخ اولوب جوشه کلدی (القصة
 شهرزاده نك جکر مبارکی یمش پاره اولوب حلق شریفندن دو کلدی (شعر
 سر سبز قیلدی کلبن باغ ولایتی * سیراب زهر ناب قیلوب جور روز کار *
 اول سبز کلبن اوزره پاره پاره دن * قیلدی بهار حادته برک کل آشکار *
 اولد مکه آفتاب زرین فام فلک مینا فامده ارتفاع مقام بولدی اول
 حضرت نك رنگ مبارکی مرد فام اولوب اطرافنده اولان احبادن سؤال
 ایتدی که رنگم نه کونه در دیدلر سبز در حضرت حسین باقوب ایتدی
 صدق رسول الله حاضر مجلس استفسار مضمون ایتد کده ایتدی جد
 بزرگوارم بر کون بیوردیکه روضه جنانده سیرایدکن اهل عالمک بر بر
 مقام لرین بکا عرض ایتدی لرایکی قصر کوردم بری لعلدن و بری زمر ددنگه
 شعا علری آفتاب تابانه طعن ایدردی رضواندن سؤال ایتدم که بو قصر لر
 کیلره منسو بدر دیدی بری امام حسنک و بری امام حسینکدر دیدم آیا
 اختلاف لونه سبب ندر رضوان خاموش اولوب بن مبالغه قیلد قدده جبرائیل
 ایتدی یار رسول الله رضوان شرم ایدر بن عرض ایدیم قصر زمر د کون
 امام حسنه متعلقدر آنکیچونکه وقت وفات زهر ایچوب رنگ زمر د

فامله در کاهه کله وقصر کل رنگ امام حسین منسو بدر آنکیچونکه تیغ
 آیدارله غرق خون اولوب بهشته توجه قیله (شعر) نم ترشح زهر یله رنگ
 قیلدی عیان * صفای صفحه آینه عذار حسن * مکر که جرعه زهر ایتدی
 قطره باران * کیم انده ایتدی عیان سبز لاله زار حسن * شواهد النبوه
 مسطوردر که امام حسن زهرله متغیر اولد قدده حسین سؤال ایتدی که ای
 مخدوم کیمه کمال کور امام حسن ایتدی ای برادر مهر بان بن بلدی یکمی
 سندخی بلور سین اما غمازاق بزدن صادر اولمق مناسب دکل هم صبر اولی
 و انسبدر (فصل الخطابه خواجه پارسادن نقلدر که امام حسنه الی کره
 زهر ویردیلر تأثیر ایتدی عاقبت الماس سوده اثر قیلدی (روایتدر که امام
 حسن اول سر نهانی آشکاره ایتوب خفا ده جعدیه ایتدی ای
 یار نامهر بان وای بانوی جفا کار ازار رسان نولدیکه حق خدمتم فراموش
 قیلوب حرمت طوتمک و جدم و بابام حرمت رعایت ایتدک حالا بن سنک
 مرا فعه کی دیوان حشره بر اقدم دنیاده سنی رسوا ایتدی مناسب کور مدیم
 و سکا ز آری تو ز مدیم اما بیملش اولک نه مراد ایچون بو شغله اقدام ایتدک ایسه
 اول مراده دسترس بولمز سین و هرنه کام ایچون که بو ضلالتی قبول ایتدک
 ایسه اندن بهر مند اولمز سین بو معاتبه دن صکره حضرت حسینی و سائر اولاد
 و اصحابی حاضر ایدوب تقوی و طهارت و صبت قیلوب ام کلثومه ایتدی
 ای همشیره قاسمی کتور قاسم حاضر اولد قدده النبدن طوتوب امام
 حسین تسلیم ایدوب ایتدی ای برادر فلان قرزی بو فرزندمه ویره سین
 وعده سی ایرشد کده و بو حال صفر آینه یکرمی طقوزنجی کیجه سنده ایتدی
 روایتدر که کیجه نك بر ثلثی یکد کده نرکس شهلا سین آچوب امام حسین
 باقوب ایتدی ای حسین بو اولاد می سکا طاپشوردم و سنی واجب
 الوجوده و کلمه شهادت زبان مبارک کنه جاری اولوب دولت بقایه فائز
 اولدی (انالله وانا الیه راجعون) (شعر) سرو قدی چن خلد خرامان
 اولدی * خور و غلمانه رخی شمع شبستان اولدی * جوهر ذاتی اولوب

حبس علا یقذر پال * محرم بار که رحمت غفران اولدی * کر چه اول خاطر
 جعبله سفر قیلدی ولی * دل احباب فراقند پریشان اولدی * مردم دیده
 ارباب نظر اشک دو کوب * نم اشکبله کوکل اولری ویران اولدی * جمیع
 اخوان و اخوات آغاز تعزیت قیلوب اول حضرت تهجهیر و تکفین مرتب
 ایتد کد نصکره مقبره بقعه جده سی فاطمه بنت اسد مجاور تنده دفن
 ایتدیلر و عمر شریفی اصح اقوالله قرق یدی ییلدر (روایتدر که مراسم
 تعزیتد نصکره مروان حکم اندیشه قیادیکه امام حسین اگر امام حسن
 قاتلن تفحص ایدوب شبشه زهر و الماس قصد سین معلوم ایده جک
 اولور سه احوال مشکل اولورتد بیر ایدوب جعبه اعلام ایتدیکه ای غافل
 امام حسین صورت حال کن خبردار اولوب سنک تدار ککده در وجعه
 بی سعادت (الخائف خائف) مقتضا سنجه فی الحال فرار ایدوب کنندی سین
 مروانک منزله براقدی و مروان اول بدبختی ایکی نفر غلام و اوج جابه ایل
 شامه ارسال ایتدی و کیفیت حالن حاکم شامه عرض قیلدی (القصة
 جعبه دیار شامه ایتد کده و خبر وفات امام حسن شیوع بولد قده والی شام
 بیوردیکه درودیوار شامی سیاه ایدوب تمامی اهل مملکت سیاه پوش اولوب
 اوج کون اوج کیجه مراسم تعزیت و شرائط مصیبت ادا قیلله لقاعده
 ماتم نصکره جعبه بدبختی حاضر ایدوب کیفیت ماجرا سین سؤال
 ایتد کده جعبه حقیقت ماجرا سین مخفی قیلوب بیانه کتوردی حاکم شام
 متأسف اولوب ایتدی ای بدبخت خدا و مصطفی دن شرم ایتدیکه
 نقد رسول الله بوقبا حتی روا کوره سین بنم او غم صحنه نه لایق سین
 (شعر) ای نهال گلشن عصیان بلاد حاصلک * مظهر ظلم و ستم در جوهر
 ناقابلک * خاندان عفت و عصمت نه لایقدر سکا * مکمن ابایسدر دائم
 خیال باطلاک * و اول بدبخت بوفعلدن پشیمان اولوب او چکون خورد
 و خوابدن محروم اولوب دیر ایدیکه آیاتونه فعلدر که بندن صادر اولدی و رقی
 (خسر الدنيا والاخرة) ناصبه اعماله چکدی و نقش (ذلک هو الخسران

المبین) صحنه احوالمد ظاهر اولدی (شعر) اولدی سیاه نامه اعمالم ای
 دریغ * تغییر بولدی صورت احوالم ای دریغ * بن طائر خطیره کلزار قدس
 ایدم * صندردم اوز المله پروبالم ای دریغ * اوج اوند نصکره حکم اولدیکه
 اللین و آققرین باغلدوب جزیره فیلله براغدر (روایتدر که جزیره قرینه
 ایتد کده بر طوفان پیدا اولوب اول بدبختی آوب جزیره یه براقدی و من بعد
 آندن اثر کور نمیدی (شعر) جهان ایچنده بحر بدر انتقام زمان * همیشه
 یخشی به یخشی ویریمانه یمان * فی الواقع حضرت امام حسن شهادتی
 حسین مظلومه نسبت بر مصیبت عظما و حادثه کبرادر زرا موجب
 استیلا اعدای بد فرجام و سبب انهدام بنای شرع و اسلام اولوب پرده
 مواسات و مدارایی چهره احوالندن کتوردی و لشکر اعدایی سرحد
 طغیانه بتوردی (شعر) زهر اعدادن حسن شهد شهادت ایچمدن *
 بولمادی اعدای دین فرصت حسین آزارنه * غمزه هر فتنه کیم پنهان
 ایدردی روز کار * فتنه قتل حسن اولدی سبب اظهارنه * بدبختی باب *
 حضرت امام حسینک مدینه دن مکده توجه ایتدیکن بیان ایدر (بونسخته
 نامی که مساعدت خامه سیه روز کار اشکبار ایلله ظهوره کاور و بونامه
 کر امیکه معاونت کلک سر کشته بیقرار دن تحریر آلور ظفر نامه سلطان
 کر بلا حسین بن علی مرتضا - ر که درد میداننده علم آه جگر سوز چکوب
 هر دم دیده غمیده دن قانلردو کوب جمعیت جیوش بلیات مو فوره
 واجتماع عسا کر مصائب نامحصوره ایلله تسخیر ممالک الطاف سبحانی
 ایتمش و فتح اقالیم عواطف الهی قیلوب سلطنت سریر تقریده درجه
 کماله یتش (شعر) تعالی الله زهی سلطانکه درگاه فلاك قدری * مدار دین
 و دولت قبله کاه اهل عالمدر * آکا اولمش به سر کسب فیض دنیا و عقبی *
 آکا تسخیر ملک صورت معنی مسلمدر * و مصیبت نامه یزید پرچمدار که
 شبستان غفلتده تحریک هوای نفسله چراغ توفیق سعادت انطفاف
 بولمش و سبل نیل زخارف دنیا ایلله بنای ایمان و اسلامی ویران اولمش (شعر)

زهی نادانکه قدرن بملیوب توفیق اسلامك * متاع فانی دنیایه و یرمش
نقد ایمان * توجه حشر دیوانینه فیلس ملك دنیادن * طرازنامه اعمال
ایدوب مظلوم ملرقان * فی الواقع ایداندن مفارقت ایدن ارواحه
مشاهده احوال دنیا مکن اولسه و نفوس انسانیه انحلال بدند نصرکه
اموردنیایه اطلاع بواسطه معلومدر که حضرت حسین و علی چکدیک
جفال دن حاصل ایتدیک سعادته زمان زمان محظوظ اولوب ترویج
مزار و تعظیم اولاد و تکثیر مناقب و مدایح ایچون قیامتسه دك نمقدار
نمتع آلور و یزد پلید ایتدیک عمل جزا سین کوروب لحظه لحظه تجدید لغت
و تعدد انواع اهانت و تجرع زهر مذمتدن نه بلالره متألم اولور (شعر) دار
دنیاده بویتراولاره * اثر جنت و نشان بحیم * محشر اولدقده خود مقرر در
* نعمت باقی و عذاب الیم * حقا که حسین شهیدك ذکر واقعه شهادتی
موجب تجدید کمال اخلاص و اعتقاد اولغین عین عبادتدر و مظلوم
کر بلانک تکرار وقایع مصیبتی باعث تنبیه اهل غفلت اولدیغی سبیدن
کمال سعادتدر (شعر) هر کیم که ذکر واقعه کر بلا ایله * برناو انک ایلیه
چشمینی اشکبار * کلزار عز و جاهنی سر سبز قیلغنه * اول چشم اشکبار
یترا بنونهار * اگر چه ذکر واقعه کر بلا تقریر ایدن زبان نوحه سر ابرق
المدن بر شعله جانسوز درو کیفیت احوال شهدا تحریر ایدن خامه ملالت
فزا کان کدورتدن برناو کدلدوز در اما اول شعله جانسوز زیانه چکد کده
سینه ارباب محبتدن غیر موقد التهاب بولماز اول ناولک دلدوز پروازه
کد کده دل اصحاب وفادن غیر نشانه قیلماز (شعر) دوله ای مژگان چکر
قانه که کلدی کر به هنکامی * کل ای اشک روان کیم کندی عیش و عشرت
ایامی * کتورتقریر بر روز کارک صورت حالن * که یلسونلرندر دنیای دون
پرور سر انجامی * نسخه شواهدده مسطور بلکه جمله عالمده مشهور که
حضرت حسین بن علی مرتضی اوچخی امامدرا ثمة اثی عشره دن
کبت شریفی ابو عبد الله و لقب مبارکی زکی و شهید و مظلوم و سبط

اولوب سعادت ولادت مدینه ده هجرتك دردنجی ییلنده شعبان اینك بشی
کوننده سه شنبه کونی واقع اولمش (روایتدر که نهال خلقتلری کلشن
سعادت ظهوره کلوب حدیقه فضای وجودی مزین قیلدقده مرده
تشریف قدومی حضرت رسوله یتوب اول حضرت اشفاق تمامه فاطمه
حر مسرینه سایه التفات براغوب اسماء بنت نجشه که قابله ایدی اول
جوهر قابلی حضرت حضورنه کتورد کده علی ابن ابی طالبه ایتدی یا علی
بوفزند سعادتندی و بونطفه ار جندی نه اسماء موسوم ایدرسین مرتضی
ایتدی یا رسول الله عا شاکه بن بومصلحتده حضرتکه تقدم ایلیم صلاح
سنک صلاح کدر اما خاطرده بوایدیکه حضرت تکرله مشاوره ایدوب
اسمن یا حرب یا جعفر ایدم حضرت رسول ایتدی بندخی بو تسمیه ده
واجب الوجوده تقدم ایتمزم بو حاله مقارن جبریل امین نزول ایدوب
سلام و یروب دیدی یا رسول الله بو طفلک دخی اسمنی هارون نبی اوغلنك
اسمنه موافق شبر ایله تسمیه ایده سز و شبر لغت یونانیده حسبندر پس
حسب الامر اسم مبارکن حسین ایتدیلرندر یجله اول حضرتك آفتاب
رفعتلری کوندن کونه آسمان ولایتده درجه ارتفاع بولوب وهلال
فطرتلری خورشید رسالتدن اقتباس انوار فیض ایتمکله ماه تمام اولوب
جامع جمیع فضائل صوری و معنوی اولدی و هر فضیلتده اقتدار تفوق
و هر معنیده کمال بولدی فی الواقع نه فضیلت بوندن زیاده در که مجموع
مشاهیر ائمه و اکابر سادات آنک نسلندن اولوب سلسله سیادت آکا مربوط
اوله ونه مرتبه آندن افزوندر که تجدید تعزیه سندن قیامتده ک حقیقت حق
و باطل تمیز بوله الحق بر نهال نجسته که طینت زهرادن باش چکوب زلال
جو بیار شفقت مرتضی و نسیم التفات مصطفی ایله نشوونما بولمش اوله
معلومدر که عاقبت نه بارو پر و بر کوهر که صدق بطن فاطمه ده نینسان
کمال مرتضادن ظهور بولوب دریای انساب رسول الله دن حاصل اولمش
اوله یقیندر که بازار حقیقه قیده قیمت بولور (قطعه) اگر قم اولسه قوا اشجار

و در بار مداد * کلمه تفصیل ایله تحریریه اوصافی آنک * کر عدو هم کام دل
 بوالدیه قتلند نوله * جله به مفتوح در ابواب الطافی آنک * لاجرم
 هر جهتن ذات شریفی اقتضای کمال اتمکین و عنصر لطیفی درجه
 استعداد کماله یتکین تمکین بلا و محنته دخی رتبه کمالن کورک و مقام
 شدته دخی علوم مرتبه سین ملا حظه قیلاک که جمیع انبیا و اولیادن ممتاز
 بی معاون و مظاهر یتش ایکی زخم مهلاک ایله یکر می بیک ظالم بی دین
 آرا سنده جدال ایدوب نه فوت انساب و اولاد آکا اضطراب و یروب عجز
 واستغاثه به باعث اولدی و نه تفرقه عیال و جزع اطفال و تکدر احوالی
 آنی اضطرابه صالوب عقیده سی تغیر بوالدی (روایتدر که اول حضرتک
 خبر شهادتن حضرت رسوله جبرائیل کراتله یتور مشدرواخبار مصیبتن
 دفعاتله کتور مشدر اول جله دندر بو کیم اول مظلومک ولادتندن مقدم
 ام الفضل بنت حارث بر کیمه واقعه سنده کوردیکه حضرت رسولک
 اعضای شریفندن بر مقدارین کسوب آنک کارنده قودیلر اضطرابله
 اویقودن پیدار اولوب حضرت رسول خدمتته واروب صورت واقعه بی
 عرض ایتدکه حضرت بیوردیکه ای ام الفضل فاطمه حامله در
 برخلف صالح ظهور بوله و اول بنم جکر کوشمدر عن قریب متولد اولوب
 سن دایه سی اولور سین (روایتدر که ایام طفولیتده بر کون حضرت رسول
 اول معصومی کبارنه آلوب یوزن یوزینه سوروب شهرزاده قضاای اراقت
 ظاهر اولوب قطراتدن بر شحه حضرت رسولک دامن عصمتیه ایرشدی
 ام الفضل اول واقعه دن اثرانفعال پیدا قیلوب اول مظلومی عنقله حضرت
 رسولک کنارندن آلدی بر نوعله که طبع نازکی منزجر اولوب کریان اولدی
 حضرت رسول ایتدی ای ام فضل نیشه جکر کوشه می اغلتدک
 مقرر در که بوقطره نک کدورتی اندک صو ایله زائل اولور اما بومعصومک
 کدورت خاطرندن خاطر مه بر کدورت یتدیکه در یار ایله زائل اولماز بو حاله
 مقارن جبرائیل نزول ایدوب حضرت رسوله ایتدی یار رسول الله سن

حسینک بر قطره آب دیده سی دو کلمدن مکدر اولور سین کر بلاده
 اعضا سندن یوز چشمه آچیلوب هر برندن سیل خون اقدیغن کورسک
 حالک نه اوله حضرت رسول متالم اولوب کریان اولدی (شعر) وه که شاه
 کر بلانک محنتن اظهار ایدوب * ما تمندن کوستر هر ییلده دوران بر بهار *
 اول بهارک لاله سی خونین جکر در چاک چاک * برق آورعدی افغان ابری
 چشم اشکبار * اول جله دندر بو که بر کون نوید نشاط عیدله خلق عالم
 خرم و اسباب جمعیت عالم فراهم اولمشیدی شهرزاده لر اتفاقله حضرت
 رسول خدمتته مشرف اولوب تضرعله عرض ایلدیلر که ای سید کائنات
 اولاد آکا بر قریش البسه ملون مجدد ایله مباهات ایدر لر بزخی شجره
 بوستان و لایتز نو بهار التفاتکدن خلعت مجدداسترز حضرت
 بواندیشه ایله متوجه درگاه اله ایکن جبرائیل نزول ایدوب بهشتدن ایکی
 حله کافور کون کتوروب برین حسنه و برین حسنه نامزد قیلدی
 شهرزاده لر اول خلعتلری رنگدن ساده کوروب تضرع ایتدیلر که بزم
 خلعتن ملون کیک حضرت رسوله جبرائیل ایتدی بوداعیه سهیلدر
 یار رسول الله بیور صو کتور سونلر بو خلعتلر اوزرینه دو که یم سن یدقر
 شکافکله تعصیرایت شاهزاده لر اون اختیار ایتسونلر اول امره شروع
 اولند قده حضرت امام حسن ایتدی بکا خلعت زمرد فام مظلوم بدر
 حضرت امام حسین ایتدی بکا جامه لاله کون مر غوبد رفی الحال
 استدکلری کی مبسر اولوب خلعتلری کیوب شاد اولد قلزنده جبرائیل
 کریان اولدی حضرت رسول ایتدی ای سرخیل ملائک بنم اولاد لر
 نشاطی سنی محزون ایتک بر حکمتدن خالی دکل جبرائیل ایتدی ای سید
 مکر شب معراجده بهشته کوردیکک قضرلری اونوتدکی که امام حسنک
 قصری زبرجد کون و امام حسینک قصری لعل فام ایدی بو خلعتلر
 لونی دخی اول معنایه اشارتدر البته امام حسن زهرایچوب حین وفات
 رنگ مبارکی زمرد فام اولوب و امام حسینک رخسار شریفی خونابه

جگر لاله کون اولور (شعر) ساقی دهرک التفاتی بودر * که حسن
ساغرینه زهر دو کر * چرخ جلادینک بودر هیزی * که حسین شهیده
تیغ چکر * و اول جمله دندر بو که امام طبری تفسیر کبیرنده مسطور ایتشکه
جمله صحابه دن دحیه نام بر پا کیره سیرت کیمسه اکثر اوقات تجارت کیدوب
کله کده حضرت رسول خد متنه هدیه سز کلزدی و تحفه سز اولمازدی
شاهزاده لر معتاد اولغین هرگاه که دحیه حاضر اولوردی هر جانب دن
آستین و کر بیانه دست اوروب هدیه تفحص ایدر لدی بر کون جبرائیل
دحیه صورتنده حضرت رسول ایله مصاحبت ایدر کن شاهزاده لر کلوب
جبرائیلی دحیه تصور ایدوب بی تکلف کارنه چیقوب آستین و کر بیانه ال
اور دیلر حضرت رسول اول حرکت دن انفعال پیدا قیلوب منع ایتک
صد دنده ایکن جبرائیل ایتدی یار رسول الله بونلره مانع اولمیه سز
و بو حرکتلرین بکا نسبت ترک ادب ملاحظه قیلیمه سز که بن بونلرک
خدمتکاریم و حقوق واقع اولمشدر که فاطمه تهجد نمازند نکره متوجه
خواب اولوب بونلر آغار کره قیلد قده حضرت عزتدن بکا فرمان تیوبدر که
بونلرک که وارلرین دیره دوب کره لرینه تسکین و یرم تا فاطمه پیدار اولیمه
ومژده (ان فی الجنة نهران لبنی علی و حسن و حسین) صداسین بونلرک
سمع مبارک لرینه بن یتور مشم و حالا کنارمه چیقوب آستین و کر بیانه ال
اور سه لر عجب اولماز اما حیرتده یمکه بو تجسس دن ندر مر ادلی حضرت
رسول ایتدی سنی دحیه تصور ایدر لدی دحیه حاضر اولد قده بر هدیه دن
خالی اولماز دیلر فی الحال جبرائیل ید اقتدار یله بهشتدن برخوشه انکور
و بر اثار کتوروب آنلره و برد کده تناول تدارکننده ایکن برسائل آواز
یتوردیکه ای اهل البیت بکا اول انکور و اناردن نصیب حواله قیلک
حضرت رسول اکرم فطرتی مقتضا سنجه حصه و یرمک استد کده جبرائیل
مانع اولدیکه یار رسول الله برسائل ابله سدر میوه بهشت آکا حرام ایکن
حبله یله تناول ایتک استر (القصة ابلهس ممنوع اولوب شاهزاده لر میوه

تناول ایتیمکه اشتغال ایتد کده جبرائیل کریان اولوب ایتدی یار رسول الله
بو ایکی شاهزاده نک برین زهرله و برین تیغ قهرله شهید ایدلر و بونلرک
مصیبتی سکامو جب رفعت منزلت واقع وله (شعر) اگر چه اقرب اولادی
قتلنک خبری * رسول حضرتنه اعظم مصائب ایدی * وایک فائده اول
اعظم مصائب دن * اجل منزلت و اشرف مراتب ایدی * اول جمله دندر که
بر کون جبرائیل حضرت رسول خد متنه کله کده امام حسین اول
حضرت کنارنده اولوب رخسار مبارکدن او پوب نوازش قیلور کن
جبرائیل ایتدی یار رسول الله بو فرزند سعادتندی سورمه سین حضرت
رسول ایتدی (نعم اولادنا اکبادنا) انفاقا امام حسینک کردن
اطیفنده رشته جانلار دن بر اثر ظاهر اولمشیدی جبرائیل آکا باقوب
متألم و متأمل اولوب حضرت رسول ایتدی ای برادر بورشته اثرندن
سر رشته ملالت طوئد یغکده حکمت ندر جبرائیل ایتدی یار رسول الله
عن قریب دشت کر بلاده بو مظلومک فرق مبارک کن اول رشته اثرندن
قطع ایدوب آکا جفر لایده لر (شعر) کر بلاد شتک آوار دلرین یاد قیلوب *
اختر اشک دو کوب گردش کردون اغلر * چرخدن اغلمه ظالم دیوای
غافل گیم * چرخ بو واقعه ده جمله دن افزون اغلر * اول جمله دندر بو که
بر کون جبرائیل حضرت رسول ایله مصاحبتده ایکن حسین حاضر
اولوب اول حضرت کنارنده قرار طوئدی جبرائیل ایتدی یار رسول الله عن
قریب بو فرزند دلبندکی قتل ایدلر حضرت رسول ایتدی بو امر قبیح
گچدن صادر اوله جبرائیل ایتدی امت بیوفا لر کدن ظهوره کله و جانب
کر بلایه اشارت قیلوب و بر قبضه خاک آلوب حضرت رسوله و یردیکه
بو خاک آنک مقتلندندر و آنک قانیله رنگین اوله جقدر (شعر) اول اعل پاره
دردی اگر قیلسیدی کار * فرقینه اور مزید زمین سنک کوه سار *
کر اولمیدی واسطه مائم حسین * سیلاب اشک اقمز ایدی چشم چشمه
سار * شو اهد النبوه مسطور در که حسین شهید سینه دن تا کف پا

و حسن تافر قدن سینه به دلک رسول شبیه ایدی (سنن ترمذیه مذکور در که
حضرت رسول بیورمشکه بن حسین دغم و حسین بننددر ایزد تعالی
سوسین آنیکه حسینی سور (روایت در که بر کون حضرت رسول صحابه ایله
بر کوجه ده کید رکن بر جمع اطفال کوروب اول جعدن بر طفلی طوتوب
نوازش قبلدی سوال ایتدی لر که یار رسول الله بو التفاتکله سرافراز اولان
طفل رشیده نه قرابتله و نه نسبتله مظهر مر حمتکز واقع اولدی حضرت
رسول ایتدی بو طفل بر کون حسینیله ملاعبه ایدوب خاک قد من
کوزلرینه سوردی اولکوندنبرو بو طفله محبت بر اقسام و آکا و والدینه
شفیع او اورم (شعر) اثر خدمت حسینی علی * سبب دوات سعادتدر *
ره عشقنده ترک جان ایتک * موجب رتبه شهادتدر * شواهد النبوه
مستور در که بر کون حضرت حسن و حسین حضرت رسول حضورنده
مصارعه ایدر لردی و حضرت رسول دیردی یا حسن طوت حسینی
فاطمه حاضر ایدی ایتدی یار رسول الله حسن برادر ا کبردر عجبدر که
اصغره هواد ارتق مناسب ایکن اکبره معاونت قیلور سین حضرت
رسول ایتدی ای فاطمه جبریل امین انک معاونتدر (وعیون الرضاده
حسین بن علیدن نقلدر که بر کون جد بزرگوارم خدمتده ایدم و ابی بن
کعب آنده حاضر ایدی حضرت رسول بیوردیکه (و حیالتک یا ابا عبد الله
یا زین السموات و الارض) ابی بن کعب ایتدی یار رسول الله آسمان و زمین
سندن غیری زینت و پررواری حضرت رسول بیوردیکه ای ابن کعب
اول معبود حقیچونکه بنم روجم آنک قبضه قدرتنده در حسین بن علی
نتکه زیورمر کنز خا کدر آندن زیاده زینت صحائف افلا کدر حقا که اسم
شربنی ضلع ایمن عرشده مصباح هدا عبارتیه یازلمشدر (وابن الحصان
اسناد ابی عوایدله نقل ایتش حضرت رسول بیورمشکه حسن و حسین
ایکی کوشواره عرشدر لر و اول زمانکه حضرت عزت بهشته خلعت
خلقت و یردی خطاب ایتدی که سن مسکین مسا کین از لاسک کرک بهشت

زبان حال ایله گفتاره کلدیکه یارب سبب ندر که بنی مسکینلره و درویشلره
مسکن ایدر سین ندا کلدیکه ای بهشت بوسعاده راضی اولمازمهسنکه
ارکانکی حسن و حسین ایله مزین ایدم بهشت اول مرده به مباحات ایدوب
ایتدی رضیت رضیت زهی سعادتند لر که کوشواره عرش وزینت ارکان
بهشت اوله لر و بارگاه قریبه بومقدار رفعت و منزلت بوله لر (شعر) آسمان
قدر و کان لطف و باغ علمدن * ایکی اختر ایکی کوهر ایکی سرو اولمش
روان * جمله خلق جهانندن بواه بیلر لر بدل * بو بریندن اول برینه غیر عقل
خرده دان * کنز الغرائبده مستور در که بر کون بر اعرابی حضرت رسول
بر آهو بر هدیه کتوردی و حضرت آنی امام حسنه لطف ایتدی و امام
حسین آندن واقف اولوب حضرت رسول خدمتده کلوب ایتدی یا جدا
بکادخی بر آهو بره کرک و هیچ بهانه ایله تسلی بولمبوب کریمه یه آغاز ایتدی
حضرت رسول متحیر ایکن کوردیکه صحرادن برغزاله بچه سین او کینه
قاتوب تعجیل ایله کلور حضرت رسول الله حضورینه یتد کده زبان
فصیحله ایتدی یار رسول الله ایزد تعالی بکا کرامت ایله ایکی بچه عنایت
قیلمشیدی برین صیاد طوتوب بری بنم قالمشیدی رضاعنه مغشول ایکن
ندا کلدیکه ای غزاله بر فرزندک حضرت امام حسنه و اصل اولدی و حالا
حسین مظلوم حضرت رسوا رن آهو بره طلب قیلوب کریمه یه آغاز ایتدی
توقف ایتوب بو فرزندک دخی انک خدمتده بتور و بو غبار کدورتی انک
کوکلندن کتور بو خسه سیل اشکی بنای عرشه تزلزل صالور و اثر ملالتی
ملائکه بی بیتاب و طاقت قیلور حضرت رسول اول خبردن مسرور
اولوب آهو بردی امام حسینه و یروب خاطرین تسلی ایتدی ای عزیز لر
ملائکه آسمان و وحوش ارض روا کورمدیلر که بر قطره اشکی روان اوله
آیا انلر که رخسارن غرقه خوناب ایتدی لر نه جواب و یرلر (شعر) ای اهل
کین ولی ونی بوسه کاهنی * خوناب ناب غرقه سی ایتک روامیدر *
قطع تعلق ایلک اول رسوا رن * بزامتزدینلره شرط وفا میدر * امام

نجم الدین اول حضرتك حسن سیرتندن کتورمشکه (الکاظمین الغیظ
والعافین عن الناس والله یحب المحسنین) مضمونی آکا مخصوص
ومنسوب در زیر کون اشرف قریشله برمانده اوزره حاضر ایکن برملوک
خد متکاری بر ظرف مملو مجلسه کتور رکن اللری دتره یوب اول طعام گرم
شهرزاده نك فرق مبارکه دوکده کده حضرت امام تأدیه خد متکاره
باقده خد متکار توهم ایدوب زبانه بوجاری اولدیکه (الکاظمین الغیظ)
حضرت امام تبسم ایدوب ایتدی کظم غیظ ایتدم خد متکار ایتدی
(والعافین عن الناس) حضرت امام ایتدی عفو قیلدم خد متکار
ایتدی (والله یحب المحسنین) حضرت امام ایتدی سنی مالمدن آزاد
ایتدم و معبشتك کندی ذمته لازم قیلدم حضار مجلس بو واقعه به متخیر
اولوب انصاف ایتدیلر (خواجه پارسا فصل الخطابده همین بومقدار
کتورمشکه حضرت رسولك عضو مبارکی اولان جکر گوشه لره بونعت
یترکه) انما یرید الله لیذهب عنکم الرجس اهل البیت ویطهرکم تطهیرا
آنلرک شاننده در (شعر) مدح حسین ووصف حسن قیاسه لر طلب *
ختم کلام ایدوب قبله لم مختصر سوزی * اول ایکی بر کزیده دور زمانه در *
ایکی جهان پناهی جهانك ایکی کوزی * مصابیح القلوبده مسطور در که
جبرائیل بهشتدن برانار و بر سبب و پر به کتوروب حسنه و حسینه و یردی
حضرت رسول ایتدی ای جکر گوشه لرم بومیه لری والد و والده کز
حضورنه ایلنوب اتفاقله تناول قیلک اماهر برندن بر مقدار ذخیره ایدک
(روایتدر که اول قاعده اوزرینه هر کون تناول ایدوب بر مقدارین ذخیره
ایتد کدهینه درست اولوردی فاطمه دنیادن کتده آثار غائب اولوب
مرتضی دار عقبایه انتقال ایتد کده به دخی معدوم اولدی اما سبب حضرت
حسین ایله قالوب دشت کر بلاده آنکله قطع عطش قیلوردی و اول
حضرت شهید اولدقه اولدخی غائب اولدی اما زین العابدیندن
نقلدر که اخلاصله حضرت حسینک تربتن زیارت قیلن اول سبب

رايحه سین استشمام ایدر (شعر) ای خوش اول درگاه عرش آسای عالی
قدر کم * خاک پا کندن مشام جان آور بوی بهشت * حبذا اول مرقد
اشرفکه خاک پا کینک * تشنه جلاب و صلید رلب جوی بهشت *
چون اوصافنه اول پادشاهك نهایت یوقدر و انك محامد و مناقبی چوقدر
و بو مختصر دن غرض ایراد کیفیت احوال کر بلادرتطویل کلامدن
احتراز اولنوب مقصود و مظلوم به رجوع ایتک اولی در چن ارای حدائق
حزن و ملال و باغ پیرای ریاض انقلاب و اختلال بورنکله غرس
نهال اظهار حال ایتش و بو هوایله جویبار تحریر زلال روایت یورتمشکه
چون معاویه بن ابی سفیان مسند حکومته درجه استقلال بولدی
و مخالفه عز و منازع عز ریاست ملکه مستولی اولدی استقامت ملک
و استقامت حکم ایچون استدعا قیلدیکه یزیدی ایام حیاتنده ولی عهد
ایدوب سریر سلطنته نصب ایده و اول ظالمی نائب مناب ایدوب دنیادن
کیده پس تدریجیه ترتیب مقدمات ایدوب و اطراف و جوانبه مکاتب
و مراسل ارسال ایدوب جمیع اکابر شام و عراق دن بیعت الدی ربقه
بیعتدن خارج همان اعزّه حجاز قالدی و بو مصیحت ایچون کندی بالذات
اول دیاره کندی و آنلرک دخی اکثرن هر نو جهله ممکن ایسه راضی ایتدی
امادرت کیمسه بو صورتده امتناع ایدوب دائرة بیعتیه کیرمدیلر و یزیدک
خلافتنه قطعاً رضا و یرمدیلر بری حسین بن علی و بری عبد الرحمن
ابن ابی بکر و بری عبد الله بن عمر و بری عبد الله بن زبیر بو خصوصده
نه اظهار ملایمت و نه ایثار ملاطفه آنلره مفید اولدی و نه آثار تهدید و احتراز
غلظت فائده قیلدی رفتای اربعه یم ابرامدن اتفاقله مکّه معظمه دن
مدینه منوره یه انتقال ایدیلر و بقعه بطحادن خطه یثربه نقل مکان
طریقیه محمل عزیمت یورتدیلر و الی شام انده دخی واروب انواع جدوجهد
ایدوب چاره قیلدی و بو واقعه نك هیچ تدبیرله اصلاحن ایده بلمدی
(القصة بو صورت مستر ایدی اول زمانه ککه کندی دنیادن کیدوب یزیده

مقام و منزلی مقرر اولدی و زید علیه السلامه مسند ایالته قرار
بولدی (شعر) ظلم تخمین اگدی باغ ملکه دور روزگار * جور رسمن قیلدی
دوران ستمکار آشکار * رایت اقبالی قیلدی زیدک سر بلند * چکدی
آل مصطفی قصدینه تیغ آبدار * بو خطادن نابد چکرمی یارب انفعال *
بو جفادن روز حشر اولمازی یارب شرمسار * اول ستمکار بد کردارک
اعیان بیدواتی وارکان بد حشمتی بر کون جمع اولوب بویاده تزویری بساط
شطنج فساد یورندیلر و آئی بوفته یه تحریر یص ایتدیلر که اگر استقامت
سلطنت واستقامت حکومت مرادک ایسه اناک زمانده بیعتسکدن
تخلف ایدیلری بیعت کتور و اگر کز لر ایسه غبار که ورتلرین نوجهله
اولورسه مرأه ملکدن کتور که نظام ملک اختلاف عقاید قبول اینز
و مخالفت بوستاننده نهال تمتع بمن اول مدبر بو نصیحتی آنلردن قبول
ایدوب مدینه حاکمه برنامه یازدردی بو مضمونه که استحقاقله پر یوزینه
خلیفه سی اولان واستقلاله مسند خلافتده توفیق امارت اسلام
بولن معاویه بن ابوسفیان دار دنیا دن انتقال ایدوب حالانوبت
اجرای حکومت بکایتشد روحا کم دیوان قضا متصدی حل و عقد
نظام عالم بنی ایتشد هر آینه لازمدر که جهور خواص و عوام و جمیع
اکابر و اصاغر نوع بنی آدم بنی امام مفترض الطاعه و خلیفه
واجب الطاعه بیلوب مطیع اولوب ربقه انقیاد مدن رقبه اطاعت
چکمه لوکلزار اطاعتمه میوه ندامت بتوره جک نهال مخالفت دکیملر
ایمدی سنکه والی مدینه اولان ولید بن عتبه سین کر کبر که اول دیارده
اولان اعظم و اشرفدن خصوصاً پدر بزرگوارم زمانده بیعتدن متمرّد
اولنردن بیعتم اله سین و اگر قبول اینزلر سه قتل ایدوب باشلرن شامه
کوندروب التفاتمه امیدوار اوله سین چون ولید بن عتبه بو مضمونه
اطلاع بولدی متحیر اولوب ایتدی یارب نه مشکل قضیه واقع اولدی اگر
مضمونه مخالفت ایتسم دنیا ده ضرر کورمک مقرر در و اگر مطاوعت

قیلسم خرف آخرت عذاب اکبر در اتفاقا اول زمانده مروان بن حکم
مدینه ده ساکن ایدی حاضر ایدوب بو صورته مطلع ایتد کده اول مفسد
ایتدی اگر آتش فتنه شراره ایکن انطفا بولمسه مرور ایامله حدت اشتعال
بولد قد نصکره اول شراره نک دفعنه تدبیر مشکل اولور وسیل بلانک
ابتدای تحریکده رهگذاری طوتمسه تدبیر یجمله تزیاید بولوب تدارکی الدن عنان
اختیاری آور (شعر) عاقل اولدر کیم قضای امره فرصت وار ایکن *
حسن انجامن اسیر دام تأخیر ایتیمه * هر ایشک تدبیر انجمانده اهماار ایتیموب
* کند وزن مجروح تیغ ترک تقصیر ایتیمه * حالا مناسب اولدر که اول درت
کیمسه بی احضار ایدوب بیعت عرض ایده سین اگر قبول اینزلر سه آنلره
حاکم حکمین یوروده سین ولید بن عتبه آنلرک احضارن مراد ایدوب
اخبار ایتد کده امام حسین ایله عبدالله بن زبیر برآرا ده بولوب عبدالله
ایتدی یا حسین ولیدک بزمله نه مصلحتی وار اوله امام حسین ایتدی او یله
اکارمه والی شام فوت اولوبدر و شمع حیاتی شبستان حکومتده انطفا
بولوبدر زیر ابوکیجه واقعه کوردم منبری نکونسار اولمش و اساس
شوکتی بوزلش و حالا بو خبر ولیده یتوب شیوع بولمدن بزدن زیدک بیعتن
آلحق استرو بزی تدبیرله دائرة بیعت صالمق استر عبدالله ایتدی یا بن رسول
الله بویله اولورسه صلاح ندر حسین ایتدی بزدن نه مناسب بر فاسقک
بیعتنه کیرمک و خلافتنه رضا و یرمک حقا که بوه پسر اولیه جقدر و بومعنی
صورت بولیه جقدر (شعر) حاش لله کیم ملک فرمان بر شیطان اوله *
اهل عصمت تابع آوده عصیان اوله * قنده جائزدر بو کیم ویران اولوب
بنیاد شرع * اهل ایمان اولین مؤمنلره سلطان اوله * بوسوزده ایکن
ولیدک آدمی تکرار احضارلرینه تأکید ایتد کده حسین بن علی
صورت غضب کورستروب ایتدی بونه تعجیلدر هیچ کیمسه کلمه ده بن
خود کلورم ولید منسل اولسون قاصد معاودت قیلوب واقعه بی عرض
ایتد کده مروان ایتدی ای ولید حسین کیمه جکدر ولید ایتدی ای مروان

حسین بن علی کذاب و غدار دکل چون کلورم دیدی البته کلور (شهر) کل
 بوستان وفادار حسین * در درج صدق و صفادر حسین * چکر گوشه
 حضرت فاطمه * سرور دل مصطفادر حسین * ولید بن عتبہ بر مؤمن
 پاک اعتقاد ایدی اهل بیتک طریق اعانتلرندہ ثابت قدم و محبتلرندہ
 صاحب سداد ایدی (شهر) ثحب خاندانک خاطر پاکندہ کین اولماز * هوای
 نفسدن بنیاد ایمانی خلل بولمز (القصة حسین بن علی کندی منزله کلوب
 ملازمیندن بر نیجه مسلح گیمسه یه پیور دیکه بنه دار الارماره یه کلک
 و طشمرده حاضر اولک اگر بکا قصد ایشسر لمکن اولدقچه معاونت قیلک
 اول سلطان سریر امامت و اول شیر بیشه شجاعت حضرت رسول اللہک
 ردای مبارک کارین بویئنه صاروب و عصای شریفلرین الله آلوب ولیدک
 منزله مشوجه اولوب سراینه کردکده ولیدله مروان شهرزاده یه تعظیم
 ایتدکد نصکره صورت احوالی عرض ایتدیلر اول حضرت پیوردیکه
 بو بر قضیه مختصر و امر محقر دکل انک کبی بر معتبر گیمسه خلیفه
 اولوب بنم کبی بر معروف گیمسه کیرلو بیعت ایتک مناسب کورلماز یارین
 بر مجمع عام ایدک و بو حکایتی اظهار ایدک اول مجعده هر نه صلاح ایشه
 اظهار اولسه ولید ایدی یا حسین صلاح بودر مروان ایدی یا ولید
 حسینک جیمسه حکم ایت بومزلدن خروجنه رضا و یرمه که آئی پردخی
 اله کثورمک دشوار اولور و آنک محاورت و مقاومته قدرت اولوبوب
 بومصلحت تعویق بولور بوتکلمی استماعدن حضرت امامه غضب
 مستولی اولوب ایدی یا ابنی الزرقا کیم اکافادر در که بنی حبس ایده حقا که
 بکا نسبت سفاقت قبله نک قانیله یر یوزین کلگون ایدرم پس ولیده
 یوز طوئوب ایدی ای ولید بزا اهل بیت رسالت و خاندان نبوت بزم
 مقامین محل تردد ملائک مقرر بدرو همیشه ناولد دعا مره دف اجابته یتک
 بجز بدریزید که خمار و فاسق و فاجر و ظالم و اهل فساد در بیعت ایتک
 بزدن نه لایقدر حضرت اماک تکلمن غایت صلاح بنده استماع ایدوب

ملازمین آلت حربله دخول ایتک تدارکنده ایکن حضرت امام حبیب
 کندوسر اینه روان اولدی مروان ایدی ای ولید بنی حبس ایتدک
 خطا قیلدک ولید ایدی ای مروان حاشا که بن جیمسه قصد ایدم حقا که اگر
 شرقدن غریبه دیکه بکا به شرطله و یرسه لر رضا و یریم واکا جفا روا کوریم
 زیر روز محشر مصطفی و مر ترضی زهراء هر دن خجالت چککدک دشوار
 اولور و البته بو کون اهل بیت جفا قیلان قیامته شرمسار اولور (شهر)
 خون آل مصطفی دو کمر مسلمانم دین * قصد اهل بیت قیلان اهل ایمانم دین *
 عادت ایتک کدویه آل محمد بغضنی * روز محشر طالب توفیق غفرانم دین *
 بو حاله مقارن بر مکتوب مجدد یزید پلیددن ولیده ایشدی بو مضمونه که
 ای اعظم اعیان حشمت و اکرم ارکان رفعت اولان مدینه حاکمی ولید بن
 عتبہ شمول مرحمت و عموم مکرمت اختصاصند نصکره بویله معلوم
 ایده سنکه بوندن اقدام بیعت اشراف حجاز خصوصند مکتوب نامر غویم
 و نامه نامقبولم ارسال اولغشیدی اصلا آثاری ظاهر اولد یغنه سببند
 معلوم اولدی ایدی ککر کدر که بیعتی لازم اولمزدن شمدیه دیکه بیعت
 آکندی ایشه فهو المرادوا کرهنوز مقام تأخیر و توقفده ایشه تأخیر و توقف
 ایتوب کمال دقتله اقدام ایدوب بهر حال بواصری سرانجام ایده سین و فی
 الواقع کوره سین اولدرت کیمسه تمر دایدوب بیعت کرمک مقرر اولد قدده
 و عصیانلری اطاعتدن ثبوت بولد قدده عبدالله بن زبیر و عبدالله بن عمر
 و عبدالرحمن بن ابی بکره چندان ملتفت اولیه سین زبیر اقدده اولسه لر بنم
 غضبم آنلره ملحق اولور و هر بری زایه سلوک ایدی ایشه بندن جزای
 عملن بولور اما حسین بن علی دفعنی لازم یلوب و قتل ایدوب باشن کسوب
 بو جابه ارسال ایده سنکه اول آفتاب اوج شجاعت و سپهر ولایتده
 درخشان اولدقچه بنم اخترنا قبالم احتراقده در دولت دنیا آنک ملازمته
 مراجعت بولدقچه بکا نسبت دائره نفاقدہ در ولید بن عتبہ اول
 مکتوبک مضمونه اطلاع بولد قدده ایدی حقا که اگر یزید پلید بکا جمیع

سلطنت و بر سه حسین بن علی قتلنه رضا و یریم وزخارف دنیا ایچون
آل محمدك ناحق یره قاتنه کیریم (شعر) حاشا که ملک دنیا ایچون ترك دین
ایدم * آل رسولی کشته شم شیر کین ایدم * حاشا که جاه و دولت بی اعتبار
ایچون * شاد ایلیوب یزیدی حسینی حزین ایدم * پس اول حکمك
صورتی تحریر ایدوب بر محرمله حضرت حسینه ارسال و عرض ایتدیکه
ای نور دیده زهر اوای سرور سینه مصطفی و مرتضی حاشا که سنك کی
پادشاهه بنم کی کدادن ترك ارب صادر اوله و مرآة ضمیر منیر کز آندن
کدورت بوله (شعر) چیقسون اول کرز که سکا ایلنه قهر یله نگاه *
یانسون اول دلکه سنك بغضکه درمتر نگاه * سنسن اول آن که سنك
صدقله طومر اتكك * یمسون کامنه هر که که سکا در بدخواه * اما و هم
آنددر که حاکم شام بندن بر اهل مال اکلیوب بودیاره بر ظالم کیمسه ارسال
ایلیه و تدارك احوال ایچون فرصت فوت اولوب اختیار الدن کیده (شعر)
شاه اولان فتنه بدخواهدن اولماز غافل * شیر اولان حیلله رو باهدن اولماز
غافل * سالک راه خرد حزم طریقن کوزلر * ره گذارنده اولان چاهدن اولماز
غافل * حضرت امام بو حاله واقف اولدقده و بو مضمونه اطلاع نوالدقده
محقق یلدریکه ناظم کارگاه قضا صحت اخبار کر بلا ایچون ترتیب مقدمات
ایتمکده در و پرده خفاده مستور اولان اسرار حکمت تهیئه اسبابله
ظهوره یتمکده در لاجرم قوس قضادن اتلان ناولد قدر بر نشانه حواله
اولسه سپر تدبیر و صولنه مانع اولماز و کاشن تقدیرده ریا حین اموره نسیم
وعده مرور ایتسه اچیلقدنه توقف قیلماز حضرت امام اول کون اول
کیجه یه دك تفکر و تحیرله صبر ایدوب کیجه کیم دبده سلطنت روز نورانی
کوکبه استیلای شب ظلمانی یه مبدل اولدی و صورت حال روز کار
انقلاب حوادثن تغیر بولدی اول شمع شبستان ولایت و چراغ دودمان
امامت حضرت رسول اللهك مرقد مبارکی اوزرینه واروب کریان کریان
ترانه یوز سوروب و نهایت تعظیم و تکریم برله سلام و یردی (شعر) السلام

ای آستند رشك فردوس برین * خاروب در کهک در کان چشم حرور
عین * السلام ای خاتم درگاه قدرک جبریل * مدحتک قرآن و مداحتک
اله العالمین * یا رسول الله بنم کام دل زهر احسین * یوز سوروب درگاه که
کادم دل افکار و حزین * اول بنم کیم امتک حفظنی امر ایتدک بکا * اول
بنم کیم کج اسرار بهی ایتدک امین * امت ظالم بکا اظهار بیداد ایتدیلر *
بیگم ببحاره ام سن سین بکا انجیق معین * تمامی شب ناصبح تضرع ایلر
قیابوب عبه دتر ایتدی بر نوعله که صدای تسبیح و تها بلی آسمانه یتدی
(القصه اول کون دخی کیجه دك زیارت ایدوب ایکجی کیجه ده کال
حیرت ترکس شهلا سین مستغرق خواب ایدوب و تفکرله چشم حقیقت
بینی بر زمان اویقویه واروب واقعه سنده کوردیکه حضرت رسول جمیع
ارواح مقدسه ایلله حاضر اولوب اول سیده ظالمی باغرینه باصوب دیدی
ای جکر کوشد مظلوم وای امام زاده معصوم بنم شفاعته امیدوار ایلر
و مسلمانم دیود عوای باطل قیللر سنی دشت کر بلاده تشنه و کریان شهید
ایدلر و اول عرصه بلاده سنك و اولادیکک قانندن جو بیارلر یوریدلر
(شعر) کادی اولدم کیم سنك قانکله رنگین اوله خالک * ایدلر ظلمیله سن
مظلومی ظالم لره لاک * کادی اولدم کیم سنی بیدر دل قتل ایدلر * اوله سین
ملحق بکازار و حزین و دردناک * اما حاشا که آنلره بنم شفاعتم نصب اوله
ورعایتدن اول طائفه طاغیه بهره بوله ای حسین مرتضی و زهر او حسن
مجتبی منتظر دیدارک و حور و غلمان نکران ماه رخسار کدر و قندر که
شر بت و صلاک هر هم داغ فراق و پرتو جمالک شمع شبستان اشتیاق
ایده سین حسین ابتدی یا جداه حالا که ملاقات مبرس اولوب بدر و طالب
مطلوبین بولوبد رتوله دنیا به مر اجعت قیاسم و بر دخی اول دام بلایه
کرفتار اولسم (شعر) ملول اولدم جهان بیوفادن * طوتلدی کوکلم
اول محنت سرادن * نوله قطع ایتسک آندن ارتباطم * کوتورسک اول
کذر کهدن بساطم * دعا قیلسک کد لطف حضرت حق * بکا کوستره به

دنیای مطلق * حضرت رسول ایتدی ای حسین درجه شهادت مستلزم رجوع دنیا در حال اسکا دنیا به مراجعت ایتک اولی در اثنای تکلمه امام حسین کوردیکه حضرت رسولک زک کلاکونی زعفرانی او لمقدمه در و کسوی معبرلین کرد کدورت طوتمقدمه در مضطرب او لوب سوال ایتدیکه بونه علامتدر حضرت رسول ایتدی ای نور دیده زهرا وای بر کزیده آل عبا به غبار میدان بلا یعنی اثر ستخیز خالک کر بلاد بو غبار کدورتدر که مرأة جمعیتکدن کر بلا ده صورت سروری نهان ایدر و بو کرد مختدر که مصیبتک اعلامی ایچون اول بادیه دن آسمانه کیدر حضرت حسین اضطرابله بیدار اولوب کا و وعده دیدار ایله خرم و کا تفکر مفارقت اولاد و عیال ایله پر غم منزل شریفنه یتوب مدینه اقامتدن کوکل کتوروب سفر مکه عزیمتن مصمم قیلدی اما انده دخی قرار طوتمیوب کر بلایه متوجه اولدیغین کسندویه مقرر قیلدی پس طریق وداعله حضرت امام حسن مرقد منوری اوزرینه کیدوب سلام و یروب ایتدی (شعر) الوداع ای سروکار ارامات الوداع * الوداع ای شمع بزم استقامت الوداع * الوداع ای زهر تأثیر یله رنگ سبر قام * الوداع ای سبزه باغ ولایت الوداع * اندن دخی نقل مکان قیلوب سروقامتن شمع مزار زهر اقیلیدی و اول روضه مبارکده گلبن دردندن کونه کون کلر آچلیدی هر زمان برنوجه ایله آغاز و هر دم بر سر و دله دمساز اولوب دیردی السلام ای صدف کوهر حیاتم وای معادن کوهر ذاتم اتفات ایتکه وداعه کلشم و بو آخر زیارتدر (روایتدر که روضه مبارکدن بر آواز کلدیکه و علیک السلام ای فرزندان چندی وای نطفه سعادت مندم برمدندر که تشنه زلال وصال و مشتاق آفتاب جمال جهدا ایتکه عن قریب پرده حجابی تیغ اعدا ایله چاک و مرأة ذاتک غبار کدورتدن صیقل سنان ایله پاک ایده سین حضرت امام اندن دخی نقل مکان ایدوب تکرار مرقد رسول الله اوزرینه کلوب تجدید زیارت ایدوب وداع ایتد کد نصکره منزله کلوب تهیته اسباب سفر قیلوب

شب چعه شهبان آیتک دردنجی کونده دولت شهادت امید ایله ساعت سعد اختیار ایدوب امر ایتدیکه حجاب بارگاه رفعت و سر پرده عز و اقبال و شاد روان عظمت و اجلا لارین خالک یزیدن کتوروب بدرقه هدایت خطه حجازه روان اوله لر و رایت نصرت و لو ای زهترین مدینه میدانندن مکه جانبزه متحرک قیله لر (شعر) یوکلندی بارخانه چکلدی قطارلر * افلا که چیقیدی روی زمیندن غبارلر * آثار نعل سم سمند سپاهدن * نقش مجره قیلدی میان رهگذارلر * تمامی اعیان و اشراف مدینه بر منزل مشایعه طریق قیله همراه اولوب مراجعت قیلوب حضرت امام کندی خواص همایونی ایله متوجه اولدی اما منزل بمنزل قطع راه ایتدیکه منازله و مر احلامه اکثر اوقات گاه حضرت موساک فرعوندن قاجوب خونخوار پیابنده حیران قالدیغین روایت قیلوردی و گاه حضرت ابراهیم غرود دن فرار ایدوب هولناک بادیه لرده سرگردان اولدیغین حکایت ایدردی و یورردیکه علامه قریب و اجب الوجود فجرع هلاهل محنت و بلاد و نشانه قبول درگاه معبود تحمل مصائب رنج و عنادر (شعر) جورا غیاره صبر ایلین * بولماز اهلیت تقرب یار * سر بسر خاردر کل اطراف * سنکدر لعل معدینه حصار * اثنای طریقه بر کون عبد الله بن مطیع که محب خاندان ایدی و مکه دن کلوب مدینه جانبزه روان ایدی و اول حضرتک ملاقات شریفله مشرف اولوب و دولت ملازمه نلندن سعادت عظمی کسب قیلوب اظهار ثنا قیلیدی بو مضمونله که (شعر) مر حبا ای نور رویکدن منور کائنات * جوهر ذات شریفک جامع حسن صفات * مر حبا ای وارث علم رسول هاشمی * مقتدر ای اهل ایمان هادی راه نجات * و حضرت امامک مضمون مقالات و قراین حالات نلندن شمه مافی الضمیر لرین معلوم ایدوب طریق ادب برله عرض ایتدیکه ای بر کزیده آفاق وای سید علی الاطلاق اگر چه جمیع وقایع احوال ضمیر منیر کزه روشندر و بزدن حضرت تکرزه نسبت اظهار نصیحت

ترك ادب اولدینخی محقق و معیندر اما اقتضای حسن صداقت و کمال
مخالصت تکلیف جرأت تکلم قیلوریا بن رسول الله مکه معظمه به تشریف
بیورد قدیده یلور مکه اعیان کوفه مکاتب و مراسل ارسال ایدوب حضرت بکره
تکلیف حضور ایدر لر زنه ار اول کلمات کذبہ اعتماد ایتیه سزومکه دن کوفه
جانبه کتیه سز اول بیوقالده اوبله که بن کوردم و فاما مکانی یوقدر و اول
کرو هک صلاحدن فسادری چوقدر یقینا بیا که اگر مکه ده طرح اقامت
براغوب تمکین قیلور و اول بقعه شریفه توطن ایتمه که راغب اول سکر
اهل مکه سزدن غیر اخیار ایتیز لور سز آنده اولد غیرک حکمن آنده
یورنمز لر حضرت آنک کلماته تصدیق و یروب و داع قیلور روان اولدی
مرور امنازل و مر احل قطع ایدوب امارات مکه و علامات بطحا عیان
اول قدیده اشراف واعزه مکه خبردار اولوب طریق استقبال ایلله پابوس
شریفندن کسب سعادت قیلوب اول حضرتی کمال تعظیم و نهایت
تکریمله شهره کتورد کده زبان که کره بنای کعبه یوسرودله مترنم و لسان
زمنه زمزم بوا دایله متکلم اولدی (شعر) مرحبا ای مسند آرای
سریر عز و جاه * مرحبا ای شاد قدس ملک روحانی سپاه * مرحبا ای عرصه
ایمانه احکامک روان * مرحبا ای حوزه اسلامه اقبالک پناه * قبله کاه
کعبه دیدار شریف کدر سنک * کرچه خاک کعبه در اهل جهانه قبله کاه *
حضرت امام سعادت و اقبال ایلله نزول ایدوب تمکین اولد قدیده اشراف
حجاز کروه کروه خدمت شریفلرینه کلوب مبارک باد منزل قیلوب اوقات
خمسده اول حضرتنه اقتدای نماز ایدر لر دی و اندن بیعت آوب کیدر لر دی
(روایتدر که یزید یلید قبلندن والی مکه اولان سعد بن عاص اکابر حجازک
حضرت امامه مراجعتن کورد کده توهم قیلوب مکه دن مدینه به فرار
و کیفیت احوالی اول نابکاره عرض قیلدی (القصة بو خبر جمع بلاد
و بقاعه منبشرا و اوب خصوصاً کوفه ده شایع اولدی و اشتهار بولدی که
حضرت حسین یزیدک بیعتدن امتناع ایدوب مدینه دن مکه به تشریف

بیوروب اعوان و انصار جمع ایتمکده در کوفه دن هوادار لر سلیمان مرد
خزاعی حجره سنه جمع اولوب بوصلاحی کورد یلر که طریق معاونت
و مظاهرت مسلوله ایدوب حضرت امامه عرض صداقت قیلله لر و انک
رکاب همایونده در جات دنیا و آخرت بولله را کا بروا شراف کوفه دن یتیم
نفر معتد کیمسه لر مثل مسیب ابی رفاعه بن سداد و حبیب بن مظاهر
و محمد بن اشعث شریح قاضی حضورنده قسم یاد ایدوب اتفاق ایتدیلر که
خاندان نبوت و ولایت طریق مودتده مال و جانلرین در بیغ ایتیمه لر و حسین
ابن علی دن غیرک حکمن کوفه ده یور تمیدلر و حضرت امامه بر مکتوب املا
ایتدیلر بو مضمونله که المنه لله رایض توفیق هدایت و قائد تأیید سعادت
عنان توسن اعتقاد مری طریق ضلالتدن منحرف قیلوب شاهراه نجاته
منعطف قیلش و چهره آما لمره مفتاح اقبال ابواب مودت خاندان ولایتی
مفتوح ایدوب ضمیر مزه محبت اهل بیت صالمش همواره کا طالب
و پیوسته کارا غیر که صحیفه امر خلافتدن ازاله نقش خلاف ایتمکده
و جریده حکم امامتدن رفع رجس مخالفت قیلقدده کمال اقدام و نهایت
اهتمام اظهار اید و زاما امامز و مقتدای یوقدر حالا بویه استماع اولاندیکه
اشد اعدای دین و اضل اضداد خاندان سید المرسلین یزید بن معاویه
عدم استحقاقله استدعای جلوس مسند خلافت قیلوب اول آفتاب
اوج ولایت و شاهباز آشیانه رسالتی بیعتنه تکلیف ایتش و اول حضرت
دخی امتناع ایدوب آثار مخالفت پرده خفاده ایکن درجه ظهوره یتش
ایمندی اول سروج و یبار کرامت و شه کوفه نو بهار سعادتدن متوقع و مترقب
اولد رکه طریق عنایت و التفات مسلوله اولوب بوجانبه اوای نصرت
تحریک بولوب بو مخلصلرینی قدوم سعادت لزومیه مشرف قبله لر
و بوبنده لری کندویه احباء صادق و اوداء موافق بیلله لر (شعر) وقتدر کیم
سبزه زار خشک سال فرقی * رشحه لطیفه سیراب ایدله ابرو بهار *
وقتدر کیم پرتو خورشید عالم تابدن * زمره احبابه پرنور اوله چشم انتظار *

اگر بوسه عادت میسر اولسه و بود عا جابت بولسه کوفه یه قدم با صدقه
 زید قبلندن حاکم اولان نعمان بشیریکه بر پیرضعیقدر شهر دن اخراج
 ایتیم زمره در مجمله مقاومت اعدا ایچون هر نه اسباب مقصود ایه بو کون
 کوفه ده میسر در نامه تام اولد قده عبدالله مسمع همدانی و عبد الله بکری یه
 تسلیم ایدوب ارسال ایتدیلر جواب کلرین متعاقبا بو مضمونه برنامه دخی
 بشیر بن نمیر و عبد الرحمن بن عبد الله له روانه قیلدیلر آنلرله عقببنجه خان بن
 هانی و سخی بن عبد الله خشعی و آنلرله عقببنجه شبت بن ربیع و عروه بن
 قیس و عمر بن حجاج و سعید بن عبد الله روانه اولوب (القصه متواتر
 بو مضمونه یوز بکرمی کتبت کوندر و ب اظهار کمال صداقت ایتد کده
 حضرت امام اهل کوفه نیک مکاتب متواترین کندویه حجت بیلوب و نیت
 اجرای حق ضمیر منیر لنده رسوخ تمام بولوب ترویج موردین ایچون دیار
 کوفه یه عزیمت مصمم قیلدی اگر چه اول دیارده مبتلای بلیات اولدیغن
 محقق بیلوردی امام قریلدی که کند و دن مقدم مسلم عقیلی اول دیارده
 روانه قیله و کندی دخی متعاقبا متوجه اوله پس اکابر و اشراف کوفه یه
 برنامه تحریر ایتدی بو مضمونه که حمد بیحد اول مبدع اشیا و مخترع
 ماسوایه که نوع انسانی توفیق عقل و اختیار له سائر مخلوقاتدن ممتاز ایتمش
 و سبب سبب قیاس اول مصور اشکال کارخانه دنیا و مدبر احوال دار
 القرار عقبایه که جمیع نوع انساندن فرقه انبیایه توفیق تفوق و یروب
 شرف امتیاز ایله سرافر ز ایتمش و درود نام عدد و وصلوات نامحدود اول
 سرور کائناته که فرقه انبیادن جوهر استعدادی اشرف و اعلادر و تحیات
 بی غایت و تسلیات بی نهایت اول فرقه احبابه و زمره اصحابه که قبول
 صحبت صدر رسالت بولوب اکاطاعتلری جمیع عملدن اولیدر اما بعد
 بونامه نامی و مکتوب کرامیکه متضمن کمال نصیحت و متکفیل و وصول
 سعادت در بندگی حسین بن علی مرتضایم سزه که اعز و اشراف کوفه سز
 ای فرقه احبای صادق الاعتقاد و ای زمره اودای خالص الوداد مکاتب

مخالصت مکتوب بکن که طریق اتحاد و جاده اعتقاد دن تبلیغ او انجمنیدی
 و اصل اولوب مضمونه که محض اظهار اخلاص طویت و کمال بیان
 صفای نیت ایدی اطلاع حاصل اولد قده استدعا کنزه اجابت لازم کلوب
 اول جانبه عزیمت تصمیم اولوب حالا مسلم عقیل که اعقل اشراف
 بنی هاشم و ارشد جمیع اکابر و اعاظم در کند و قبلندن اول جانبه ارسال
 ایتدم کر کدر که مقدم شریفن مغتنم بیلوب طریق مراقت و موافقتده
 دقیقه در بیخ ایتیمه سز و بونوعله اعزاز و اکرام ایلیمه سز که آثار شکری ظاهر
 اوله و جانب شریف کزدن تسلی خاطر بولایقین که بنم تحریک اوای رفعتیم اول
 جانبه آنک نسیم اخبار حصول مراعاته مشروط در ورشته اهتر از رایت
 همایون اول دیار آنک سلسله اعلام حسن رضا سنده مر بو طدر (شعر) ای
 کورنلر آنی تشریفمندن اولمک نا امید * کیم بهار عالم آرادر کل سیراب من *
 ای کورن آنی بکا امیدوار او اسلک نوله * صبحدر اول صادق خورشید
 عالمتاب من * مکتوب شریف شرف اتمام بولد قده حضرت مسلم عقبله
 تسلیم ایدوب بیوردیکه ای بنم مهالک شدتده اعظم اعوانم و مضایق
 کر بتده اقرب اخوانم محل مراقت و زمان موافقتدر بوجانبندن امت
 محمد اوزریمزه حجت براغوب اظهار حق ایتیمکه ترغیب ایدر لینه عذرله اهماال
 ایتیمک اولور و بر جانبندن اعدای دین اتفاق ایدوب هلاکیمه قصه ایتیمشیر
 مقاومت ایتیمک اولور سزه فرار ایدوب قنده کیمک اولور (شعر) طوفان فتنه
 قوییدی کلک غرق اولمدن * رخت صلا حمز چکلیم بر کاره یه * اولدجه
 حسن و عقلله تدبیره احتمال * دل شبشه سنی اوزیمه لم سنک خار یه * حالا
 بر نیچه مؤمن کمنه لر مکاتب ارسال ایدوب بزی دعوت ایتیمشیر تغافل
 ایتیمک اولور و تعلل ایتیمکه ناره استیلا یعد و انظنا بولمز صلاح اولدر که
 سن بندن مقدم اول دیار و اروب تفحص ایده سن فی الواقع افعال لر بنی
 اقوال لرینه موافق کورر سنک اعلام ایده سن بن دخی توجه ایدم مسلم عقیل
 حضرت امامک حکم شریفنه انقیاد ایدوب هم اول کون متوجه اولدی

هنوز بر منزل قطع ایتمدن مسلمك جانب یمیندن بر صیاد چیقہ کلوب
الندہ بر صیدی اولوب فی الحال ذبح ایتدی مسلم اول قضیه بی کندویه
مبارك کور محبوب معاودت ایدوب حضرت امامه ایتدی بنم کوفه یه
کتیم صلاح دکل زیرای بویولده بو حاله صتا شدم حضرت امام ایتدی ای
مسلم رضای طریق حق مخاطره در قبول ایدن سالک اولور وهر کوه
مقصود کرداب بلاده در غواص اولانی آکورا کر قوه واهمهك غالب
ایسه بر غیری کسنه تعیین ایدلم مسلم کوردیکه حضرت امامك رضاسی
آنک کتسنده در زیاده مبالغه ایتوب عرض عذرا ایتدیکه یا امام بنم و هم
خوف موندن دکل اما آندندر که من بعد دیدار شریفك کور محبوب
محروم قالم و دولت ملازمتکدن بی نصیب اولوب غربته اولم (شعر)
ای جمالک مطلع خورشید اقبالم بنم * کون یوزکدندر مبارك متصل
قالم بنم * دولت ذوق وصالکدر بنی خوشحال ایدن * بیلزم سندن جدا
دوشسم نولور حالم بنم * حضرت امام دخی بو حاله کریان اولوب طور دی
(شعر) ای کوکل آه ایلہ کم آه ایلک هنکا میدر * ای کوزم قان آغله کیم قان
اغلق ایامیدر * آریلور بندن بو کون حالم پریشان ایلوب * اولکه
کوزنوری کوکل مظلومی جان آرامیدر (قصه) مسلم عقیل دیده کریان
ودل بریانه وداع ایدوب مکده دن جی قوب مدینه توجہ قیلدی حضرت
امام تهیئه اسباب سفر امر نه مشغول اولدی (روایتدر که سبب عداوت
حسین مظلوم مخالفت صوری و معنوبدر اما مخالفت معنوی ایکی
وجهله در بری اولکه آغاز خلقت موجودات و بدایت ایجاد مکنونات
جیع جواهر نفوس انسانیه بردفعه ده مخلوق اولوب تدریجله تنکنا
قوه دن فضای فعله توجہ ایتشلر و مضمون حدیث (الارواح جنود
مجندة) مقتضا سنجہ رنک تنا کرو تعارف طوتمشلا لاجرم سابقه ارتباط
بولوب اول مجمعه بر برینه قریب اولان ارواح عالم اشبا حدیه بر برین
بولدقدہ آرالنده سلسله الفت سابق متحرک اولور وبعید اولنلر بر برین

کوردکده آرالنده نفرت ازلی البته اثر مخالفت صالور هر آینه بو
اقتضادندر اول مخالفتکه عبد الشمس اولادی هاشم و امیه اراسنده ایدی
واول عداوتکه عبد المطلب و حرب اراسنده ایدی واول نزاعکه حضرت
رسول الله و ابو سفیان اراسنده ایدی واول کدورت که علی و معاویه
آراسنده ایدی واول فتنه که حضرت حسین ایلہ یزید پلیدار اراسنده ایدی
و مخالفت معنویهك بروجهی دخی اولدر که ذات پاک واجب الوجود
مصدر صفات جلالیه و جالبه اولوب اقتضای ظهور ایتدکده اختلاف
مظاهر لازم کلوب استعداد نفوس انسانیه استحقاق قهر و اطف ایچون
حکمت مقتضا سنجہ ایکی قسم اولمش بری مستجمع جیع فضائل اولوب
واول ارواح انبیا و اولیا و صلحا و انقیابوری مستجمع جیع ذائل اولوب واول
ارواح کفار و فجار و ظلمه و فسقه و اشرار و اشفیادر لاجرم بویکی گروه
همیشه مخالفت اوزره اولوب حضرت حسین بن علی فرقه اولیندن و یزید
پلیدزمره آخریندن واقع اولمش و مخالفت صوریدخی هر جانبین ایکی
وجهله در اما حضرت حسینك یزیده اظهها خصوصت قیلدیغنک ایکی
وجهی وار بری اولکه چون امر خلافت تصدی اجرای احکام شرعیه
و تکفل تفقد امور عرفیه درو یزید که خیار و فاسق و فاجر اولوب اصلا ارتکاب
مناهیدن اجتناب ایتزدی و رعایت ناموس شریعت طریقن طوتمزدی لاجرم
غیرت امامت و مسند خلافتی انکله الوده روا کورمدی و آنک خلافتنه
رضاو برمدی و بروجهی دخی اولدر که حضرت امام حسن ملاحظه
اقتضای زمان ایدوب منازعه سنده تأخیر ایتدکین بعض کسنه اول تأخیری
صلح صورتی کوروب معاویه ده رایحه استعداد خلافت اشتشمام ایدرکن
اگر حضرت حسین دخی یزیدك بیعتن قبول ایتسیدی بنی امیهك دعوی
خلافتلرینه تصدیق واقع اولوب قطعاشک قالمزدی لاجرم حسین
بن علی نقد حیاتن صرف ایدوب اول سر نهانی ظهوره کتوردی و بنی امیهك
بطلان دعوالرین درجه وضوحه بتوردی و یزیدك دخی اظهار عداوت

قیلدیغنیکی و جهی وار بری اولکه مسند حکومته قرار ایتدکه
حضرت حسینی بیعتیه تکلیف ایدوب حضرت امام امتاع ایتدی
و بروجهی اولکه عبدالله زبیرک برجهله عورتی اولوب زید آنک اوازه
حسن و جمالن استماع ایدوب عاشق اولمشیدی و انواع حبله لرله اول
عورتله عبدالله زبیرک اراسنه مفارقت صالوب طلاق الدیروب تره یجینه
فرست بولمشدی (القصه) ابوموسی اشعری بی ارسال ایدوب اول عورته
طالب اولدقده و ابوموسی بو مصیحت ایچون توجه قیلدقده حضرت
حسینه ملاقی اولوب حضرت حسین ایتدی ای ابوموسی توجهک نه
جانبه در جواب و یردیکه یا ابن رسول الله مطلقه ابن زبیری زید بن معاویه به
مطالبت قیلغه عزم ایتشم حضرت حسین ایتدی ای ابوموسی اگر اول
مستوره زیدک عقدندن امتاع ایدرسه بنم ایچون طلب قبل ابوموسی
حسینک دخی و کائن قبول ایدوب روانه اولدقده عبدالله بن عمر دخی
کوروب بو طریقله سفارش قیلدی (القصه) ابوموسی اوچ شخصک
و کیلی اولوب اول خاتونک حرم سراینه یتدکده خاتون انواع اعزاز
و احترام ایتد کدنصکره ایتدی ای ابوموسی بو بنده خانه به تشریف
بیوردیغکزدن غرض نه اوله ابوموسی ایتدی ای مخدره زمان وای مستوره
دوران سنک کی نازنینه کنج عزالت و کوشه وحدت بکلیوب اوتور مقی
مناسب کور غرض بعض کسسه لر علاقه تزویجکه طالب اولمشلردر اگر رخصت
وار ایسه عرض ایدیم اول مستوره ایتدی ای ابوموسی اهل سعادت
صلا حندن تجاوز مورث شقاونددر خصوص سنک صلا حکدنکه متضمن
کمال سعادتدر ابوموسی ایتدی و صالکه طالب و تزویجکه راغب اولنلرک
بری زید بن معاویه و بری حسین بن علی و بری عبدالله بن عمر و بری بنم
خاتون ایتدی ای ابوموسی بن برنوجوانم و سن بر پیر کهن سال سنکله
خود بنم مناسبتیم بو قدر سن بو غرضدن فراغت قبل و بی غرض
بیان ایتکه اول اوچ شخصدن قنغیسی بکالنسب و الیقدر ابوموسی ایتدی

اگر حکومت مرادک ایسه زیدی قبول ایت و اگر حسن صورت
استرسک عبدالله بن عمر اتصانه رغبت قبل و اگر سعادت آخرت
تمنا قیلورسک حسین بن علیک دامن اتصالن الدن براقمه خاتون ایتدی
حکومت امر زانلدر و حسن صورت فنا به قابلدن خاطر م نجات آخرت
و مصاحبت زهرا به مانلدر پس به وجهله اقرار الوب ابوموسی اول خانونی
حسین ایچون عقد ایتدی و بو خبر مدینه یتدکده محمدرک سلسله عداوت
اصلی اولدی (شعر) چرخ هر فتند کیم استرقبله عالمه عیان * اسهل
وجهله اسبابنه انجام و یرر * الوب اول فتند بناسنک اساسن اول *
روز کار ایله اکا صورت اتمام و یرر * سکن نبی باب مسلم عقیلک شهادتن بیان
ایدر * روایتدر که اول آفتاب ظلمت سوز آسمان رسالت و اول ماهتاب
عالم افروز سپهر سعادت یعنی (یجاهدون فی سبیل الله) طریقنک مقتداسی
(و جاهد الکفار) معرکه سنک عا حب اواسی (شعر) شاه اوان رسالت
ماه کردون وفا * معدن احسان و رأفت منبع صدق و صفای * خازن کنج
شریعت مظهر اسرار دین * سر و کلزار نبوت در درج اصطفای *
بیورمشکه (ان العبد اذا سبقت له منزله لم يبلغها بعمله ابتلاه الله فی جسمه
اوفی ماه اوفی ولده ثم صبره علی ذلك حتی يبلغ منزله التي سبقت له) یعنی
بربنده قابل سابقه فطرته استعداد فطری ایله بدرجه اعلی و بر مرتبه
قصویه قابل اولسه که اول مرتبه بی اعمال صالحه و افعال ستوده ایله
حاصل ایتک ممکن اولیه لاجرم واجب الوجود اول بنده بی بلال ایله امتحان
ایدوب یا امراض جسمانیه به مبتلا قیلر یا فوت اموال ایله اضطراره صابر یا موت
اولاد ایله پریشان قیلر و اول مصیبتلرده اکا صبر و یروب اول صبرله
مستعد ادراک مرتبه مقدر قیلر (شعر) کر تمنا قیلسک ای عارف بلادن
استه کیم * هر بلا ختمنده بیک احسان مقرر در سکا * ایتک اولمز بی بلا
ادراک نیل هر مراد * کر بلا چکسک مراد دل مبردر سکا * فی الواقع چون
دنیا بادیه فنا درو جهم احوالی بی بقادر دنیا ده بلا چکن دنیا دن جعدقده

خلاص اولدیفن ادراك ایتسه شکر ایتزمی وراحتده اولان ترك دنیا
قیلدقده فوت اولان راحت تأسفنگ عذابی اکایتزمی حسین منصور
عارفدن مشهور در که بر کون مناجاتنده دیردی الهی حقینک حقیقون
خرانه بلیاتک ابوابنی مفتوح ایدوب هر نه بلا وارایسه بکاروزی ایت وینی
جمع بلالرده امتحان قبل اگر طریق محبتده عنان ارادتمی ذره جه منحرف
کورسک بنی سلسله اصد قادن اخراج ایدوب مردود ایله حقا که اگر
مقراض ریاضت برله ذره ذره اعضای وجودمی قطع ایتسه لقطعا کمال
ارادتم نقصان اولیه و صورت صداقم تغیر بولیه (شعر) عاشق اولدر کیم
جفا تیغندن اگر اه ایتیه * ذره ذره قیلسه لر اعضا سنی آه ایتیه * قان
ایچه صبر ایلیه هر دم فغان و آه ایدوب * درد عشق یاردن اغیاری آگاه
ایتیه * روح الارواح دن نقلدر که بر کون بر عز یز بر بیمار درو یشک
عبادتته واروب و آتی انواع بلیاته گرفتار کوروب تسلیه طریقیله ایتدی
ای درویش عاشق معشوقک جفال ینه صبر ایتسه دعوی محبتده صادق
دکل درویش ایتدی ای عزیز غلط دیدک عاشق معشوقک بلالردن ذوق
بولسه عاشق دکل (شعر) عاشق اولدر کیم بلا ذوقینی ادراك ایلیه *
عشق دردی دمدم کوکلن فرحناک ایلیه * ای عارف اهل محبت بلایه
صبر ایتکله سائر خلقدن ممتاز اولورلر و ارباب وفا جفا یه تحمل قیلغله حریم
وصاله طریق محرمیت بولورلر (شعر) دعوی محبت ایتک آسان اولمز *
جمع اولمز اگر کوکل پریشان اولمز * عاشق غم اودینه یا تمسه شمع صفت *
مقبول حریم وصل جانان اولمز * عبد الله مبارک روایت ایتمش که بر کون
عزیمت کعبه قبلوب صحرا ده تنه ایورر کن بر طفل کوردم که شمع
رخسارندن آفتاب تابان نور آلودی و کپسوی مشکباری آفتابه سایه
صالوردی متحیر اولوب دیدم (شعر) خضر در بو طفل بالیاس یا آب
حیات * کیم بودر تنه ابولور آتی کورن غمدن نجات * استقبالی ایدوب
سلام ویردم جواب ویردی دیدم کیمسن دیدی حق بنده سی دیدم قنندن

کلورسن دیدی حقدن کلورم دیدم قنده کیدرسن دیدی حقه کیدرم
دیدم بو صحرا ده نه طلب ایدرسن دیدی حق رضا سن دیدم توشه راهک
نذر دیدی تقوا در دیدم بوبادیه خونخواره تنه ایچه تردد ایدرسن دیدی
زیارته متوجه اولد یغم بدن غافل اولمز دیدم ای مخدوم زاده اگر چه
صورته طفل سن امام معنیده کامل کورینورسن ایاقنخی قبیلده دنسن دیدی
ای ابن مبارک بز صورتده کوی محبت بلا کشلری یزو گوشه محنت مشوشلری
یز یعنی مظلوملر و مهموملر زگاه اسنیلای اعدادن خاطر پریشانم مضطر
وگاه وادی غر بته مرآت مرادمن مکدر اما حقیقتده سلاطین قرب
وقبول و سکان سرادقات مقام وصول یزدند رکر میت هنکامه محشر
و یزدند رافاضه انتفاع زلال کوثر (شعر) بز مقاملکینک استقلالله سلطانی یز
* معنی ایله باقی بز صورتده کرچه فانی یز * بونی دیوب نظرمدن غائب
اولدی و خاطر مفرقتندن غایتده کدورت بولدی طواف کعبه
مبسر اولدقده کوردم که اول طفل بر محمد مسائیل حرام و حلال
نقل ایدر حقیقتن سوال ایتد که دیدیلر بو آدم آل عبا و نور دیده مصطفی
و مر تضاد بودر مقتدا ای ارباب یقین یعنی علی بن الحسین زین
العابدین پس خدمت شریفیله مشرف اولوب الن او یوب عذرله ایتدم
یا ابن رسول الله نه کم قبول مصائب بدن و رفعت مر ایتدن شرح ایتد یکر
صریح و صحیح در فی الواقع بلا نشانه قرب و قبول اولمیدی احبایه
نصیب اولمیدی و محنت اقتضای کمال قیلسیدی ارباب طاعته اختصاص
بولمیدی (شعر) قابل فیض بلا شایسته درگاه اولور * هیچ شک یوق کیم
بلا مخصوص اهل الله اولور * بو شرطله که بلا نشانه قرب الهی
و موجب حصول سعادت نامتناهیدر کمال قرب و قبول حضرت رسول
اولاد و اتبا عنه حصرا و لشدر و نهایت علومنزات آنلرده اختتام
بولمشدر زیر ازمره نوع بنی آدم دن بلکه جمله مخلوقات اهل عالم دن هیچ
آفریده آنلر جه بلا به صبر ایتمش و هیچ فرده آنلر جه اثار بلا ایتمش اول

جمله دند ر مسلم عقیل و او لادنك كیفیت شهادت لری و وقایع اند و
مختلری انجمن آرای مجالس محنت و غم * و چهره خراش عرایس ماتم
بوسرودله نوحه بنیاد ایتش و بونوحه ایله شهیدلر ماتنی طوتمش که مسلم
عقیل حضرت امامی و داع ایدوب مکّه دن مدینه یه کلد کده کثرت
مخالفتدن احتراز ایدوب کیجه ایله شهره کیروب حضرت رسولک مرقد
مبارک کترین زیارت ایدوب و داع ایتدی و اول مزار شریفدن کسندو منزله
کتدی (القصة) قرار ایتوب ایکی نورس اوغلی و ارایدی بری محمد نام
سکر یا شنده لطافت حسنله برخوردار شد عالم تاب و بری ابراهیم نام ایدی
یا شنده طراوت رخساره بر لاله سیراب آنلری همراه ایدوب و باقی اطفال
و عیاله و داع ایدوب هم اول کیجه کوفه عزمنه روان اولدی (شعر) آه برق
آسایله برابر آتش بار ایدی * ره گذاری اشک آکندن قو کلزار ایدی *
رهبری کوزیاشی کوس رحلتی صوت فغان * توشه سی غم همی داغ دل
افکار ایدی * چشمی پر خون اشکی کلکون کوکلی محزون قدی خم *
غصه دن هر کون پریشان هر کیجه بیمار ایدی * بو طریقله قطع طریق
ایدوب منازلده و مراحمده انواع مکاره و اصناف شدائد کوروب گاه ظلمت
دود آهله علامه منازل ایدوب عاجز و سرگردان او لمغله و گاه سیلاب
سرسک ره گذارن طو توب متحیر قالمغله برمدند نصکره کوفه یه یتوب دار
مختار دیکله معروف بر منزل نزول ایتدی اشراف واعیان کوفه قدومندن
خبردار اولوب گروه گروه کلوب اظهار شوق ایدرلر ایدی و طریق مطاوعت
کوستروب بیعت آوب کیدرلر ایدی (القصة) جزوی زمانده اون سکر بیگ
مبارز نامی دایره بیعت کیروب دست ارادت دامن تولا سنه محکم ایتدیلر
مسلم عقیل اول طائفه نك مرآت عملارنده صورت اخلاص مشاهده
قبیلوب خاطر جمعه حضرت امامه آنلرک اطاعت و انقیادلرین اعلام ایدوب
حضور شریفن استماع قبیلدی نعمان بشیر که کوفه ده یزید جانبدن حاکم
ایدی مسلم کلوب حسین ایچون خلقدن بیعت آلدیغن معلوم

ایتد کده اهل کوفه بی بر کون جامع کوفه یه جمع ایدوب کند و بالذات منبره
چقوب ندا قیلدی که ای اهل کوفه بوم معلوم اولدی که سزه سلم عقیلی کتوروب
اغاز فساد ایتش سز بو حرکت مناسب دکل یزید حاکم قهار و ملک جبار در
بواحواله اطلاع بولد قدده سزه سیاست لازم کلور و غضب متوجه اولور
کور دیکه مجرد تهمید ایله اول فتنه تسکین بولمز و نصیحتله اصلاح پذیر اولمز
یزیدک کوفه ده اولان مختلصری مثل عبدالله بن مسلم باهلی و عمار بن ولید
و عمر بن سعد یزیده صورت اتفاقیه واقعه بی عرض ایتدیلر بو مضمونله که
شهباز شکار اند از نشین عز و علا حسین بن علی مر تضي فتح ممالك
هو اسبله آشیانه سندن پرواز ایدوب ابتدای عزمنده شهیر نصرت سایه سن
دیار کوفه یه برا قش و اول سرچشمه طوفان جلا ددن بر جو بیار بلا
جانب عراقه آتشد را کرو قتیله بو امره تدارک اولمز سه و وقتیه بودرده
دو بولمز سه مرور ایله سر رشته تدبیر امور الدن کیدر و بو دیارک تمامی
اشراف واعیان اکا توجه ایدر اکر کوفه یه احتیاجک و ارایسه بروالی
صاحب سیاست ارسال ایت یزید یلید بو اخبار ملالت آثاره اطلاع
بولد قدده و بو صورت احواله مطلع اولد قدده توهم زوال نعمت دل بیقرارینک
قرارین آلوب و خوف از الة دوات اول بی ثباتی اضطرابه صالوب دقت تمامله
ملکنک نظامه متوجه اولدی و هم اول ساعت تهمت تقصیر یله ولید
ابن عتبه بی مدینه ایالتدن عزل ایدوب برینه ابن الاشدرقی نصب ایتدی
و کوفه خصوصنده اعظم اعیان بیدوات و اقدام ارکان ناحشمتی اولان
سر حون نام وزیر یله مشاوره قیلد قدده سر حون ایتدی ای خلیفه
اگر مرادک بوفساد رفع اولق و بونائر فتنه انطفاب اولق اینه نعمان
بشیر که بریر حقیر در کوفه دن عزل ایدوب برینه بصره حاکمی اولان
عبید الله زیادی نصب ایتکه اول امر امارتده نادر و دفع هر فساد قادر در
(شعر) خار دیوار ریاض ملک و ملت حفظ یچون * نوک تیغ ابدار حاکم خونریز
اولور * حکم مقدار بجه حاکمه سیاست هم کرک * نیشه کم افراطی هر فعلک

فساد انکیر اولور * یزید سر خونک صلاحن قبول ایدوب عبیدالله زیاده
برنامه یازدردی بومضمونه که حالیا السنه ا حواء صادق وافواه اوداء
مشقه دن بومستفاد اولاند بکه حسین بن علی بنم کی خلیفه زمانک
بعثندن انحراف ایدوب اطراف وجوانه نامه ل کوندروب خلقی کندویه
دعوت ایتکده در خصوص ابصره اهلند و کوفه خلقه اندن نواز شنامه ل
کلوب آنلردن کامکاتب ومراسل کتمکده در ایمدی سنکه عبیدالله زیاده سن
مثال واجب الامثال وارد اولدقده ومکتوب ومضمونی وضوح بولدقده
کر کدر که بواصری نفس بصره ده تفحص ایدوب بوفتنه یه باعث اولنری
بولدورب دفع و رفع ایتد کد نصکره کندو جانبکدن بر معتمد کسنه بی
بصره ده نائب ایدوب بالذات کوفه دیارنه توجه قیله سن واول دیارک
دخی ایالت وحکومتن کندیکه مقرر بیله سن وضبط طور بطنده مجد اوله سن
ویش اولکم بنم خوان التقاتمدن نواله احسانه اولوقت استحقاق بواورسن
وخرانه مر حتمدن تشریف استحضانه اولدم مستحق او اورسن کدمعمار
فراسنک سنک حراستدن اطراف عراقه بر حصار مستحکم چکوب وتردد
اعدار هکذارنه سنک ریزه تد بیرون دارک دوکوب فرصت ویرمه سنکه
حسین بن علینک من بعد نسیم تصویری اول کلزاره کذاریده واول بقعه
اهلندن اکا متواترسل ورسائل کیده و آنده اولان محب ومخلص لرین
بولد یروب دفع و رفع ایدوب عنایتیه امیدوار اوله سن یزیدک مکتوبی عبیدالله
زیاده ایرشد کده اتفاقا هم اولز مانده حضرت حسبنک سلمان نام
برملوکی اولوب مکتوبلر کتوروب بعض کسنه لری طریق حقه ارشاد
ایتمک اشتغالند ه ایدی عبیدالله زیاد واقف اولوب و بعض مسلمانلری
دخی انکله متهم قیلوب قتل ایتد کد نصکره یرینه قرن دشن تعیین ایدوب
کوفه جاننده روان اولدی وکمال اهتمامله عراق حفظنه توجه قیلدی بعض
توارنخده بومسظوردر که اول مفسد کوفه قربنه یتد کده توقف ایتدی
ناکیجه دن ایکی ساعت اولدی پس تغیر صورت قیلوب باشنه بر عمامه

مسکین صاروب و هاشمیلر کی طیلسان براقرب نقابله روانه اولدی
اشراف واعیان کوفه دن مترصد قدوم حضرت امام اولوب انتظار
چکدر اول وضع ووقارله آنی حسین بن علی تصور قیلوب استقبال ایدوب
رکاب همایوننده یوز سوروب دیرلردی (شعر) لمنه الله که مراد اولدی دپسر *
شاد ایلدی عاشق لرینی وصاله دلبر * تبدیل اولوب روز وصاله شب هجران
* خورشید چیقوب ایلدی آفاق منور * واوکنه دوشوب نهایت تعظیم
وتکریمه دار الاماره یه یتد کده نعمان بشیر و هم ایدوب دار الاماره
دروازه سن بغلوب اوزرینه چیقوب آواز یتوردیکه ای نطفه رسول الله
بوفتنه یه باعث اوله و تصور قیله که بوملکی یزید سنک تصر فکده قویوب
تعلیل قیله نه روا برز حتمه ارتکاب ایتد که قرب زماند ضایع اوله (شعر)
عاقل اولدر که ایتدیکی عملاک * فکرایده ابتداده انجامن * اودکل کیم
تأمل ایلوب * کچوره غفلت ایله یامن * حالا صلاح اولدر که بویکیجه بر غیر
منزلده آرام طر توب استراحت قیله سن صباح اولدقده نه کیم صلاح
ایسه عمل اولنه اهل کوفه نعمان بشیره طعن ایدوب تهدید ایدرلر ایدی
ای بد نجت بوحسین بن علی مرتضی و نقد بر کزیده مصطفی ادر دار الاماره
دخولندن منع ایتد و طریق مخالفت و معاندت طومنه مسلم عقیل اول
مجموعه ایدی حقیقت حالی معلوم ایدوب ندا قیلدیکه ای قوم بوشخص
حسین بن علی دکل مفتونی اولمک حبله سنه اعتماد قیلک عبیدالله زیاده
هجوم عایدن احتراز ایدوب چهره ناپاکندن نقاب الوب کندیسن اظهار
ایتد کده نعمان بشیر اندن واقف اولوب دروازه قصری آچوب عبیدالله
زیاده قصره کیروب سائر اهل کوفه نومید اولوب متفرق اولدیلر و گروه گروه
کندومنز لارینه توجه قیلدیلر صمد کصدای کوس نوبت سلاطین
ظالم پیشه دیده سکان سر ایز را حندن خواب غفلت الی وزمره فساد
صبوحی کش دماغ ارباب لهوه دغدغه تردد فساد صالیدی عبیدالله زیاده
استقلال ایله مسند حکومته قرار طوتوب واعیان و اشراف کوفه یه توقیع

حکومت و ایالتی ابراز ایدوب کا ه مواعید اشفاق و الطافله جبار کسر
 قلوب اولدی و گاه و عید و تهدید ایلله انلری سیاستدن خبردار قیلدی مسلم
 عقیل بو حالتدن خبردار اولدقده خاطر شریفنه و هم مستولی اولوب دار
 مختاردن چیقوب هانی بن عرو و منزله کلوب ایتدی ای هانی بن بو ملکده
 غریم و سندن غیری به اعتمادا ایتمزم و حالا بو احوالک سرانجامی
 معلوم اولنه دك بکاسنک منزله کده اولق مناسبدر هانی بن عرو و مباها تله
 قلوب اول حضرته کند و سراینده مناسب منزل تعیین ایدوب و اول
 شرفدن افسر عز و اعتباری آسمانه یتدی هم اول دائرة بیعتنده اولان
 مخلصه ملازمته تردد ایدر لردی و خدمته کلوب کیدر لردی اما عبید
 الله زیاد اول مدبر پر فساد شام و سحر مسلم تجسس و تفحصنده اولوب
 برکون منضل نام مملوکنه ایتدی ای مفضل مسلم بوشهرده اولوب
 حسین ایچون خلقدن بیعت آلدیغن تحقیق ایتشم اما بلزم قنده در
 اگر تجسس ایدوب معلوم اید جک اولسک سنی مالدن آزاد ایدرم
 بلکه انواع الطافله دخی بر مراد ایدرم مفضل بی دولت اول خدمتی
 قبول ایدوب تجسس ایدر کن برکون جامع کوفه ده برپا کیره صورت
 مؤمن کوروب خاطر نه جزم ایتدی که بو مسلم متعلقانندن اوله جقدر
 حضور نه کلوب ایتدی ای مؤمن پاك سیرت بن معتقد حسینم و بیک الحقه
 نذر ایتشم و کتور مشم که مسلم و یرم اما بلزم که قنده در بر لطف ایت آنی
 بن فقیره کوستر (شعر) کردن کرم ایت سلسله قیدی کتور * لطفات
 ایلله بنی منزل مقصوده یتور * اول مؤمن ایتدی ای عزیز بونجه خلق
 ارا سنده نه بلدک که بن شیعه حسینم مفضل ایتدی حسن خصا لک
 و لطف افعالک شهادت و یردی اول مؤمن ساده دل غافل آنک قولنه
 تصدیق و یروب ایتدی ای عارف غلط ایتدک بن اول طائفه دئم و بکام مسلم
 عو سجه دیرل (شعر) ای بسا صدق کیم ضرر یتور * قائله محنت و
 ملا کتور (القصة) مسلم بن عو سجه اول ملعونی الوب مسلم عقیلک

خدمته کتوردی و هادی توفیق اولوب منزل مقصوده یتوردی مفضل
 مسلم دیدار نه مباها ت قلوب الی او پوب نذرن ملازمینه تسایم
 ایدوب مصحف کتوروب قسم یاد ایتدی بیعت الوب اندن چقد قنده
 عبید الله زیادی اول احوال دن واقف ایتدی عبید الله زیاد اول واقعیه
 مطلع اولدقده فی الحال مجمع عام ایدوب اول مجمعده اسمای خارجه دن
 و محمد اشعث دن هانی بن عرو و نک احوال استفسار ایدوب ایتدی اول قنده
 در که کور نمزدیدیلر یا امیر بیک حضور در این زیاد ایتدی اول بیک حضور دکل اما
 ایشتم برمانعی و ارنه قدر مانعی و ارا بیه بر آرزمان مجلسه کلمک اولزمی
 هانی بن عرو و یه خبر کوندروب عبید الله زیادک شوقن اظهار ایدوب
 حضورن لازم ایتدیلر هانی بن عرو و عزیمت ملاقات ایدوب منزلندن
 یحییوب قصر اماره یه یتد که ه اصحابه ایتدی ای عزیزل بو کون
 بو قصر دن بنم کوکله برو هم مستولی اولدی عجب بو کون بو قصر دن بکا
 بر ضرر ایشمه اصحاب و احباب اکا تسلی و یروب ایتدیلر خاطرک تسلی
 ایت نوله جقدر هانی بن عرو و قضا یه رضا و یروب و دائرة تسلیم و تفویضه
 کوروب مجلسه قدم باصوب سلام و یرد که ابن زیاد آنک سلامن کایه ایلله
 الوب اکا صورت غضب کوستردی هانی ایتدی ای امیرنه واقع اولدی
 ابن زیاد ایتدی نه واقعیه بوندن زیاده اوله که مسلم عقیلی منزله کده پنهان
 ایدوب زمان زمان خلقی بیعتنه تکلیف قیلوب ملک احوال پریشان ایدرسن
 هانی انکار ایتدی عبید الله مفضل حاضرا ایدوب اکا انفعال و یردی
 هانی کور دیکه انکاره مجال یوق معترف اولوب عذرله ایتدی ای امیر
 حقا که آنی بن اختیارله منزله کتور مدم کند و استیلا شو کتکز دن
 متوهم اولغین بنم منزله پناه کتور بکادخی آنک منعندن حیا مانع
 اولدی ایمدی چون بنم منزله آنک اولدیغنه رضای شریف کز یوقدر
 مراجعت ایتد که اخراج ایدیم عبید الله ایتدی هیهات سن مسلمی بکا
 کتوروب تسلیم ایتیمجه کتمک ممکن دکل هانی ایتدی بوهر کره سیر اولز که

بن مسلمان سکا تسلیم ایدم عید الله غضب مستولی اولوب آنک حبسنه
امر ایتدی اسمای خارجه فریاده کلدی که ای غدار نابکار وای بدعهد
جفا کار بز بودردندی بو عهدله و بو شرطه مجلس که کتور مدك حالا بونه
عملدر عید الله زیادك غضبی زیاده اولوب اسمای خارجه یه یدالر ایتدروب
بیور دیکدهانی بن عروه نك بدن ضعفن عریان ایتدیلر و بشیوز تازیانه
اوروب عقابه چک یلر هانی بن عروه سکسان طغوز باشنده برپیر ایدی
صحبت رسول الله ایله مشرف اولمش معتمد صاحب توقیر ایدی حضار
مجلس استشفاع ایدوب آنی ایندر دیلر یوزینه دوشد که هر حجه
واصل اولدی (شعر) قیلدی جلاد فلک خوز بزلک بنیادی * ایتدی
ظاهر دور ظالم عادت معتادینی * باغبان دهر آ چوب خون جگر
سر چشمه سن * قالله سیراب قیلدی کلشن بیدادینی * بو خبر مسلم عقیده
ایرشد که اول حضرت ایکی اوغان شریح قاضی اوینه کوندروب کندو
استعداد حر بله مهیا اولوب دائرة بیعتنده اولان یکجه تلمذند ایتدردنیکه
ای طریق مساعدته مردانهیم دین سعادتندلر وای میدان مجاهدته
سر بازاری دعوا سن قیلن سربلندلر (بسم الله) یه کون اظهار عقیدت
کونیدر و بودم اثبات جلالت دمیدر (روایتدر که فی الحال یکرمی بیک
مقداری سپه خونخوار و مبارز خنجر گذار استعداد در زلمه مسلم حضورنده
قصر اماریه متوجه اولدیلر اول قصر رفیع البنانی نکین خانم کی احاطه
قیلایلر عید الله زیاد اول حاله وقف اولوب که وقصر ایچنده قالوب سائر
عسکره محمد کشیری سر کرد ایدوب رخصت مقله و محاربه و یردی ایکی
جانبدن نیران محاربه اشتعال بولوب وهنگامه رزم کرم اولدی (مثنوی)
افسر رایت اولدی کردون سایی * چقدی چرخ بریند ناله نای * کوس
فریادی اولدی عالمگیر * مرده موت و بردی صوت نفیر * قوم یوب برده
نعل رخس دفین * عرصه محشر اولدی روی زمین * بس که طیراغه
چرخ کج فقر * خلقک آب حیاتی ایتدی نثار * یچوب اجزای خالک آب

حیات * دیر بلوب اولدی قابل حرکات * ریوزندن قوب سها مانتد *
ایلدی میل آسمان بلند * ظلمات ایتدی رزمکاهی غبار * روز رزم
اولدی کردن شب تار * اول شب تاره شمع رزم افروز * اولدی نولک سنان
عالم سوز * اول معر که بر شو رومهلکه برقتور و نو باوه کازار بنی خلیل
یعنی ا شجع صنادید عرب مسلم بن عقیل سمند کوه تمکین برق سیرایله
جولانه کلوب برالنه افیء رخ خونخوار و برالنه ازدهای تیغ صاعقه
کردار آلوب هر حله ده برجله یه زهر فنا یحورردی * وهر نعرده برکروهک
طیورارو احن آشیان بدندن اوچورردی (مثنوی) دوزدی که بمن و که
یساره * صالوردی لرزه خصم یقاره * دما - م رزم بازارن ایدوب تیر *
دو کردی قان چالردی تیغ خونریز * اورردی حیدر کراردن دم * آنک
رزمنده بر زال ایدی رستم * عید الله زیاد که قصر دن معر که یه نظاره
قیلوردی و مسلم عقیلک کیفیت شجاعتن یلوردی کندی لشکر ن مغلوب
و مسلم لشکر ن غالب کوروب حضورنده اولان رؤسای کوفه یه حکم
ایتدی که اهل کوفه یه تهدید ایدلر پس کثیر بن شهاب و محمد بن اشعث و شمر
ذی الجوشن کی بدبختلرند ایتوردیلر که ای اهل کوفه بودم شامدن کلن
لشکر بحساب و جابه توجه ایتشلردر بلکه حوالی شهره یتشلردر و قدر که
جمیع اهل و عیالکرا سیراوه و جمله مال و منالکرا نقصان غارت بواه کند و کره
رحم ایدیکر و فرصت واریکن هر بریکر بر جابه کیدی کر (شعر) رعد
و برقله بوسحرا یه توجه قیلمش * مرک بارانی یا غدر مغه بر تیره سحاب *
قویک ای غمزه لر سبل کذر کا هندن * کندن صوبه فراغت اوی مانند
حباب * اهل کوفه که ذاتلرند ثبات اعتقاد و غیدی بو حکایتدن متوهم
اولوب کروه کروه عزیمته توجه قیلدیلر پروین کی جمع ایکن بنات النعش
کی متفرق اولدیلر (القصة) آفتاب غروب اولنه دیکرمی بیک مبارزدن
اوتوز نفر قادی و آنلردخی مسلم نمازه مشغول اولد قده کیدوب مسلم
تنها قالوب متحیر اولدی جسمی آلت حر بدن آزرده و حالی اندوه غریب بدن

افسرده اضطرابه شهر دن چقمق قصده تردد ایدر کن سعید بن احنف
اول حضرت او غریب ایتدی ای سید احتیاط ایله که ابواب شهر سرهنکر
تعمین اولوب سنک قصد کده درلر مسلح ایتدی مصلحت ندر سعید ایتدی
ایتمه کل مسلم متابعت قیلوب سعید مسلمی محمد کثیر منزله کتوروب اعلام
ایتد کده محمد کثیر چقبوب منت تمامه اعزاز واحترامه مسلم عقیلی اونده
پنهان ایتدی اول کیجه کیدوب صبحدم که معمار سرای آفرینش قصر
لاجورد فامی زراود ایتدی و خنجر شعاع خورشید ایله شبستانلر
شمعنک قطع رشته حیاته وعده یتدی (شعر) پرده ستری نسیم صبح
بر باد ایلدی * فتنه بی بیدار ایدب بیدادی بنیاد ایلدی * عید الله زیاد
غمازدن وجاسوسلردن اول احوالی معلوم ایدوب محمد کثیر مجلسه
کتوروب ایتدی ای محمد کثیر سنک منزله کده در مسلمی کتوروزنک سکا
سیاست ایدرم محمد کثیر صاحب شوکت کسینه ایدی کثرت قبائلته اعتماد
ایدوب جواب و یردیکه ای ابن زیاد بن هانی بن عروه دکیل که بکا حکمک
جاری اوله بوسوزده ایکن صدای نای رزمی و خروش کوس حربی عالمه
غوغا بر اقدی عید الله زیاد ایتدی بونه غوغا در دیدلرای امیر محمد کثیر
اقوامی مسلح اولوب اون یک نفر مقداری مبارز قصر اماره به متوجه
اولدیلر و جدال و قتاله عزیمت قیلدیلر عید الله زیاد اول فتنه دن توهم
ایدوب محمد کثیر اوغان یاننده محافظه قیلوب کسندوبه رخصت و یردیکه
چقبوب قومه تسکین و ره محمد کثیر قصر دن چقبوب قومه تسکین
و یروب منزله کده سلمیان خراعی و مختاری ابو عبیده و رفاعة بن غارب
حاضر اولوب ایتدیلرای عزیزان قله جهد ایت که یارن او غلامکی بو ظالم
قیددن قورزلم و مسلمی آلوب کندی قیله مزه کیدوب بر عظیم لشکر
جمع ایدوب حسین بن علی ملازمته و راه محمد کثیر اقوامیله بومصلحتده
قرار طوتمش ایکن اتفاقا جانب شامدن عاصم بن طفیل که عید الله زیادک
معاونتنه مقرر اولوب کلوردی اول زمانده اون یک مبارزه یتوب عید الله

زیاد اول لشکر قوتیله ضرور اولوب محمد کثیرک احضارنه امر ایتدی
محمد کثیر دخی اونوز یک نفر مقداری لشکر قومندن حاضر ایدوب قصر
اماره به متوجه اولدی اما لشکر بن طشره ده قیوب کیدو و تنها قصره کیروب
عید الله زیاد له ملاقات ایتدی عید الله زیاد ایتدی ای محمد کثیر مسلم عقیلی
سورمه سین یا کند و جانکی محمد کثیر ایتدی ای ابن زیاد مسلمک جانی الله
حفظنده درو بنم جانم اونوز یک مبارز حصارنده در عید الله زیاد آنک
بوسوزندن غضبناک اولوب برد و اتله اوروب لسخه سرنوشت تقدیر اولان
چبین مبارکن بخرج ایتدی محمد کثیر دخی بی محابا تیغ آبدار چکوب
عید الله زیاد حواله قیلد قده اعیان کوفه ارایه کیروب برنوبت حائل
اولدیلر ایکنی کره تیغ حواله قیلد قده عید الله زیاد فرار ایدوب ملازملردن
برن هلاک ایتد کده عید الله زیادک دخی ملازمیری اول پیر ناتوانی اورنایه
آلوب چوق مقاتله دن صکره شهید ایتدیلر رحمة الله علیه (شعر) ای خوش
اولکیم تقد جان بزنده اهل مال ایتدی * رخت بختن قید ملک و مالی
پامال ایتدی * حق یولنده طوتمدی خار تعلق دامن * پای بند ملک
اولوب اندیشه مال ایتدی * محمد کثیرک اوغلی اول حالی کوروب دلبرانه
حر بلر قیلوب باباسنک انتقامن آلدقد نصکره بر نامر دک سنان زهره
شکافیه شهادت بولدی (شعر) اول نهال نورسی صندردی دوران ای
دریغ * قیلدی اول کنجی فلک خاک ایچره پنهان ای دریغ * لعله خساری
خورشید جهان افروز ایکن * ایلدی پنهان محاب کرد حرمان ای دریغ *
بو حاله مقارن عید الله زیاد امر ایتدیکه قصرک قیوسن آچوب لشکری
طشره چقبوب محمد کثیرک لشکر یله جنک ایدلر اول دلاور لر دخی تقصیر
ایتموب صبحدن شاهه دک عسکر کوفه ایله لشکر شام بر جدال ایتدیلر که
دیده روزگار آنک کی کارزار کورمش دکل (شعر) فتنه دریاسی ینه موج
اوردی طغیان ایلدی * امن ملکن غرقه سیلاب طوفان ایلدی * نو بهار
فتنه دن آچلدی آفت کلری * سبل خون هر پان علم سرون خرامان

ایلدی * صفحه تصویری نیک هر گوشه نقاش اجل * صورت بیجانی زیب
لوح میدان ایلدی * عرصه هیجاده دوشد که مبارز کشته سی * باد پانعلی
حد حفر ایتدی پنهان ایلدی * قویدی بر غوغا که زخی ناولی بیداد تیغ *
چوقلری اول رزم عز شدن پشیمان ایلدی (آخر الامر عبید الله
زیاد ایتدی بوقومك جدالی محمد کثیر ایچوندر باشن قلعه دن طشره
آنک کوروب تسلی بولسونلر محمد کثیرک و اوغلنک دخی باشلرین قصر دن
طشره براقده اهل کوفه کوروب نومید اولوب پریشان حال گروه گروه
متفرق اولغنه باشلایلر کیجه اولدده اول اشکر کثیر دن دیار قالمدی مختار
ابو عبید کوردیکه عنان اختیار الدن کتدی اقوامیله قبیله بنی سعده
یوز طوتدی و سلیمان سرد خزاعی لشکری مغلوب اولدیغن بیلدی اولدخی
بر یکا عزیمت قیلدی چون مسلم عقیل محمد کثیرک شهادتی و لشکرینک
متفرق اولدیغن معلوم ایتدی ملول و محزون اولوب دیردی (شعر)
ای فلک بر کون بنم رأیمه دوران ایتمک * درد چوق ویردک ولی بردرده
درمان ایتمک * هیچ منزله بنم مخلصلم جمع اولدی * کم برانگیر ایله اول
جیحی پریشان ایتمک (القصه مکدر و مضطرب منزلدن چیقوب شهر دن
چقمغه یوز طوتدی کیدرکن یولده محکم بن طفیلک عسکر نه صتا شدی
اندن مر اجعت قیلوب بر غیری یکا توجه ایتد کده محله دار ربعد خالده
بن زیادک لشکرینه اوغرا دی کوردیکه هر یکا توجه قیلسه لشکر درنا چار
دلیرانه بر جاعت قلبنه اوروب چیقدی اما بر محله به دوشدیکه اول محله نک
شهر دن چقمغه یولی یوغیدی و اول محله ده منافق چوق ایدی بر بد بخت
آنی اول هیبت و صلابتله کوروب مسلم اولدیغن بیلوب فی الحال عبید الله
زیاده اعلام ایتدی عبید الله زیاد نعمان حاجی الی مبارزله آنک
قبضنه روان ایتدی امام مسلم کیدرک کوردیکه یول چقمز مر اجعت
قیلدده کوردیکه نعمان حاجیک قوللری کلور ناچار آتندن اینوب
بر خراب مسجده پناه کتوردی نعمان حاجب مسلم مر کین بولوب

کند و سندن اثر بولوب عبید الله کلوب خبر و یردی عبید الله تمامی
شهره منادیلر بر اغوب حکم ایتدیکه هر کیمک اوند مسلم عقیل چقا جق
اولور سه سیاسته مستحق اولور و هر کیم بولوب کتور رسه بندن جمع
مرادن بولور اما مسلم عقیل فقیر اول مسجد ویرانه اول کون قرار
طوتوب شب ظلمانی که زال زمانه شمع جهان افروز آفتاب عالمسابی
شبستان مغربده نظر دن نهان ایتدی و دامن کردونی غریبلر و بیخانمانلر
دود آهی طوتدی مسلم سر کردان اول مسجد ویرانه دن چیقوب طریق
نجات استیوب هر طرفه تردد ایدرکن بر صالحه عورتک منزله یتوب
تسکین حرارتی ایچون بر شربت صو طالب ایتدی اول عورت
صو کتوروب ویرد کد نصکره ایتدی ای عزیز بوشهر بر غوغا و شهر
اولشدر و بومملکت حالا فتنه ایله طولشدر بنم منزله او کندن کیت که
بکامو جب تهمت اولیه سین مسلم ایتدی ای صالحه بن غریبم کسنه
بیلزم اما خاندان نبوت و ولایت دن ممکن اولرمی که بکا منزلکده بر پناه
ویره سین و بنی حفظ ایدوب بر ثوابه کیره سین عورت ایتدی سکا کیم دیرلر
مسلم ایتدی بن مسلم عقیل اول عورت مسلم ایدی ترجم ایدوب الن اویدی
وایاغنه دوشوب حرام سر اینده منزل تعیین ایدوب خدمته قیام ایتدی
مسلم عقیل اگر چه آنده قرار ایتشیدی اما خاطر شر بی جمع جوانب دن
متفرق ایدی کاه حسین بن علی خیالنده ایدیکه آیا اول مظلومک
بوظالم لاله احوالی نیه منجر اوله * و کاه اولادی اندیشه سنده ایدیکه
آیا بو غریبده انلرک رعایتلرین کیم قیله * و کاه کند و فکر نده ایدیکه آیا بنم
کیفیت عالم نه صورت بوله * بو تفکر لاله کاهی دل پر آتشدن آه حسرت
چکردی و کاه دیده نمیدنه دن اشک ندامت دو کردی (روایت در که
اول عورت صالحه نک براوغلی وارییدی نابکار بد کردار اولدخی انعام
واحسن و التفات امید یله مسلم مطالبنده ایکن مطلوبی مبسر اولوب
تعینک منزله کلد کده اناسن خوشحال کوروب سبین سوال ایتد کده

اول صالحه ابتدای ای فرزند سعادتمند دولت عقی بزوجه ایدوب مسلم
عقبی بزم بنده خانمزه پناه کتور مشدر ان شاء الله تعالی قیامت کونی انک
سعادت سرامی بزم پناه از اولی مقرر در * اول بدبخت هیچ جواب
و یرمیوب صباحه دك تحمل ایدوب علی الصباح که حدود ششمه
خورشید مفتاح ابواب نرد اولدی وانکیز فتنه و فساد ایچون غماز
اولان سلاطین ظالم پیشه قربنه رخصت بولدی اول ملعون عیدالله
زیاده صورت حالی بیلدروب عیدالله زیاد عمر بن حارثه امر ایتدی که محمد
اشعث ایله اوچوز آدم تعیین ایت مسلم عقبی طونوب کتور سونلر و آنک
کدورتی مرآت ملکدن کتور سونلر محمد اشعث اوچوز مبارزه اول
عورتک عفت خانه سن محاصره قیلوب مسلم نمازده ایکن صدای سم
سنور استماع ایدوب یرندن طوروب سلاحن مرتب ایدوب طشره چقد قدده
اول کروه مخالف مسلم حمله قیلدیلر و اول اختر برج نبوت آفتاب عالم تاب
کی تنها تیغ آتشبارله جولان ایدوب هر طرفه عزم ایتسه ستاره وار
پریشان ایتکله اوچوز مبارزک اکثرین هلاک ایدوب تنه سن هراسان
ایتدی محمد اشعث ابن زیاده پیغام ایتدی که بکامدد کوندن ابن زیاده ایتدی
ای نامرد اوچوز آدم ایله برآمده حریف اولمق نه دون همتدر طوت
کتور بوخسه بوخسته غیر تعیین ایدرم محمد اشعث کوردیکه محاربه ایله
فرصت بولمز و سیرغ قاف شجاعت ضرب دسته صیدا اولمز حمله ایله
ایتدی ای مسلم بوجدلدن نه حاصل اولور بیلور سن که جیع لشکر شاهه
سن تنها حریف اولمز سن باری سلاحک بر اقوب کندیکی بکاتسلیم ایله
سنی التوب عیدالله سن کچون امان استیم مسلم ایتدی ای نامرد بن سنک
امیر کدن امان استمزم بیلور مکه غداروبی رحدر (القصة) آنک حمله سن
قبول ایتیموب مبارزت میداننده جلادنده قصیر ایتدی لشکر اول حالی
کوروب بعضی یر یوزنده انکله جدال قیلوب و بعضی ظالمزه چیقوب ژاله
وار اول کلبن باغ دولته طاشلر یا غدروب لاله وارا اعضا سنی پاره پاره واندانی

چاک چاک ایدوب باران کی اوقلر تو کلکدن کلبن جسمی بر غنچه پیکان
اولدی (القصة) اول شاهباز اوج سعادت کثرت سهام اعدادن بال
و پر پیدا قابوب جانب فردو س پرینه پرواز قیلقدده ایکن و اول معدن
جوهر شهادتک خزانة جسم شریفی تیغ مخالفدن روزنلر آچوب نقد روح
لطیفی نثار مرده شهادت اولقدده ایکن ناگاه بر حرامزاده بر طاشله جبین
مبارک کربین مجروح ایدوب محاسن شریفلرینه قان روان اولدی اول زخک
زحمتی اوز که زخملره اضافه اولوب مسلمی غایتده سست ایتدی آند نصکره
بکر بن حمرانک دیوار سراینه پرتو آفتاب عصر کی تکیه قیلدی بکر
ابن حمران بدبخت اوندن چیقوب بر تیغ بی دریغ اوروب لب مبارکن غنچه
دهانندن برک کل کی جدا قیلدی مسلم دخی اول حرامزاده بی برضربله
هلاک ایدوب ینه دیواره تکیه قیلدی و کند ویه مشغول اولدی
اما غایتده عطش مستولی اولغین بر شربت صوالتاس ایتدی اول
قوم بی رحم اصلا التفات ایتیموب آخر الامر بر عورت رحم ایدوب
بر قدح صو اول چشمه حیاته صوندی مسلم اول صوبی ایچمک تدارکننده
ایکن لب مبارکندن قدح دیده عشاق کی پر خون اولدی اشک حسرت
کی آتی توکک لازم کلدی اول عورت بردخی قدحی دولدروب
و یردکده اول دخی قانله طولوب اوچخی نوبته غلبه عطشیدن مبارک
دیشلری کوهر کی درج دهانندن قدح ایچنه توکلدی مسلم صودن
ال یوبوب بیلدی که بومر ده شربت شهادتدر پس بر حرامزاده غافل ایکن
کلوب برضرب نیره ایله اول سرافرازی کیرو یا نندن یوزی اوزره براقدی
و هر طرفدن هجوم ایدوب اول شیر پیشه شجاعتی طوندیلر و قیلدقلری
عهد و بیانی اوتدیلر (شعر) طوندلی آفتاب اوج دولت * زمانه نیره
وتارا اولسونی * آیقندن دوشدی سروکلشن دین * انکچون دیده خونبار
اولسونی (القصة) مسلم عقبی مقید ایدوب عیدالله زیاد حضورنه
کتوردیلر اول حرامزاده ایتدی ای مسلم نیچون امام زمانه خروج ایتدک

مسلم ایتدی ای ظالم بدبخت امام زمان حسین بن علیدرو بن آلک فرمانیه
بوشهره کلمه المنه لله بر امامك خدمته اقدام ایتشم که طریق رضاسنده
اولسم شهیدم و اگر اولدرسم غازی یم ای ابن مر جانہ بلورمکه بنی قتل
ایدرسن زیرابی رحمن حالاسندن بر التماس وار برکسنه تعیین ایت قبیلہ
قریشدن برقاج وصبتم و اراد اقبیلہ یم عبیدالله زیاد اول التماسی قبول ایدوب
عمر بن سعدہ امر ایتدی که وصیتن استماع ایدہ مسلم ایتدی ای عمر سکاوج
وصبتم وار بری بو که بوشهرده یدی یوز درم دینم وار و بنم آتم نعمان
حاجبده در آلوب دینگی ادا قبیلہ سن ایکچی وصبتم اولدر که بنی قتل
ایتد کد نصکره جسدی دفن ایتدیره سن اوچینی وصبتم اولدر که بکاواقع
اولان احوالی یازوب حضرت امام حسبنه ارسال ایدوب تنبیه ایدہ سنکه
بوجانبه متوجه اولیه وصبت تمام اولد قد نصکره عبیدالله زیاد ایتدی
کیمدر که مسلم عقبلی چیقروب قتل ایدہ بکر بن حمران ایتدی یا امیر بو بنم
ایشمدرزیرا بو بنم بو کون اتامی قتل ایدوب بدریس مسلمک النندن طوتوب
طشره چیقردی و مسلم مکہ به قرشو صلوات کنوروب او توردی و توجه
جانب حسبنه قیلوب اظهار نیاز ایلدی که السلام علیک یا ابن رسول الله بنم
حالم بودر آتاسنک حالت ندرم ادم بو ایدیکه ملازم مکده نقد جان نثار ایدم
المنه لله که مبرسر اولدی و بو خصوصده قیلدیغیم دعا درجه اجابت بولدی
وزبان حال ایلہ بو ایاتی انشا قیلدی (شعر) بقعه بطحایه بر اطف ایلوب
وارای صبا * قبل حسبنی حال زار مدن خبردارای صبا * کور بنی کو کلمده
یوزیک درددل اوستمه تیغ * نیجه کیم کوردک اکا شرح ایلہ زهارای صبا *
جهد قبل منع ایلہ اول مظلومی میل کوفه دن * اوپ یاغن چز کنوب
باشبنه یلوار ای صبا * بن خود اولدم مبتلای محنت اعدای دین *
اولسون بو محنته اول هم گرفتارای صبا * پس واجب الوجوده جدو ثنا
واهل کوفه یه نفر بن و ناسر ایدوب کلمه شهادت عرض ایدوب منتظر
اولد قدہ بکر ابن حمران استدی که اکاشمشیر حواله قبیلہ اللری تریوب

النندن تیغ دوشدی عبیدالله آندن خبردار اولوب سبب سوال ایتد کده
ایتدی ای امیر قتلنه مباشرت ایتد کده مقابلہ بر مہیب کسنه کلوب
پره غن دیشلیوب تأسف ایدردی بن آندن و هم ایتدم عبیدالله زیاد تبسم
ایدوب ایتدی ای ابن حمران هنوز دخی جاہل سن جون خلاف عادت
بر عمل ایتک استرسن دهشت سکا غالب اولور پس بر غیری کسنه یه
امر ایتدی اولدخی کلد کده اول شخصی کوروب زهره سی جاک اولدی
آخر الامر شام اهلندن بر امر دکلوب اول مظلومی شهید ایتدی (شعر)
آه کیم رایت اسلام نکونسار اولدی * کون باتوب دیدہ احبابه جهمان
تار اولدی * کهر فیض شهادت اله کیرمز آسان * نقد جان و پردی اکاکیم که
خریدار اولدی * روایتدر که عبیدالله زیاد مسلم عقیلک وهانی بن عروہک
جسدلر بن قنار ملره عبرت ایچون آصدیروب باشلرن شامہ کوندروب
یزیدہ واقع اولان صورت حالی عرض ایتدی یزید علیه اللعنه اطلاع
بولد قدہ بشارت لرایدوب اول عز یزلک باشلرن دروازه دمشقه اصدردی
(شعر) فر حدن کلر آجلدی ریاض شامہ اولدم کیم * دو کادی هر طرف
توپراغنه مظلوملر قانی * سر خونین آصلدی هر طرف دروازه شامہ *
بزندى تکره لعلیله اول شهرک کر بیانی (آند نصکره عبیدالله زیادہ برنامه
ارسال ایتدی که آفرین سکا و اقدامکه و اهتمامکه حقا که جمیع افعالت بکا
مرضی و مستحسندر ایتدی بویله استماع اولندیکه حسین بن علی حجازدن
جیقوب عزیمت عراق ایتشم بو صورت واقع اولد قدہ کمال احتیاط و نهایت
احترازله جمیع طرق و شوارعی مضبوط ایدوب ابواب فتنه یی مسدود
ایتکه جهدا ییدہ سن و هر نه وجهله اولور سه دفع و رفعن کنندیکه لازم
بیله سن عبیدالله زیاد یزیدک مواعید و احساننه متضمن مکتوبی کلد کده
غایبده خوشحال اولدی و حسب فرمان حضرت حسبنک دفع و رفعنه
مقدمه لرتیب ایتکه شروع قیلدی (روایتدر که عبیدالله زیاد مسلم
عقیل امر بن سرانجام ایدوب فارغ اولد قدہ غمازل اول ملعونه اغماز ایدوب

دیدار که مسلمک بوشهرده ایکی اوغلی وار اول بدیخت ندا ایتردی که
مسلمک اولادی قنده اولسدل طونوب کتوره یین سپاسنه مستحق اولور
شریح قاضی اول نهیدیدن توهم ایدوب تدارک احوال ایتمک ایچون اول
معصوم و ملری طونوب حضورنه کنورد کده اختیار سر کر یان اولوب فغانه
باشلیدی شاهزاده لر اول حالته متخیر اولوب سبب سوال ایتردی کده ایتردی
ای معصوم و مظلوم (شعر) بلا سبلی ثبات و صبر بنیادن خراب ایتردی *
سهم برقی محبت اهلنک بغرن کباب ایتردی * برافشیدی قضا بو کشوره بر
درج پر کوهر * زمانه صندروب اول درجی قصد در ناب ایتردی * شهرزاده لر
بو کایه دن مسلمک شهادتن تحقیق ایدوب اتفاقله بر زمان ناله و افغان
ایتردی لر بر زمانه نصکره دست تضرعه شریح قاضینک دامننی طونوبیلر که
ای مخدوم (شعر) آغاز عمر و موسم عبش و نشاط ایکن * چرخ
سمر و ایتردی بری مبتلای بیم * احوال مر نور بیده لم قنده واره لم * هم طفل
و هم غریب و هم آواره هم بنیم * قاضی ایتردی ای مظلوم لر عبیدالله
زیاد سزک طلبکرده دروین بودیارد محبت اهل بیتله مشهورم اگر
احتیاط ایتم معذورم اولیه که دشمنلر بر فساد فرصت بوله لر و تغلب
و تسلطه سزی بدن آله لر حالا بوسلای کور مشم که سزی مدینه جانینه
روان ایدم هر آینه اول شهرزاده لر تسلی و یروب و بره مقدار سیم و زر همراه
ایدوب اسد نام اوغلنه ایتردی ای فرزند عزیز اشد مکه دروازه عراقده
بر کاروان جمع اولوب استدعای سفر مدینه قیلوب بو کون روان اولور لر
بو ایکی دردانه بی التوب کاروانده بر امین کسنه یه تسلیم ایست که مدینه یه
ایرشد کده افر باسندن بر یسنه تسلیم ایدم اسد اول مخدوم زاده لر ایوب
روان اولدی اما کیچه هنوز قراکو اولوب بونلر ایرشجه کاروان روان
اولشدی اما اثری کور نور دی اسد ایتردی ای شهرزاده لر بکاصباحه دک
بونده اولق موجب نه متدر سز یورویک بو کاروانه بتک اسد مر اجعت
قیلوب شهرزاده لر غریب و مضطرب قالوب کاروان آردنجه سر اسمه

کبدن کن آریه حائل دوشوب اثر کاروان نظر لر دن غائب اولدی شهرزاده لر
متخیرا ولوب هر طرفه تردد ایدر کن ناکاه عسسلره صا تشد یلر عسسلر
بیلد یلر که آنلر مسلم اوغلنلر یدر فی الحال طونوب عبیدالله زیاد حضورنه
ایتردی لر عبیدالله زیاد آنلری زندانه کوندروب یزید پلیده برنامه یازدی که
مسلمک ایکی نور سیده اوغلان طوندم بری یدی یاشنده و بری سکر یاشنده
و حالا حبسده ذرل نیجه امر اولنور سه عمل اولنه (روایتدر که) زندانبان
مشکور نام بر مؤمن پاك اعتقاد ایدی اول شهرزاده لر بر نیجه کون اعزاز
و احترام ایدوب بر کون ایتردی ای شهرزاده لر روا کورمزم که بر ضرر سزه
واقع اوله پس نصف الایده آنلری زنداندن چیقروب و شهر دن طشره
التوب یول کو ستردی و پر ماغدن خاتمی چیقاربوب آنلر و یردی
و سفارش قیلدی که بو یوله کیدک قادسیه نام ملکه یتر سز بنم قرنداشم
آنده حاکم ربو خاتمی نشانه طریقله اکاویروب دیککه سزی مدینه یه
واصل ایده زندانبان مراجعت ایدرب اول شهرزاده لر روان اولد قده چون
مقرر در که تقدیره تدارک و تدبیر تغیر و یرمز و حاکم محکمه قضا احکامنه
تغیر روا کورمز اول شهرزاده لر جانب یمینه کتملوا یکن قضای عنان
عز یمتلرین جانب یساره من عطف قیلوب مقصد طریقن یثوردیلر و اول
کیچه صبحه دک پر کاروار چز کوب صبح اولد قده کندولرین اولکی مقامده
کوردیلر متوهم اولوب بریاغسه کیروب بر صو اوزرنده قرار طونوبیلر اول
حالتهمقارن شهر دن بر حبشی جاریه چیقوب آنلری کوروب و جلال
بالا لرینه حیران اولوب ایتردی آساره کیلر دیر لر شهرزاده لر آه دردناک
چکوب ایتردی لر بر غریبلر و یتیملر جاریه صور دیکه کیمک اوغلنلر یسز
شهرزاده لر نوحه و فغان ایتردی کده جاریه فرا صتله فهم ایدوب ایتردی
ای عزیز لر اوله معلوم اولور که سز مسلم اولادی سز شهرزاده لر ایتردی لر نعم
بز اول محنت زده لر جاریه ایتردی ای مخدوم زاده لر هیچ و هم ایتمک بنیم
بر صالحه مخدوم و هم وار بغایت مؤمنه و محبه خانداندر کلک سزی آنک

حضور ینہ التوب انی خوشحال ایدم (القصہ) شہزادہ لری جاریہ
رہنمون اولوب اول صالحہ خانوںک حضور ینہ بتورد کده اول صالحہ
خبردار اولوب اعزاز و احترام ایلہ آنلری بر مناسبت یرده پنهان ایتدی
اما عبیدالله زیاد آنلرک فرارندن واقف اولوب مشکور زندانیا فی
حاضر ایدوب سؤال ایتدی کہ مسلمان اولادنی تنده مشکور ایتدی آنلری
آزاد قیلدم عبیدالله ایتدی بندن وهم ایتدی کی مشکور ایتدی ای غدار
ستمکار ایزد جبارک و همی سنک و همکدن زیاد در طوئه لم کہ مسلم مباشرت
کارزاره قادر بر مبارز ایدی انی و همکدن قتل ایتدی یوایکی معصوملر نه
وجهله قصه ایتدی سن عبیدالله ایتدی سکا سیاست ایتدی لازم کلدی
مشکور ایتدی یک جانم اولسه آنلره فدا اولسون پس جلاده یوردیکه
آنی عقابنه چکه اول یوز تازیانه وروب اندنصرکه قتل ایدہ اون تازیانه
اورد قدہ مشکور ایتدی (بسم الله الرحمن الرحيم) اون تازیانه دخی
اورد قدہ ایتدی یارب بکا غفران نصیب قیل اون تازیانه دخی اورد قدہ
یارب بکا اهل بیت محبتی ایچون سیاست ایدرلر اون تازیانه دخی اورد قدہ
یارب بنی اهل بیتد ملحق ایت اندنصرکه بر آه چکوب خوش اولدی یوز
تازیانه تمام اولد قدہ برقطره صواستدی عبیدالله ایتدی صوویرمک
برقطره صوویرمیبوب اول مظلومک قتلنه امر اولمشکن عمر بن حارث
شفاعت ایدوب قورروب منزله التده کده رجته واصل اولدی اما مسلمان
مخدومزاده لری اول صالحه نک منزله یوز یک غصه ایلہ او یقویه
کتد کده اول عورتک حارث نام برجفت بدبختی اولوب ناکاه کلدی غایتده
تعبناک عورت کیفیت حالی سؤال ایتد کده ایتدی ای عورت
بو کون صباح امیر کوفه مسلم اوغللرین بولغه منادی ایتدردی بندخی
انعام وانتفات استدعا سبله اول طلبده ایدم آتم سقط اولدی آنلردن اثر
بولدم عورت ایتدی ای همسر مهربان سنک اهل بیتلنه عداوتک وارا اول
نامرد ایتدی موجب تعجب عبیداللهک انعام و احسانیدر عورت ایتدی

نامرد اولکه زخارف دنیا ایچون بر نیچه مظلومی ظالم لر انه تسلیم ایدہ
(القصہ) بومناقشه ایلہ او یقویه واردیلر نصف الیلده محمد که اکبردر
ابراهیمی او یارب ایتدی ای برادر کوزک آچ یاتقی محلی دکل حالا پدر
بزرگوار می کوردم واقعه ده حضرت مصطفی ومرتضی و حسن مجتبا ایلہ
بهشت ایچنده سیر ایدرلر حضرت رسالت بزدن یکا باقوب بابامزه ایتدی
ای مسلم نیشه بو مظلوملری ظالم لر آراسنده بیکس و غریب براقده بابامز
ایتدی یار رسول الله عن قریب خدمت شریفکله مشرف اولورلر ابراهیم
ایتدی ای محمد بندخی بو واقعه بی کوردم بونی دیوب اول ایکی کل دسته باغ
لطافت و نهال نورس کارزار ملاحت بنفشه واربر برینک بو یننه ال براقوب
های هایلہ اختیار سزاغلر ایکن حارث بدبخت اول ناله دن بیدار اولوب
فی الحال چراغله اوزرلر ینہ واروب کوردیکه ایکی طفل بر برین قوچوب
اغلشورلر حارث ایتدی سزه کم دیرلر شہزاده لر اول ملعونی دوست صانوب
دیدیلر بزم مسلم عقیل اولاد بیز اول حرامزاده بریکادن هر کینک
غصه سبله و بریکادن تردد نک اندوهیلہ بیحضور ایدی هر برینه بر نیچه
طنبجه اوروب کل رخسارلرین آزرده قیلوب کبسوی مبارک لری که حبیل
المتین عروۃ الوثقی ایدی بر برینه باغلیوب اوزرلر ینہ حجره قیوسن مسدود
ایدوب طشره چقدیکه صباح اولد قدہ آنلری قتل ایدہ اول عورت
پاکیزه نهاد هر نیچه تشفع ایدوب الن اویدی وایاغنه دوشدی فائدہ
قیلیدی صبحدم که جلاد فلک دشنه شعاع خورشیدله اطفال کواکب
دفعنه اقدام ایتدی ونسیم دم سرد صبح کا ندن شمعلر و چراغلر
هلاکنه و عده ایتدی اول ناکار روسیاہ تیغ بیدر یغ الوب واول
شہزاده لری اوکنه صالوب کنار فراتہ روان اولدی و سیاستلر ینہ اقدام
ایتد کده عورتی و اوغلی و برقولی عقبجه کیدوب شفاعت قیلد بجه
غضبی زیاده اولوب قولنه حکم ایتدی که تیغله بونلری هلاک ایلدیه قول
ایتدی ای خواجه بو معصوملری قتل ایتدکه الم وارمن اول بدبختک

غضبی زیادہ اولوب اندہ کی شمشیرن قوالہ حوالہ قیلدی قول ایتدی ای
خواجہ چون بنی اولدور رسن باری بندخی قائمی المش اولم دیو حارث ملعونه
جمله قیلدی حاقبت حارث غالب اولوب قولک برقولن دوشردی اوغلی
اول حالی کوروب ایتدی ای باباقول بنم قرنداشم کیدرنیشہ بوجنایی
اکاروا کوردک حارث ایتدی اول جزاسنه ایتدی سن بوتیغی آلوب بونلری
قتل ایت یوخسه سنی دخی هلاک ایدرم اوغلی ایتدی هرگز بن بومره
ارتکاب ایتکی روا کومرم وسنک دخی اقدامکه رضاویرمزم واول عورت
دخی الحاح ایدردیکه ای حارث بوم معصومله قیمه باری بونلری عبیداللهه
تسلیم ایت نیلرسه اول ایلسون حارث ایتدی بوجا عتک کوفه ده
هوادرلری چوقدر شاید که شهره کیرد کده هجوم ایدوب آله لرونم سیم
ضایع اوله آخر الامر کندوتیغ چکوب اول معصومله متوجه اولدقده
شاهزاده لر اغلشوب تضرع ایتدیلر که بزم بیکسلیمزده رحم ایت اگر
مرادک مال دنیا ایسه بزم کبسولری مری قرقوب بزی مملوک مسابه سنده
صاتوب بهامری تصرف قیلده سن حارث او تضرع لره التفات ایتوب
قتلارینه جازم اولدقده اول عورتله اوغلی منعنه اقدام ایتدیلر حارث
کوردیکه عورتله اوغلان وجودیله انلری قتل ایتک ممکن دکل انده کی
تیغ بید ریغ ایله اوغلانی تحویف طریقله حواله قیلوب هلاک ایتدی
عورت کوردیکه اوغلان هلاک ایتدی بی اختیارا کا متوجه اولدقده
عورته دخی برزخم مهلاک اوروب مجملاتلرک منعندن فارغ اولوب
شهرزاده لر متوجه اولدی شهرزاده لر کوردیلر که ابواب نجات جمیع جهنندن
مسدود اولوب وبناء بیرون تدارک خلل بولوب قضایه رضاویرمکن غیری
چاره قالمدی حارثه ایتدیلر بزم مهلت ویر که وضو قیلوب ایکی رکعت نماز
ایده لم حارث ایتدی والله که ویرمزم شهرزاده لر ایتدیلر اول واجب الوجود
حقیقچونکه حالا سمن ذکر ایتدک اولقدر امان ویر که اکا سجده ایدوب نیازم
عرض ایده لم حارث بی دین امان ممکن دکل دیدیلر ای ظالم بونه عداوتدر

اخرا الامر امیدنجائی قطع ایدوب اول بدبخت ملعون دن هر بری اول بنی
قتل ایله دیو تقدیم شهادت توقع ایدرلردی القصه اول حرامزاده اول
محمدک سر مبار کن بدندن جدا قیلوب جسد شریفن فراته براقدی
آند نصکره ابراهیمک باشن کسوب تن پا کن قرنداشی محمدک جسدنه ملحق
ایتدی حقا که اول ستمدن زمین وزمان تیره وتارا اولدی زمزمه ملائکدن
خروش غلغله سکان تحت الثرایه ایرشدی و آتش طغیان الم دل ارباب
محنت کی سنیه مهر و ماهه دوشدی (شعر) دردا که بزمکاه ولایتده بی سبب
* صندردی ایکی شمع منیری فنا یلی * واحسرتا که باغ سعادتده بیککنه *
صندردی ایکی نحل لطیفی جفاالی (القصه) حارث بدبخت علیه اللعنه
اول شهزاده لری بیکناه قتل ایدوب جسدلرین فراته صالوب باشلرین
عبیدالله زیاده التد کده عبیدالله زیاده ایتدی ای حارث بونلرندر اول
ملعون ایتدی مسلم اوغلنلرینک باشلریدر ابن زیاد اول کل رخسارلره
واول کبسوی مشکبارلره نظر ایتد کده اختیار سز ابرهار کی اشکبار
اولوب و باوجود که غلظت طبعله رحم قیلوب ایتدی ای سنکدل
بوطفللری نیشه قتل ایتدک حارث ایتدی سنک التفاتک امیدیه عبیدالله
زیاده ایتدی ای ملعون بن یزیده نامه یاز مشمکه بونلر جسدده درلر نیچون
بکا کنور مدک دیدی وهم ایتدم که هجوم عام المدن الوب بن سنک التفاتکدن
محروم قالم عبیدالله زیاده طرفنه نظر قیلوب مجلسده مقاتل نام برکسنه
حاضر ایدیکه ناصیه سنده محبت خاندان نبوت ظاهر ایدی وابن زیادنک
عقیده سنده پاکک علامتن یلوردی اما پسندیده ندیم اولمغین تعرض
ایتوب تغافل ایدردی اشارت قیلدیکه ای مقاتل بو بدبختی آنده ایلتکه
بوطفللری شهید ایتشدن جزاسنه یتور و باشلرین دخی ممکن ایسه بدنلرینه
الحاق ایت مقاتل شاد اولوب اول ملعونی محکم باغلیوب و باشلری الوب
روان اولدی و خلق کوفه اول باشلر نظاره قیلوب اول حاله اطلاع بولدیجه
اول ملعونی سکسار ایدوب اذا قیلورلردی (القصه) اول منزله بتد کده

مقاتل کوردیکه بر قولله براو غلان دخی مقتول اولوب بر عورت دخی
مخروج دوشو بدر مقاتل عورتدن حقیقت حالی سؤال ایتد کده عورت
ایتدی ای عزیزین بو بد بختک منکو حه سیم و بو او غلان او غلبه رو بوقول
قولیدر و بزاتفاقله بو مظلوملرک قتلنه مانع اولدیغمن جهتدن بزه
بوسیاستلری جائز کوردی المنه لله اولدخی جزاسنه ایردی مقاتل اول
ملعون قتل ایتدیکه می کبندن ایند کده و اول شهیدلرک قان
کور کده فرمایده کلوب ناله و فغانلر قیلوب باشلری صویه براقده
(روایتدر که اول باشلر صویه دوشد کده اول جسدلر صودن چیقوب
هر باش کند و جسدنه ملحق اولوب اول ایکی معصوملر برین قوچ قیلوب
صویه باندیلر مقاتل اول حالتد بر دم حیرت ایدوب پیوردیکه اول ملعونک
اول اللرین و ایاقلرین کسوب و کوزلرن چیقروب آندن باشن کسوب
صویه بر قیدیلر و صو آنی قبول ایتوب طشره براقده (روایتدر که
برده دفن ایتدیلر دخی انی قبول ایتوب طشره براقده آخر الامر
خار و خاشاک جمع ایدوب اول پلیدی یا قیدیلر و اول مجاهدتده شهید اولان
قولک و اغلانک جسدلرین دفن ایدوب احباء اهل بیت شهرزاده لر عزاسنه
مشغول اولدیلر (شعر) اول ایکی کوهر خزانة دین * اول ایکی سرو
جوبیا ریقین * طوئدیلر معدن بقاده مقام * قیدیلر جانب بهشته
خرام * نظر خلقدن اولوب مستور * اولدیلر در کوشواره حور * یارب
آنلره وفاسنده * اول ولی زاده لر عزاسنده * کیمکه بر قطره آب چشم
دوکر * کیمکه بر آه دردناک جگر * واصل اجر بی حساب ایله * عملن قابل
ثواب ایله (طغوزنجی باب حضرت امام حسینک مکهدن کر بلایه تو جهن
بیان ایدر) حقا که حرقت حکایت پر شکایت واقعه کر بلا بر آتش جگر
سوزدرا کر بر ذره شعله سنک شرحن کلک شعاع خور شیده محرر کارگاه
قضا صفحہ روی زمینه تحریر اینسه حرارتدن اجزای زمین جوشه کلوب
بخاری تنور آسمانده حل و حوتی بریان ایدر و حرقت روایت ملالت غایت

شهادت بر زهر لاهل جانکد ازو غم اندوزد رکه صر صر عدله سحاب
صاعقه بار بر قطره سنک وصفن کردونه تقریر اینسه حرارتله طارم چاره ده
مسحج مجردک زلال حیاتندن خلاوت کیدر (شعر) سهل صامتک کر بلا
غوغا سن ای اهل خرد * عرصه بیداد و میدان بلاد کر بلا * صور سهیل
کیم قنخی منزلدر مصائب مجمعی * اون ویرر قصر فاک کیم کر بلا در کر بلا
* همانا که حقیقه طینت آدم منبت نهال خلافت اولدقه و قامت
استعداد بشریت خلعت (ولقد کرنا) ایله زینت بولدقه ملائکهک
(اتجعل فیها من یفسد فیها) کلاه سندن غرضلری فساد واقعه کر بلا ایدی و
مضمون (انی اعلم ما لا تعلمون) اشارتندن مراد اول مصیبتدن مستفاد اولنان
درجه کمال حسین بن علی مرتضای ایدی فی الواقع واقعه کر بلا دن زیاده
فساد ممکن اولمز و بلادن حاصل اولان مرتبه مرتبه شاه کر بلا دن اعلا
مرتبه صورت احتمال بولمز (شعر) کر بلای کر بلا اول شاه قدرن آرتوب *
خلقدن ممتاز اکاوردی علو اقتدار * کر بلا هم اول شه معصومدن رفعت
بولوب * خلقه اولمش قدرله منظور عین اعتبار * فضای غم افزای
کر بلا بر کلزارد رکه آب و هوای سراب و سمومله نشوونا بولن سرور وانی
کر بلا در بلاد * و سبلا باشک حسرتله پرورده اولان کلبن کل برک فشانی
خارجقادر (شعر) چشمه نسبت دمدم با کیره طینت کوزین * اشکبار ایلر
ملال ذکر خاک کر بلا * آغلدر سه کر بلا طیر اغنی درد اهلن نوله *
بومقرر در که د ائم کوزیشا در در توتیا * روایتدر که حسین بن علی متولد
اولدقه ده حضرت عزتدن جبریله امر اولدیکه نزول ایدوب هم ولادت
تهنیه سن و بیره وهم شهادت تعزیه سینیتوره جبریل امین نزول ایتد کده
حسین مظلوم حضرت رسولک نکارنده ایدی اول حضرت تهنیت
یتور د کد نص کره اظهار تعزیت قیلدی حضرت رسول ایتدی
ای برا در سبب تهنیت معلومدر و سبله تعزیت ندر جبرائیل ایتدی
یا رسول الله بومظلومی سند نص کره کر بلا ده تبغ جفایله ظالم شرهید ایده لر

حضرت رسول اول حالته کریان اولوب حضرت مر تضا حاضر ایدی
سبب صورت قد اول حضرت اختیار سز اظهار صورت حال ایتد کده
حضرت مر تضا دخی کریان اولوب منزله متوجه و ولد قد حضرت
فاطمه اول حالی ظاهر ایدی فاطمه کریان کریان حضرت رسول
خدمته کلوب دیدی ای مخدوم علی الاطلاق بونه خبرد که علی
حضرت تکریدن نقل ایدر حضرت رسول ایدی ای فاطمه بواقعه نک ناقلی
جبرائیلدر فاطمه ایدی یار رسول الله بصورت نه وقت ظهوره کلور
حضرت رسول ایدی بدن وسندن وعیندن وحسندن نصکره فاطمه
ایتدی یار رسول الله مصیبتیم زیاده اولدی آیابو مصیبت واقع اولد قد بنم
مظلوم ایچون کیم عز ایدر (روایت که) اول حالته هاتفدن ندا کلدیکه
ای جاتون قیامت آخر زمان اهلند خاندان رسالت مخلصری هر یلده
بومانی تازه ایدر لر وقتامته دک بورسمی دیاده یوریدر لر (روایتدر که) شاه
کر بلا متوان اولد قد جبریل امین تمنیه ایچون حضرت رسول
خدمته کلور کن یولده بر فرشته راست کلدی قطرس نام شکسته پال
و پریشان خال مقیم ذروه عزت ایکن مبتلای دام ذلت اولمش وسیله سن
سؤال ایتد کده قطرس ایدی ای جبرائیل بنم خدمته اهل اولوب
آتش قهر الهی پرو بلم یا قوب بنی بو حاله براقدی آیابو واقعه نک هیچ
چاره سی ممکن او اورمی جبرائیل ایدی بن حضرت رسول خدمته
کملویم بنله کل اوله که شفاعتنه مظهر واقع اوله سین قطرس وجبرائیل
اتفاق ایله حضرت رسول خدمته کلوب عرض حال ایتد کده حضرت
حسین مظلوم حضرت خواجه کارنده ایدی اول حضرت پیوردیکه
ای قطرس کندیکی بنم حسینمیتور و اعضای مجروحکی کف بای شریفه
سور قطرس حسب فرمان عمل ایدوب اول ملا بسه بر کاتبه مغفور اولوب
و پروبال پیدا قیلوب معبود نه عودت ایدوب عبادته مشغول اولدی
و حضرت حسین بن علی شربت شهادت ایچد کده واقف اولوب جزای

احسان استداسیله مناجات ایتدیکه یارب نو لیدی بکا امر اولیدیکه
خدمته اولان یتیم بیک فرشته ایله حسینک معا و تنه حاضر اولیدم
حضرت عزتدن ندا کلدیکه ای قطرس اگر اول دولت مبسر اولدیسه
حالا مقرر ایتدم که خدمتکده اولان فرشته لر ایله کر بلایه
واروب اول مظلومک مزاری اوزره قیامت ده تک تعزیت طو توب
اغلیوب قطرات اشک روانک ثوابن انده تغزیت طو تنلره نذر ایده سن
(شعر) کل ای رسم وفادن دم اورن اشک روان کویستر * مجرد قوله قانع
اوله اثبات ایت نشان کویستر * دل پر خون سوزانک شال غنچه لاله *
ملامت خنجر یله چاک قیل داغ نهان کویستر * علم افراز معر که مصائب
کر بلا * وانجمن ساز ما تمکده آثار نواب شهدا * رایت روایت بو طرزه
تحریک و یرمش و سرود درود حکایتی بو قانونله اظهاره کتورمش که
چون اعیان و اشرف کوفه نک صورت صد اقلری مسلم عقیل
تصدیق یله حضرت امامه معلوم اولدی وجاده مصادقته ثابت قدم
اولد قلی اول مخبر صادق اعلامیله وضوح بولدی حضرت امام اسباب
سفر مهیا قیلوب مستعد مسافرت اولد قد و احبوا و اصدقا هر طرفدن
خدمت شریفه کلوب هر نقدر که منع ایتدیلمر مفید اولدی و هر نیچه که
الحاح قیلدیلر فائده قیلدی بر کون بر کیچه عبدالله بن عباس ملاقات
شریفه مشرف اولوب نهایت تعظیم و تکریم نصکره ادب طریق یله
ایتدی (شعر) ای ضمیر انورک آینه کبیتی نما * آفتاب طلعتک مصباح
انوار هدا * عزمکه نصرت مقارن رأیکه حکمت قرین * امر که تابع فلک
فرمانکه قائل قضا * یا امام زمان لطف ایدوب کوفه عزیمتن ترک ایله
و مکه دن چقمه که اتاک علی ابن ابی طالب اول دیاره توجه قیلد قد
کر فتار دام بلیات اولدی و قرینداشک حسن مجتبا اول ملک اهلندن تفرقه
خاطر بولدی حضرت امام ایدی ای عبدالله ظاهره مسلما نلرم کتوبلر
ارسال ایدوب حضوریمی استدعا قیلدیروا التماسله نصرتمه متکفل اولدیلمر

ممکنند که بوضوح آنکه اجرائی امور حق صورت بوله و ترویج شریعت
مبسر اوله عبدالله ابتدای ای مخدوم زاده هنوز کوفه یزید تصرفنده در
اکرا نك نائین اخراج ایدوب شهری مسلمة تسلیم ایدرلرایسه اول جانب
کتمک مناسبت و اگر قضیه منعکس اولسه و لشکر یزید ایله مقارومت
لازم کلسه مکنند که اول جانب بدن صورت نصرت ظهوره کله
و حضرت تکرزه آندن اضطراب متوجه اوله حسین ابتدای ای عبد الله
بو کیجه بوضوح صده بر تأمل ایدوب یارین سکا جواب و یریم عبدالله بن
عباس منزلنه می اجعت قبلد قدده حضرت امام کلام الله بن استخاره
طریقله متوقع نصیحت اولد قدده بو آیت کریمه فالنه کلدیکه (کل نفس
ذائقة الموت و انما نوفون اجور کم يوم القيمة) حضرت امام ابتدای (صدق
الله العظيم و صدق رسوله الکريم) قال مصحف شهادتم خصوص صنده
حضرت رسولک و اقمده کوردیکم کلماته موافق کلدی و مطابق واقع
اولدی لاجرم قلم تقدیر ایلله تحریر اولنان قضیه البته تغییر بولمز و احکام قضا
اقتضای تمسب قبلد چاره ایلله ممنوع اولمز ایکنجی کون عبدالله بن عباس
حاضر اولوب ابتدای یا ابن رسول الله نه تدبیره قرار و یردیکز و کوفه
عزیمتدن نه مصلحت کوردیکر حضرت امام ابتدای ای عبد الله عزیمت
سفر متصمم و بتای نیت مسافرت محکم در زیر محقق بیلور مکه یزید بدن
تغافل قیلنز و دفع و رفع تدبیرندن غافل اولمز رضا و یرمز مکه خاک شریف
کعبه قبله عالم ایکن سپاه اهل ضلالت پایمالی اولوب کسر حرمت بولمغه
بن سبب واقع اولم و روا کورمز مکه ارض مبارک بطحا محترم و مکرم ایکن
دامن یاکن الوده خون خلقی پریشان قلم صلاح اولدر که بوسلسله
فته بی برغیری دیاره حکم و بوتخم تفرقه بی برغیری مرز عبه دو کم (شعر)
قنده کیم ایلمسم مقام بکا* فته همدم بلاملازمدر* حرم کعبه بی بلالره
مبتلا ایلک نه لازمدر عبدالله ابتدای ای مخدوم زاده البته مائل سفر سن
باری بمن جانبنه توجه قبل که مملکت واسع و عرصه عرض اولوب

حصون و قلاعی بیحد و بشمار در و قبیله همدان تمام محب خاندان احمد
مختاردریقین که اولد یاره سن واروب قرار طوطند قدده اطراف و جوان بدن
مخلص و مجاهد لرجع اولورلر و سکامعاونت قیلورلر حضرت حسین
ابتدای ای عبدالله سنک کمال شفقتکی کند و خصوص صده محقق بیلورم
و کلامک محض نصیحت اولد یغنه معترف اولورم امانه چاره قاید قضا زمام
ارادتمی جانب عراقه چکه کده در نهانخانه حکمت سر نه یتک اولمز و اراده
تقدیر دن تجاوز ایتک اولمز من بعد بوضوح صده مبالغه قیلله و مانع
اولله که بزه عیان اولان اسرار سزه نهاندر نه که حکمت خرق سفینه
موسایه مخفی و خضره عیاندرو بن اول کمسندک وارث علیم که کراتله
منبر اوزره بیورمشدر که (اوتیت علم المنايا و البلايا) و دخی بیورمشدر که
(سلونی عمادون العرش) ای عبدالله اسرار حکمت بزه مخفی اولمز و فیض
عصمت بزی آلوده غفلت قیلز عبدالله عباس ابتدای یا امام بکا دخی
خدمت شریفکده اولمق مقصود ایدی اما حالارایض قضا عنان
عزیمتی مدینه جانبنه منعطف قیلمش امید وارمکه حضرت تکرز کوفه یه
وارد قدده شرف ملازمت مبسر اوله اما بیلزمکه ایام مفارقت کده بنی روزگار
نه بلالره گرفتار قیلله (شعر) اغله ای کوز کیم تن بیمار جاندن ایریلور* جانله
جسم رفیق اولمشدی آندن ایریلور* ناله قیل ای دل که طوطی
شکر ستاندن چیقوب* بلبل زار بلاکش بو ستاندن ایریلور* روایتدر که
عبدالله عباسد نصکره محمد حنیفه و عبدالله عمر و عبد الله زبیر خدمت
شریفه کلوب انواع مقدماتله نصیحت قیلد بیلر سود مند اولدی و فائده
قیلیدی ایتدیلر یا امام بواصراره سبب ندر حضرت حسین ابتدای ای
قوم حقا که بو کیجه واقعه کوردم حضرت رسول بیور دیکه
ای حسین کوفه عزیمتده تأخیر و تعلل ایتمیه سین و طریق تقصیر
و تکاسل طوتمیه سین که حضرت سلطان سر پر کبر یاسنی اول بقعه ده
الوده خاک و خون کورمک استر و ملائکه یه کمال صبرک عرض ایدوب

مرتبه اطاعتك كوسترمك استر توقف بو خدمته خطادرو تعلل ناروا
اصحاب واحباب اول كلماتي استماع ايتد كده ايتديلا (انالله وانا اليه راجعون
اي شهرزاده چون نهايت عزمك معلوم اولدى و غايت مسافرتك وضوح
بولدى بو اطفال و عيالي نه اميد ايله ديار غربته صالور سن ونه وسيله ايله
سر كردان قيلور سين حسين ايتدى اي عزيزل اهل بيتم احوال دخي
حضرت رسوله عرض ايتدم يورديكه آنلري دخي واجب الوجود ظالم
النده اسير و عاجز كورمك استر و آنلره دخي اول بلايه مقابل جزايتورمك
استر (القصة) اصحاب واحبابله وداع ايدوب تهيه اسباب سفر قيلولوب اول
سلطان سرير كر بلا و شهنشاه مسند عز و علا جميع اتباع و اشيا عن جمع
ايدوب و مخدرات بحره عصمت و جواهر اصداف طهار تيچون مشكين
موى ناقه لراوزه مناسب هود جلم و عمار يلر مرتب ايتديروب صخدم كه
شاه انجمن سپهر انجم حاشيه سبره زار سپهر لا جور دقاهه خيمه زر بن طناب
دكدي و فراش صبح صادق روزه شبستان ظلمته پرده زرنگار چكدي علم
عزيمت و اوای فتح و نصرت قالد يروب و صدای كوس رحلت و صدمه
نفير ارتحال الله جرس واقبه زرنگار كون آسماني دولديروب اتفاقا هم اول
كونكه مسلي شهيد ايتملردى مكه دن چيقوب متوجه عراق اولدى
(شعر) كسب شهادت ايتكه غربت ديارنه * اولدى روانه قافله
عز و احشام * اشرف اهل بيت سفر اختيار ايدوب * سيار اولدى
اختر كردون دين تمام * اول سرور دين و نقس يد المرسلين اهل مكه ايله
وداع ايدوب روان اولدقده عروق اراضى مكه به رزه دوشوب خواص
وعوام بحاز بعض مرافقتيچون و بعض متابعتيچون متحرك اولوب برزله
قويديكه نظاره سي عبوني تيره و تأمل عقولى خيره قيلدى و الم
مغار قتلدن خلقه بر كويه غالب اولديكه اول كويه دن ابر بهار منفعل
اولدى (شعر) خانه كعبه اوردى كو كسنه طاش * چاه زمزم اقتدى
كوزدن ياش * خاك پاك خطيره بطحا * ذره ذره يتوب سمند صبا * اول

شهنشاه اولديلا همراه * چقدي چرخ برينه كرد سپاه * تمامي اعيان
واشراف كعبه و خواص و عوام مكه بر منزل اول شهر يارعا ليمقدار
وساطان كامكارك ملازم ركاب همايوني اولوب و طريق ملازمتي رعايت
قيلديلر قه شادروان رفعت زينت روى زمين اولدقده واردوى همايون
سعادتله نزهله اجازت بولدقده حضرت امام بر فضاي فر حفزاده
بركرسي نصب ايتديروب اوزرينه چيقوب حمد و ثناني محتوي و شكر
سپاسي مشتمل بر خطبه بليغ ادا سند نصكره ندا قيلديكه اي معشر
اصحاب كرامى و اى حضاره مجلس سامى بن سياح باديه پيماي صحراى
مصيبتيم بن مسافر بيابان نورد باديه مخنم بن سياره آسمان غربتم بن سالك
طريق شهادتم خاطر فازمه اندیشه لذات دنيا كذار يتز و ضمير
پر تشویرمه خيال تصرف ملاك عالم يتز صفيه صحتم نقش حيله دن
معراج يده القم طراز خدعه دن مبرادر هيچ بنده يي اقتاي فواند
دنيوى وعده سيله مقيد ايتنم و هيچ فقيرك اعتلاى مراتب و مناصب
مژد سيله دامن تعلقن طوتمزم تحت اوای رفعتده سايه سلطنت صوري
تمنا قيلن سر رشته ارتباطى سلسله القمندن قطع ايتسون و نوبهار شو كتمده
رياحين تنعمات مجازي به طالب اولان ترك القم طوتسون (شعر) بن
بلاد رياسنه غرق اولغه بصدم قدم * كرمسون كرداب وش چورمده
هر جان سون * بن بقاديرنده منزل طوتمغه عزم ايلدم * طورمسون يانمده
ملك وقصر و ايوان سون * بو نصيحتك نصكره شمع شبستان حرم
سراى عصمت اولوب صباحه دك سوز و كداز له اوقات كجوردى
على الصباح كه تبغ شعله خسرو خاور را بطه نوردن ظلمت سلسله سن
قطع قيلدى و سپاه روم و حبش برى بندن ايرلدى اول منزلدن اوردوى
همايون ارتحال قيلولوب واحباب حقيق و مجازي برى بندن ايريلوب اولكه
رشته ارتباط تعلقات دنيايه محكم ايدى و داع ايدوب مكه يه مراجعت
قيلدى و اولكه طريق وفاده را سخدم و ثابت قدم ايدى مرافقتده يكجهت

اولدی (روایت در که) ایکنی منزله حضرت سلطان کر بلا برنامه تحریر
ایدوب عامه بنو هاشم و کافه بنو عبد المطلبه ارسال ایتدی بو مضمونه که
ای سلسله انتساب رسول الله منتظم اولان جواهر اصداف سعادت
وای شرف قرب مصطفی بولن زواهر حدایق سیادت کنجینه اقبال بی
انتقاله طریق تشرف بولشم کمال مروتم اقتضای صلاهی عام ایدرومائه
نعمت بیزواله مهمان اولشم حسن سیرتم تقاضای اخبار و اعلام ایدر
ایندی منهی مکتوب شریفم اخبار توجهم اعلام ایتد کده و بشیر رساله
لطیفم سزیه تده هر کیم استعجالله کلدی بو کنجینه دن بهره بولوب
بومائه دن نصب آلدی و هر کیم توقف قیلدی محروم قالدی والسلام
مکتوبی ارسال ایدوب بار خانلر یو کلیوب روان اولدی بر نیجه منزل
قطع اولند قده اثنای طریقده صباح نام بر منزله فرزدق شاعر که
عراق دن کلوب حجازه کیدردی اول حضرتک پابوس شریفلر یله مشرف
اولوب اظهار دعا و ثنا قیلدی بو طریقله که (شعر) السلام ای نقش
نعل مر کبک محراب دین * حلقه فترک رخسار رشته جبل المتین *
طرح اردوی همایونک طراز مهد ملک * نقش چتر بارگاهک زینت
روی زمین * حضرت امام آندن احوال عراقی سؤال ایتد کده ایتدی
یا بن رسول الله اهل کوفه نک افعال لری افعال لری نه مخالف کوردم
حضرت امام آنک سوزینه تصدیق ایدوب اول منزل دن دخی روان اولوب
بطن الرمه دیمکله معروف منزلی مخیم خیام اردوی همایون ایدوب اول
منزل دن اهل کوفه یه قبس ابن مشهر له برنامه ارسال ایتدی بو مضمونه که
اکابر و اعیان عراق و اعظم اشراف کوفه دن طریق مودتده قدیم الوداد
و جاده اطاعتمه سلیم الاعتقاد اولان صناید عظام و فرقه معارف کرام
شرائف تسلیات عنایت انجام و اطائف تحیات سعادت اختتامه
اختصاص تام بولاند قد نصکر معلوم ایدر که عزاده جلیل القدر بعبدل
مسلم بن عقیل که وکیل معتمد و رسول معتقد مدر بو جانبه ارسال رسائل

ایدوب مضمونده سزیه صورت اخلاص و اعتقاد کزی عرض ایتمکین
سلسله توجهم اول جانبه متحرک اولوب و عقاب رایت رفعت و اجلال اول
عرصه هواسیله بال و پر آچوب متوجه اولشم و اهتمامله عزیمت قیلشم
امید در که حضرت عزت توفیق اتصال مبسر قیله و بونامه بطن الرمه دن
سزیه ابعاث اولندی تا معلوم اوله (روایت در که) حضرت امام مکه دن
چیقوب متوجه کوفه اولد قده یزیدک آنده اولان اعوان و انصار ندن
عبید الله زیاده مکاتب ارسال اولوب خبر یتشدی و عبید الله زیاده
جمع شوارغ و منازلی معتمد کسینلرینه تا بشوروب مصون و مضبوط
ایتمشدی قبس بن مشهر که حضرت امامک مکتوب شریفن کوفه
اعیانیه تورمک قصدنه استعجالله کیدردی قادیسیه ملکنه یتد کده
اتفاقا اول مقامک حفظنه مأمور اولان حصه بن ابن نمیر معلوم ایدوب
اول مظلومی طوتوب عبید الله زیاده ارسال ایتد کده عبید الله زیاده
اول بی کاهمی شهید ایتدی اما حضرت امام منازل و مراحل
قطع ایدوب کلور کن در و دنام منزله یتد کده **ک**وردیلر بر خیمه قورلمش
و بر سر پرده اورولمش حقیقت حالی سؤال ایتد کده دیدیلر زهیر ابن
قبس بخفی مکه دن کلوب ملکنه کیدر حضرت امام بر خدمتکار
ارسال ایدوب آنک احضارن مراد ایتدی حضور نه کلد کده ایتدی
ای زهیر بزکوهر رضای حق تمناسنده دریای بلا غواصلری یزیننک
نائبه دن احتراز ایتمین زه همعنان اولورو بزجوهر قرب ایزد تولاسند
صحرای ثبات و صبر سیاحلری یز هجوم هموم حاد نه دن اجتنات ایتمین
رفاقتزه رغبت قیلور آیا سنده اول همت اوله می **ک**ه میدان محبتده
هر کب مجاهدت یو کردوب همعنان اوله سین و شمشیر شجاعت
چکوب مر افقت قیله سین زهیر اول نوبهار تو فیق دن کل کی خندان
اولوب دیدی یا امام زمان برمدندر که بو سعاده منتظر ایدم المنه الله که
مبسر اولدی و حسن طالع حصول مر امه معاونت قیلدی (شعر) کلدی

اول دم که قبله مغانی خانانه فدا * ایلیم عرض محبت قبل اظهار وفا * هم
اول ساعت منزله معاودت قیلوب اصحاب و اتباعنه ایتدی ای قوم
بن غرقه کرداب محبت اولدم و جانب عقبایه توجه قیلدم بلایه متحمل
اولوب قنایه رضا و یرن بمله اولسون و کلسون و مقید راحت اولوب آرزوی
فراغت قیلن مفارقت قیلسون و منکوحه سنه ایتدی ای یار عزیز
بن نقد جان صرف ایتکه شهادت بازارنه توجه ایتشم سن بنم مالدن حقکی
آلوب بندن مفارقت اختیار ایت و بر روایت دخی بودر که اول عورت طلاق
آلوب قننداشی ایله کوفه یه کتدی و بر روایت دخی بودر که دیدیکه ای
زهیر سن حسین ملازمتن اختیار ایتد کسه بن دخی خاتون قیامت خدمتن
اختیار ایتدم اتفاقله کر بلایه کلدیلر چون حضرت امام شقوق نام منزله
نزول ایتدی کوفه دن برکسنه کلوب خبر و یردیکه مسلم عقیلی و هانی
ابن عروه بی شهید ایتدی و یاشلرین شاهه کوندردیلر حضرت امام ایتدی
(انالله وانا الیه راجعون) روایتدر که مسلم عقیلک اون اوج یاشده برقری
اولوب حرم سرای عصمتده مصاحبت مخدر اتله مشرف ایدی و حضرت
امام اکا غایتده احترام ایدردی مسلم خبر شهادتی استماع اولندقدده
حضرت امام حرم سرایه کلوب اول قری کوروب اول کونده زیاده التفات
ایتدی اول صالحه فراسله متوهم اولوب ایتدی یا حسین مکر مسلم شهید
اولوبدر که بکایتیلر رعایتن ایدرسین حضرت امام تحمل ایتیموب کریان
اولوب ایتدی ای صالحه مسلم کتدیسنه بن آنک برینهیم اول فقیره مسلمک
شهادتن تحقیق ایتد کده بنیاد نوحه قیلوب و باقی اولادی نالان اولوب
ما تمن طوتدیلر (روایتدر که) بو خبر شایع اولوب ثبوت بولدقدده بعض
رفقا حضرت امامه قسملر و یروب مبالغه قیلدیلر که یا امام کتدی یکره
وبو اطفاله و عباله جفا روا کوروب کوفه جاننه کتمک و بوتلهکه دن
احتراز اید ککه معر که غلیظدر حضرت امام تأبل ایدوب بر زمان سکوت
اختیار ایتد کده مسلمک اولادی هجوم ایدوب ایتدیلر یا امام اهل کوفه دن

مسلمک قان المینجه بزه مراجعت ممکن دکل هیچ کسنه کتمز ایسه باری
بز کیدر زیانتقام الورزویا کسب شهادت ایدرز (شعر) ذلتله اندتی اولمز
حیاتک دوستلر * نقر جان صرف ایلوب دنیاده کام الملق کرک * عجزله
درنگ عدودن سهلدر همت طوتوب * یا شهیداه الملق کر یا انتقام الملق
کرک * حسین مظلوم آنلرده اول همتی کوروب اصحابنه ایتدی (لاخیر فی
الهمیش بعد هولا) یعنی یونلر دنصکره حیاتدن لذت کورمک اولمز کوفه
عزمنه یکجهت اولوب اول منزلدن کوچوب ماله منزله نزول ایتد کده
عمر بن سعددن بر مکتوب وارد اولدی بو مضمونده که ای حسین اهل
کوفه اقرار لرینی انکار ایدوب مسلم عقیلی شهید ایتدیلر و مسلم حین
شهادتده بکا وصیت ایتشدی که بو احوالی سکا اعلام ایدم کر کدر که بو
اخباری معلوم ایتد کده حذر اوزره اوله سن و کوفه عز یمتنک ترک قیله سن
بو خبر شهرزاده نک اردوی همایوننده انتشار و اشتها بولدقدده اطراف
و جوانبدن طمع دولت دنیا ایچون جمع اولنلر گروه گروه پریشان اولدیلر
و میدان وفاد ثابتقدم اولنلر قالدیلر اول منزلدن دخی رحلت ایدوب
بنی المقاتله کلد کده بر سر پرده کوردیلر قورلمش حقیقتن سؤال ایتد کده
دیدیلر عبدالله بن حر کدر و حضرت امام ابن حجاجی که آنک قبیله سندن
ایدی مطالبنه ارسال ایتدی اجابت قیلوب حضرت امام بالذات آنک
منزله تشریف یوروب اکا تکلیف رفاقت قیلدی عبدالله بن حر ایتدی
یا امام یزیدک لشکری چوقدر و سنک خدمتکده اولنلر شرمه قلیل اولوب
انلرکله تاب مقاب و متلری یوقر ظر غالب اولدر که مغلوب اولورلر
و مجرد بمله رخنه آفت مسدود اولمز التماس ایدر مکه بنی معاف ایدنه سن
و بنم بر آنم و بر قلیجم وار که تیر لکده مانندلری یوقدر پیشکش طریقه
بندن قبول ایدنه سین * حضرت امام بر آنم و قلیچ ایچون کلدیم دیوب
مأیوس اولوب آندن مراجعت قیلدی (روایتدر که) واقعه
کر بلاد نصکره بر کیمه واقعه سنده کوردیکه محشر قائم اولمش نند ایدرلر که

حضرت امام حسین علیه السلام شهادت بولنگر کلوب بحساب جسته گیر سونلر
 واول سست رأی وکم تدبیر تا سفلر چکر دی اما فائده قیلر دی (شعر) زهی
 نادان که شاه ملک ایمان * اکا عرض ایده شریف شهادت * توهم
 ایلیموب تیغ بلادن * اوزرندن ایلیم سلب سعادت (نقلدر که) بومنزله
 حضرت امام زینب دیزی اوزرینه مبارک باشن قویوب او یقویه کتمش
 ایکن ناگاه اضطرابله اویانوب دیده نمنا کندن کوهر اشک روان اولدی
 ام کلثوم ایتدی یا حسین سبب کریه ندر حضرت امام ایتدی حالا
 واقعه ده جدی کوردم کریان اولوب بکادی که ای حسین وعده
 موصلت قریب اولدی ام کلثوم دخی کریان اولوب وعلی اکبر ایتدی
 یا امام لشکر اعدا ایلیم مقاتله واقع اولدیغی تدیرجه حق بزم طرفر زده میدر
 یوخسه انلر جاننده می حضرت امام ایتدی حق بزده درو بزحق ایلیم یز
 علی اکبر ایتدی پس هر جفا تصور اولسه غم دکل (القصة) اول منزلدن
 دخی انتقال ایدوب قطقطانه دیدگری منزله نزول ایتد کده شاهزاده جمیع
 لشکر جمع ایدوب ترتیب مقدمات نصایح وموا عطا ایتد کد نصرکه
 مسلم عقیلک شهادت واهل کوفه نیک خیانتن شایع ایدوب ندا قیلدی که
 ای قوم آینه دوران برغیری صورت کوستردی ونهال تدبیر مقصود
 مخالف بروردی و محقق اولدی که اهل کوفه نقض عهد ایدوب مسلمی
 شهید ایتشلر و اشکریزید جدال و قتال ایچون اطراف وجوانجری
 طومشلرون بیلورمکه اقتضای شهادت بکار خست نصرت ویرمزوغیرت
 شجاعت مراجعت ایتک جائز کورمز هر آینه بکا بودریای بلایه غوطه
 ایتک لازمدر واستعداد رتبه قدرم بوسیلاب فتنه کرد ابنه عازم
 و جاز مدر اما سزه عمو مار خستدر که ابواب نجات مسدود اولمدین
 کندیکری فضای سلامته چکوب بوتفرقه دن امین اوله سوزو ریاض فتنه
 زمان عنان اختیار کری الدن آمدن برجا نبه کیدوب بودغدغه دن
 قورنله سز * زیرا روا کورمز که بنم وجودم خیر محض ایکن سزه نسبت

موجب ضرر واقع اوله و مرآت صورت حال کز بنم رهگذر مدن غبار
 کدورت بوله (روایتدر که) اول جماعتدن اول وقتهدک خاطر ند ههنوز
 مظنه انتفاع دنیوی اولنگر قطع علاقه قیلدیله و دعوی ثبات محبت
 قیلنلر رضایی قضایه و یروب فریاد وفغانه کلدیلر که ای هادی طریق
 مستقیم وای مقتدای صراط قویم بزوات ملازمته کده سالک راه
 هدایت ایکن بزه امتحانله بادیه تأسف طریقن کوسترمه و بردم سعادت
 شهادتدن نو مید اولدیغمز یروا کورمه (شعر) بز بلادن انجنوب
 بیداردن وهم ایتمرز * نقد جان صرف جانان ایلین عاشق لزل * عشق
 میداننده بیداد و بلادن دوغیموب * راسترو سالک لزل تا بقدم صادق لزل
 * فی الواقع اول زمانده سعادت و شقاوت بر بردن امتیاز بوالدی و سعید
 و شقی احوالی بوا امتحانله معلوم اولدی اول طائفه که عمر و مال
 و اولاد و ملک دنیا به مقید اولوب ترک ایده بیلدی و کسب سعادت ابدی
 قیلدی و اول گروه که اسباب مستعار دنیویدن کچوب سعادت شهادت
 اختیار ایتدی منزل مقصود ایتدی یقیندر بو که قسام قضایا حاری صنه
 اجرت و یرمز * و هیچ مذهبده ایکی همشیره بز کاحه کیرمز (القصة)
 حضرت امام منزل منزل قطع راه ایدرک بنی سکون قبیله سنه ایتد کده
 بنی عکرمه دن بر شخصه اوغرا یوب آندن کوفه احوال سوال ایتد کده
 ایتدی ایا امام عبید الله زیاد سزک قصدیکزه هر جانبه لشکر روان ایدوب
 تفحص کده و تجسس کده درلر صلاح اولدر که مراجعت قبیله سن حقا که
 تو جهلک تیغ ابدار و سنان خونخوار درو و مخالفک غایتده جفا پیشه
 و ستمکار در اول نهنگ دریای ولایت و شیر پیشه سیادت اول خبردن توهم
 قیلیموب بلکه شوق شهادت حدتن زیاده ایدوب روان اولدی اما راه درلر
 و جاسوسلر حضرت امامک بنی سکون قبیله سنه ایتوب آندن دخی رحلت
 ایدوب وحدت عزیمتن کوروب عبید الله زیاد خبر ویردیله اول مدبر حربن
 یزید ریاحی به امر ایتدی که بیک مسلح نامه دایله استقبال قیلیموب حضرت

حسینی قنده کورسه نوجهه اولورسه غیر جانبک توجهندن منع ایدوب
کوفه به کتوره حرب بزید اول لشکر ابله بادیه پیمیا و صحرانورد او اوب
منزل منزل حضرت حسینی مطالت ایدوب و تردد قیاب و سداب دیعکله
معروف منزله بتوب او منزلده آرام طونوب منتظر ایکن حضرت امام
منزلندن کیجه ابله کوچوب بدرقه اختراشک غم اندوزوم شغله آه جکر
سوزله صباحه دل قطع را ایدوب (شعر) صبح کیم خانی خازن حکمت *
سر پنهان ایلدی گاه * چرخ ظلم نها دو کافر پیش * قیلدی بنخانه
سنی آتشگاه * اول پادشاه بت شکن و اول سلطان آتشخانه فکن و اول
شاهباز دشمن شکار علی نشین غایت استعجالدن اخت رنزل ایتوب
آفتاب و ارباب رفعتی آسمانه چکوب و سحاب مرکار در افشاندن زمان
زمان رهگذار باران رحمت و کوب و ورردی اول زمانه دل که اجزای
زمین ارتفاع خورشیددن کسب حرارت قیلوب و باران سموم و سراب
حدت هوادن رواج رونق بو اوب رفعت آفتاب زواله متوجه اولدی
و هیئت روزگار فرط حرارتدن تغیر بوادی (شعر) غایت حدت و یروب
سوها نقش ریگله * دهر جلادی هوا تیغنی خور زبانی *
صفحه صحراده صورت کوسروب صودن سراب * تشنه طبعند تعطش
آتش تیز ایلدی * و دبده تعظیم و تجلیل و زمزمه تسبیح و تهلیل ایله
طلیحه سپاه ظفر پناه منزل سداب بتوب حرب بزید یا حینت لشکرینه
ملحق اولدیلر و حرار لشکر بدخی بر صحراده دوشوب هر بری کندوسایه
مر کیده قرطون شکن صلابت عساکر ظفر آژدن اهتر زده دوشوب
صحره شوب مر کله رینه بنوب صاف چوب مقبله کلام تحقیق حال
ایتمک ایچون سلطان کر بلادن اول لشکرک سپه سالاری احضار نه فرمان
صادر اولدقده حرب بزید یا حی احتراز و جنتاب ایتوب لازم رکاب
همایون او اوب عرض حال یتدی پورسمه که (شعر) ی سجود در کهک
سرمایه نیایدی * شمس بوار قدرک حله عرش * خادم خلوت

سرای طاعتک ذکر مدام (هذه جنات عدن فادخلوها خالدين) یا امیر
المؤمنین اسلام سندن در دست * یا امیر الشریع سنسن رهبر اهل یقین *
یتسون مقصود نه هر کیم سکایر لسه قصد * کور مسون راحت یوزن
هر کیم سکایر لسه کین * حضرت امام آت اسم رسمن سوال ایتد کده
ایتدی یا امام بنم حرب بزید یا حی حضرت امام ایتدی یا حیر (الناام علینا یعنی
معاونه می گمش سن یا محاربه به می حر ایتدی یا امام عبید الله زباد طرفندن
مأمور مکمل ملازم مکده اولم کوفه دن سکایر غیری جانبه کتمک تمکین و یریم
حضرت امام ایتدی (لا حول ولا قوة الا بالله) ای حر حال نماز و قنیدرسن
جماعتکله و بزجا عتزله نماز ایدلم اندنصکره قند کتملوایسه کیده لم
حوا ایتدی یا ابن رسول الله سن امام زمانسین امامت ایت اقتدا ایدلم
(شعر) سکا سترم کیم قلم اقتدا * و در عالم ایچره همسان یتیم * که یلدم
سنی مقتدا یلسم * قبول ایلز حق بنم طاعنم * حضرت امام اکا (احسن الله
البک) دیوب اتفاقله نماز قیلد قدنصکره حضرت امام خطیبانه شمشیر
آیدار نه تکیه قیلوب حد و ثنای مشتمل و درود دعای محتوی بر خطبه
بلغ ادا قیلد قدنصکره اهل کوفه بی مخاطب ایدوب موعظه خطبه سن
یو کماله مزین قیلدی که ای محمد امی (جعل الله التوفیق رفیقکم) اگر چه
بنم رقبه اقتدارم بزیدک رقبه انقصادنه کیرمک مناسب کورلیوب آت
اطاعت نامقبولندن انحراف ایتدی کم درجه وضوحه یتشدی و مکده
قرار واقامت و روبر اول بقعه شریفه نثوطنی بنی غیر دیاردن مستغنی
ایتشدی سن که اهل کوفه سن متواتر نامه لارسال ایدوب و آثار مودت
و محبت عرض ایلوب امام و مقتدا من یوقد دیو بنم احضاری لازم
ایتدی کز ایتدی اگر حالا اول قرار اوره ایسه کزین بکال لازم اولان امره اقدام
ایتدم سن خنی لازم اولان مصلحتی سر انجام ایدک و اگر عزیمت ملاک
سعادنده خا صحرای تعلق دامن همتکز طو توب پشیمان اولد بکر ایسه
خار هکدارم اولک کلام بکم کی مراجعت قیله بزمزیر این بودیاره کلمکی

جدال و قتال ایچون کندوراً یمله اختیار ایتیمیشم و راضی دیکم که سبب
سفک دماء اولم حرایتدی ای حسین بن علی بنم نامه لردن خبرم یوقدر
حضرت حسین ایتدی سنک بو غیبه لشکر کده خبری اولان چوقدر پس
بیوردیکه اول نامه لری بعض حاضر اولره کوستروب انفعال و یردیلر
(شعر) ای خوش اول دمه که نامه اعمال غافل و واقف کنه ایلری محک
امتحان اولوب ظاهر نقد مغشوشی روسیاه ایلر بو حاله مقارن جانب
کوفه دن الی ناصرد استبحال ایلر کلوب عبیدالله زیاددن حره بر نامه
کتوردیلر مضمونی بو که ای حتر هر نه منزله که امام حسین علیه السلام
و ملاقات قبله سن کر که اکا موکل و مسلط اولوب بوجانبه کتوره سن
حر اول مکتوبی مطالعه ایتد کده حضرت امامه کوستروب ایتدی ای نقد
رسول هاشمی ملاحظه قیلکه سنک خصوص کده عبیدالله زیادد تقدیر
اهتمامی وارو بن حیرته یمکه آیانه تدبیر قلم اگر سنی معاف ایتسم عبیدالله
زیاددن و هم ایلرم و اگر سکا قصد ایلسم معبود مدن خوف ایلرم اما
الله خوفی عبیدالله زیاد و همنه غالبدر قلم اولسون اول پنجه نامبارک که
سن کی پنجه آفتاب شعاعه شمشیر آتشبار چکوب ظلمت عصیانله کندی
روز کارن سیاه ایده و عدم اولسون اول ناجوانمردک منزلی که سن کی کامل
وجوده زخارف دنیا ایچون قصد ایدوب و سوسه شیطانله کندوا حوالن
تبا ایده حقا که بوجانبه کلد کده بواده هیچ نسیم بدن یکا کذا ایتدیکه بکا
بشارت بهشت پرین یتور مدی و هیچ خار و خارایه او غرامد که بکار زبان
حاله مرده شهادت و یرمدی و بن حیرته یم که آیالونه عمل جز اسیدر بن
خود مقاتله آل رسول ایلر مأمورم اما امیدر که مقاتله مر افقته مبدل
اوله و حق دولت متابعتکرده بکا سعادت شهادت مبرسر قبله جا لا
بنم مخالف اولمغین صلاح بودر که مطهرات بحرات عصمت بهانه سیله
سزک اردوی همایون کز بزم عسکر شرارت اثر یمزدن بر مرتبه مبادت
اختیار ایدوب نزول ایده لر و ظلمت شب مستولی اولد قده ارتحال ایدوب

نه جانبد مراد کزایسه روان اولک صباح اولد قده بن لشکری خلاف سمت
چکوب صحرا ده بر زمان تردد ایدوب بولدم دیومر اجعت قبله یم
و بوم صیددن اوله که نجات بوله یم حضرت حسین اسرار حکمت
اظهار ایچون اول صلاحی مناسب کوروب نزول ایتد کده بر مقدار آنلردن
بعید اولمغله آنلر خواب غفلته ایکن نصف لیلده اردوی ه ایون
کوچوروب جانب مکم معظمه یم روان اولدی غالباً اول کیجه عروس
عالم شهد ایچون تعزیت استعداده اولوب کسوی مشکبارنده
رخسارن نهان ایتشدی و شهیدلر و مظلوملر ارض طربان کوروب دود آه
زمین دامن آسمانی طوتمشدی (القصه) بر ظلمت مهیب جانستان ایدیکه
بادیه ده شده حضرت خضر خرد سر کردان ایدی نه ماه و ستاره دن نشان
پیداونه صبح و آفتاب دن اثر هویدا آنک کی ظلمته اول مظلوملر عنان
اختیاری قالد قضایه تسلیم ایدوب تمام کیجه جد و جهده قطع منازل
قیلوب صبح اولد قده مر کب شمسوار میدان شهادت بره و لک منزله
توقف ایدوب اندن ایلر و کتمکه تقدیر دن رخصت بولدی و حضرت امام
اول سوار اولدیغی اسبه هر نه قدر تازیانه اوروب تحریک ایتک استدی
فائده قیلدی و حضرت امام ایتدی ای منازل و مر احلدن خبردار اولنلر
یلور مبرسز بونه منزلدر دیدیلر بوزمین ارض ماریه دیرل حضرت امام ایتدی
شایدن برغیری اسمی و اوله دیدیلر بر اسمیدن کربلا در حضرت امام
ایتدی الله اکبر هذا ارض کرب و بلا (شعر) بودر اول منزل که طبر اغنه قانین
قائمز* بونده در زیرامکان جسم سر کردانم* علی اکبر متالم اولوب ایتدی
ای پدر بزرگوار بونه فال نامبارکدر حسین ایتدی ای نور دیده حضرت علی
مرتضایله عزیمت حرب صفین ایتد کده و بوم منزله یتد کده حضرت مرتضا
دللدن اینوب امام حسنک دیزی اوزر یندمبارک باشن قویوب او یقویه
کتمشکن ناکاه بیدار اولوب آه چکندی امام حسن سببین سؤال ایتد کده
اول حضرت ایتدی شمدی واقعه کورده مکه بو صحر اکر داب خون

اولش و بنم حسینم اول کرد به دوشوب مخیر قالمش تقدیر که استغاثه
ایدر کسینه فریادنه یتمز پس بکامتوجه اولوب ایتدی یا حسین یوادیده
سکابو واقعه اور سه نه دیر سین دیدم یا شاه مردان صبر ایدرم و صبرایله اجر
استرمکه (انما یوفی الصابرون اجرهم بغير حساب) پس شاهزاده بیوردیکه
حجاب بارگاه رفعت اول منزلی مخیم خیام اردوی همایون ایده لر فرمان
واجب الاذعان مقتضاسنجه اول پادشاه عالم پناهک سر پرده رفعتلری
صحرای کر بلایه اوراندی و اول سلطان ملائک سپاه و حشمت دستکاهک
بارگاه سعادتلری میدان بلاده قورلدی (شعر) سایه صالدی قبه
کردونه چتر عرش سای * یتدی سطح خاک که قدرندن کمال ارتفاع *
کر بلا کردون ایدی چتر شمشیر کر بلا * خیمه خورشید ایدی طناب اکازین
شعاع * چون حضرت امامک جمیع افعالی مظاهر اسرار حکمت
و مطالع انوار قدرندر حر بن یزید ریاحی لشکرندن انحراف ایدوب مکه
جانبه توجه اتمش ایکن ناگاه اختیار سز کر بلا جانبنه دوشد یکی توهمدن
و تحیردن دکل ایدی بلکه بو غرض منظور ایدیکه عزیمت میدان بلا و توجه
دشت کر بلا کنند و نک محض شجاعتلرندن بلنمبوب رفیق اولان اعیان
دولته وارکان حشمت معلوم اوله که دایره تدبیر و تصرفن خارج بر محرک
سلسله ارادت و بدرقه طریق مشیت وار که انک امر به در هر نه واقع اولور
(نقلدر که) حضرت امام سمنند باد پای بادیه پیما سندن نزول ایدوب خاک
کر بلایه قدم بصد قدده اول خاک شریف حیا سندن صراروب آندن بر
غبار چقبوب کبسوی معنیر بن مخبر ایتدی ام کلثوم آنی کوروب ایتدی
ای عزیزم بر عجب حالت ملا حظله قبلدم و بر غریب عارضه کوردم
و بادیه طیر اغندن کوکله بروهم مستولی اولدی حضرت امام کاظم علی
و یروب شهره بانویه ایتدی ای یار دینو ازوای همدم و همرازینی بو موضعه
اعضای مجروحله آغشته خان و خون کور دکده و صبتیم بودر که زینهار
صدای نوحه ایله باعث تراید سرور اعدا اولیه سن و کبسوی مشکین

پریشان ایدوب گلستان جمالک تماشاگاه اهل شحاتت قلیبه سن (شعر)
قیلوب کبسو پریشان خاطرن جمع ایتمه بدخواهک * سرود آهله درددل
اظهار ایتمه اشرا ره * آچوب خورشید عارض قلیه روشن چشم
بدینی * کریبان چاک ایدوب جنت قپوسین آنچه کفاره * تمامی اهل بیت
بو خبردن کریان وریان اولوب دیده نمناکله ایتدی لای شاهزاده عالمپناه بونه
اخبار جان کداز و جگر سوز و کلام الم انجم و غم اندوزدر * حضرت
شاهزاده مقدمات نصایح و مواعظله تسلی و یردیکه ای جواهر معدن
رسالت وای ریاحین روضه ولایت چون اراده تقدیر ربانی بودر صبردن
غیری نه چاره (شعر) صورت کیفیت اشیا چکن رسام صنع * کارگاه
صنعتن موقوف تدبیر ایلز * وادی تدبیر سرگردانیدر عالم ولی * حیل
تدبیر سلب حکم تقدیر ایلز (القصة) حضرت امام اول بادیه خونخوار
و صحرای ملالت آتارده قرار طوتوب متمکن اولد قدده سلیمان سر دخر اعی
سر نامه ایدوب اشراف عراقه برنامه یازوب قبس اعرایله ارسال
ایتدی بو مضمونه که ای غائبانه اظهار صداقت قیلوب عرض اشتیاق
ایدن معتقد لر وای مخلصانه عبودیت نامه لر ارسال ایدن مجاهد لر سزک
مکاتب و مراسله کزک سطور خطوطی سلاسل جذب ارادت مزواقع اولوب
بوجانبه توجه قیلوب حالادشت کر بلا که بطن بلاد و عراق عربدر مخیم
خیام نزول اردوی همایون اولدی و سهیل اقبال حجازی مطلعمن بو
قضایه بر توسعادت صالدی ایمدی کر کدر که قبلد یغکز عهده وفاقیلوب
وسعادت مقدم شریفمزی مغتنم ییلوب مضمون مثال واجب الامتثال
اطلاع بولد قدده نقد جان نثار ایتکه درگاه فلاك اشتباهمزه که قبله اقبال
و منهج آما لدر توقف سز توجه قبله سز وسعادت عقبادوات دنیادن
اولی اولدیغن محقق بیله سز حقا که بویشارت سزه اهدای طریق هدایتدر
تصور ایتک که استعدای مظاهرت و معاونتدر زیر اسطنت عالم فانی
اکادکز که منت ایله تحصیل ایده لر و ذلت ایله براغوب کیده لر (شعر) تیغ

توفیق ایلہ بن قطع تعلق قیاشم * چکرم منت اولوب مائل سر بر و افسره
چون بکام مقصود فتح عالم تجرید در * عالی طوتمقدہ کون محتاج اولوری
لشکره * قبس اعرابی حضرت امامک نامہ سن کوفہ بہ التوب سلیمان
خزاعی یہ و یروب جواب المی قصندہ روان اولدقدہ کوفہ بہ یتدن عبیداللہ
زیادک طلیعہ لشکری اول نامہ ادی مراد نہ یتدن طو توب حضور نہ
التدیلر قبس اعرابی عبیداللہ زیادہ مقابل اولدقدہ نامہ بی پاره لدی عبید
اللہ زیاد ایتدی نیچون نامہ بی پاره لدک قبس ایتدی دوست سری دشمندن
مخفی کرک عبیداللہ زیاد ایتدی ای قبس اگر بنم سیاستدن نجات
بولقی استرایسک ایکی ایشدن برین اختیار ایت یا نامہ ده اولان اسملری
اظہار ایلہ یا منبرہ چبقوب حسبنہ و اتباعنہ ناسزا دیوب بکا و زیدہ ستایش
قبل * قبس ایتدی ای ابن زیاد اظہار نامہ خود ممکن دکل * اما قضیہ
منبر احمال پذیرد ر بیورک خلق جمع اولسون سلسلہ جمعیت منتظم
اولدقدہ قبس اعرابی منبرہ چبقوب زبان فصیحله واجب الوجودہ حد
و ثنا و حضرت رسوله درود بی منها ادا قیلد قد نصکرہ ندا قیلدیکہ ای
اهل کوفہ بن رسول حسبنم و کلشم کہ تشریف شریفندن سزی خبر
دار ایدم و مضمون نامہ بی اغازدن انجامہ دک شرح قیلدی و یزیدہ و ابن
زیادہ لعنت و نفرین اوقیوب و حسین و اتباعنہ ستایشلر قیلوب خواص
و عوامہ غریو و غلغلہ صالیدی عبیداللہ زیاد اول واقعہ دن غضبناک
اولوب هنوز منبرہ ایکن اول مظلومی شہید ایتدردی رحه الله علیه
(شعر) نہ ساعد ر کہ کلزار بلادن بر کل آچلر * نہ دمدر کیم فلک
بر مبتلا بغربنی قان قیلر * چون عبیداللہ زیاد حسین بن علینک کربلاہ
کلد کندن واقف اولوب اول حضرتہ برنامہ ارسال ایتدی بو مضمونلہ کہ
ای حسین بکایزید نامہ ل ارسال ایدوب اعلام ایدوبدر کہ حسین بن علی
اول جانبہ کلد کہ نہ بنم بیعتی آندن المنجہ قرار طوتمبہ سین واکر قبول
ایترسہ قتلندہ تعلل ایتمبہ سین ایتدی سکا نصیحت ایدرم کندیکہ ترحم

ایدوب یزیدک بیعتن قبول ایت واکر قبول ایترایسک اسباب محار بہ
مہیا قبل * حضرت حسین اول نامہ نک مضمونہ مطلع اولدقدہ النذن
پراقدی و جہرہ مبارکی غضبندن کلناری اولوب یوردیکہ زہی بدبخت
قوم کہ رضای خلقی غضب خالقہ اختیار ایدوب امتی یزید کلری
یغمبرک اولادن ہلاک ایتمکلہ رضا سین استرلر (شعر) کورنہ جاہلدر
عدو کیم دعوی اسلام ایدوب * دولت دنیا ایچون آل رسولی ایلر ہلاک *
کورنہ غافلدر اکا تابع اولان بدبخت کیم * خلقی خشنود ایلوب ایلر
خدای خشناک * قاصد عبیداللہ زیاد ایتدی یا حسین ندر بور سالہ یہ
جواب حضرت امام ایتدی (مالہ عندی جواب لقد حقت علیہ کلمۃ
العذاب) قاصد عبیداللہ زیادہ مراجعت قیلوب حسین بن علینک
جواب ویر میوب نامہ بی پراقدیغنی اول مدبرہ خبر ویرد کدہ اول بدبخت
غضبناک اولوب اهل مجلسہ یوز طو توب ایتدی ای اکابر شام و اعظم
کوفہ کیمدر کہ سزدن متصدی حرب حسین اولوب ہر مملکت معظم کہ
عراقدن مراد ایدنسہ اکا ویرم ہیچ کسنہ جواب ویرمدی بو کلمہ بی
کراتلہ تکرار ایدوب کسنہ دن جواب آلہ میوب عاقبت عمر بن سعد و قاصہ
ایتدی ای اشجع بنی قریش برمدندر کہ ملکری تمناسندہ سین و دیار
طبرستان استدعاسندہ سین ایتدی ملکری و دیار طبرستان حکومتن
سکا ویردم فی الحال منشور ایالت توقیع اختتامہ یتوب تسلیم اولندقدہ
بر خلعت فاخرہ دخی کید یروب و بر جنب برق رفتار دخی ملازم لرنہ
تسلیم ایتدردی بو انعام و احساند نصکرہ ایتدی ای تقدس سعد و قاص اناک
اکابر صحابہ دن اولوب شجاعندہ مشہور و معروف ایدی و حالایزیدک
تحت لو ای حکومندہ اگر چہ معتبر سرافرازلر چوقدر اما سندن
اشجع و اقدام مبارز یوقدر بنم صلاحیم بودر کہ سن سپہ سالار اشکر اولوب
حسین بن علی اوزرینہ لشکر چکوب آندن یزیدک بیعتن آلہ سین واکر
قبول ایترسہ آنک و اتباعنک باشلرین کسوب یوجانبہ کوندروب

بو خدمتی کنند و که موجب ازدیاد رفعت و باعث تر اید منزلت بیله سن عمر
 ابن سعد ایتدی ای عبید الله و بر امر عظیم و شغل و همدر تفکر و تأمل سر
 شروع ایتمک اولمز بکام هلت و یرمنزله مر اجعت قیلوب اولاد و اتباعله
 مشورت ایدوب نه مصلحت قرار و یر بلور ایسه کلوب عرض ایدیم رخصت
 حاصل ایدوب کیدیک کی خلعتله مر کب جنبته بنوب طبرستان وری
 منشورن الله آلوب منزله کلد کده اولاد و اتباعی آنی اوز ینتله کوروب
 ایتدیلر بوانعام و التفاته نه سبب و اقع اولدی اوله ابن سعد ایتدی بو کون
 عبید الله زیادک دریای التفاتی تموجه کلوب و نسیم عاطفتی متحرک او اوب
 بنی بوانعام و احسانله سرافراز ایدوب سر عسکر ایتدی بو شرطله که
 حسین بن علی مر ترضی ایله حرب ایدوب یاداره بیعتنه کتورم و یاداره
 شهادته یتورم اولو او غلی ایتدی هیهات هیهات ای غافل بونه خیال غلط
 و نه اندیشه باطل و نه سودای بیهوده و سعی بیخاصلدر آیا بلزمیسنکه
 اول جکر گوشه زهر او نور دیده مصطفی و سرور سینه علی مر تضادر
 و سنک اتاک سعد و قاص نقد جان آنلرک یولنده صرف ایتدی و حالاسن
 آنک قصد نه لشکر چکمک استرسن و سن کند و الکلک اوچ مکتوب
 یازوب ارسال ایدوب آنی بودیاره دعوت ایتدک حالا غدرله قان دوکک
 استرسن حقا که مسلمانم دین بوا مر هار تکاب ایتمزود عوای اسلام ایدندن
 بو عمل ظهوره یتمز (شعر) آت اولور طون یر تلورری ملک ایلر انتقال * لیک
 تا محشر قالور باقی و بال خون آل * بلکه بو نکبتلک اثری قیامتهدک
 اولاد و اتباعه که دخی سرایت ایلک مقرر در زیرا مصیبت اعظم
 و خیانت اکبر در عمر بن سعد آنک سوزندن منزجر او اوب یوزد و ندر و ب
 کچی او غلندن نصیحت استد کده اول روسیاه حرام زاده ایتدی ای بابا
 اگر چه قرنداشم دیدیک سوزلک صحیح اولدیغی ظاهر در اما امر غائب
 اولوب عبید الله زیاد ایتدیکی انعام و احسان حاضر در و هیچ عاقل نقدی
 نسته به و یرم و غائبی حاضر دن اولی کومر عمر بن سعد آنک صلاحن قبول

ایدوب و اولر آیه قرار و یروب عبید الله زیادک مجلسنه کلوب اظهار
 رضا قیلد قده عبید الله زیاد خوشحال اولوب آفرینلر او قیوب فی الحال
 بش بیک مبارز خونخوار همراه ایدوب کر بلایه روان ایتدی (روایتدر که
 عمر بن سعد تهیئه اسباب ایدوب متوجه اولمده ایکن جزه بن مغیره که
 خواهر زاده سی ایدی اول مدبرک عزیمتن کوروب ایتدی ای بد بخت ازل
 و ایدوبونه خیال فاسد و فکر ناصا بیدر آیا یرز جبار و احد مختار و حیدر کراره
 رجوعک اولمزمی و عرصات قیامت یاد که کلمزمی ابن سعد ایتدی ای عزیز
 بن دخی بلورم که بواندیشه ناصا بیدر اما ذوق حکومت ری و طبرستان
 جمیع تصوراته غالبدر جزه ایتدی حقا که حکومت تمامی عالم اکادکر که
 دنیاده بدنام اوله سن و آخرتده عقوبتن بوله سن عمر بن سعد بو نصیحتدن
 بر مقدار متأثر اولوب فسخ عزیمته عزم قیلش ایکن ینه حب جاه و سودای
 ریاست دیده بصیرتن اعمی قیلوب ضلالتده یکجهت اولوب اول سر عسکر
 سپاه شیاطین و سپهسالار ارباب کبر و کین انخس اوقا تده وارذل ساعتده
 و ستاره نحس کی برج منقلب کوفه دن طلوع ایدوب دشت کر بلایه پرتو
 نحوست براقدی (شعر) آلدی تشویش قدومی راحت اهلندن فراغ *
 اوردی اوضاع خیامی سینه صحرا به داغ * و یتدیک ساعته توقف
 ایتموب بی ادبانه حضرت حسینه بر مکتوب ارسال ایتدی بو مضمونله که
 ای حسین بودیاره کلدیک کدن غرضک ندر حضرت امام جواب یازدیکه
 بنم حضورمه سبب سزک نامه لیکر و اظهار اشتیاق کز واقع اولدی حقا که
 بن بوجایه سزک صلاح کز ایچون متوجه اولدمکه مضیق ضلالتدن
 فضای نجاته رهنمائی ایدم حالا که جوهر استعداد کزده اثر قبول هدایت
 اولوب مسلم عقیده اول جفاری روا کوردیکر معلوم اولدی یتیم بودر که
 دار الملک بخازمر اجعت قلم اگر مانع اولمب سز عمر سعد بن تصور ایدردیکه
 حسین بن علی محض اجدال و قتال ایچون بودیاره کلدوبدر بوجوابله خوشحال
 اولوب ایتدی شاید صلح ایله رفع فساد ممکن اوله و حسین بن علی کند و دیارنه

مر اجعت قلوب بوفته تسکین بوله * پس واقع اولان سوال وجوابی
عبید الله عرض ابتدی اول مدبر جواب یازدیکه ای سپهسالار کوفه
بزرگ بیعتن حسبه عرض ایت اگر قبول ایتر سه بکا اعلام ایدوب مترصد
فرمان اول ابن سعد اول نامه مضمونندن محقق بلدیکه عبید الله صلحه
راضی اولماز اولنامه بی حضرت امام حضور نه ارسال ایدوب حضرت
امام اول مضموندن ابا و امتناع صورتی کوسترد کده و کیفیت حال
عبید الله زیاده عرض اولاند کده اول مدبر غضبناک اولوب حصین بن غیر
و شیبث بن ربیع و شمر ذی الجوشنی اون بیک مفسد ایلر ارسال ایدوب امر
ایتدیکه حسینی آب فراندن منع ایدوب بیعت ایدنه دکن صو و یرمه لر
ابن سعد اول امره اطاعت ایدوب عمر بن حجاجی بشیور نامه ردله رود فرات
ضبطنه تعیین ایدوب زلال فراتی اول دریای فضیلتدن منقطع ایتدیلر
بوصورت محرم آیتک یدنجی کونده واقع اولدی وهم اول کون حضرت
امامک لشکر نه تعطش پیدا اولوب وغصون شجره نبوت و ریاحین
روضه رسالت قحط آبدن پر خرده وحدت عطشیدن افسرده اولمغین
عباس بن علی الی نفر سوار و پیاده مبارزلر ایلر فراته متوجه اولوب
عمر بن حجاج ایلر محاربه ایدوب غالب دوشوب کفایت مقداری
صو کثوروب لشکر گاهه بتور دیلر ایکنجی کیچه ده حضرت امام ابن سعه
اعلام ایتدیکه اگر صلاح ایسه بر زمان ملاقات ایده لم ابن سعد اول
صلاحی قبول ایدوب بعضی ملازم لریله لشکر دن چیقوب و حضرت امام
دخی عباس و علی اکبر ایلر اکامقابه ایتدی ای ابن سعد آتاک ابن ابی وقاص
دن سکا و صبت بومیدر که آل ابوسفیانه تابع اولوب ساقی سلسبیل و کوثر
اولاد نه آب روانی مسدود ایدوب تسکین حرارتلر بن زلال شمشیر آبداره
حواله قبله سین و فجره و فسقه ملازمین خاندان نبوت تولا سندن اولی
یله سین ای ابن سعد زخارف دنیایه اعتبار اولمز و عروس بیوفای زمانه
کمپسه به وفا قیلر حقا که سکا اظهار ایتدیکه نصایح ذممه مودوع اولان

لوازم امر معروف ونهی منکر در یو خسه سنک معاونت و مظاهر نکدن
مستغنی اولدیغم مقرر در (شعر) بز بلا میدانه وقف ایتمشز جان نقدنی *
خواه سندن غیری یو میدانه کلسون خواه سن * بونه لایقدر سکا کیم
بونجه اهل ظلمدن * اوله سن قتال اولاد رسول الله سن * عمر بن سعد
ایتدی یا ابن رسول الله جمیع یوردیغک حق و صد قدر اما وهمم
آندندر که مباشرت امر قتال اولسم عبید الله زیاد عناده کوفه ده اولان
مقام و منزلی خراب ایده حضرت امام ایتدی عمارت دنیا یه نه اعتبار آخرتده
سنک مقام که متکفل اولیم و دنیا ده دخی سرا یکدن یک منزل مدینه ده
سنکچون مقرر قبله یم عمر بن سعد ایتدی بنم کوفه ده ضیاع و عقارم جو قدر
تصر فدن چیقو حضرت امام ایتدی بنم بجازه زیاده ضیاع و عقارم وار
آنلری سکا و یرمه عمر سعدک بهانه سی منقطع اولوب خوش اولدی حضرت
امام کوردیکه قابل نصیحت دکل دیدی ای ظالم بونه عداوتدر بو عماده
تصور ایتدیکک مر ادیکه یتیمه جکسن فی الواقع اویله اولدی اندک زمانده
مختار ابن ابو عبید چیقوب اول مدبری و او غلنی سیاسته بتور دی
و نحو سترین یر بوزندن کتوردی (شعر) ظالمی صممه کم مراده یتز * ظلم
بنیادی استوار اولماز * بهر مند ایلر فساد اهلن * مکر و نقشینه اعتبار اولمز
(روایتدر که شاهزاده اندن مایوس اولوب منزله مراجعت ایتد کده بر یر
ابن حصین همدانی که افضل زهاد عصر ایدی حضرت امامک اجازه یله
نصیحت ایچون اول کراهک لشکرینه کیدوب اجازه تسن محلسنه کوروب
سلام و یرمبوب اوتوردی ابن سعد اول حالتدن متعجب اولوب ایتدی ای
عزیز نه مانع اولدیکه سلام و یرمدک بر ایتدی سلام مسلمانلره مخصوص صدر
ابن سعد ایتدی مکر بن مسلمان دکلم بر یر ایتدی حدیث مضطغویدر
یوردر (المسلم من سلم المسلمون من یده و لسانه) و سن حضرت رسول
اولادنی آب فراندن منع ایدوب داعیه قیلش سین که حرب ایدوب قتل
ایده سین بو تقدیر ایلر اسلامکه حکم اولنور می ابن سعد ایتدی بن دخی

بلورم که اولاد رسول ایله خرب ایدن مستحق عذاب الیم و مسعد عقب
 بحیم اولور اما ترک حکومت ری و طبرستان اید بلورم بریر اول
 بدبختدن نومید اولوب مجلسندن چیقوب کندی (شعر) هر بخرد
 که فسق و فساد ایله طوندی خو* اولماز حدیث اهل خرد کار کاراکا*
 داننده هر شقی که زحل کی نحسدر* بیک مشتری سعادتی ایتمز اثراکا*
 (روایتدر که شمرزی الجوشن شقی اول احواله واقف اولدقده فی الحال
 کوفه یه روان اولوب عبیدالله زیاده عرض ایتدی که حسب الله عمر بن سعد
 اراسنده اختلاط اولوب کیجه لر مجالست ایدر لر بلورم که نه تدار کده در لر
 عبیدالله زیاده اول خبردن غضبی طغیان ایدوب عمر بن سعد به برنامه یازدی
 بو مضمونله که بن سنی محارب بت ایچون کوندردم مصاحبت ایچون دکل
 بلورم که سن بواصر خطیرک عهده سندن چقم سن طبرستان وری
 منشورن شمرزی الجوشن یدنه تسلیم ایت عمر بن سعد پلید اول نامه دن
 متأثر اولوب اول جفا کاروبد کرد ارك آش فسادی عبیدالله زیاده
 دم سردندن زبانه چکوب و محاربه و مقاتله یه یکجهت اولوب و پرده محابا
 و مواساتی ارادن کوتردی (روایتدر که محرم آیتک سکن نخی کوننده
 لشکر اسلامده آتار تعطش ظاهر اولوب اول چشمه حیاته عرض
 اولند قده اول حضرت اشارت ایتدی که بر موضعی حفر ایتدیلر بر چشمه
 زلال چیقوب جمیع لشکر سیراب اولدقده نصیره بینه پنهان اولدی
 و بو خبردخی عبیدالله زیاده ایریشوب اول ظالم تهدید ایله عمر بن سعد اعلام
 ایتدی که استماع اولور که حسب الله بادیده حفر ابار ایتکه فراغت رخصتن
 و یرمش سن بوقضیه نامعقولدر کدر که احواله مضایقه و یروب
 تمکین راحت و یرمیه سین هم اول ساعت محمد اشعی درت بیک مبارزه
 آنک عقبجه قبس ابن احمصی ایکی بیک نامر دایله واکامتاقب بحاج
 بن حرزی بیک مبارزه ارسال ایدوب اون آتی بیک مبارزه جمع اولدیلر
 اول هجومی کوروب حبیب بن مظاهر ایتدی یا ابن رسول الله قبیله

بنی اسد بوقر بده درا کر اجازت اولور سه واروب انلری طریق هد ایته
 ارشاد ایتک اولورزیرا که اول طائفه ده مرتبه شهادت طالبی اولنلر جو قدر
 اما بومر که دن خبرلری بوقدر (القصة) شرف اجازت حاصل ایدوب اول
 قبیله یه واروب ندا قیلدی که ای سعادت شهادته مشتاق اولنلر وای دولت
 باقی استدا قیلنلر بو کون اظهار جلالت دمیدر (شعر) شهباز آشیان
 ولایت هلا کنه* صحرای کر بلا ده هجوم ایلش غراب* شیرش کارگاه
 غزادن هجوم ایدوب* عذب فرات شهیدنی منع ایلش کلاب (روایتدر که
 اول طائفه دن طقسان نفر شجاع و نامدار و مبارز کینه گذار ابن البشیری
 کندیلرینه سردار و سر خیل ایدوب مکمل و مسلح حبیب مظاهر ایله
 حضرت امام حضورنه متوجه اولدیلر عمر بن سعد اول احوالی معلوم
 ایدوب ازرق بن شامی بی درت بیک نامر د ایله بوللر محافطته ارسال
 ایتشدی فرات کارنده بربرینه ملحق اولدیلر اما اول مجاهد لر دخی آنلردن
 دو غیوب بنیاد جدال و قتال ایدوب اول مسلمانلرک بعضی شهید
 و بعضی مهربوب جانب کر بلا یه یول بولوب کندی و قبیله لرینه مراجعت
 قیلدیلر و حبیب مظاهر مأیوس و محروم حضرت امامه ملحق اولوب
 صورت احوالی عرض ایتدی عبیدالله زیاده اول حاله دخی مطلع اولوب
 عمر بن سعد غضب آمیز مکتوبدخی ارسال ایتدی که ایشتم که حسب الله
 مهلت و یرمش سن قبیله نامه لر کوندروب لشکر جمع ایتکه حقا که نامه
 یتد کده ابتدای حربده آنک امرن سر انجام ایتیمیک اولسک سکا و جمیع
 حضور کده اولنلره سیاستم طوق نور حین وصول نامه اگر چه آخر روز
 اولوب غروب آفتابه قریب ايسه ده صبا حدک صبر ایتیموب سیاستدن
 احتراز ایده سز عمر بن سعد جمیع لشکرین مرتب ایدوب متوجه حرب
 اولدیلر (شعر) مهجه رایت اولدی کردون سای* عرشه چیقدی صدای
 ناله نای* صف چکوب لشکر مخالف دین* لوح خط غم اولدی روی
 زمین* آخر روز کرد لشکر شام* صفحه آفتابه صالیدی ظلام* اتفاقا

اول کون محرم اینک طقوزنجی کونیدی و حضرت امام اول وقت مستد
آسایشده ایدی ناله نای و نوحه نفیردن بیدار اولوب عباسه امر ایتدی که
آنلره مقابل طوروب حقیقت حالی معلوم ایده عباس علی یکر می مبارزله
آنلره مقابل اولوب بونلره حرب ایچون کلدکارین معلوم قیلوب حضرت
امامه خبریتورد کده حضرت امام بیوردیکه ای عباس بوجماعندن
بو کیجه مهلت استیوب دوندر یکز زیرا بو کیجه جمعه کیجه سید روانتهاء
ایام عمر مزد مر اسم طاعت و عبادته اشتغال ایدلم صباح اولدوقده هر نه
صلاح ایسه عمل اولنه حضرت عباس اول لشکره مقابل طوروب ندا
قیلدیکه ای مسلمانلر جکر گوشه رسول الله سزدن بو کیجه مهلت استر عمر
ملعون امرای لشکر یله مشورت قیلوب مهلتی صلاح کور میوب دبیلر
سزه امان یوقدر عباس علی ایتدی ای بیر جملر بونه ظلم صریحدر که نقد
رسول الله بر کیجه مهلت ورمیه سز وای بدبختلر بونه امر قبجدر که جمیع
عمر بکرده حق رضا سند کیرمیه سز حقا که اگر شهسوار میدان ولایتدن
سبقت خریه رخصت السیدم و سلطان سریر امامتدن تقدم رزمه
اجازت بولسیدم زبان تیغیله جوابکزی ویرردم (القصه لشکر اول
مکالمه دن حیا قیلوب محاربه امر نده عمل ایدوب بالضروره رؤسای لشکره
دخی مراجعت لازم کلوب قضیه حرب اولکیجه موقوف اولدی اما
حضرت امام جمیع اصحاب و احباب و اتباعن جمع ایدوب بیوردیکه اردوی
همایونک بر طرفندن خریه رهگذار آچوب باقی اطرافنه خندق محفور
ایدوب خار و خاشاک ایله طولدیروب اودا و ره لکه ابطال معرکه جدال
وقتاله مشغول ایکن مخدرات سرادق عصمت مخالفلردن متحصن اولهل
و اول آتش شعله می زبانه چکد کده مالک بن عمرو که اشدا عدا دین
واهل نفاق ایدی مر کینه بتوب جولان قیلوب نعره ایدردیکه ای حسین
آتش دوزخ دن مقدم کنیدیکی آتش دنیایه یا قدک حضرت امام ایتدی
(کذبت یا عدو الله) کان ایدرم بسن که بن دوزخه کیروب سن اهل بهشت

اوله سن مسلم عوسجه ایتدی یا ابن رسول الله اجازتک اولسد بر خدنگ زهره
شکافله بوملعونه دوزخی کوسترمک اولور حسین ایتدی ای مسلم استم که
ایتدای حرب بنم لشکر مدن اوله اما تماشا قیل که بوملعون قهر الهی یه
نیجه گرفتار اولور پس اول سالک راه حقیقت یوزون درگاه بی نیازه
طوبتوب ایتدی (اللهم جره الی النار) یعنی الهی بوملعونی سلسله عقوبتله
آتش سوزانه چک فی الحال (دعوة المظلوم مستجابة) مقتضا سنجه اول
ملعونک مرکبی آنی اختیار سز آلوب حضرت امامک لشکر نه متوجه اولوب
خندقه یتد کده التهاب ناره دن رم قیلوب اول ملعونی آتش سوزانه
براقدی اول حالته ایکی لشکر تماشا قیلدیلر حضرت امام سجده شکر
ایدوب دعایه مشغول اولوب دیردیکه * یارب ذریت اهل بیت رسولم و یتیم
و مظلوم بتولم سن داد می بوظا للمردن آله سن * اشعث کوفی نعره
اوروب دیدیکه ای حسین سکای غم بکنه نسبتی وار که آندن لاف ایدرسن
حسین ایتدی یارب ابن اشعث نسیم قطع ایدرا سترمکه بو کون جزا سین
ویره سین هنوزد عاتمام اولمدین اول ملعونک باطن ناپا کنده بر تقاضا ظاهر
اولوب مر کیندن یه اندیکه تدارک احوال ایده عورتنه بر عقرب نیش
اوروب نجاست او شنه مکشوف العوره دوشوب جانی جهنمه تاپشوردی
هم اول زمانده جعده فراقی مقابله کلوب اوازیتور دیکه ای حسین زلال
فرا تکه دریا صفت تموجده در حقا که سکا و اتباعکه آندن بر قطره صو
و بر لمر ناتشنه لب هلاک اوله سن حضرت حسین کریان اولوب دعا قیلدیکه
(اللهم امته عطشان) فی الحال اول ملعونک مرکبی بیواسطه رم قیلوب آنی
یره بر اقوب اول ملعون پیاده هر جانه یو کوروب العطش العطش دیردی
وهر تقدیر صو ویرلردی ایچه یلیوب خشک لب جانی جهنمه تاپشودی
و لشکر یزید اول کرامت لری کور لر ایدی اما فائده قیلز ایدی و آینه
اعتقاد لرندن بوضیقلر له ژنک کدورت لری آچلمزدی (شعر) پاک ایتکه ارباب
خطا صفحه قلبین * اظهار کرامت قیلوب اهل نظر اما * ظالم لره اظهار

کرامت اثر ایتمز * قتل دل فرعونی منورید بیضای * بو کر امتلرد نصکره
حضرت سلطان کر بلا جمع اخوان و انساب و اولادنی جمع ایدوب
برکسی نصب قیلوب اوزرینه چیقوب بر خطبه آغا زایتدی بومضمونه که
شرایف سیاس بی قیاس اول متکبر بی نیازه کی مضمون کتابه ایوان بارگاه
تقریبی اسرار محنت و مصیبتیه بیاندر (شعر) اول نسق بخش امور کارگاه
صنع کیم * شهد لطفی محنت آمیز و بلا انکیز در * جویبار گلشن احسانی
نیغ ابدار * سبزه کلزار قریب خنجر خوریز در * و اطائف جدید اول
معشوق عاشق کدازه که حلیه سر پرده حریم قرب و قبولی بحر ملر
و مقرر بلر قاندر (شعر) زهی سلطان مستغنی که جام التفاتندن *
نصیب اهل تسلیم و توکل زهر قاتلدر * کمال التفاتی غایت قهرنده
مضمر در * جفا سندن تنفر قیایان لطفینه قاتلدر * و درود نامعدود اول
اشرف کائناته که مشتمل احتمالی مصائب پایه قدرن درجه معراجیه
یتور مش و تجرع زهر بلا طبع سلیم مستقیمه نشانه توفیق تقرب و یرمش
(شعر) اول شد معموره اندوه اقلیم بلا * کیم دیار درد تعمیرنده صرف
ایتمش حیات * صالمس ویرانه دنیایه ظل اعتقاد * آچمه مس جمعیت
اسبابه چشم التفات * شرایط حد و ثنادر نصکره بیوردیکه ای دایره
متابعتمه و حوزه انتسابده اولان وفادار لر جزا کم الله خیرا سزندن
خوشنودم طریق مرافقتمه تقصیر ایتدی بکرو دایره متابعتده طریق مخالفت
طوتمدیکر حالا ایستهم که نایره محنتندن سزده شرارت مضرت ایره و صرصر
مصیبتندن کلزار جمعیتکزه خزان تفرقه کیره * و بنم بو کیمه بوجفا
پیشه لردن مهلت استدیگمدن غرض جلوه حیاتندن استیفای تمتع
ایتمک دکل بلکه مقصودم بودر که چون شاهد توفیق شهادت پرده خفاده
ایکن عرض جمال ایتدی و نهال حیات مستعارم برک ریز اولمغه وعده
یتدی (شعر) کلدی اولدم که فنا پرده سنی چاک قلم * بزم وحدتده بقا لذتن
ادراک قلم * و ییلور مکه بو طائفه نک مقصود لری بنم و بک باظفر

بو لدقد نصکره سزده التفات ایتزلر صلاح اولدر که بو کیمه فرصت
وارایکن گروه گروه اطراف و جوانبه پریشان اوله سز و غرقه طوفان یداد
اولمدن نجات بوله سز (شعر) چقمقدن دست تصرفدن عنان اختیار *
فکر ایدوب محنتده تدبیر نجات ایتک کرک * حادثات دهر دن غافل کرکز
آدمی * صورت حالینه هر کم التفات ایتک کرک * بو کلمات جان کدازی
ایشده کده آل و اتباع و اشیاعندن فریاد و فغان فلک دواره چیقوب
اتفاقله ایتدی لر ای خازن کنجینه اسرار حکمت وای کاشف رموز ولایت
حاشا که خاک پایکه نقد جان نثار اولمدن دولت ملازمتکدن مفارقت
ممکن اوله وعید کاه بلاده خلعت کلرنگ شهادت د کیمدن بومعمر که دن
چقمق صورت احتمال بوله (شعر) بزابتدای خلقت و اغاز عمر دن *
نذر نثارک ایلشوز نقد جانم * ممکن دکل ملازمتکدن مفارقت *
تاصفحه وجودده واردر نشانم * حضرت امام آنلری طریق وفاده
ثابتقدم کوروب مسلم عقیل اولادنه ایتدی ای عزیزلر بزکوفه خلقنک
مواعید کاذبلرینه اعتماد ایدوب مسلم عقیلی اول دیاره رسال ایتدک
و اول مفسدل طریق مخالفت طو توب اول مظلومی شهید ایتدی لر حالا
صلاح اولدر که سز والده کزی آلوب بنی طی قبیله سنه واروب آندن
متوجه مدینه اوله سز که خاند انکز منعدم و منهدم اولمیه اولاد مسلم
بو کلمات جان کدازی استماع ایتدکده خروشه کلوب ایتدی لر حاشا که
خدمتکدن مبادعت اختیار اید و ز باب ابن رسول الله التماسم بودر که
بابامز و قرنداشلریمز مقدمه لشکر شهید اولدیغی کبی بزه دخی بوسعادت
شهادت مبسر اوله (شعر) چون بقاملکنده در جمعیت اهل وفا *
روی دل اول مقصد اعلایه دوندرمک کرک * نیلر ز حیران و سرگردان
قالوب همت * طو توب داردنیادن عنان عقبایه دوندرمک کرک * حضرت
امام آنلره دخی دعا قیلوب جمیع اصحابنه رخصت و یردیکه واروب
طاعته و عبادته اشتغال ایدلر * و کندی دخی سعادت سراینه متوجه

اولوب عبادته مشغول اولدی (اونجی باب حضرت امام حسینک لشکر
یزید ایله محاربه سن بیان ایدر) واول دخی ایکی فصلدر فصل اول شهادت
حرو بعض شهدادر چون متفق علیه ارباب عقول و معتقد اصحاب قبول
اولدر که عدل امور متوسطه منساوی الطرفین دن عبارتدر و جور افراط
و تفریط دن برکایتدر لاجرم طریق عدل دن هر عدوله ایکی جور ملازم
اولوب بوسیدن قلت عدل و کثرت جور لازم کلمکین اکثر خلق جهان
ارباب فتنه و فساد اولوب اقل اهل زمان اصحاب صلاح و سداد اولوبدر
(شعر) امور مرتبه عدلدر توسط حال * عدول موجب افراط و باعث
تفریط * سبب بودر که اولوب عدل جور مغلوبی * همیشه فتنه دن اولر
بری بساط بسط * و هر آینه سلطان طبیعت مستخدم اصناف جور
اولغین و شهر یار عقل اقتباس انوار ظهور عدل قیلغین پیوسته بری
برینه منازعدر و منازعه لری جمعیت اسباب نظام و انتظامه مانعدر
(شعر) طبیعت طلب ذوق و طربدر * طریق عقل قانون ادبدر * طبیعتدر
مزید رفعت و جاه * مراد عقل ترک ماسوی الله * الهی پر تو عنایت کدن
اعانت استدعا قیلنور اولد مکه سلطان طبیعت دیار بندده سپاه ذریت
جمع ایدوب اسلحه مناهی و ملاهی مرتب قیلوب شهر یار عقلک لشکر
صدق و صلاحی متفرق ایدوب مغلوب قیله و اثر مرحتکدن معاونت
التماس اولنور اول ساعت که ملک تنده استیلای هجوم لشکر هوادن ملک
روح مضطرب و متحیر اوله تنه که تغلب و طغیان لشکر یزید پر جفادن شهید
یادیه کر بلا و هجوم هموم اعدا دن حسین بن علی مرتضایه اولدی
(شعر) صورت تحریره کلز اولسه در یار مداد * شرح پیداد بلاد در رزمگاه
کر بلا * کر بلا ده حصر اولوب عالمده هر محنت که وار * بند قیلمشدر طریق
صبر شاه کر بلا * راوی روایات جگر سوز و ناقل حکایات غم اندوز بو طریق
ترتیب صفوف معرکه یه نظام و یرمش و بو طرز نه سلسله روایاتی تحریر که
کتورمش که چون شب عاشورا حضرت سلطان کر بلا لشکر اعدا دن تنجیم

شرائط عبادت و تقدیم مر اسم عذرا اصحاب طاعت ایچون مهلت طلب
قیلوب و اول استدعا اجابته بتوب اندیشه حر بدن فی الجمله فارغ اولوب
توابع و لواحقیه عبادته اشتغال ایتدی و صبا حده کذکور و انانیدن زمزمه
تکبیر و تهلیل صوامع ملکوتیه ایتدی اول کیجه سکان سر اداق علوی
متغیرالا حوال اولوب و اعمال عوالم سفلی حیرت و دهشته قالبوب فلک
شرمسار ایدیکه آیا بونه عمل بیحکم و نه تدبیرنا صواب ایدی * و زمین
مضطرب و بیقرار ایدی که آیا بونه بیداد بیحساب ایدی و ستاره تدبیر
و تأثیر دن عاجز اولمش بلکه دیده بیدار آجوب متحیر قالمش عروس عالم
لباس ماتم کیوب و خواتین حر مسرای عصمت ایچون ماتمده ایدی
و خسرو انجم ماتمده ظلماته کیوب شهدا ایچون غم و المده ایدی (شعر)
آسمان آج شدی ابواب ملال * اختراقباله یتشدی و بال * فوت اولوب
سر رشته تدبیر کار * مضطرب قالمشدی دور روز کار * منفعل دور ان
مخالف دور دن * منزجر عالم مشوش طور دن * اگر چه مسیحاد امن
خورشیدی طوتوب طلو عندن منع ایدردی که اشعه انوار شهب
کر بلا یه سهام بلا اولیه و کدون سحر ابواب مسدود ایتشدی که
صبح کاذبک دم سردندن شاه کر بلا نک شمع حیاتی انطفای بولیه
اما اقتضای اقبال شهادت سرعت دورانه استعجال ایدوب طلیعه
صبح صادق جانب مشرق دن هویدا اولدی (روایتدر که اولدم آسمان دن
برندا کلدیکه (یا خلیل الله ادر کنی) و اول صدادن ام کلثوم مضطرب
اولوب تعجیل ایله حضرت امامک منزله کلوب ایتدی ای برادر عزیز بو
صدادن واقف اولدکی حسین ایتدی بلی واقف اولدم و حالا حضرت
رسول علیه السلامی واقعه کوردم اول حضرت بکامزده شهادت و ربوب
پیوردی ای حسین سوا کن عالم بالا و زمزمه ملا اعلای ارواح مقدسه
انبیایله استقبال روح شریفک قیلوب انتظار کده درلر جهدا یتکه بو کیجه
حضور مزده افطار ایده سین و بو حاله مقارین بر فرشته کوردم النده

شبشه دیدم یار رسول الله بوفرشته نذر واند ه بوشبشه ندر بیوردیکه ای
حسین بوفرشته مأمور در که ظالم لرسنك قاتك دوكد كده بوشبشه ایچنه
طولدیروب آسمانه الله (القصة) ام کلثوم اول حالته کریان اولوب حضرت
حسین ایتدی ای مظلومه اهل بیتتی حاضر ایله که هنگام وداع در (شعر)
الوداع ای دوستلرم کلدی هنگام سفر عرش پروازینه مرغ ورحم آچدی
بال و پر یوسف مصر قبولم چکمز اولدم حبس تن * ایلدم زندان تنك
دهر دن قطع نظر * نیجه اهما مال ایلیم ملاك بقا عزمنده کیم * شام عمرم
ایلدی اظهار آتار سحر * مضطر بدر شوق تشریفمده شاه اولیا *
منتظر در لذت دیدارمه خیر البشر (القصة) مخدرات سرارده طهارت
وریا حین ریاض ولایت حاضر اولوب حضرت امام انلری بر بر بغرنه
باصوب وداع ایدوب دیردیکه ای مظلوم لری آیلوبادیه غر بتده بوظالم
ایچنده احوالکز نوله و سر انجام وعاقبتکزنه صورت بوله (شعر) دردا که
رهگذار حوادتن اوغزدی * بیداد کردباده شمع جالکز * ای معدن
طهارت وعصمت کهر لری * یارب نوله خائمه مذلتد حالکز * بر طرفدن
شهر بانو کر بیان تحملی چاک ایدوب دیردیکه ای بیچاره غمخواری
وای شکسته لر غم کساری بوشهر زاده لری یتیم قویوب کیم عهده سنده
براغوب کیدرسن و بوامانلری کیمه تسلیم ایدرسن (شعر) هیچ کیم یارب
یکمانند محزون اولسون * صورت حالی حوادتن دکر کون اولسون
* بریکاندوه غربت بریکاهجران دوست * نیجه دل پر اضطراب و دیده
پر خون اولسون * و بر طرفدن ام کلثوم ناخن اندوهیله رخساره
کلکونن پاره پاره ایدوب نوحه لری قیلوردیکه ای چراغ خاندان رسالت وای
شمع شبستان امامت علی مرتضی متوجه روضه رضوان اولدقده آتش
فراقنه موجب تسکین اولان حسن مجتبا ایدی * اول حضرت انتقال
ایتد کده سنك سایه عاطفتك بزه مأمن رضا ایدی * ایاسند نصکره
محرمز کیم اوله و خاطریز کیمکله تسلی بوله (شعر) بو مصیبت غفلت

موتله آساندربکا * کیم قیلور کردون کردان جانی تندن جدا * بو مصیبت
اندن افزوندر تأمل ایلسک * کیم بنی سندن جدا ایلرسنی بندن جدا *
گاهی بوسرودله نوحه بنیاد ایدردی و که بواد ایلهمترنم اولوب دیر ایدی
(شعر) چرخ ظالم عاقبت ملکن خراب ایلردریغ * امر نامقبول و فکر
ناصواب ایلردریغ * ظلمت هجر الله تاریک ایدوب عالم لری * ابریدادی
نقاب آفتاب ایلردریغ * بو مصیبتده ایکن اثر صبح پیدا اولوب حضرت
امام آفتاب وار حر مسرادن چیقوب متوجه صحرا اولوب تیم قیلوب
جسا عتله نمازه مشغول اولدی (روایتدر که اوراد نماز اختتامه یتدین
و حضرت امام دعاء نمازی تمام ایتدین معصیت سرمستلرندن صدای
جوش و خروش قبه افلا که چیقوب و پیسته بدعت بهایمندن صدمات
اصوات ناملایم کوش کردونی کر قیلوب ناله نای رزمی و صدای کوس حربی
مبارز لره صلاهی حرب اوروب ظالم لره عرصه کر بلایه علملریور تیلر و سپاه
ضلالت فوج فوج سوار و پیاده متوجه میدان اولوب غبار تیره دن
آینده روی زمینی مکدر ایتدیلر عمر بن سعد سفینه کندیو بی تعبیه صف
سپاه ایدوب مینه نامیمونی عمر بن حجاجه مسلم ایدوب مبسره نامبسوری
شمر ذی الجوشنه نامزد قیلوب کندی قلب سپاهله قلب سپاه اولدی (شعر)
زهی بدبخت کیم کسب شقاوت اختیار ایتدی * اوزن دنیا ایچون بدنام
روی روز کار ایتدی * زهی مدبر که مغلوبی اولوب عالمده شیطانك * فساد
ایتمکده انسانی ملکدن شرمسار ایتدی * و بر جانبدن دخی میدان
مجاهدت جان سپار لری و عرصه شهادت وفادار لری اول جوش
و خروشدن متنبه اولوب بلکه بزم بلاده اول ترانه لردن ذوقلر بولوب بر برینه
نعره مستانه و خروش مر دانه ایله کنیتلر و یروب اول سلطان فلک آستانك
آستانه کلدیلر و رخصت میدان بولوب تسبیح و تهلیلله عرصه کارزاره
متوجه اولدیلر و حضرت امام دخی کثرت سپاه اعدا دن متوهم
اولوب و قلت احببادن تغیر بولوب فرق مبارکن عمامه رسول الله

ایله مزین و بدن لطیفن دراعه رسالت برله مرتب قلوب و حضرت رسولك ذوالجناح نام مرتب کین رکاب همایونه چکوب و شمشیر ظفر مآثرن حائل ایدوب جولان ایدرک صف سپاهه کلدی و سپاه طفر پناهه ترتیب و ربوب مینه میونی زهیر بن مجلی به سپارش ایدوب مبسره مبسوری حبیب بن مظاهره مقرر قلوب رایت فتح آبتی عباس بن علی مرتضایه تایشور و کندی بالذات ایمان کی مؤمنلرک قلبنده قرار طوتوب شهادته منتظر اودی اول کون عروس خلوت سرای افق ماتمکده دنیایه خر اشیده روی و پریشان موی چقدی و پیر سپهر خیده قامت طریق تعزیت طوتوب دامن لباس نبلکونه چاکلر برافندی و ابکار انجم تاب نظاره مصائب خوانین حر مسرای نبوت کتوره میوب پرده حجاب کیردی ونسیم سحر شهدا ایچون دما دم آه سرد چکوب مزاج کائناته کدورت بتوردی و رضوان ریاض جنانه زینت و یردیکه روح شهدای کر بلا مهمان اولور و حورا دیده اشتیاق آچوب مترصد اولدیکه نور دیده زهرا گلور (شعر) چقدی کون تاسینه کردونه آوردی نازه داغ برق اندوه دل اولاد خیر المرسلین صبح برنوصالیدی نامظلمو ملر حالن کوروب غصه دن بیمار اولوب زرد اولدی رخسار زهین (روایتدر که ایکی جانب بدن صفوف محاربه مرتب اولدقده و کیفیت حق و باطل و کفر و ایمان امتیاز بولدقده حضرت سلطان کر بلا صف سپاهندن چبقوب اول بی سعادتله مقابل طوروب صلابت و صولتله بوییتی انشا قیلدی (شعر عربی) انا ابن نبی الطهر من آل هاشم کفانی بهذا مفخری حین افخر یعنی بن فرزند رسول خدایم و نطفه سرور انبیایم افخار ایتد کده بکا بوفخر کفایت ایدر و مباحات قیلدقده بکایوتفاخر برترای قوم بیرحم باشد کی عمامه و بنده کی تیغ واکنده کی دراعه و رکابده کی مرکب حضرت رسول الله کدر و بن وارث علم رسول و نور دیده بتولم هرگز کذب و کذا فیه اقدام ایتمشیم و مطلق طریق مخالفت خدا و رسول طوتمشیم مدینه ده مجاور روضه

رسول الله ایکن بکاتمکین و یرمدیکز و مکده معتکف زاویه قناعت اولدیغمی روا کور مدیکز حقا که بکامکاتب و مراسل ارسال ایدوب اوز ریمه حجتلر براغوب بودیاره بنی سزکتور دیکز بوفتنه بی تحریک سلاسل اسبابله سز بو مقامه بتوردیکز ای عمر بن سعد وای عمر بن حجاج وای شبت بن ربیع بونه غدار لغدر وای سنان ابن انس وای شمر ذی الجوشن بونه مکار لغدر (شعر) مکر بنیادی استوار اولمز حیلله آثاری باید اراولمز اول جماعت اتفاقله انکار ایتدیلر حضرت امام مکتوبلرن حاضر ایدوب انلره حجت تمام ایتد کد نص کره اول مکتوبلری اوده یا قدردی عاقبت عمر بن سعد مقابله کلوب ای حسین بو حکایتلر نتیجه و یرمز یازیدک بیعتن قبول ایتمک کر کسن یاترک حیات ایلک بو سوزی دیوب برناو کدلدوزالنه آلوب ایتدی ای اهل کوفه کواه اولک و عبیدالله زیاد حضورنده شهادت و یرک که ابتدای حرب حسین بندن اولدی و اول ناوکی جانب حسینه روان قیلدی حضرت حسین محاسن شریفن الله آلوب ایتدی ای قوم غضب ربانی یهوده اول زمان اشتداد بولدیکه (عزیر ابن الله) دیدیلر و قهر الهی نصاری قومنه اول کون نازل اولدیکه (مسیح ابن الله دیدیلر) و سخط سجانی حالاسره مقرر اولدیکه قصد آل رسول ایتدیکز حقا که سزک بد نکرده کی هر سر مو بر خنجر ایدار اولسه (وا صبر و ما صبرک الا بالله) داتره سندن انحراف ایتمزم و هر فرد کر قصدیمه بر لشکر کینه کزار اولسه (ان الله یحب الصابرین) مرتبه سنک ترکن طوتمزم (روایتدر که لشکر یزید ابن سعدک اقدامن کورد کده اکا اقتدا قلوب حضرت امامه بر مرتبه ده تیر باران ایتدیلر که پر عقابدن چشمه آفتاب طوتلیدی و زخم بیکان آبداردن روی زمین مثابه غریبال اولدی حضرت امام اول هجومدن صف سپاهه مراجعت قلوب اصحاب و احبابنه ایتدی ای وفادار لر و جان سپار لر رزمه مستعد اولک و تهیته اسباب سفر قبلاک که دم خونریز و هنکام رستخیز در و عمر بن سعدک بیک

بیگانی بو خبر پیامنه گلدی و قاصدنا وک بو پیغامله وارد اولدی و بو واقعه
صبح جمعه عاشور محرم هجرتک التمش ایکنجی ییلنده وقوع بولدی و لشکر
مخالف بر روایتده اونیدی بیک نفر و بر روایتده اوتوز بیک نفر اما اصح
روایتده یکر می ایکی بیک مبارز اولوب و لشکر امام بر قولله سکسان نفر
و بر قولله یتمش ایکی نفر اولوب اوتوز ایکی آتلوایدی و باقی پیاده ایدی
و اکثر سائلده اجمالله شرح ایشلر اما مولانا حسین واعظ علیه الرحمه
فی الجملة طریق تفصیل طوتمش راوی اخبار ملالت آثار بو طرزله اتمام
روایت و بر مش و ناقل گفتار کدورت آثار بو طرزله گفتاره زینت تمیم
یتور مشکه چون صفوف لشکر مرتب اولدی حر بن یزید ریاحی عمر بن
سعدک حضورینه کلوب ایتدی یا ابن سعد البته حسبته محاربه ایتک
مقرر میدرا بن سعد ایتدی بلی مقرر در بومر کرده قانلردو کیلور و باشلر
کسیلور حرا ایتدی رسول الله قیامت کونی نه جواب و بر رسین عمر
ابن سعد جواب و بر محبوب حر کند و لشکرینه هر اجمعت قیلوب هیبت
وصلابتدن لونی متغیر اولوب و قلبی متحیر قالوب یقرا ایددی قرن دانی
اندن سوال ایتدی که ای پهلوان عرب هر کر هیچ بر معر کرده سندن بو
تزلزل ملاحظه اولمبوب مع قلت اعدا بونه تغیر در که سندن ظاهر اولدی
حرا ایتدی ای برادر بکا اعدادن توهم یوقدر اما بهشت و دوزخ ارا سنده
متحیر قالمش و حق و باطل امتیازنده حیران اولمش بو تکلمده ایکن
اختیار سز بر نعره اوردیکه المنه لله مکمن غیبدن شعله نور هدایت
ظاهر اولوب بنی طریق ضلالتدن صراط مستقیمه براقدی (شعر) الله
الحمد که صاحب عرفان اولدم * قابل مرتبه صحت ایمان اولدم * عمل باطل
ایمش آل محمد بغضی * اعتراف ایلدم اول جرعه پشیمان اولدم * پس
سمند باد پایه جولان و یروب کند و لشکرندن چیقوب لشکر حسبته ملحق
اولوب هر کبندن اینوب رکاب همایونه یوز سوروب ایتدی (شعر) ای
چراغ طلعتک شمع شبستان سرور * کرد خاک ره گذارک توتیای چشم

حور * یا امیر المؤمنین عصبانه اقدام ایلدم * بیلدم کیم بویله طغیان ایده
ارباب غرور * یا شفیع المذنبین عذر کاهم قبل قبول * کورمه جائز بنیه
امیده حرماندن فتور * بو طریقه چوق نیازلایدوب تضرع ایتدی که
امیر المؤمنین آیا معذرت قبول ایدرمی اوله حضرت امام ایتدی ای حر
درگاه لطف و احسان اهل اعتذاره همیشه مفتوح درو کاهنه معترف
اولان دائم ثواب و ممد و حدر (وهو الذی یقبل التوبه عن عباده) چون
مصعب بن یزید قمرنداشن کوردیکه آخرتی دنیا اوزرینه اختیار ایتدی
و عذر کناهی درجه قبوله ایتدی اول دخی حضرت امامک سعادت
ملازمیه مشرف اولدی و صورت اخلاص عرض قیلدی (القصد) حر
بن یزید ریاحی مکافات افعال ایچون حضرت امامدن اجازت حرب
استدکده حضرت امام ایتدی ای حرسن هنوز بزدن استشمام رایحه
راحت ایتدن زحمته دوشمک مناسب دکلدر صبرایت ابتدای حرب
غیردن اولسون حر ایتدی یا امام نته که ابتدای محاصمت بندن اولدی
استر مکه اغاز اظهار محبتدخی بندن اوله (القصد) تضرع له رخصت
اولوب میدانه کیردی و بو نظمله اسم و رسمن ظهوره کتوردی (شعر)
بنم اول حر بن یزید ریاحی * که از اذن محب آل عبایم * شکر الله کمال صدق
وصفادن * قابل خدمت ولی خدایم * تیغ خوریزله زمان شجاعت *
دشمن دون نابکاره بلایم * ابن سعد بنیخرد حر بن یزیدی میدانده کوروب
انداننه توهمدن لرزه دوشوب مخصوص صولمندن صفوان نام بر مبارزه ایتدی
یوری وار حره نصیحت قبل مال و اسبابله فریب ویرا کر قبول ایتسه سیاسته
یتور صفوان صف سپاهندن چیقوب سمند باد رفتاره جولان و یروب حره
مقابل اولد قده ایتدی ای حر صاحب عقل و صاحب رأی اولمق کرک
عجب که نعمت دنیا دن انحراف ایدوب ذلت اختیار ایتدک حرا ایتدی
ای نادان عزت عالمده خدمت آل رسوله در زهی سفیه سدر روزگار که
نعمت فانی ایچون ترک دولت باقی ایده الحق اگر ایمان و ارسه نفعی تنعمات

روضه رضوان ندر * واکر ایمان یو غبسه د عوای ایمان ندر (شعر)
 قابل فیض رموز حکمت اولی زهر کشتی * هر کیمک فعلی نقیض قولیده
 مذموم اولور * پرده تشکیک در بو ظلمت قید حیات * پرده رفع اولد قدده
 حالی هر کسک معلوم اولور * صفوان کوردیکه حر قابل نصیحت دکل
 غضبناک اولوب سینه بی کینه سینه نیره جانستان حواله قیلدی حروفادار
 بر تیغله نیره سن ردایدوب بر ضرب ایله مر کبیدن نکونسا رایدوب بر اعبله
 یقدیکه نعره آفرین ایکی لشکر دن آسمانه چقدی (روایتدر که صفوانک
 اوچ قرن داشی وارایدی طلب انتقام طریقله متعاقب بر بر میدانه کلوب
 حرالندن شربت فنا ایچدی * وحر اول مبارزلی هلاک ایتد کد نصر کرده
 حضرت امامک عز حضور شیر یفلرینه کلوب ایتدی یا امام زمان بندن
 حشود اولدکی حضرت امام ایتدی (نعم انت حر کما سمعتک امک) حر اول
 بشار تلرله ینه میدانه مر اجعت قیلوب کرم مبارزت ایدر کن بر حر مرزاده
 مر کبن سقط ایدوب پیاده قالدی اول مخلص وفادار عدم مر کب ایله
 لشکر اعدادن اظهار عجز ایتوب وعنان عزیمت دوندرمیوب محاربه
 ایتد کد نصر کرده شاه زاده کورد کده بر مر کب نازی نژاد ارسال ایتدی
 حر اول مر کبه بنوب جولان ایدوب هر طرفه متوجه اولد قدده گروه گروه
 مخالفی پراکنده ایتدیکه اثناده هائقدن ندا کلدیکه ای حر مرزده که
 حورو غلمان منتظر دیدار کدر حر اول صدادن مسرور اولوب جانب
 حضرت حسینه توجه قیلوب ایتدی یا امام جدک خدمت متوجه اولورم
 پیغامک ندر حضرت امام حسین اول خبردن کریان اولوب ایتدی ای حر
 بز دخی متعاقب کلکده یز (القصة) اول شیر یدشه شجاعیت و نهنگ
 دریای جلادت سد سپاه اعدای بد نهاده رخنه لر اوروب وجعیت
 مخالفه تفرقه لریتوروب نیره سی شکست اولوب تیغ آیدارله متوجه قلب
 سپاه اولدی قلب سپاهی دل عشاق کبی چاک ایدوب کیدوسن
 عیلمداره یوردی علی نکونسا رایتدیکه ایکن شمر دخی الجوشن بدیخت

لشکر نه نعره اوروب دیدی ای نامر دل بره بارزدن عاجز اولی ندر لشکر
 هر جانبدن غلو قیلوب اول نامرادی اورتایه آلوب ناگاه قسور بن کانه
 بر زخم مهلاک اوروب حردخی اکا بر زخم اوروب ایکسی دخی مر کب لوندن
 جدا اولوب حر نعره اور دیکه یا ابن رسول الله ادر کنی حضرت امام
 بی اختیار میدانه کیروب خری اول ظالم لک اراسندن آلوب لشکر ینه
 یوردی و مر کبیدن اینوب باشی دزی اوزر ینه آلوب آستین مبارکیله
 رخسارندن خاک و خونی پاک ایدوب د عاقیلور کن حردی سعادت
 آنک رایحه جان بخشندن حیات استعاره قیلوب رخسار مبارک کنه دیده
 اشتیاق آچوب تبسم قیلوب ایتدی یا امام المسلمین بندن راضی اولدکی
 امام ایتدی سندن راضی اولدم الله دخی سندن راضی اولسون
 حروفادار بو بشارت ایله فی الحال نقد جان نثار ایتدی رحمه الله علیه
 رحمه واسعه (شعر) عشق میدانده جان و یرمک دکل عارای کوکل *
 * جان و یروب مقصوده یت کره متک واری کوکل * عشق بازار ینه
 صالمشدر سعادت کوهرن * نقد جان و یرمین اولماز خریدارای کوکل
 (نقلدر که بو بیت حضرت امامک حرایچون دیدیکی مر ثبه دندر (شعر)
 فنعیم الحر حر ابن ریاحی * صبور عند مختلف الرماحی * چون حرله
 قرن داشی حرک شهادته اطلاع بولدی اولدخی رخصت آلوب میدانه
 کیروب اظهار کمال شجاعته نصر کرده شهادت بولوب قرن داشنه ملحق
 اولدی (روایتدر که حرک علی نام براوغلی واریدیکه غایت شجاع و جکر دار
 ایدی بو احوالی ملاحظه قیلد قدده عروه نام بر قول ایله آتلر ینه صو و یرمک
 بهانه سببه لشکر دن چیقوب حضرت امامک خدمتیه مشرف
 اولوب اظهار امم و رسم ایلدیلر و اجازت حرب استدیلر ایتدای حال
 علی ابن حر میدانه کیروب جدال و قتال ایدوب سعادت شهادت
 حاصل ایتدی رحمه الله علیه (شعر) ای خوش اول نطفه پاکیزه کیم
 اول * اولیه ناقص و نادان و سقیه * قبله اظهار هر کسبن ایدوب *

معنی الولد سرایه * اندنصره عروه وفادار خواجهری وفا سندن
سربازان ایل رتبه حریت کسب ایتکه میدان کیردی اولدخی مر اسم
شجاعت ادا قیلوب شهید اولدی رحمة الله علیه (شعر) ای خوش آنلر کیم
قیلوب فیض شهادت کسبنی * خلیقدن توفیق اقبالیله ممتاز اولدیلر *
قیلدیلر جمعیت دنیایه عقبا اختیار * فیض ایدوب حاصل بو اوب رفعت
سرافر از اولدیلر * سپهسالار میدان تکلم بو طرز ایل عرصه بیانه سپاه
عبارت چکمش وصف آرای معرکه سخن بوزن کله تیغ زبان چکوب
مردم دیده قانی دوکش که حربن یزید او غلیله و قرنه اشیله بزم بلا ده جام
سعادت شربت شهادت ایچد کدنصره سلطان سریر عز و علا حضرت
حسین بن علی مر تفضی صف سپاه ظفر پناهدن چیقوب لشکر اعدایه
مقابل طوروب بردخی قاعده حجتی تازه ایدوب ندا قیلوب دیدیکه ای اهل
اسلام و ایمان دیو دعوی قیلنلر وای معترف شهادت اولوب معتقد
ایمان اولنلر بنیره احمد مختارم بن نقد صاحب ذوالفقارم تصور ایتکه که
کثرت سپاه کزدن احترازم اوله و یاشدت عداوت کزدن ثبات تمکینم
تزلزل بوله حقا که شمشیر آبدارمه مدبر کارگاه حکمتدن رخصت
اولسه ظلمت سواد سپاه کزه شعشعه آفتاب عالمنا بدر و سنان صاعقه
بارم که محرک سلسله شهادتدن اجازت بولسه بنای فساد و عناد کزه پیشه
اختلال و انقلابدرا کر چه محقق بیلور مکه طینت ناپا کزده استعداد
قبول نصیحت اولدیغن و رسوخ نیت فساد جبلة کزده موعظه ایله تغیر
بولدیغن اما تمام حجت طریق بیه سزه نصیحت تکرار ایدرم ای طائفه
طاغیه بودیاره حرب ایچون کلمشم و بن غوغایه کندی رأیله مر تکب
اولمشم و هنوز ارمزده آتش فساد اشتعال بولمیدن و صورت مقاتله
و محاربه ظاهر اولمیدن یابکا مانع اولمک ینه مدینه یه مر اجعت ایده یم
ویا طر یقیمی مسدود ایتک یزید ایله مناظره قیلغه شامه کیده یم * جواب
و یردیله که ای حسین سکا بونهلکه دن نجات ممکن دکل زیر اشامه کنسک

فصاحت اسانله یزیده فریب و یروب خلاص اولد قدسه سر مایه فساد
اولورسن و اگر مدینه یه مر اجعت قیلسک اسباب قتله مهیا قیلوب هر نه
تقدیر ایله بزی بردخی عذاب صالورسن حضرت امام ایتدی باری عذب
فراتیکه جمله مخلوقاته مباحدر شجره کلزار عصمت و طهارتدن قطع ایتک
دیدیلر ای حسین استیلا تعطشدن اتباع و انسابکه ضعف بدن یتسد و فقط
آب نهال شو کتکری پز مر ده ایتسه بو مقرر در که صولت شجاعت آل
هاشمه خار و خاشاک کوفه و شام مقاومت قیلغه قادر اولمز * و حیانتدن
قطع امید ایدن کروهله محاربه فائده قیلز حضرت امام کوردیکه هیچ
وجهله امر صلاح صورت بولمز و هیچ تدبیرله مصالحت ممکن اولماز
دیددی ای قوم چون محاربه مقرر در باری انصاف ایدوب طریق حرب بدن
عدول ایتک اولماز دیدی پس برر بر مباشر حرب اولک که مرددن نامرد
امتیاز بوله بو شرطی قبول ایدوب لشکر یزیددن سام نام بر ملعون میدان کیروب
نعره هل من مبارز ایدوب حضرت امام لشکر ینه مقابل طوردی بوجانبیدن
زهیر بن حسان سلطان کر بلادن رخصت الوب ابر بهار کی جوشان
و خروشان صاعقه شمشیر آبدار و باران خد نک خونخوار ایل عرصه
خاکدانی خصم قانیله لاله زار ایتکه میدان چقدی و جلوه نسیم سمند
صاعقه مانند اینه صف اعدایه اوراق اشجار کی لرزه لر بر اقدی مراسم طریق
حدود و دد نصره اظهار راسم و رسم ایدوب ایتدی ای فرقه فجار و نابکار
وای فسخه غدار (شعر) بنم صاحب تیغ و کرز و کسند * زهیر ابن حسان پل
ارجند * بنم چاکر خاندان رسول * کین بنده نور چشم بول * اگر کوه
قافیه قیاسم مصاف * مصافده عاجز اولور کوه قاف * سام بد بخت
اول نیک بختی کوروب اغاز نصیحت قیلدیکه ای شهسوار دیوان مبارزت
وای نامدار میدان محاربت بونه تدبیر نامناسب در و رأی ناصائبدر که ترک
مال و اهل و عیال قیلوب بولشکر مغلوبه داخل اولمش سین و کمال
ذاتی نهایت عزته اختیار قیلش سین زهیر ایتدی ای نامرد دولت باقی

ملازمت خاندان نبوت تدرو عزت دائمی متابعت دودمان ولایت بدر
(شعر) نه اعتبار سرور سریر دنیا به * که وار کو کب حکمنده احتمال
افول * خوش اولکه ایلده گردون طالعنده طلوع * ستاره شرف مهر
خاندان رسول * سام بدبخت استدی که تظویل کلام ایده زهیر مهلت
ویرمبوب آتی برضرب ایلده دوزخه کوندروب دخی پهلوان استد کده اهل
عراق و شام اول نامدارک و همدن هراسان اولوب هیچ بر پهلوانک اقتداری
اولمدی که میدان شجاعته رخسار همته جولان ویره واکا مقابل طوره عمر
ابن سعد اول حالی کوروب لشکر نه سیاست کوزیله باقوب ایتدی ای نامرد دل
بونه حبت سزلکدر که سز دن صادر اولور * نصر ابن کعب نخعی که
رؤسای عرب اتی بیک مبارزه برابر طور لر دی میدانه کوروب زهیره مقابل
طوروب مباها ترقیلوب لاف و کذا فلر ایلده نعره لر آوردی وزهیره اولدخی
اغاز نصیحت قیلدی که ای شجاع یکنه وای مبارز مر دانه نیچون ترك عناد
ایدوب گلزین که عبید الله زیاد دن دولت دنیا بوله سین و صاحب
رفعت اولوب اقران و امثال ایچنده سرافزار اوله سین * زهیر ایتدی
ای بدبخت بن بوستان ولایتدن اجتنای رباحین مراده دسترس بولمشم
وکل دسته رسالتدن استشمام رایحه راحته مو فوق اولمشم بکا بزیدک
خارزار خد متنده نشوونما بولن نهال ندامت کمرکز که اوراقی ظل
ضلالت کوستره و مبهوسی طعم طغیان ویره (شعر) بن مقیم روضه لطف
وریاض راقم * خار صحر ای ضلالتدن خبر ویرمک بکا * نور رحمتدن
منور در چراغ دولتم * دود نیران ندامتدن خبر ویرمک بکا * نصر
ابن کعب اول اندیشه ده اید یکد کلمات ایلده آتی مشغول ایدوب حیلده ایلده
بر حیف اید زهیر اول معنادن آگاه اولوب تمکین ویرمبوب برضربله آتی
دخی هلاک ایدوب اند نصکره صالح بن کعب کلوب آنک شمشیر آیدارندن
شریفتنا ایچدی (القصة) بو طریق ایلده اول مؤمن متقی چوق مبارزلر
قتل ایدوب هیچ بر مبارزده اقدام مقابله کورمبوب مقدمه لشکرده

اولان پیاده لر صنوفه متوجه اولوب انلری دخی متفرق ایدوب ینه
میدانه مراجعت قیلوب مبارز طلب ایتد کده ابن سعد بحر الاحاریکه
معمد صف سپاه ایدی عتاب ایتدی که ای سپهسالار شام سندن غیری
مبارز بو پهلوانه مقابل طوره بتلن بحر الاحار ایتدی ای امیر بو پهلوان
برائش سوزاندر خار و خاشاک آنکه مقابل اولقی خارج دائرة امکاندر
مکر حیلده ایلده اوچیز مبارز کین اید لرو بن آنک ایلده مقابله ایدوب کین کاه
طرفنه عزیمت قیلوب اول بنم قصدمه کلوب بکا ایتد کده اول لشکر
چیقوب هر یکادن تیر باران ایدوب اکا نصرت بوله لرو بو حیلده ایلده اکا
غالب اولور (شعر) شجاعت رسمی صانک که انجق خون فشانلقدیر *
سپاهیلر ایچنده حیلده هم بر پهلوانلقدیر * ابن سعد بو مصلمته راضی اولوب
اوچیز مبارز کینه مقرر قیلوب بحر الاحار زهیر بن حسانه مقابل
طوروب ملایمت طریقیله ایتدی ای کزیده عرب وای شهسوار عالی نسب
بن محاربه ایچون کلمشم نصیحت ایچون کلمشم حیفدر که سنک کی
نامدار صاحب عز و اقتدار ایکن قابل عجز و انکسار اوله حسین بن علی
حالا مغلوبدر و سعادت دنیا یزیده منسوبدر مقتضای همت بلند اولدر که
حضبض ذلتدن اوچ رفعتده رغبت قبله سین و ترک اهانت قیلوب طالب
علوم منزلت اوله سن زهیر ایتدی ای مدبر عزایدی عالمده ملازم ملازمه آل
مصطفیادر و انلردن غیره خدمت عین معصیت و محض خطا در (شعر)
هرنه دولت و ازایسه دنیاده اولمز بیخلل * دولت آل نبیدر لایزال ولم یزل
(القصة) زهیر بن حسان حمله قیلد قدیر بحر الاحار هزیمت ایدوب زهیر
متعاقب روانه اولوب اول کینکاهه ایرشد کده اوچیز زانامرد خوارج چیقوب
اول شهسوار ارایه آلوب تیر باران ایتدی لراما اول فرشته آسمان رحمت
هجوم شیطاندن ملاحظه قیلوب ذوق دولت شهادتله شوق افزون
اولوب و کثرت خار و خاشاکدن ناره شجاعتی حدت اشتعال بولوب موج
دریای همتی اول غایتیه ایتدی که حضرت حسین تشنه لبدن یکا خون

اعداد آن جو بیارل یورتدی آخر الامر اثناء معر که ده از دحام هجوم عام
اولوب شبت بن ربیع فرصت بولوب اول شهر یاره بزخم مهلاک اوردی
اولدخی شبت بن ربیع حله قیلد قدده اول بدبختی هنیمت ایدوب اول
شیریشه شجاعت اول حالله دخی الی مبارز هلاک ایدوب عاقبت جریان
خونابه جراحتدن اثرضعف حاصل ایدوب حضرت امام آنک حالندن
خبردار اولوب اون نفر ملازم ارسال ایدوب اول ازدهایی مورچه لر
ازد حامندن کناره چکوب حضرت امام حضورنه کتوردیلر اعضای
شیریفنده طقسان زنجی اولوب هر برندن چشمه خون روان اولوب اماشکر
سعادت شهادت قیلغه هر زنجی بردهان ایدی (شعر) تیغ دشمن نامه در
مضمونی پیغام اجل * متصل کلمه در تدرید هجران ایتکه * آچدی روزنلر
بدن قصرینه پیکان بلا * جان چیقوب نظاره رخسار جانان ایتکه *
حضرت امام مرکبندن اینوب سعادتلو یاشنی دیزی اوزرینه آلد قدده رایحه
جان بخشندن حیات مجدد بولوب کل رخسارنه تر کس کی دیده حیران
آچوب زبان حالله بوتکلمه کویا اولدی (شعر) بحمد الله ره عشقکده
جان نقدین نثار ایتدم * و بروب جان خاک درگاهکده کسب اعتبار ایتدم *
حضرت امام ایتدم ای طائر روضه شهادت رازدل اظهار ایدوب
بر تکلم ایت زهیر ایدی ای حسین بنم ایچون برجام شر بت مهیا اولوبدر
صبر ایت که ایچد کد نصر کر تکلم ایده یم حضرت امام اصحابه واحبابه
ایتدی بوشر بت شربت بهشتدر که زهیره عرض ایتشار (شعر) دیمک که
تیغ عدودن شهیده یمن فیض * زلال روضه رضواندر آب تیغ عدو *
زالال خنجر بد خواهی سهل صائمکیم * حرارت دل احبابی رفع ایدر
اولصو * بوتکلم اثناسنده اول طائر بلند پروازک مرغ روحی نشین بقایه
پرواز قیلدی رحمه الله علیه (شعر) آفرین اول سعادت اهلنه کیم * ره جانانه
جان نثار ایتدی * قیلدی میل عالم فانی * دوات باقی اختیار ایتدی
روایتدر که زهیر بن حسان سعادت شهادت بولود قد نصر کره رؤسای لشکر

یزید قتلا ی عسکری تفحص ایتد که کوردیلر که زهیر بن حسان قتالنده
مجر وحدن غیری مقتول اولنلر یوز نفر دن زیاده ایدی بو واقعه دن زهره لری
چاک اولوب ایتدیلر هیهات هیهات بو کرو هله بربر مقاتله ایتک ممکن اولمز
وصرفه قیلز ابطال عسکر برغایتده هر اسان اولدیلر که هیچ کسنه ده
رغبت میدان قالمدی اما حضرت امامک عسکر همایونی اگر چه
صورته سر ذمه قیلله ایدی امام معنیده هر بری بریکه انه بی نظیر
وفرید بیدیل ایدیکه اتفاقله اسلحه تقوی و طهارت مرتب ایدوب لشکر
شیاطینه ملائک و اراض طراب و اهتر از صالمشلا ایدی زیر اتمقات دنیا ایلله
مطلق ارتباط لری قالمیوب شهادته مهیا اولمشلا ایدی (شعر) ترک دنیا
ایلمن اندیشه قیلز موتدن * قید جمعیت چکن بیدر ده اول دشوار
اولور * عرصه ملک بقا سیرن قیلن عارفله * تنکنای دهر زندان دارد دنیا
دار اولور * ابن سعد اشکر نک اضطر این کورد * کده توهم ایدوب نظر
سیاستله بقد قدده صف لشکر ده عبید الله زیادک ایکی مملوکی حاضر ایدی
بری سالم دیمکله معروف و بری یسار دیمکله موصوف اتفاقله آهنگ
میدان ایتدیلر حضرت امام لشکرندن بربرله حبیب بن مظاهر غیرت
شجاعت غالب اولوب رخصت میدان طلب ایتد * کده حضرت امام
رخصت و یرمبوب عبد الله بن عمر کلپی رکاب همایونه یوز سوروب
اجازت میدان ایستد کده حضرت امام پیوردیکه ای عبد الله مر دانه
اولکه بویکی حرامزاده نک قتل سنک الکده مقرر در عبد الله صاعقه
شمشیر آیدار له ابروار خر و شان و غران پیاده متوجه عرصه میدان اولوب
دیردی (شعر) بو عرصه بلاد بنم اول پیاده کیم * عزیمده فیل بند عدودن
کیدر ثبات * رخ شاه دین رکابنه سورمش پیاده یم * اعجم عجمی خصم
دغل بازی ایتسه مات * یسار بدبخت اول وفادار نهیره حواله قیلوب
عبد الله آنک نیره سین رد ایدوب بر تیغ اوروب مر کبن ایقندن براغوب
پیاده اولد قدده فرصت بولوب تدارک قیلنده ایکن سالم لعین حله قیلدی

اول مبارزو غدار قطعا و مطلقا اندیشه قلیوب اول یساری هلاک ایدوب
عقبه سالمی دخی برضربه دوزخه کوندروب عیدالله زیادك قوللری
اول حالی کوروب اتفاقله هجوم ایدوب تصور دن زیاده جدال و قتال
ایتد کدنصر کره اول مظلومی شهید ایتدیلر رحمة الله علیه اند نصر کره
بر برین حصر همدانی که ازهد زهاد دوران واورع عباد زمان ایدی
وهر کردست تعلق دامن تجردنه یتامش ایدی * وضمیر منیر نه مطلق
اندیشه ملک و مال خطور ایتمش ایدی متوجه حرب اولوب اول
لشکر بی امان ایله قتال ایدوب دیردی ای بادیه غفلت سرگردانلری وای
صحرای ضلالت مستوحیرانلری (شعر) جان فدای کر بلا قیلدم بلادن
دوغرم * اهل تسلیم بلای کر بلادن دوغرم * ترک سردرمدار امیدان
عشق ایچره بکا * کنسه باشم دوغرم بومد عادن دوغرم * هر طرف
جولان ایدوب مبارزله فنا صالمغدن لشکر اعدا عاجز اولوب عاقبت
یزید بن معقله کینتلر و یروب آنک قتلنه حر یص ایدوب اول ملعون میدانه
کیروب بریره مقابل طور دقده بنیاد تعرض ایتدیکه ای بر اهل ضلالت
سن امام زمانه خروج ایتمش سین بریر ایتدی ای ظالم سنکله مباهله
ایده لم که اهل بطلانه بلانازل اولسون اول ملعون قبول ایدوب ایکی
طرفدن دعایه اشتغال اولوب دیدیلر الهی حتی غالب و باطلی مغلوب
قبل بوسوزه قرار و یروب یزید بن معقل بریره شمشیر حواله قلیوب مضرت
یتوره بلیوب بریر تیغ صاعقه کردارن محک تجر به حق و باطل قلیوب
اول نامردی برضربه هلاک ایدوب عاقبت بختی نام برید بختک ضرر بتیله
درجه شهادت بولدی رحمة الله علیه رحمة واسعة (نورالائمه دن
نقلدر که بختربنک ابن عمی عبدالله بن جابر بختری به ایتدی ای بدبخت
جاهل بوکون برزاهدی شهید ایتدک که عرصه عالمده بی نظیر ایدی اول
بیدولت یشیمان اولوب لشکر دن چیقوب متحیر کیدر کن هول غالب
اولوب هلاک اولدی (شعر) کرجه شمشیر ستم ظاهرده الحق

تیز اولور * تیغ حق ظاهرده و باطنده هم خونریز اولور * اند نصر کره
و هب کلای که ماه رخساری شمع شبستان حسن جمال و سر وقامت نهال
بوستان حسن اعتدال ایدیکه هنور غایه عنبرین کلین رخسارینه سایه
صالمشدی * و سرین عذارنه بنفشه خطی مقارن اولمشدی
اتفاقا هم اول زمانده توفیق تزویجی واقع اولوب اول ماه طلعت زهره
جبینله اتصال ایتشدی و غایتده اکا نکران ایدی قری نام والده سی
اولوب اکا الحاح ایتدیکه ای فرزند سعادتمند (شعر) و قتدر کیم قیله
مقصودینی هر کس حاصل * و قتدر کیم اوله مطلوبنه هر کس واصل *
بوکون خازن کنجینه کرم دشت کر بلاده خوان فیض شهادت آچوب
صلای عام ایتمش سعی ایدوب اندن نصیب المی کرک و روز کار ایله انتظارن
چکدیکم سعادت حصولنه وعده یتمش تعلل ایتوب بهره مند اولمق کرک
صلاح اولدر که شاه کر بلایه بوکون نقد جان نثار ایدوب بنم رضای
وبلاکه حق رضا سن ینه آنک رضا سنده حاصل قیله سین و بر زمان زحمت
چکوب مرتبه سعادت باقیه واصل اوله سین و هب کلای ایتدی ای مادر
مهربان نصیحتی قبول ایتدم اما خاطر م جانب عروسه مائلدر مهلت
ویر که انکله وداع ایده یمزیرا بندن بهره کور میوب غریب و بیکیس قالور
اول صالحه ایتدی ای فرزند دلبد نسا طباثفه سی نقص عقلاه
معروف طباثفه در اولیه که عزیمتکه مانع اولوب شوقی غالب
اولوب سنی بوسعادتدن محروم ایده و هب ایتدی ای والده محبت حسین
ابن علی اول غایتده محکم در کوکلمده که شیوه عروس ر غنا ببلکه
فسون زال مکاره دنیا ایله خلل پذیر اوله (قصه) و هب عروسه
ملاقات ایدوب وداع قلیوب میدانه کیردی و بورجری اغاز ایتدی (شعر)
امیری حسین و نعم الامیر * له لاله کال سراج المنیر * و غلبه اعدادن توهم
ایتموب بنیاد قتال ایدوب اول ملعون نلردن جمع کثیر هلاک ایدوب
والده سی خصوص ینه کلوب ایتدی ای نهال میوه حیاتم بندن راضی

اولدکی اول عقیقه ایتدی ای جکر کوشم راضی اولدم اما اتمام
نعمت درجه شهادت درو هب قبول ایدوبینه مراجعت میدان قیلوب
محکم ابن طفیلکه اشهر ابطال ایدی قتل ایدوب عاقبت هجوم لشکرله
شهید اولوب بی سعادتلر انک سعادتلوباشن کسوب حضرت امام
شکرندن یکا بر اقدیلر اول صالحه اوغلی باشن آلوب عروسی
حضورنه کتوروب یوزن یوزینه سوروب فغانلر ایدوب عاقبه الامر صبر
ایدوب قضایه رضا و یردیله (شعر) دهر دون هر لحظه بر نورس کلی برباد
ایدر * بلبل بیچاره حسرتلر چکوب فریاد ایدر * اندنصکره عمر بن خالد
میدانه کیروب چوق منافقنری درکات جهنمه کوندروب صوکنده جنت
اعلایه متوجه اولدی رجه الله علیه اندنصکره خالد بن عمر میدان
کیردی (من شبه اياه فاطم) مقتضاسنجه والد بزرگوارینک انتقام
آلوب اکامالحق اولدی رجه الله علیه اندنصکره سعد بن حنظله میدان
کیروب ثواب سهامله مرتکب رجوم شیاطین اولوب و ناره سهامله
خرمن عمر اعدایه آتش فنا صالوب متوجه دارالبقا اولدی رجه الله
علیه اندنصکره عمر بن عبدالله رمحی میدان کیروب نهنگ وارجولانله
دریای کارزاری متوج قیلوب غرقه کرداب وصال اولدی رجه الله
علیه اندنصکره وقاص بن مالک صاعقه ابر بهار رزم اولوب
امطار سهام تیز رفتار ایلنه منافقنری خرمن جمعین سیلاب فنایه
ویروب برنامردک ضربقه شهادت بولدی رجه الله علیه اندنصکره
شریح بن عبید آفتاب عرصه میدان اولوب شعبه تیغ آتشبارله
چوق ظالمک ظلمت کدورتن صفحه عالمین رفع ایدوب عاقبت افق
شهادتده اختفا بولدی رجه الله علیه اندنصکره مسلم آرز بیجانی ساقی رزم
رزم اولوب نعره مستانه ایله کنبد کردونه صدالر اغوب چوق یخبرلری
جام فنادن سرمست ایتدی کاه شمشیر آتشبارله مقاتله و کاه تیز رفتارله
محاربه قیابورکن کثرت جراحتدن ضعیف اولوب مر کبندن دوشدی

حضرت امام و حبیب مظاهراوزرینه کلوب آتی معر که دن چیقاروب
صف سپاهه بتورد کده هنوز حیاتندن بر رمق وار ایدی حضرت
امام ایتدی ای مسلم اهل بهشته سلام بتور که بندخی متعاقب
کلکده یم مسلم کوز آچوب تبسم قیلوب بومضمونله کویا اولدی (شعر)
ای خوش اول ساعت که جان صرف ره جانان اوله * کوستروب
عاشق و فام عشوقنه قربان اوله * حبیب مظاهر ایتدی ای مسلم
ا کر بلسیدم سندنصکره قالد یغمی التماس وصیت ایدرم مسلم ایتدی
ای حبیب وصیت بودر که حضرت امامه جانک فداقیله سن و آنک
خدمتن سعادت دنیا و آخرت بیله سن بو تکلمده ایکن روحی آهنگ روضه
رضوان ایتدی رجه الله علیه اندنصکره آنک نقدیای و خلف صالحی
میدانه کیروب پدر بزرگوارنک انتقامن آلوب بر شقی ضربتله بزمگاه بقایه
انتقال ایتدی رجه الله علیه (شعر) خوش اول عارف که بلدی ملک
دنیا نیک سرانجامن * حیاتندن تمتع بولوبو ایچدی اجل جامن *
اندنصکره هلال بن رافع استدعای میدان ایدوب رخصت استدی
اتفاقا نوکد خدا ایدی حضرت امام ایتدی ای هلال روا کورمه که مقید
علاقه اتصالک شراب وصالکدن تمتع کورمدن تجرع زهر فرافکله هلاک
اوله هلال ایتدی ای نقدرسول الله حالا هیچ بر شربت بدکا شهد
شهادتدن انفع واکا جلاب تحملدن انسب ملاحظه اولمنز (القصة)
تهایت الخاح ایله اجازت آلوب میدان کیردی و اول برکاتدار ایدیکه
هنکام رزم سهام ناوک دلدوزنه شعاع خورشید کی سپهر اطباق
آسمان حجاب اولمنز و بیکان اجل کردارنه تأثیر کواکب کی سپرد بیرله
اندیشه چاره قیلزدی ابتدای حریده قیس شامی مقابل کلوب هدف
ناوک دلدوزی اولوب و چوقلر آنک کی بیکان ایدارندن جراحتلر بولوب
مقابلنه مبارز کلز اولدی (شعر) رنگین کان الینه الان دمد کل رخک *
زخم خد نیکی ایله زمین لاله زار او اور * چاک اولسه سپنه لر نوله دورنده

لاله وار * قوس قزح علامه فصل بهار اولور (روایت در ککه اول
سر افرانک ترکشنده یتیم ناوکی اولوب هر بر یله بر نامرد خارجی مقتول
ایدوب عاقبت زور بازوی هجوم اعدایه ناوک وار روح پرفتوحی کا نخانه
بدنن پرواز ریاض ایتدی رحمة الله علیه (شعر) هر دم بلایان متحرک
قیلور فلک * هر لحظه بر نهالی آیدن سالور فلک * اندن صکره عبدالرحمن
ابن عبدالله زنی میدانه کیروب لشکر یزید بدخواهه جزالو یروب بکر می
سکر مبارز قتل ایدوب خون اعدادن جو بیارلر یورتدی اول جو بیارلر
اوزره باشلردن حبابلر روان ایتدی (شعر) بر کارزار قیلدی که دوران
روز کار * عالمده کورم شدی انک کبی کارزار * لشکر مخالف یکان یکان
اول یکانه روز کارک محاربه سنه قادرا ولوب خلاف قاعده معهود
اوزرینه هجوم ایدوب اکثری مقتول اولدقدن صکره اول مظلومی شهید
ایتدی لر رحمة الله علیه (شعر) رحمت اکا که ره مجتده و پردی جان * اندیشه
تعلل و تا خیر قیلدی * دشمن تغلبیدن ایدوب وهم و احتراز * کسب
رضای دوستده تقصیر قیلدی * اندن صکره یحیی بن مسلم مازنی میدانه
کیروب خلعت کلکون خونابه ایله بزم سرور بقایه توجه قیلدی رحمة الله
علیه رحمة واسعة اندن صکره عبدالرحمن بن عروه میدانه کیروب جمعیت
اعدایه تفرقه لر براغوب رحمت رحانه واصل اولدی رحمة الله علیه
اندن صکره مالک بن انس میدانه کیروب چوق مخالفی مالک دوزخه
تسلیم ایدوب مالک ملک بهشت اولدی رحمة الله علیه اندن صکره عمر بن
مطاع فرمان جهات مطاع مقتضایه میدانه کیروب اهل عصیان
اجرای احکام شرع ایدوب مقرب درگاه قرب اولدی رحمة الله علیه
(شعر) کون یوجلد کچه اولوب کر میت غوغا فزون * چقدی دشت
کر بلادن دامن کردونه خون * مجلا هر جانبدن خازن جنت ضیافتخانه
بهشته جواهر اصداف الطافله زینت ویروب و خوان عموم مکارمده انواع
نعم مهیا قیلوب صلائی ضیافت یتورمکین ارواح شهدا بر بر لباس

خونابه شهادت و لائی اشک حیرت برله مزین اولوب خار و خاشاک اعدای
یولارندن پاک ایدوب او مجمه متوجه اولمده ایدی و بر جانبدن مالک
نیران آتش بحیمه خاشاک ایدان فجارله حدت اشتعال ویروب و غلیان
قیر و قطراتی جوشه صالوب و افای و عقاربند خدایچون حاضر ایدوب
نفوس اشرا ره تعیین منازل ایتدین فجرة شام و فسقه کوفه کروه کروه
بخار سواد کرد میدان بلادن سواد الوجه حاصل ایدوب هر بری که دو
مقدار نجه منزله وصول بولمده ایدی (شعر) بو مقرر در که درگاه مقرب
محرمی * سایر نزهت سرای روضه رضوان اولور * بو محققدر که
سلطان ترمذ تابعی * ساکن زندان محنت خانه نیران اولور (روایت در که
در یای تحیر کر بلا تلاطمده ایکن ناکاه جانب یمین معر که دن بر شهسوار
مهیپ سایه صلابت میدانه براق دیکه جلوه سمند برق رفتاری لمحہ بصردن
اسرع وحدت سنان صاعقه کرداری دشته اجلدن اقطع ایدی لشکر
کوفه یه مقابل طوروب نعره ایدردیکه بنم هاشم بن عتبة و قاض ای کروه
ضلالت پیشه وای فرقه فجور اندیشه بنای ایمان کز نه خلیل واقع اولدر
و اساس اسلام کز نه قصور بولدر که ارتکاب امر ناصواب ایتدین
و طریق مخالفت خدا و رسول طوتمش سن عمر بن سعد عزماده سنی
استعداد حر بله میدانه کورد کده غایتده مضطرب اولدی زیر کمال
شجاعتنن خبردار ایدی اکابر سپاهه بوز طو توب آنک مصافحه مبارز
طلب ایتد کده سمعان بن مقاتل که حاکم حلب ایدی هم اول کون
یک مبارزه کر بلایه کلمش ایدی اجازت ایله میدانه کیروب هاشمه مقابل
طوردی و آغاز نصیحت ایتدیکه ای امیرزاده عرب عزمادک سپه سالار
کوفه و شامدر سگانه مناسبکه کفران نعمت قیله سن و مقهور و مغلوبلر ایله
مقهور و مغلوب اوله سن هاشم ایتدی ای بد بخت نعمت باقی دوات
فانیدن اولدر و اهل حق اکر چه مغلوب صورتدر اما غالب معنادر
(شعر) اولسه بینا دیده ادراک عرفان اهلنه * حاصل هر فعل و نفع

هر عمل معلوم در * دیمه هاماں حشمتیه کجیدی هارون فقره * آتی
کور کیم شمدی کیم ممدوح کیم مذموم در * سماع بدبخت هاشمی
قابل نصیحت کور میوب اکاتیغ ایدار حواله قیلد قد هاشم آنک
طعنه سن رد ایدوب برضربه رشته حیاتی قطع ایدی اما نعمان
بن مقاتل قرنداشتی انتقامن المغه ملازمته اولان بیک مبارزله
هجوم ایدوب هاشمی اورتایه آلدیلر حضرت امام کور دیکه
اول نامراده کثرت اعدادن خطر متوجه اولدی رحم ایدوب فضل
ابن علی مرتضایی طقوز مجاهد ایله معاوندنه ارسال ایدی اول
حاله عمر بن سعد واقف اولوب ایکی بیک نامر دتبعین ایدی که هاشم ایله
اول مجاهد لک اراسته حائل اولوب ملحق اولغه فرصت و برمه
(القصه) اول اون مجاهد اول ایکی بیک معاندل ایله قتال ایدوب آتش
تیغ برق کدازدن بازار مقبله کرم اولدی برغایتده که حرارتندن مریخ
خنجر کذار سیلاب وار محل اولوب قطره شبنم کی نیلوفر آسمان اوزره
تزلزل بولدی و دریای حرب بر مرتبه موج قیلدیکه دامن لباس مشکین
زحل نمناک اولوب عرصه آسمانه نك صالیدی (شعر) غبار سپاه اولدی
بر تیره میغ * اکابرق و باران اولوب تیرو تیغ * صدای نفیر ایدی کردونی
کر * نم خون قیلوب صفحه ماهی تر * بولوب رخنه لر زچدن قصرتی *
روان ایدی جانلروداع بدن * آنک کی معرکه ده فضل بن علی مرتضا
تجدید مراسم رزم مرتضا قیلوب تیغ ذوالفقار کردارله هر حله ده بر جمله بی
هلاک ایدوب مرده کارزار ایدر کن اول ایکی بیک نامر د تیر باران
ایدوب مر کین سقط قیلوب پیاده اولد قدده دخی چوق حر بلر
ایتد کد نصکره اول آفتاب اوج سعادت بحاب ابر بلایه کیروب سرد دفتر
شهدای اهل بیت اولدی رحمة الله علیه (شعر) ای خوش
اول کیم رزم میداننده هاتقدن اکا * ایدی هنگام تزلزل مرده
فتح قریب * خوان احسان اوزره اولدی مستحق فیض عام * هم غزادن

بهر بولدی هم شهادتدن نصیب * لشکر یزید اول اون نفر مظلومی
شهید ایتد کد نصکره نعمان مقاتل معاونتنه متوجه اولوب هاشم
بیچاره به هجوم ایتدیلر جوانمردها شم اول اوچ بیک نامر د ایله محاربه
ایتمکده ایکن ناگاه نعمان مقاتله مقابل واقع اولوب برضربه اول ملعونی
هلاک ایدوب علمن دخی نکونسار ایدی عاقبه الامر اشاء حربه کثرت
جراحتدن و شدت حرارتدن مضطرب اولوب اکا ضعف غالب اولد قدده
بر بدبخت ضربتله شربت شهادت نوش ایدی رحمة الله علیه
(شعر) صراف چرخ رشته فیض شهادته * هر لحظه دانه دانه چکر در
شاهوار * اول درلری علاقه طرف عذار ایدوب * آرتر جمال شاهد پیدا
روز کار * اند نصکره حبیب بن مظاهر متوجه میدان اولدی اما بر پیر
کهن سال صاحب کمال پاکیزه خصال حیده فعال ایدی که آثار تقوی
ناصبه احوالنده پیدا و علامات حلم و حیا صورت اعمالنده هویدا
ایدی و اکثر اوقات عمرنی محمد مصطفی و علی مرتضا ملازمته صرف
قیلمشدی و هر کیچه بر نویت کلام الهی ختم ایتک معتادی اولمشدی
حضرت حسین ایدی ای پیر پر هیر کارسن حضرت رسولدن یاد کارسن
وسنده شدت ضعفدن قوت محاربه یوقدر مر تکب مشقت حرب اولمه
حبیب ایدی ای نور دیده زهراتو فیک طول عمر بکابو سعادت ایچون
مبصر اولمشدر حالا که فرصت دوشدی اکساب مطلوبیده تأخیر ایتک
رواد کل (شعر) چون اهل جهان کشته لر ین یاد ایدلر * نحسین ایدلر
روحلرن شاد ایدلر * جان تقدنی صرف قیلد یغمدن غرضم * اولدر که
بنی داخل تعداد ایدلر (القصه) اجازت آلوب میدانه کیروب بو مضمونه
بر جرانشا ایدی (شعر) بنم حبیب مظاهر محب آل رسول * مکنه
معتقد خاندان زوج بتول * حسنه نقدروان استرم نثار قیل * زهی
سعادت اگر اولسه خدمتم مقبول * اول پیر ضعیف ذوق شهادت
بشارتیه قوت تمام بولوب مورچه نحیف ایکن ازدهای دمان و پشه

ضعیف ایکن شیرزبان اولوب عرصه هیجاده کرد باد کی هر طرف جولانده
کروه گروه خار و خاشاک یی یوزندن کوتوردی و سیلاب مانند هر تو جهده
صفوف اعدایه رخنه لر بر اغوب خلل لرتورردی (القصة) چهره توارنی
و محاسن کافور فامله تیغ آتشبار چکوب صبح صادق کی شام اهلنه فنا
برافقده ایکن بنی تمپدن بر بدبخت ضر بیله آیتدن دوشدی نعره اوردیکه
یا امام مدد حضرت امام آنک نعره سندن متأثر اولوب بالذات بحر بلایه
غوطه اوروب اوزرینه سایه مرحت برافقده رایحه التفاتندن حیات
مجدد کسب ایدوب زبان حال ایله بویتی انشاد قیلدی (شعر) شکر الله کرچه
نسرین اولدی ریحانم بنم * دیرمدین مقصد کلن بو بوستاندن چقمدم *
حاصل ایتدم دولت جاوید طول عمر دن * وارمدین جانانه جان وجهان دن
چقمدم * حضرت امام اول مظلومه بشارت جنان و یروب اول مظلوم
روضه جنان بشارتیه جان و یردی رحمة الله علیه (شعر) نسرینه رنگ
لاله و یروب خون دیده دن * ارتوردی باغ جنبه پیرایه سرور * کافور فام
تاره چه کوب دانه دانه لعل * قیلدی دم معانقه زیب عذار حور
(روایتدر که اول سرور ک سر مبار کن بر سر کش قطع ایدوب یاننده
صفلیوب واقعه کر بلاد نصکره مکه یه مر اجعت قیلوب مر کبک بویننه
آصوب شهره ک یروب مباهات ایدر کن حبیب بن مظاهره ک اوغلبه
او غریوب بو کچک باشیدر دیو سوال ایتد کده اول بیخبر تفاخر قیلوب
ایتدی بو حبیب بن مظاهره ک باشیدر اول خلف قابل اول مخالفی برضربه
قتل ایدوب حبیب بن مظاهره ک سر مبار کن بر بقعه ده دفن ایتدی و حالا
رأس الحبيب دیمکله معروف بر مزار مقرر در (شعر) ز پاک شهیدانی ستره
بتر پرده خون * نوله کرا و اسه دم دفن کفندن آبرو * شفق امیر کنشدر
سر خونین شهید * نوله یردن یره کر کنسه بدن آبرو * اند نصکره حزه بن
حریر که معتق ابی ذر غفاری ایدی پیاده میدان ک یروب شب مشکفام کی
اعدانک روز کارن سیاه ایتدی و دود آه عشاق کی آندن مخالفه چوق

اثر ایتدی عاقبت هجوم اعدایه اول مردم دیده دیده هر دم بدن نهان
اولدی رحمة الله علیه اند نصکره یزید بن مهاجر جعفری میدان ک یروب
نیچه خوار جک زهره سنی چاک ایتد کد نصکره شهید اولدی رحمة الله علیه
اند نصکره انس بن معقل متوجه حرب اولوب مخا لقلری جمعیت
بی ثباتلرن پریشان ایدوب نیچه سینه لر چاک ایدوب سعادت شهادته
قرین اولدی رحمة الله علیه اند نصکره شارب معتق عباس بن شبت زره
و سپردن استغنا قیلوب بدن عریانله میدان ک یردی د یدیلر که بونه
بی پروا قدر جواب و یردیکه ای بیخبر لر (شعر) سپر طوتم بلا پیکانلرینه
یکمشم جانندن * چومن دریاه غرق اولدم نه بام وار بارانندن * عاقبت
تیر باران اعدایه نیچه لر قتل ایتد کد نصکره شهید اولدی رحمة الله علیه
اند نصکره جعفری مؤذن لشکر امام ایدی اجازت آلوب میدان ک یردی
وزر نه تکبیر و تهلیل آسمانه یتوردی و دفعه دفعه و گروه گروه مخا لقلری
هلاک ایدوب عاقبت شهید اولدی رحمة الله علیه اند نصکره سیف بن
حارث و مالک بن عتبه اتفاقه اجازت آلوب میدان ک یردیلر و اول نفاق
اهلنه بلال یتوروب نیچه مخا لقلری مالک نیرانه ارسال ایدوب عاقبت
هجوم اعدایه بو ظلمت سرادن نزهتگاه بقایه یوز اوردیلر رحمة الله علیهما
اند نصکره فارس غلام دولت پابوسله مشرف اولوب عرض نیاز ایتدی
(شعر) ای حریم در که قدر کده خادم صبح و شام * شام بر هندی کنیرک صبح
بر روی غلام * یا امام زمان فیض شهادت خوان عموم احسان آچوب
هر کسنه مقدار نجه بهره مند اولمده در و خازن کنجینه غرافتح ابواب
ایدوب استعداد نجه هر کس نصیب الموده در بنده یه دخی بو سعادت
مطلوبدر حضرت امام ایتدی ای فارس سن امام زین العابدینه منسوب
سن اندن اجازت استه و حضرت امام زین العابدین اول ایامده بیمار ایدی
فارس خدمتیه مشرف اولوب اجازت استد کده ایتدی ای فارس
بن سنی از ادا یتدم حالا شروع محاربه سنک اراد تکه متعلقدر فارس

داخل سلسله احرار اولوب مردانه ميدانه کيروب وصف اعدايه مقابل
طوروب بو مضمونه بر جز انشا قیلدی (شعر) بنم فارس اول ترک خنجر
گذار * که بهرام تیغمدار آینه دار * بکا خدمت خاندان رسول * بتر پایه
رفت و اقتدار * سعادت رفیق اولوب قیلمش * حسین علی خدمت
اختیار * وگاه تیغ آتش بار و گاه نیر * از دها کردار و کاه ناوک
خونخوار له اشکر بد خواهه فنال براغوب عاقبت نوبت تجرع جام شهادت
اکادخی بتوب روح پر فتوحی ها تفدن صدای (فاد خلی فی عبادی
وادخلی جنتی) استماع ایدوب متوجه روضه رضوان اولدی رجه الله
علیه اندنصکره حظله بن سعد میدان کيروب انواع مواظله و نصایحه
اول کراهلری تهدید ایدوب مفید کور میوب مباشر قتال اولدی و اکثر
اهل ضلالتدن عرصه میدانی خالی ایدوب شهادت بولدی رجه الله علیه
اندنصکره یزید بن زیاد شعی میدان کيروب ناوک دلوز اعدا قصر
بدنلرن کثرت جراحتدن قفس قیلوب عاقبت طائر روحی صغیر (ارجعی
الی ربک راضیه مرضیه) استماع ایدوب مضیق بدندن پرواز ایددی رجه
الله علیه اندنصکره سعد بن عبدالله که محمد بن الحنفیه اقرار باسندن ایدی
میدانه کيروب مقابلنه کلن مخالفلری سیلاب فنیاه و یروب عاقبت (کل شیء
هالک الا وجهه) مقتضای سنج روزنامه حیاتی راقم اجل رقی (کل من علیها
فان) ایله مزین قیلوب نسخه حیاته خط انقضای مدت چکدی رجه الله
علیه اندنصکره جباو بن حارث مقصد امر میدان اولوب اظهار کمال
جلادت و اثبات منتهای شجاعت قیلوب کرد باد باد پایندن مرآت جمعیت
اعدایه ترک تفرقه براغوب عاقبت ترک حیات مستعاری مرآت ذاتندن
صقبیل تیغ بد خواهه مر تفع اولدی رجه الله علیه اندنصکره عمر بن
جباو حارث عرصه میدانی جلوگاه سمند هست قیلوب عاقبت متوجه
نزهت سرای سرور بقا اولدی رجه الله علیه اندنصکره اون بش مجاهد
ظمدارو شجاع خنجر گذار اتفاقله میدان کيروب لشکر اعدایه مقابل

طوروب عرصه روزگاری صدمات کردار یله و غلغله کارزار یله مملوق یلوب
دشمنلری بیحد و بشمار درکات سعیره ارسال قیلد نصکره درجات جسته
انتقال ایتدی لر رجه الله علیهم اجمعین اندنصکره محمد بن مقداد و عبدالله
ابن دجله میدان کيروب متعهد رزم اولوب آتش قتال ایله خرمن خاشاک
جمعیت بد خواهه فنا صالوب عاقبت مخالفلر هجوم ایتکن حضرت امام
لشکرندن سعد غلام که مولای علی ابن ابی طالب ایدی و قبس بن ربیع
و شبت بن سوید و عمر بن قرط و مسلم و حاد آنلرک حایینه متوجه اولوب
واولیدی اختر سپاره آسمان شجاعت مخالفلرک گروه گروه رسته حیاتلرن
قطع ایتد کدنصکره و عده شهادت یتد کده بر بر بنه متعاقب بهشت
هشت بابه متوجه اولدی لر رجه الله علیهم اجمعین (شعر) کپدر اولدیکیم
عرصه نیایه کلدی کمدی * کپدر اولدیکیم قصر عمرین چرخ ویران
ایتمدی (القصة) آفتاب عرصه ربع آسمانی قطع ایدنه دک حضرت
امامک متعلقات منسوب باسندن الی اویج فرزانه شربت شهادت ایچوب
حضرت امام حسین ایله حضرت زین العابدین دن غیری اون طقوز
نفرد لاور عرصه انتظار شهادتده قالمشدی اما درجه آفتاب ارتفاع
یوادچه حرارت روزاشتند ادبولوب برضایه یتشد یکه حرکات صرصر
سموم مثابه شمشیر آبدار و مد شعاع آفتاب مشابه سهام برق
آتار ایدی (شعر) کره نار ایدی خطیره خالک * اخگر منقل اختر افلاک *
موج اوروب لحظه لحظه بحر سرباب * تشنه یه آرتور ردی حسرت آب *
فته آتشکهی اولوب میدان * شعله شمشیر ایدی شرر پیکان * آتش
اورمشدی عالمه خورشید * عالم اولمشدی سایه دن نو مید * حضرت امام
چون لشکر اعدا انک کمال غلظتن و عدم مروتن ملا حظله قیلدی
واکثر اصحاب مقتول کوروب و کندونک و تمة احبابنک دخی سرانجاملری
نه اوله جغن محقق ییلدی و اهل بیتک حدت هوادن و فوت احبا دن
و تسلط اعدا دن توهم و تحسرو تالم چکد کارینه مطلع اولدی آه درد آلود

چکوب دیده نمیده دن اشک حسرت دو کوب زبان حاله بو تر نمی کویا
 اولوب دیدی (شعر) ندر ای چرخ اشرازی عزیز اشرفی خوار ایتک *
 خلاف اهلن سرافرازا اهل صدق خاک سارا ایتک * ندر قیلوق مقدم
 صادقندن کاذب صبحک * نجومک نحسنی سعدندن اعلا اعتبار ایتک *
 سر پر صفای صبحه اور مق شعله آتش * سرای تنکنای شامی پر نقش
 ونسکار ایتک * شرارت جلو کاهن رفعت قدر یله کردون سای * ولایت
 خاندان ظلم الیله تار مار ایتک * یزیدی کامران مستغرق دریای جمعیت *
 حبیبی تشنه لب بد عهد دل ظلمیله زار ایتک * اگر چه استیلائی شد اند ضمیر
 منیر لرینه بر مقدار تأثیر ایتدی واستعلائی نوابدن خاطر خاطر لرینه
 فی الجملة بر کدورت ایتدی اماینه نسیم توفیق تحمل جانب رضای
 الهییدن حدیقه حسن اخلاقنه گذار ایدوب سبزه آمالن قطرات باران
 بشارت ارتفاع قدر ایل سیراب ایدوب و آفتاب تأیید توکل فلک فیض
 نامتاهیدن عالم عز و اختصاصه طلوع ایدوب فضای صورت احوالن
 شمشعه نور نوید اعتلائی شانبله منور قیلوب سروس غیبیدن بوسه رودله
 ملهم اولدیکه (شعر) ای نهال ناز پرورد ریاض هاشمی * نازنین
 طبعک بلا کورد که مهموم ایل * بو بلا ضمنتده در فیض کمال قرب
 حق * بویلا طعن ایدوب اول قدری مذموم ایل * اطراف وجوانبنده
 اولان اخوان و انسابی تسلیه طریقله ایتدی لر ای همای اوج سعادت
 و شاهباز آشیانه ولایت نه سعادت بوندن افزون اوله که وعده ملاقات
 ارواح مقدسه انبیا قریب اولوب طالب مطلوبه واصل اولمغه فرصت
 بوله (شعر) همنشین لر قیلدی لر عزم دیار قرب حق * اول وفا اهلینه
 اجمال ایتوب یتک کرک * ایتک اولمز تیغ رشک سبقت احبابه صبر * تیغ
 اعدا ایله رفع تیغ رشک ایتک کرک * حضرت امام انلری طریق وفاده ثابت
 قدم کوروب دعا قیلوب منسلی اولدقده اهل بیت زمره سندن عبدالله
 ابن مسلم عقیل اجازت میدان استعدا قیلوب ایتدی ای نور چشم رسالت

اجازت شریفکله متوجه روضه رضوان اولوب سلامکی مسلم ایتک
 تدارکنده همت دریغ ایتیه دیو الحاح تمام ایله رخصت حاصل ایدوب
 میدان کیروب جولانلر ایتدیکه نعل باد پایندن غبار صلابت فلک ثامن
 یتدی اول جانبندن عمر بن سعد رؤسای لشکره تنبیه طریقله ایتدی
 ای مبارزلر احتیاط تمام اید ککه بو جماعت خواص بنی هاشمدندر
 حقا که اگر مر کبلرنده جوع و عطشیدن آثار ضعف و بدنلرنده تاب
 حرارت و جزع اطفالندن اضطرابلری اولمسیدی هر پروردندن بزم کبی یوز
 لشکر عا جز اولوردی اما سزه معاون اولان شمشیر شعله آفتاب و مظاهر
 قیلن ناولک دلدوز حرکات سموم جگر تابدر پس اعیان لشکر دن قدومه
 ابن قرانه متوجه اولوب ایتدی ای قدومه سن اشجع روز کار سین بو پهلوان
 بنی هاشمه مقابل طوروب شرفی دفع ایت قدومه بی دولت عبد الله
 صاحب سعاده مقابل طوروب عبد الله جمله ایتدکده فرار ایدوب
 حبله ایل بر نیچه نوبت تردد ایتدکده آخر عبد الله تشنه لکدن سست
 اولدقده بر کوشه ده قرار طوتوب نیزه سین الندن براقدقده اول حرامزاده
 فرصت بولوب اکابر نیزه حواله قیلدی عبد الله آنک نیزه سن الندن آلوب
 بر ضرر بله قتل ایدوب آنک مر کبنه سوار اولوب کندو مر کبن قولنه
 صالوب متوجه حرب اولدی لشکر مخالف اول حرکتدن متوهم اولوب
 مقابله سند تا خیر ایتکین تنها قالوب کندو سن لشکر اعدایه اوروب ابن
 سعدک تحت لواسنده صالح بن مصری بی قتل ایدوب یینه میدان مر اجعت
 قیلدقده بر شقی لعین بدبخت مر کبن سقط ایدوب پیاده قالوب و کثرت
 جراحتدن نهایت ضعف بولوب مفضل بن مر احم لعینک ضربیله
 اول خلاصه خاندان شهید اولدی رجعت الله علیه (شعر) دریغ
 و درد که خورشید آسمان کمال * جفای جرخدن اوج شرفده
 کوردی و بال * جهان نظاره حسنیه خرم اولمش ایکن * یتوردی جام
 اجل نوش ایدوب جهان ملال * آند نص کره جعفر بن عقیل میدانه

کیروب بو مضمونه بر جز آغاز ایتدیکه (شعر) بنم که نقد عقیل کین
 غلام حسین * حقیر بقمه بکای مخالف کین * سرور عالم فانی دکل
 مراد بکا * همان محبت اولاد سید الثقلین * مدعا سجده مخالف لعلی
 قتل ایتد کد نصره آنک دخی سفینه حیاتن تلاطم دریای فتنه کرداب
 فنیاه براقدی رحمة الله علیه اند نصره عبدالرحمن بن عقیل مر کب
 اجتهدی عرصه جهاده سکر تدیروب میدان کیروب کمال شجاعت
 کوسرروب عاقبت عبدالله بن عروه ضریله سعادت شهادت بولدی
 رحمة الله علیه (شعر) فلك ظلمر آشکار ایلدی * زمانه مخالف مدار
 ایلدی * جفا اهلنی خرم و شاد مان * وفا اهلنی خواروزار ایلدی *
 اولاد عقیل محرم سر پرده شهادت اولدقد نصره نوبت شهادت
 اولاد جعفر طیاره دوشوب محمد بن عبدالله حضرت امامک پابوس
 شریفیه مشرف اولوب ایتدی ای سمرغ قاف قرب الهی وای شاهباز
 آشیانه فیض نامتاهی اجازت التفات ایت که میدان کیروب
 بو کا فر نهاد بد سیرت و ملحد اعتقاد زشت صورت خار جیلردن
 مؤمنلرک انتقامن آلوب ثواب حاصل ایدم (القصة) اجازت آلوب میدان
 کیروب بو مضمونه بر جز آغاز ایتدیکه (شعر) لله الحمد زمان غم و محنت
 کندی * ایچمه که جام شهادت بکانون بیتی * دین طریقنده شهید
 اولق ایدی کام دلم * و یردی کام دلمی دهر بکارجم ایتدی * منقار بیکان
 ایدار له دانه دانه اهل غرور و استکباری صحیفه روی زمیندن کورتروب
 و باران زلال تیرو تیغله سکان سواحل غفلت و راحت فراغتین سیلاب
 فنیاه و یروب عاقبت شهید اولدی رحمة الله علیه اند نصره محمد بن
 عوف بن عبدالله قرنداشن مقتول کوروب عرق اخوت متحرک اولوب
 بی اختیار اجازتسز میدان کیروب قرنداشی قاتلن قتل ایدوب حضرت
 امامک خدمته مراجعت قیلوب اغاز معذرت قیلدی که ای ثمره نهال
 قنوت وای واسطه ایجاد فطرت فراق برادر باعث ترک ادب واقع اولوب

اجازتسز میدان کیردم حالا التماس اجازت ایدر مکه بقیه حیاتمی صرف ره
 محبت قلم حضرت امام اکا دعا قیلوب رخصت و یرد کده متوجه میدان
 اولوب زلال شمشیر ایدار له کلزار مصافی سیراب ایدوب عاقبت متوجه
 دارالقرار اولدی رحمة الله علیه اند نصره عون بن عوف میدان کیروب
 خار جیلر جان مالک نیرانه تسلیم ایتد کد نصره کد نصره متوجه دار
 القرار اولدی رحمة الله علیه (شعر) دریغا که بر غروب ایتدیلر * سراسر
 نجوم سپهر وفا * گلستان اقبال کلبلری * صبنوب اولدی سر بسر
 خار جفا * اولاد جعفر طیار شهادتند نصره نوبت شهادت حضرت امام
 حسن اولادینه یتوب عبدالله بن حسن که اکبر اولاد حسن مجتبا ایدی
 هم بزرگوارندن اجازت آلوب میدان کیروب کروه کروه مقصد نری
 سیلاب فنیاه و یردی تابوز سکسان مبارزه دك هلاک ایتدی میدان
 مبارز رغبت ایتدی عاقبت الامر خار جیلر بوضلاهی کوردیلر که
 بونلرایله مصاف ایتدکن ايسه تحمل ایدوب مصاف ایتدکن اولیدر
 زیرباز که تحمل ایتدکجه انلره حرارت عطش مستولی اولوب هلاک اولورلر
 بو تدبیر توهمه بهانه ایدوب توقف ایتد کده عبداللهک دریای شجاعتی
 جوشه کلوب بی اختیار کندوسن قلب سپاهه اورب بالذات عمر بن سعد
 لعینه جله قیلدی اول بد بخت ملعون مقاومت کتوره میوب فرار
 اختیار ایتد کده عبدالله بعض مبارزلی قتل ایدوب ینه میدان
 مراجعت ایتدی بختری بن عمر شامی عمر بن سعد ایتدی ای امیر
 دعوای ریاست سپاه ایدر سن بر مبارز دن فرار ایتدک نه مناسبت
 عمر بن سعد لعین ایتدی ای بختری بن سر عسکر بنم هلاکم جمع
 لشکر هلاکیدرودخی جان شیریندر عوضی اولمز وفی الواقع اگر سنده
 زیاده شجاعت و ارایسه امتحان ایتدک اولور بختری عمر بن سعدک سوزندن
 غیرت ایدوب بشیوز مبارز له عبداللهه مقابل طور دی حضرت
 امام لشکرندن دخی محمد بن انس و سعد بن دوجانه و فیروزان مولای

حسین عبد اللهك معاوتنه روان اولوب جله دن مقدم فیروزان بختری به
مقابل طوروب محاربه به اشتغال ایتدیله انای کارزارده عبد الله
بن حسن مجتبا اول مجاهدله اتفاقله جله قیلدقه اول بشیوز نامرد
درت پهلوانه حریف اوله بیلوب مغلوب اولوب تفرقه بو ایلر اول
مجاهدله کندولین قلب سپاهه اوردقه عمر بن سعد شبت ربیعیه دخی
بشیوز مبارزه همراه ایدوب آنلرک معاوتنه ارسال ایتدی (القصه) بیک
مبارزه درت پهلوان شهسوار ایله حرب ایدوب ینه حریف اوله بیلوب
مغلوب اولوب منهنم اولدقه عمر بن سعد دن نقلدر که دیمش بن فیروزان
غلامدن اول کون بر شجاعت ملاحظه قیلدکه وصفی احاطه تقریره
کیرمزحقا که اگر هول عطش عنان عزیمتن طوتمسیدی تمامی سپاه اکا
حریف اوله بیلزدی (روایتدر که یوزا وتوز مبارزی رحله ویوز
یکرمیدی مبارزی تیغله هلاک ایتشیدی اما کثرت زخمدن سست اولوب
حضرت امام خدمته می اجمعت ایتک ایستد که عثمان بن مفضل
اول مظالمه برضرب اوروب می کبندن براقیدی امام هنوا اول مدبرل ایله
پیاده جدال ایدردی اسعد اول حاله واقف اولدقه جله قیلوب آنی
چقرمق تدارکنده ایکن بختری غافل برضرب اوروب الندن نیره سن
براقردی ازرق بن هاشم اول مظلومی شهید ایتدی رحمه الله علیه اما
عبد الله بن حسن مجتبا شبت بن ربیعیه ایله جدال ایدوب شبت بن ربیعیه
بدبخت اون بدی زخم اول مظلومه اوروب هر زخمدن برچشمه خونابه
روان ایدی اول زخمدن مضطرب اولوب شبت بن ربیعیه نک صف
سپاهن چاک ایدوب اسعد و فیروزان معرکه سنه کلوب کوردیکه اسعد
شهید اولمش و فیروزان مجروح و پیاده خاک مذلتدوشمش بخترینک صف
سپاهن متفرق ایدوب فیروزانی آلوب اصحابنه کتور مکده ایکن می کی
کثرت زخمدن بی طاقت اولوب حر کتدن قالب ناچار پیاده اولدی عون
علی اول حاله واقف اولدقه عبد الله بر جنبیت توروب عبد الله اول

مر کبه بنوب فیروزانله پیاده کلورکن حقه واصل اولدی رحمه الله علیه
اما عبد الله بن حسن مجتبا فیروزان مفارقتدن غایتده متألم اولوب
دست توکل جبل المتین حسبی اللهی استوار قیلوب و حصن (وما
توفیق الا بالله) ده متحصن اولوب آهنگ میدان ایتدی اما توهم شمشیر
آبداری اول غایتده یتدیکه افتاب شعله تیغندن مخالفلرک مرغ و حلی
خفاش وارهر اسان اولوب مقابله کلز اولدی و پرتوما هتاب طلعتنه اول
مصر و علردن مقابله ممکن اولزدی عمر بن سعد مبالغه تمامله یوسف بن
احجار ای آنک میدانده ارسال ایدوب یوسف بن احجار اول شهزاده شهسوارک
الندن شربت فنا تجرع قیلدی و اکامتعاقب طارق بن عبد الله هم اول
شربتدن نصیب الدی اکامتعاقب بدرک پلید کلوب هم اول ساغردن
متجرع اولدی اخر الامر شهزاده نک و هم تیغی ابواب توابعه توجه اعدای
مسدود ایدوب بالضروری کندو بی اول لشکر بیکرانه اوروب اون ایکی
مبارزه دخی یقوب حضرت امام خدمته می اجمعت قیلوب نعره
اوردیکه ای عم بز کووار (العطش العطش) حضرت امام بیوردیکه ای
نوردیده وای سید بز کووار صبر ایله که دمیدم زلال کو ثردن روح روانک
سیراب اولور عبد الله بن حسن مجتبا اول بشارت ایله ینه میدانه کیروب
بو نوبت عمر بن سعد بش بیک بدبختی آنک قتالنه مقرر قیلوب اول شیر پیشه
ولایتی اورتایه الوب هر جانبدن هجوم ایتدیله لاجرم کثرت جراحتدن
اعضای شریفی غرق خون اولوب و بنای وجودی زخمدن رخنه لوبوب
حضرت عباس بن علی و عون بن علی اول بش بیک نامردل محله قیلوب
عبد اللهی آنلرک ارا سندن انوب کتور رکن مهال بن ظهیر اول شاه
عالمپناه برضرب اوروب شهید ایتدی رحمه الله علیه عباس بن علی صاعقه
مثال اول پلید کمر اهاک خرمن عمرنه آتش بر اقوب هلاک ایتدی حره بن
مهال که آنک نطفه نا مقبولی ایدی عباسه جله قیلوب عون بن علی آنک
شرن عباسدن دفع ایدوب اتفا قله عبد اللهی کو تروب اهل یتک

حضور نه کتوردیلر مطهرات اهل بیت حجره طهارت سیلاب اشکله
اعضای شریفن خاک و خوندن پالک ایدوب عراسنه مشغول اولدیلر
(انالله وانا الیه راجعون) شعر آه کیم دوران امل قصرینی ویران ایلدی *
اهل املدی اسیر دام حرمان ایلدی * بادیداد خزان کلزار عصمت کلرین
* کوستروب آفت آچلقدن پشیمان ایلدی * نسخه اسلامدن شیرازه
آچدی روزگار * عرصه عالمده اوراقن پریشان ایلدی * حضرت قاسم
ابن حسن مجتبی که سپهر صبا حنده بر آفتاب عالمتاب و بوستان لطافتده
بر لاله نورسته سیراب ایدی عبدالله بن حسن مجتبیانک اول حالتن
ملاحظه قیلد قدده فضای عالم نر کس شهلاسنه تارا اولوب دل بیقرار
ونهایت غیرتدن پراضطراب اولغین سلطان کر بلانک رکاب همایونه
بوز سوروب ایتدی ای عم بزرگوار وای خداوند عالمقدار رخصت ویر که
بوفاجر لردن انتقام المغه میدانه کیرم وزبان سنان و سنان زبان ایلله اهل
ضلاتنک جوانن و یرم اول شهر یار کامکارک عزیمتن ملا حظه قیلد قدده
بر طرفدن خواتین حرمسرای نبوت دامن اقتدارنه دست تظلم اوروب
فریاده کلدیلر که ای کلدسته نوبهار فضیلت سندن رایحه حسن حسن
مجتبی کلمور فراقکه تحمل اولمز و بر طرفدن حضرت امام حسین
طریق توجهن مسدود ایدوب ایتدی که ای شمس ایوان سیادت برادر
بزرگوار مکذکری سنکله احیا اولور سکا بدل بولمز (شعر) دوا ی درد
فراق حسن بکاسنسن * سنک توجهن که خاطر م رضا و یرمز * کورر
عد و ستمن کیمکه بومصافه کیرر * مروت سکا مطلق ستم روا کورمز
(روایتدر که شهرزاده قاسم هیچ وجهله رخصت میدان بولمیبوب
غایتده متألم اولغین خاطر شریفنه یتدی که حضرت امام حسن عالم فانیدن
رحلت ایتد کده بر تعویذ بازوی مبارکنه بغلیوب وصیت ایتشیدیکه
ای قاسم کمال ملالت بولد قدده بو تعویذی آجوب او قیوب
مضمونیه عمل ایده سین کمال اندوهی مستلزم مطاعه تعویذ اولوب

اول تعویذی بر خلوت پرده اچوب او قیوب کوردی یا زلمشکه ای قاسم
سکا وصیت بودر که حضرت حسین دشت کربلا ده بلایه گرفتار اولد قدده
زینهار زینهارا کانقد جان نثار ایتکده تقصیر ایتبه سن و هیچ بهانه ایلله
طریق تعلل طویمیه سن (شعر) بودرای نطفه پا کیره وصیت سکا کیم *
نقد جان صرف قیلوب کسب اسعادت قبله سین * لذت عمر سنی قیلله
خافل حقندن * کندوکی قابل اقبال شهادت بیلله سین * شهرزاده قاسم اول
تعویذی حضرت حسین کوستروب اجازت میدان استد کده حضرت
امام ایتدی ای نور دیده وای سید بر کزیده اول حضرتک بکادخی بروصبتی
اولمش در اما و فاسنه دوران مساعد اولدی وانجامنه فلاح معاونت
قیلیدی پس قاسمک الن طوتوب حرمسرای عصمته کیروب عون علی بی
و عباس علی بی حاضر ایدوب خواتین حرمسرایه امر ایتدی که قاسمک
نامزدی اولان شهرزاده عروسانه زینت و یروب کتوردیلر حضرت
حسین اول صالحه نک النی قاسمک اننه و یروب ایتدی ای راحت دل
حضرت امام حسین وصیتی مقتضای سجه بو امانتی سکا تسلیم ایتدم عروس
نامراد شهرزاده قاسمه تسلیم اولند قدده حضرت امام اول حرمسرا دن
چیقوب متوجه میدان اولدی قاسم بن امام حسین اول غنچه علونک جن
رخسارینه حیران اولوب متفکر ایکن لشکر مخالفدن صدای (هل من
مبارز) سمع مبارکنه ایرشیدی بی اختیار ترکه خلوت قیلوب عزیمت
میدان ایتک تدارکنده ایکن مطهرات خاندان عصمت دست تضرعی
دامن پاکنه اوروب تضرع ایتدیلر که ای شمع شبستان سعادت وای غنچه
کلبن سیادت بو امانتی کیمه تسلیم ایدوب کیدر سین قاسم مظلوم آب دیده
روان ایدوب ایتدی ای ریاحین کلزار عصمت وای نجوم سپهر عفت غلبه
لشکر دشمن امام حسینیه مقابله رنه روا که بن سروره مائل اولم واسنیلای
اعدالشکر اسلامه حاصلد رنه مناسبه که بن ساکن خلوت سرای عشرت
اولوب تغافل قیل بنم وعده تزویج قیامنه دو شدی معذور طوونک

(شعر) زمانه برکل ایتدی سروه پیوند * ولی سرو اولدی برله خرسند *
 ارایه صالیدی فرقت احتراقن * اکا کوستردی اول سروک فراقن * فلاك
 هر رشته به چکدی ایکی در * کسوب اول رشته بی تیغ تغیر * براقدی
 بر بردن در لری دور * قضا بوا مره در کویا که مأمور * عروس نا مراد
 پرده حجاب به برق آه حسرتله آتش اوروب فغان ایتدی که ای مخدومزاده
 قیامت کونی سکا نه مقامده طالب اولیم و نه علامتله سنی بوله یقاسم
 ایتدی ای کل ناشکفته و ای کوهر نا سفته بنی عرصه قیامتده خدمت
 اجدادده جامه جائیده نمناکله بولمق اولور پس عروسه وداع
 ایدوب متوجه میدان اولدی اهل بیتدن غریو و غلغله قبه افلا که
 جیقوبت حضرت امام کوردیکه قاسم متوجه درجه شهادتدر کل کی
 کریان چاک ایدوب لباسنه کفن ترتیب و یروب کند و تیغ بلینه بغلیوب
 میدانه کوندردی قاسم میدانه کیروب جولان ایدوب بومضمونه بر رجز
 آغاز ایتدی (شعر) بنم کل جن صدق قاسم بن حسن * که نقد جانی قلم
 نذر خاک پای حسین * مقیم کوی وفایم مسافر ره حق * مطیع امر حسن
 طالب رضای حسین * لشکر اعدایه جمله قیلوب و مقابلنه کلن
 حرامزاده لری هلاک ایدوب دریای سپاهه غوطه اوردی و قلب سپاهده
 عمر بن سعدده مقابل طور دی و صلابت صوته نعره اوروب ندا یوردیکه ای
 جفا کار تیره روز کار بونجه مؤمنلری شهید ایتدک وقت اولدی می که
 استغفار ایدوب بو عملدن پشیمان اوله سین عمر بن سعد ایتدی ای بزرگ
 زاده وقت اولدی که سزدخی بو طغیان ترک ایده سزو بزرگ بیعتن
 قبول ایده سز قاسم ایتدی ای شقی طغیان بودر که آب فراقی جمیع
 مخلوقاته مباح ایکن اولادر سوله دریغ ایدرسز آب اعطش صحرای قیامت
 خاطریکه یتمزی وعد و وعید کلام منزل دل سنکینکره اثر ایتزمی عمر بن
 سعد اول کلماتی استماع ایتدکده ملزم اولوب لشکر نه یوز طوتوب ایتدی ای
 مبارزلر بو شهسوار یکانه و شجاع فرزانه قاسم بن حسن مجتهددر که شیوه

شجاعت اکا ارثله یتشدر و آیین رزم اکا آبا واجه دادن انتقال ایتشدر
 روز رزم خنجر آبداره محبوبلر ناوله مژگانندن زیاده میل ایدر و هنکام
 حرب نیره اژدها نموداره صملمر قامتندن فزون توجه قیلور (شعر) بودر
 اول نقد حیدر کرار * که چکوب تیغ ایدنده قصد قتال * رشکدن خنجر بی
 طاشه چال * لمعه برق آفتاب مثال * طائر تیر تیر وازی * میل صید
 ایلسه آچوب پروبال * اکا ایلر هوای وصل طوتوب * مرغ روح مخالف
 استقبال * حقا که اهل آسمان و زمین بر بر محاربه سنه قدرت بولمزلر
 و ابطال مشرق و مغرب یکان یکان دفعنه قادر اولمزلر صلاح اولدر که
 جمیع لشکر اتفاقله اکامتوجه اولوب تمکین جدال و یرمیوب کثرت تیغ
 و تیر و نیره ایلهر طرف اعضا سن مجروح ایدوب و صد امارات آواز کوس
 ونای و نفیره هر جانبدن مرغ روحی سر اسمه قیله سز شاید که بوند بیره
 اکا غالب اوله سز قاسم مظلوم بو واقعه دن یخنبر ایکن اول کروه جفا کار
 پیاده و سوار نیره و ناوکه سیلاب وار اول سرویلند اقتداره متوجه اولوب
 ارایه الوب بنیاد جدال و تیر باران ایتدی لر قاسم بن حسن اول غلور دن
 اندیشه قیایوب بر حمله ایل اول جمعی پریشان ایتدی عمر بن سعد ازرق
 شامی به که سپهسالار شام ایدی تیغ طعنه اوروب ایتدی ای پهلوان شام
 سن منظورا نظار عواطف یزید سن بونک کی هنکامه ایچون نه مانعدر که
 جیقوب بو مبارزک فتنه سن رفع ایتمه سین ازرق شامی تکبر طریقیله
 ایتدی ای ابن سعد بنی جماعت عرب بیک مبارزه مقابل طور ترانه مناسبکه
 بر طفله مقابل طوروب نامو سمه شکست و یرم عمر بن سعد ایتدی ای
 نادان بونیره حضرت مصطفی و مر تضا در بونقد حسن مجتهددر حقا که
 اگر اثر تعطشدن طبع نازکی منجر اولوب انحراف مزاج بولمسیدی و نهال
 نازورد طبیعتی تشنه لکدن پزمرده اولمسیدی بو سپاهله مصاف
 ایتک اکا عار ایدی ازرق ایتدی چون مبالغه قیلور سن درت او غلوم
 وار هر بری بر نادره روز کاردر برینه امر ایدیم آنی طوتوب کتور سن پس

اول بدبخت کمره اکبر اولادنه کتبت و یروب میدان روان ایتد کده اول
حرامزاده زینت تمامه قاسمه مقابل طوروب جمله ایتد کده قاسم آنک
طعن ردایدوب ملعونی برضربه مر کبندن یقوب کا کلندن طو توب
برزمان النده کزدیروب اعضاسنی صندیروب مبارزاستد کده ایکنجی
او غلی میدان کیریوب شهزاده الندن هلاک اولوب اوچنجی اوغلی
دخی میدان کیریوب اول شاهباز آشیان شجاعت ضربه یله آنلره ملحق اولدی
دردنجی اوغلی میدان کیرد کده اول شهسوار میدان مهابت آنی دخی
برضربه دوزخه کوندردی ازرق لعین غضبناک اولوب صلابت تمامه
میدانه کیرد کده شهزاده به زبان درازلق ایدوب ناسزالردیدی شهزاده
ایتدی ای ازرق بواضطراب اوغلنلرک فراقندن ایسه بودردک درمانی
الده در بوجانبندن حضرت امام ازرق ملعونی میدانده کوروب اضطراب
پیدا قیلدی زیر اول حرامزده شجاعتده شهره دوران ایدی شهزاده هم
نور سیده وهم تشنه جگر تعبناک دست نیازی درگاه بی نیازه آچوب
دعایه مشغول اولدی (القصة) ازرق بدبخت قاسم صاحب سعاده
جمله لریلوب و شهزاده آنک جمله لری ردایدوب معامله جدال ارارنده
اشتداد بولوب عاقبت نسیم نصرت شهزاده جانبندن متحرک اولوب اول
ظالمک دفعنه فرصت بولوب برنیغله مر کبندن براغوب باشن کسوب
مر کبن جنبیت قیلوب حضرت امام حضورنه مراجعت قیلدی و زبان
حاله بو ترغمی کویا اولدی (شعر) ای رکاب رخشا اقبالک هلال اوج
دین * نقش نعل مر کبک محراب ارباب یقین * اقتدای شرع در فرمانکه
اولمق مطیع * اصل ایماندر سنی بیلک امیر المؤمنین * یا امیر المؤمنین
نیران تعطش شبستان وجودمه احتراق تزلزل برافقده دروناره قحط
آب جائه قصدایدوب جکر م یاقفده در هر نیجه که ساقی دوراندن
تسکین حرارت قیلغه برقطره صواسترم تسکین حرارتی گاه کوزمندن
آقن سیلاب اشک روانه حواله قیلوب و گاه زحارندن روان اولان چشمه

چشمه قانه اشکارت ایلر * و گاه زلال تیغ اعدایه رجوع ایدر آیابونه
حکمتدر (شعر) شاهد ذوق و طرب رخسارینه ای چرخ دون * بی توقف
پرده فوت و فنا چکمک ندر * بر ایچم صوو یرمدن تشنه جکر ل
قصده * خنجر بیداد و شمشیر جفا چکمک ندر * حضرت امام اول
مظلومه مرده شربت شهادت برله تسکین و یروب ایتدی ای قاسم
بردخی دولت دیدار غنیمتدر حر مسرایه واروب اهل بیتله رسم مواده
تازه قیل شهزاده قاسم متوجه حضور اهل بیت اولوب عروس شبستان
عصمت پرده سرادن چیقوب دولت پابوسنه مشرف اولوب نوحه لر
قیلوب کریمه اغاز ایتدی شهزاده جوان بخت اکاتسلی و یروبینه میدان
مر اجعت قیلدی اماموقد ضمیرنده نار محبت بغایت مشعل و ضمیر
منیری تأمل کیفیت عواقب اموره مشغول اولوب بو نظمله مترنم اولدی
(شعر) ندرای چرخ ظالم یاری یارندن جدا قیلیق * مر ادا هلمن اسیر دام
بیداد بلا قیلیق * چولا زمدر سکا قیلیق جدا هر یاری یارندن * چکوب
زجت نه لازم بر بریله آشنا قیلیق (القصة) اول شهزاده کامل هزار
هزار اند و هله میدان کیرد کده نظر مبارکی عبیدالله زیاده علیه السلامک
رایت نحو ست آینه دوشوب همتی آنک دفعنه مصروف ایدوب
قلب سیاهه متوجه اولدی پیاده شهزاده نک منعه اقدام ایدوب
اول حضرت پیاده ره مشغول ایکن شبت بن نخعی ملعون ککنف
مبارکته برنیزه حواله قیلوب ای شهسوار معرکی شجاعتی مر کبندن
براقدی اول حضرتک یکر می یدی زنجی اولوب هر برندن چشمه چشمه
فانلر روان اولمغین ضعف غالب اولمشیدی مغلوب اولوب مر کبندن
جدا اولدقده نعره اوردیکه یاعماه ادر کنی حضرت امام اول صدادن
منأ ثر اولوب مر کب مجاهدت میدان صالوب صفتلر صندیروب کوردیکه
اول سرور ریاض مکرمت آلوده خاک و خون اولوب شبت بن زبیه اوزرینه
مسلط اولمش سر مبارکن بدن لطیفندن جدا قیلیق استر حضرت امام

برضر بله اول پلید لعنة الله علیهم شهرزاده نك اوزرندن دورایدوب
اول شهیدی کوتروب خیمه کاهه یتوردی که هنوز حیانتدن
بررمق باقی ایدی اهل بیت قاسم اوزرینه جمع اولوب نوحه وافغان ایتدکده
آلرک صداسندن برنوبت ترکس شهلان آجوب کل کی تبسم ایدوب
کلشن جنانه عزم ایدی رحمه الله علیه (شعر) رحمت اول اهل دلاره
کیم اختیاره * رغبت بوکارگاه فنادن کوتردیلر * بل بغلوب طریق
محبته مردوار * هر دعوی ایتدیلر سهیرینه کتوردیلر * ایتمی
فصل * حضرت امام حسین و اهل بیت شهادت لرین بیان ایدر *
منشی احکام کارگاه قدرت و مملی ارقام صحائف کمت که بدایت
فطرته (ان الانسان لفي خسر) عبارتله صحیفه احوال انسانه رقم حکم
خسران یورتمش وزمره خواص بارگاه قرین اشتغالی (الا الذين امنوا
وعملوا الصالحات) اشارتله اول جمله دن مفروز ایتمش امام مضمون
(ان وعد الله حق ولكن اكثرهم لايؤمنون) کثرت اعدا سنه بر برهان
قاطع در ومفهوم (وقليل من عبادي الشكور) قلت احباب سنه بر بیان
واقم وظاهر در کثرت ارباب ضلالت و قلت اصحاب هدایت و سیله اولدر که
طبیعت بشر اصل فطرته مائل را حجت * و قبول احکام
شرعیه متضمن اصناف مشقت در (شعر) راحت استرطیع و محنت در
عبادت سر بسر * نزله را حجت رغبت محنت قبیلن متمناز اولور *
بوسیدندر که کفر آسان اولوب اسلام صعب * عرصه عالمده ملحد چوق
موحد آز اولور * فی الواقع بو مضمونه بر شاهد صاد قدر واقع کر بلا
و بو مفهومه بر برهان موافق در وقوع کثرت سیادین و قلت زمره شهدا
رحمة الله علیهم زیرا که یکرمی ایکی یک جفا کار ایتمش ایکی لب تشنه
دلفکاره مقابل طور مشدی و صرصر طغیان ستم پرده آزر می ارادن
کوتر مشیدی بر طرفدن جمیع اصناف عدوان صورت جمیع بولوب
و بر جانندن سلسله جمیع ایمان متحرک اولوب نه گروه مخالفدن طریق

مروت آثاری هویدا ایدی و نه زمره شهداده قاعده تنزل و مدار انمودار
و پیدا ایدی اگر چه عالم صورته زمان زمان مجاهدلر اکسلوب مخالفلر
زیاده اولمده اما عالم معنیه مخالفلر تنزل بولوب مجاهدلر کان رفعت
بولمده ایدی (شعر) ممکن اولمز که اوله عالمه * اهل بطلانه اهل حق
مغلوب * اهل حق قاتل اولسه کرمقتول * ظفری عقل اکا قیلور
منسوب * قتلدن اولدر ایلین اگر اه * که شهادت اکا دکل مطلوب *
هر آینه حضرت امام حسین لشکرینک امواته مضمون (فریق
فی الجنة) طغرای مثال حال و مرده (ان الابرار لفي نعيم) موجب فراغ
بال اولوب ساکن ریاض رضواندن (سلام علیکم بما صبرتم) تهنیه قدوم
اولمده ایدی (شعر) نقد جان صرف ره جانان ایدن صاحب نظر * عشق
میدانده سر خیل صف عشاق اولور * منزل مقصوده در قید تعلق
سدر اه * رتبه ترک تعلق احسن احلاق اولور * و مخالف سپاهک قتلا سنه
مفهوم (فریق فی السعیر) طراز نامه اعمال اولوب تهید (ان الفجار
لفي حيم) اهتراز و اختلال و یروب مقید سلاسل صلابت قیلمده ایدی
(شعر) قید جمعیت اسباب گرفتاری اولان * سیر کلزار جنسان ایتکه
فرصت بولمز * ذوق دنیا ایله ضایع کچورن اوقات * شرف رتبه توفیق
سعادت بولمز * بی تکلف عرصه کر بلا میدان امتیاز حق و باطل در و طریق
حصول کماله اشرف منازل و مراحدلر (شعر) کر بلا دن حاصل ایتمشلر
علوم منزات * ذات و عزتده اهل ظلم و ارباب وفا * نردبان بام رفعت در تأمل
ایلسک * نقش موج ریک صحرای شریف کر بلا * حقا که عرصه
کر بلاتک اخبار جکر سوزی آندن زیاده در که احاطه امکان تقریره کیره *
واحوال شهدانک حکایت غم اندوزی آندن افزوندر که قلم شکسته
زبان اکا صورت تحریر ویره (شعر) ایلوب هر یل جمیع اهل عالم اتفاق
* شرح ایدر ماجرای کر بلا اخباری * نه نو کمنز قصه در کیم هرگز
آخراولمدی * شرحی عاجز ایلدی اهل جهانک واری * معرکه آرای

میدان کلام و انجمن پیرای محفل اخبار و اعلام * تنه احوال کر بلادن
 بو طریقله خبر و یرمش و شهدائک انجام حالن بو طرز ایله بیانه کتورمشکه
 حضرت امام زاده قاسم بن حسن مجتبی سعادته داخل (اصحاب الجنة
 هم الفازون) اولوب متوجه عالم بقا و اقدنصر کر ابو بکر بن علی مرتضی
 کر عزیمت شهادتی میان جانه استوار قیلوب کمال تضرعله حضرت
 سلطان کر بلادن اجازت میدان التماس ایتد کده حضرت امام حسین
 ز کس شهلا دن کل رخسار نه اشک لاله کون روان ایدرب ایتدی
 ای غنچه کلبن امامت وای شکوفه باغ رحمت بو تنه قیلد یغک میدان بلا
 عرصه فساد بو عرصه به قدم بصن مراجعت قیلدی و بومیدانه کیرن
 کیر و کلدی نه امیدله سکار خصصت و برهیمونه و جهله مفارقتک
 روا کوره یم اول سرور حمیده مناقب و اول نقد علی بن ابی طالب
 رکاب هما یونته یوز سوروب ایتدی ای پادشاه مسند عز و تمکین وای
 شهر یار ولایت دولت و دین تحت لواء نصرتکدن هر مبارز که میدانه
 کیروب شهد شهادت ایچد کچه بنم دریای شوقم متوجه کلوب و تعطشیم
 زلال ملاقات مصطفی و مر تضایه زیاده اولوب سبقت ایدنلرک رشکندن
 هلاک اولدم توله اگر کمال مر حمتکدن رضا حاصل ایدوب بندخی نقد جان بذل
 ایدوب بومیدانه مرادم حاصل ایدم (شعر) جان تماشای ریاض رحمت
 ایلر آرزو * دل صفای بزمگاه جنت ایلر آرزو * اولدی بغرم برق افراط
 حرارتدن کباب * سلسبیل روضه دن بر شربت ایلر آرزو * محصل
 کلام الحاح تمامله اجازت حاصل ایدوب متوجه میدان اولوب
 بومضمونه بر جزا غار ایتدی (شعر) بنم نقد سلطان دلدل سوار * شه
 قنبر و صاحب ذوالفقار * بنم اختر آسمان شرف * ابو بکر بن حیدر نامدار
 بنم چاکر نور چشم بتول * حسین علی سرور کامکار * بحمد الله اولدر امام
 بنم * انک طاعتن فیلمشم اختیار * مرادم بودر کیم رضاسن بولوب * اکا
 ایلیم نقد جانم نثار * و مبارزانه جولانلر قیلوب و رفعت اقتدار ابا و اجداده

مباهاتلر ایدوب و سمند صبار فتارن تحریر که صالوب و تیغ صاعقه کردارن
 النہ آلوب میدانه کیروب آرزمانده یوز قرق مبارز کراهی مسافر راه
 عدم قیلدی و یکریمی زخم مهلک اعضای شریفنه و اصل اولدی
 آخر الامر عید الله بن عتبه ضر بیله دارد نیادن دار عقبایه انتقال ایتدی
 رحمة الله علیه (شعر) دار السلام جلوه کهن اختیار ایدوب * پیوندی
 کسدی رشته قید زمانه دن * میل فضا ن روضه ملک بقا قیلوب *
 شهباز روحی اوچدی بوتنک آشیانه دن * اندنصر که عمر بن علی متصدی
 امر حرب اولوب صمصام انتقامله لشکر یزیدکرایت استقلاله اهتر از
 براغوب کمال شجاعت ایله مبارزلر بقوب عاقبه الامر شربت شهادت نوش
 ایتدی رحمة الله علیه (و بر روایت دخی اولدر که اول حضرت کر بلا واقعه
 سنه حاضر اولدی اما اصح اقوال اولدر که حاضر اولوب شهید اولدی
 اندنصر که عثمان بن علی مرتضی مباشرت و بیج عرصه رزم اولوب سلطان
 کر بلادک اجازت شریفیله میدانه کیروب بومضمونه بر جزا غار ایتدی
 (شعر) من کوهر معدن وفایم * عثمان علی مرتضایم * ناج سراهل
 عالم لیک * خاک ره شاه کر بلایم * ترک ایلشم فنا مقامن * من طالب ذولت
 بقایم * اول وارث شجاعت حیدر و رشحه زلال وجود ساقی کوثر
 علی وار جتکلر ایدوب و حیدرانه مصافلر قیلوب بیکران مخالفلر هلاک
 ایتد کدنصر که سنان بن یزید البطحی ضر بیله شهید اولوب و شمع حباتی
 شبستان بدندن انطفا بولدی رحمة الله علیه (شعر) هر شهیده کوستروب
 جنتده دوران منزلن * آلدی اول منزل تمناسنده کو کلندن قرار *
 عصمت اشجارن فضای روضه ده غرس ایتد که * خاک کدان دهر دن
 بر بر قوریدی روزگار * اندنصر که عون بن علی که صور تله احسن
 ارباب جمال و سیر تله اکمل اصحاب کمال ایدی حضرت امامک رکاب
 سعادت اندسانه روی تضرع سوروب ایتدی (شعر) ای فضای روضه
 قریک بهشت جاودان * پادشاه دین و دولت سن امام انس و جان *

اختیار خد متک مصباح ابواب نجات * انقیاد طاعتک مفتاح
ابواب جنان * ادای ثناده نصکره عرض ایتد یکم ای پرده کشای
بارگاه (انی اعلم ما لا تعلمون) وای عارف اسرار (ن والقلم وما یسطرون)
اجازت میدان التفات ایتکه عرصه هیجاده هنوز سنک رایت ظفر
آیتک سایه کسرا یکن و نظر التفاتک عالم ظاهر دهنده بنده
پرورایکن ظل مر حمتکده واصل درجه شهادت اولم زیر امر ادم
بودر که دیوان حشرده شهادتکله شهادتی اثبات قیل و الحاحله اجازت
الدقه ایتدی یا امام بر تدبیر ایتشم حضرت ایتدی اول تدبیر ندر عون
ایتدی یا امام بولشکر بینها یتدر و بونلر ایل بر بر محاربه ایتک بزه صرفه
ایتمز زیر که اگر تعرض کور میوب ایشمن مجرد تیغ اوروب قتل ایتک اولسه
امتداد طول عمر مز بولشکرک نه ایتنه یتمز صلاحم اولدر که ایتدای توجهمده
قلب لشکره حمله قیل اوله که علم علامه عسکر مخالفی سر نکون ایتکه فرصت
بولم حضرت امام ایتدی ای شاه ملک ملاحت وای شاه باز اوج
صباح صغوف لشکر اعد ابر مر تبده هائل د کلد که اول مدعایه
رخصت و فرصت متصور اوله عون ایتدی ای سرور حمیده خصال وای
سید ستوده فعال حمله عنقایه طبقات پرده عنکبوت حجاب اولورمی
و هجوم سیلابه صفوف خار و خاشاک ممانعت قیلورمی بوند بیرله اول سرور
غازی و اول میدان غزاسر افزای قلب لشکره حمله قیلدقه ابن الاحجار
اول پلید غدار و اول لعین نابکار ایکی بیک مبارز خونخوار له شاهزاده به
استقبال ایدوب بنیاد حرب ایتدی (شعر) تبشه فرهاد قصد بیستون
ایلرولی * تبشه ایله بیستون طاشی تو کمکدر محال * منعدم اولمق نه ممکن
لشکر مور و مکس * طوته لم کیم ازده سادم اوردی سمرغ آچدی بال *
شهرزاده اول حرامزاده لردن قتل ایتدیکه قلب لشکر دن معاونت
کلوب شهرزاده به تهجم قیلوب قلب لشکره دخول متعذر اولوب حضرت
امامک شوق دیداری شهرزاده نک عنان عز یمن جانب خیمه کاهه

منعطف قیلوب دولت ملازمت منبر اولدقده حضرت امام اکادعال
قیلوب ایتدی ای عون جراحاتک چوقدر بر زمان حر مسرایه توجه
ایلبوب جراحاتک باغلیوب بر مقدار استراحت ایله ینه میدانه کل
عون ایتدی ای برادر بزکوار کوررم که ساقی کوثر بر جام ایله شربت
مهیبا قیلوب بدر بکا اشارت ایتکده دروهم اندندر که توجه راحت
ایتد کده بوشربت فوت اولوب تعطشمن زیاده اوله و جانمده فرات صویندن
زیاده بوشربتک تحسری قاله حضرت امام کوردیکه منع اولم ایتدی
ای عون رکابکده کی مر کب جراحاتکدن زبون اولدراول اسب ادهم که
حضرت علی مرتضادن سکاعنایت قیلنشدی مبار کدر سفر آخرت
ایچون آنی رکاب همایونه چک عون بن علی اول مر کی مشرف ایدوب
معر که به کیرد کده صالح بن یسار که حضرت مرتضاتک ایام خلافتده
مستحق تعزیر اولوب امر شرع مقتضاسنجه عون بن علی اکاسکسان
نازیانه اورمشدی و اول کینه همیشه خاطرنده ایدی عونه انتقام ایچون
مقابل طور دی و عون اکافر صت و یرمیوب بر ضرر بله هلاک ایدوب
مبارز استد کده لشکر فجار پیاده و سوار یجد و بیشمار هر جانبدن تیر
باران ایدوب اول عقاب بلند پر و از سهام اعدادن بال و پر پیدا قیلوب
قوت و قدرتی اولد بجه ویرانه غفلت بوملرن متفرق ایدوب عاقبت
طریق اخوان و انسابه سالک اولوب شربت شهادت ایچدی رحمة الله
علیه (شعر) کیمکه کیردی کر بلامیداننه فرصت بولوب * زهت عقبایه
تبدیل ایتدی دنیاتک غن * غائب اولدی کیمکه جلاب شهادت قیلدی
نوش * عالم غیب ایلدی دوران شهادت عالمن * اندن نصکره عبد الله
ابن علی مرتضی شهریار مسند رضادن اجازت میدان آلوب عرصه
میدانی جلوه سمند صبا سیر له فانوس خیال ایدوب اسرع حر کاتله یوز
سکسان مبارزک رشته حیاتی قطع ایتد کد نصکره هانی بن نوب حضرت
ضرریله شربت حیات ابدی نوش ایتدی رحمة الله علیه (شعر) بارگاه

قریده ترتیب اولوب بزم سرور * نوبتیه ایچدیلم جام طرب فرزانلر *
 پنجه دوران شهادت رشته سینه و یردی تاب * دور ایل بر بردوزلدی
 رشته یه در دانه ل * اندنصر کمره نوبت تجرع شربت شهادت عباس بن علی
 مر تضایه یتدی اول حضرت علمدار سپاه و علامه لشکر ظفر پناه
 ایدی چون کور دیکه تنکنای حیات مستعار فانی ترتیب صفوف عسکر
 ارباب وفایه مضایقه و یروب لشکر بر فضای عالم بقای جلودگاه ایتکده در
 و سلطان کر بلادن بر برر خست آلوب مضیق مختدن اول فضای
 فر حفزایه کتمکده در علم علامه عسکر همایونی دل زمینده محکم
 ایدوب حضرت سلطان کر بلانک رکاب همایون تلیم و تقبیل ایدوب
 بو طریقله عرض نیاز ایتدیکه ای لکر سفینه صبر و تحمل وای عنقای قاف
 تسلیم و توکل وقت اولدیکه بن دخی علم افزا عالم علوی اولم و علم آهی
 علامه علواقتدار ایدوب عالم عقبایه توجه قلم حضرت امام حسین کریان
 اولوب ایتدی ای عباس سن علامه عسکر اسلام ایدک حالا که لشکر
 بادیه فسادن ملک بقایه عزیمت رحلت قیلدی سکادخی اول دیاره علم
 حکمک مناسب اولدی اما سکا نصیحتیم بودر که میدان کیده بو ظالم لره
 تجدد بحت طریقله نصیحت ویره سن عباس بن علی قبول ایدوب
 متوجه میدان اولوب انواع لعبله اعدایه مها بتلر براغوب بو مضمونه
 بر جز آغاز ایتدی (شعر) بنم عباس سردار مخالف سوز و خصم افکن *
 مطیع مصطفی نقدا میر المؤمنین حیدر * ا کرد ریاه دوشه تیغ آتش
 بارمک عسکی * شعا عندن اولور در یاده هر بر قطره براخکر * و کر طیراغه
 پرتو صالسه شمع رایت عزیم * ضیا سندن اولور طیرا قده هر بر ذره براختر *
 اظهار اسم و رسم ایتدک نصر کره آواز بلندله ندا قیلدیکه ای قوم
 بیروت اکر نصیحت مقبول ایسه حضرت امام حسین دن سزه رسول
 بیغامکز ایدم و اکر خلاف طریق هروت طوتسه کر مؤدی کارزام اول
 معاند و کراهلر ایتدیلم پیغامک ندر عباس علی ایتدی ای بیوفار حضرت

سلطان کر بلا ونقد حضرت مصطفی و نور چشم علی مرتضی و جکر
 کوشه زهرایور دیکه تمامی وفادار و خواهلرینی قتل ایتدیکر وقت
 اولدیمیکه واقع اولان احوال دن پشیمان اولوب بونیران تعظ شدن
 اضطراب ایدن عورات و اطفاله برایجم صو ویره سز کلب
 خشکارین ترقیله ارومان ویره سز که آنلری آلوب جانب رومه و یادیار هنده
 و یاچینه چیقوب جزیره عرب و ملک حجازی سزه مسلم قلم و شرط ایدم
 سز کله که روز قیامت مخاصمه قیلیم و بو کلماتدن لشکر یزید پلیده خروش
 و غلغله دوشوب بعضی متأسف اولوب امرای لشکره قصد ایتک
 تدار کیده ایکن شمر ذی الجوشن لعین و شبت بن ربیع و حجر الا حجار لعنه
 الله علیهم اجمعین فتنه دن توهم ایدوب لشکره تمکین و یرمیوب حضرت
 عباس علی به مقابل طوروب ایتدیلم ای عباس اکر تمامی روی زمین سیلابله
 طولسه و انک حفظی بزم قبضه اقتدار مزده اولسه یزیده بیعت
 ایتمینجه بر قطره صو حضرت امام حسین و اتباعنه و یرملک ممکن دکل
 عباس علی اول طائفه دن نومید اولوب می اجمعت قیلوب حضرت امامه
 عرض حال ایتدکده ناگاه اطفال اهل یتدن فریاد العطش العطش سمع
 مبارکته ایرشوبوب برایکی مشک و مطره آلوب بی اختیار سیلاب وار
 متوجه رود فرات اولدی و اول درت بیک نامرد که محافظت فرات ایچون
 مقرر اولمشدر حضرت عباسی کوروب سوارو پیاده متوجه اولوب تیر
 باران ایتدیلم و اول شیر پدشه مهابت اول گروه کلابدن اندیشه قیلیموب
 اول گروهه حمله قیلوب بر حمله ده یتش نامردی درکات جهنم کوندروب
 تهمه سین پراکنده قیلوب فراته کیردی اما اکامکین و یرمیوب سوار
 و پیاده هجوم ایدوب تیر باران ایتدیلم اول نهنگ دریای شجاعت
 فراتدن چیقوب ینه اول دریای طغیان عصابی موسی کی چاکلر
 صالوب کیر و فراته می اجمعت قیلدی استدیکه می کین سیراب ایدوب
 کند و دخی بر مقدار صو ایچه ینه اهل یتک لب تشنه و جکر سوخته لری

یاد نه کلوب روا کور مدیکه آنلردن مقدم سیراب اوله (القصه) برایچم
صو ایچمدن النده کی مشک و مطهره بی پر آب ایدوب چقد قدده اول
بدبختلر اطرافن آکوب تیر باران ایدوب اتنای محاربه ده نوفل بن ازرق
حرامزاده لعین غافل بر تیغ بیدریغ اوروب اول مظلومک ساعدیمین
بدن مبارکندن جدا قیلدی حضرت عباس اول مشککی الندن بر اقبوب
بازوی یساره صالوب روان اولدی بر حرامزده دخی فرصت بولوب
بر حربه ایله بازوی یسارن دخی قطع ایتدی (روایتدر که اول ثانی و جعفر
طیار و اول وارث حیدر کرار اول مشککی بر اقبوب مبارک دیشلریله کتفنه
صالوب رکابله اعدایی اطرافندن منع ایدردی و دیردی (شعر) صبردن
قطع کف و ساعدینی منع ایلمز * نخلی قیلر منحر ف نقصان برک و شاخسار *
مرد میدان بلایم قطع اعضا دن نه بالک * شهر همتده در پرواز اوج اقتدار *
ناگاه بر بدبخت حرامزاده دخی زخم ناوک دلدوزله اول مشککی دلوب و انده
اولان صودخی مظلوملراشکی کی و شهیدلر قانی مثابه سنده خاک کر بلایه
دو کلدی عباس اول واقعه دن پریشان حال اولوب سینه پر آتشدن
آه جگر سوز چکوب ایتدی یارب بونه حالتدر که بر قطره صواهل یته
نصیب اولمز * هاتفدن ندا کلدیکه ای مظلوم حصول درجات اخروی
آسان اولمز * و جفا چکمدین هیچ بر سالک منزل مقصوده دست رس بولمز
(شعر) فراق آتشی روشن قیلور چراغ وصال * حرارت عطش ایلمز زیاده
ذوق زلال (القصه) عباس علی اول ایکی زخم مهلاک ایله مرکبندن جدا
دو شوب نعره اوردیکه یاخی ادرك اخالك حسین مظلوم اول آوازی استماع
ایدوب فغان ایتدیکه (الان انکسر ظهري) یعنی شمدی یلم صندی و بر آه
جگر سوز چکدیکه زمین کر بلامتزلزل اولدی (شعر) کندی اول سرو سمن
برک دلارام ایدی * راحت سینه و غمخوار دل آرام ایدی (روایتدر که محمد
بن انس دیدیکه بن حضرت امام حسین خدمتده ایدم حضرت عباسک
آوازی استماع ایتدکده اول صدا استماعندن شهرزاده نک اضطرابن

کورد کده متوجه میدان اولدی کوردیکه عباس اغشته خاک
و خون اولوب جان و یرمش کندوسن انک اوزرینه براغوب شیون
ایدرکن لشکر مخالف سوار و پیاده تیر باران ایدوب آنی دخی شهید ایتدیلر
رحمة الله علیه اجمعین جون جمیع انساب و اخوان و اقر با شهیدشهادت
نوش ایدوب عالم بقایه انتقال ایتدیلر نو بت تجرع شربت بقا حضرت امام
حسین و اولادنه یتدی حدت و شدت آتش ستم جگر سوز کاشانه تأثیر
ایتدی آسمان پنجه خرشیدی دامن دورانه اوردیکه وقت اولدی بودور
مخالفتدن پشیمان اوله سن واجل ملک الموت غارتعرض ایتدیکه نیجه
بر بنی آل مصطفادن شرم منده و شرمسار قیله سن (شعر) تجاوز قیلدی
حددن ای فلک بیدادک انصاف ایت * یتر تعظیم اشرا ر ایلوب تخفیف
اسراف ایت (روایتدر که حضرت امام حسین بن علینک اوج
اوغلی اولوب بری علی اکبر بری علی اوسط ایدیکه اکازین العابد بن دیرلر
وبری علی اصغر ایدیکه اکا عبدالله دیرلر حضرت امام انک اسمیله مکنی
ایدی و اول سرور ملک بقا * و محرم سرا پرده وفا * اولادنک فوت و موت
کوریمک مصلحتی ایچون کندویه سلاح مرتب قیلوب متوجه میدان
اولدی علی اکبر خورشید رخسارن حضرت امامک کف پای عرش پایه سینه
سوروب تضرع ایدوب رخصت میدان استدی هر نیجه که خواتین
حرم سرای فریاد و فغانله منع ایتدیلر فائده ایتدی حضرت امام
تضرع و الحاحندن متأثر اولوب کندومبارک ایله اسباب رزم مرتب
قیلوب حضرت آدم صنی علیه السلام مکن که شاه ولایتدن یاد کار
ایدی بیلنه بغلیوب و حضرت عباسک مر کینه بندروب همت عالیله سن
یدر قه راه بقا قیلوب میدان روان ایتدی (شعر) وه که اول کل رخ سفر
عزمینه آهنگ ایلدی * شهر و صحرا بی بکا کو کلم کی تنک ایلدی
(روایتدر که اول زمانده شهرزاده اون سکن یاشنده اولوب سنبل کبسوی
مشکباری کاشن رخسارنه سایه صالمقده ایدی و اطراف لاله زاری

بنفشه شدن مزین اولمده ایدی و بومشهور در که حسن صورته رسول الله
اندن اشبه مادر ایامدن متولد اولماشدی و اندن امح دائرة و جوده
عدمندن کلامشدی هرگاه که اهل بیته آرزوی استماع کلمات رسول الله
غالب اولوردی آنک اعل شکر باریدن گفتاره کتور لر دی و هرگاه که دیدار
سید کائناته مشتاق اولور لر دی آنک چهره سندن دیده به نور سرور
یتور لر دی (القصة) اول نهال کلشن صباحت اول زمانکه رخصت آلوب
سرو خرامان علم عرصه میدان ایتدی و ذوق پابوس سمند سبک سیرندن
زمزمه مباحات زمین و آسمانه ایتدی (شعر) عقاب برق شتابی صبادن آلدی
قرار * سپهری ایلدی حیران سرعت رفتار * زمینه رخشی صالوب
نقش میخ ریزه نعل * ثوابت ایلدی ظاهر کواکب سیار * الطافت
حرکاته آفرینلر ایدوب * طبق طبق در انجم سپهر قیلدی نثار * هر
طرف جولانلر ایدوب لعل کوسترد کد نصکره بیان اسم و رسم ایدوب
نعره اوردیکه بنم شکوفه نهال تقوی بنم حسین بن علی مرتضا (شعر)
بنم اول شاهزاده کونین * که صفاتمه عقل حیراندر * حصر اوصاف قدر
ومنزاتم * خارج احتمال امکاندر * نور بخش چراغ ایجادم * ماه کونین و
شاه مرداندر * جلیپاک محمد مرسل * اصل ذاتم علی عمراندر * عمر بن سعد که
اول فروع شعشعه جالی مطالعه قیلدی و اول لطافت حسن مقاله واقف
اولدی و شهرزاده نکیم اولدیغنی تحقیق بلدی کند و قباح افعالندن
اثر افعال بولوب آه حسرت چکوب اعیان لشکر کراهه ایتدی ای قوم
بوسرور اکبر اولاد حسین بن علیدر که شکل و شمائلده شبیه حضرت نبی در
بر زمان منجیر اولوب کسنه به رخصت ویرمدیکه میدان کیره واکابر
المیتوره زیرا بلدیکه مکث ایتدی که تعرض لشکره احتیاج اولوب اول
نوجوانک هلاکنه تیغ تعطش و تیرناوک شعاع آفتاب سوزان و سنان
زهره شکاف سموم جگر سوز کفایت ایدر شهرزاده کوردیکه در نک
ایتمکله شمشیر حرارت تیر اولوب موجب ضعف قوی و باعث رکاکت

اعضا اولور بی محابا کند و سین قلب سپاهه اوروب بنیاد جدال ایتدی
و حکم زلال شمشیر آیدارن ممکن اولدقچه مجاری عروق ایدان اعدایه
یورتدی اما اظهار کمال شجاعت ایدوب شوقله جنک ایدر کت تاب
آفتابدن زره حلقه لری حدت حرارت بولوب بدن ناز پرور دنده داغ لر
اوردی و اجمال آلت حرب کتف شریفنه المری توردی (شعر) بار تار
پیر هندن اینچنین جسم لطیف * نیجه چکسون رزم میدانده بند آهنین
* ناز پرورد نعیم شفقت و احسان اولان * نیجه اولسون قابل بیداد اهل ظلم
و کین (القصة) کلفت آلات رزم علاوه اندوه تعطش اولوب شهرزاده
تلاطم حریدن کاره چیقوب والد بزرگوار ینک ملازمته مر اجعت ایدوب
فریاده کلدیکه (یا ابتاه ذبحنی العطش و اثقلنی الحديد) یعنی بنی هلاک
ایتدی صوسزاق و اغر لندر دی بار آهنین حقا که اگر بر قطره صوایله تسکین
حرارت ویرسیدم لشکر مخالفی غرقه طوفان فنا قیلوردم حضرت امام
مبارک الیه کرد میدانی چهره پاکندن پاک ایدوب حضرت رسول الله
نکین مبارکن تسکین حرارت ایچون اعل آیدار نه ملازم ایتمکین بر مقدار
تسکین بولوب یننه میدان مر اجعت قیلدی بونو بت عمر بن سعد طارق
ابن شبنه امر ایتدی که ای طارق سن میدان کیروب بوشهرزاده نک دفعنه
قدرت بولسک ولایت موصل حکومتن سکا انعام ایدرم طارق ملعون
حکومت موصل هواسیله میدان کیروب علی بن حسین نه نیره خواله
قیلدی شهرزاده اول بد بختک نیره سن رد ایدوب سینه پر کینه سینه بر نیره
اوردیکه نول نیره سیره مانند شوره زار جسم یلیدن باش جیقاروب هلاک
اولدی اند نصکره عمر بن طارق کلوب شهرزاده الندن شر بت فنا ایجدی
اند نصکره مصرع بن غالب میدان کلوب مقابل اولدقده شهرزاده شجاعت
مصطفوی و جلادت مرتضوی اظهار ایدوب تیغ آیدار نه نیره سن قلم
قیلوب فرق بیدوات و نامبارکنه بر ضرب اوردیکه ایکی پاره اولوب مر کینک
ایکی طرفندن میدان دوشدی لشکر مخالف اول ضرب دستی کوروب

برك خزان كی رزان اولوب محاربه سندن متوهم اولدوقده عمر بن سعد
محکم بن طفیل ایکی بیک مبارزه شهزاده نك مصافحه تحریص ایتدی
محکم بن طفیل ایکی بیک مبارزه اول آفتاب آسمان ولایتی ارایه آلوب
شهزاده اندیشه قلیوب تشنه ولایت سرمستی اولوب اول ایکی بیک
نامردی متفرق ایدوب بردخی حضرت امام خدمته متوجه اولوب
ایتدی (یا ابتاه العطش العطش) حضرت امام حسین دیده غنا کندن
سیل خونا ب روان ایدوب ایتدی ای جگر کوشم صبرایت که سنگجون
شربت کوثر مهیا اولوب در شهزاده اول بشارتله ینه میدانه مراجعت
قیلدوقده لشکر اعدا هجوم ایدوب عین و یسارین آلوب و نهال جسم لطیفی
کلین غنجه کی پریشان اولوب و سپر مثال اعضای شریفنه مخالف
زخمو چاکلر صالوب عاقبه الامر ابن غیر لعین طعنه سبله و بر روایتده
منعه بن مرو عبیدی زخبله مر کندن دوشوب نعره اوردیکه (یا ابتاه
ادر کنی) شعر غرق کرداب فراق اولدم ترحم قیل صبا * شرح ایدوب
حالم بکابل الله توردلدارمی * قیلدی جلاد اجل قصده لاکیم تکریم چون
* عرض قیل دلداریمه حال دل افکار می * وار ایکن جسم حده
جان مقصودم اولدر که قیل * شمع رویندن منور دیده خونبار می *
حضرت امام حسین اول مظلومک انتظارنده ایکن اول نعره بی استماع
ایدوب بی اختیار میدانه کیروب اول سرور وانی خاک مذلندن کوزوب
خیمه گاهه یوردی و رخسارنی رخسارینه سوروب ایتدی ای فرزند
دلندوای آرام دل دردمند بر تکلم ایت شهزاده کوز آچوب والد
بزرگوارن و والده بیقرارن و برادر غمگسارن اوزرنده کوروب ایتدی
یا ابتاه * کورد مکه ابواب آسمان مفتوح اولوب شربت سلسبیلدن
جاملر مرتب اولوبدر * بوتکه کمال انسا سنده روح پرفتوحی روضه
رضوانه انتقال ایتدی رجه الله علیه (شعر) ماه جالن اول کل باع
رسالتک * ستر سحاب مرک نهان ایتدی ای دریغ * شاخ کل حدیقه

اقبال روز کار * پامال انقلاب خزان ایتدی ای دریغ * و بودخی
روایتدر که شهزاده قلب سپاه اعدایه حمله قیلدوقده حضرت
امام حسینک نظرندن غائب اولدی اول حضرت بی اختیار آنک
مطالبنه روان اولوب یا علی یا علی دیوب هر طرفی کوزوب فریاد ایدرکن
ناگاه بر جانبدن صدای یا ابتاه استماع ایدوب اوجا بنه روان اولدی
اما اثرین کورمدی و سبب اول ایدیکه منعه بن مرو حرامزاده شهزاده یه
زخم اوردوقده بی شعور اولوب مر کی بی اختیار آنی میداندن چیقاروب
بر صحرا یه براقشیدی حضرت امام شهزاده تفحصنده ایکن کوردیکه
مر کب بی را کب متوجه خیمه گاه اولدی جامه صبر و تحملی چاک
ایدوب مر کی طوتمق استد کده مر کب ینه کلدیکی یوله دونوب فرار
ایتد کده حضرت امامی اول منزله کتوردیکه شهزاده آند دوشمش ایدی
حضرت امام حسین کوردیکه شهزاده آغشته خاک و خون اولوب هنوز
حیاتندن بر رمق وارمر کبندن پیاده اولوب سر مبارکن کارشربقنه
آلوب رخسارن رخسارنه سوروب شهزاده کوزن آچدوقده حضرت
سلطان کربلاک رخسار مبارکن کوروب ایتدی ای والد بزرگوار حالا
کورر مکه حضرت رسول ایکی النده ایکی جام طو تو بدربزین بکاو یرمک
استدی بن ایتدم یا جداه ایکیسنی دخی احسان ایتکه فایتده تشنه یم
بپوز دیکه ای علی بو جاملرک بری سکامنسو بدرسن تشریب ایت بو برینه
طمع قیلکه که حسین ایچون مهیا اولبدر حالا کلوب نوش ایده جکدر
بوتکلمده ایکن جانی جانانه تسلیم ایتدی رجه الله علیه حضرت امام
آنی مر کبنه بغلیوب خیمه گاهه کتوروب اهل بیتک مصیبتن نازه قیلدی
(شعر) دردا که ایچدی بزم بلاده می فنا * جان وجهانندن المدن اول
نور سیده کام * کلزار عمری کوردی خزان کورمدن بهار * ماه جمالی
ایتدی غروب اولدن تمام * دریغا که نهال نورس امامت اظهار شکوفه
قیلوب چن آرای بوستان ولایت اولشکن صرصر خزان فنادن شکست

بولدی و هلال آسمان سیادت گوشه ابرو کوستروب اهل اشقی نظاره
سبله مسرور ایش ایکن بدر تمام اولدن سحاب اجلاده مختفی اولدی
مخدرات سر پرده عصمت بنیاد نوحه قیلوب تجدید ماتم ایتدی لر فی الواقع
بو واقعه دلسوزک لهیب نیران حرارتندن برخونین جگر کاهدر که دل
پاره سی بر فرزند دلبندک داغ فراقیله یاغش اوله و یوحا نه غم اندوزک
حرارتندن بر دلسوخته واقفدر که نخل حیانتک تازه ایکن صرصر هوای
مخالفتدن بر شاخساری صممش اوله حضرت امام باوجود حرقت تمام ایله
خواتین اهل بیت اول مصیبتده تسلی و یروب دیردی که ای اهل بیت
رسالت وای ریاحین گلزار امامت بلای آسمان نزول ایتد کده آثاری جمیع
کائناته شاملدر و کافر و مسلمان احاطه عموم محنته دا خلدر اما عیار
امتیاز مؤمن و کافر بلاده صبر و جزع در نه که نعمتده فسق و ورع در لا جرم
مؤمن بلایه صبر و شکر ایتد کله رتبه رفعت بولور و کافر جزع و اضطراب
قیلغله مقهور و مذموم اولور و تقریر دلدیر (انما یوفی الصابرون اجرهم بغير
حساب) بو مضمونه اصح دلائلدر (شعر) صبر ایتد یوب مصیبتده هر کیم
قیلور جزع * شایسته مواهب عفو و عطا دکل * معلوم اولور صائب
ارباب کفر دن * کیم صبر در وسیله رحمت بلاد ککل * ای خواتین سر ابرده
سترو صفای صبر ایدک و تحمیلی پیشه قیلک که بو صبر و تحملاک نتیجه سی
آخرته روضه نعیم و دنیاده قیامت ده احترام و تعظیمدر زنه زنه زنه
بند نصره چاک کریبان ایدوب موی سر پریشان ایتدیه سز که موجب شمتت
اعدا اولمیه اما کر یه دن سز ی منع ایتدیم زیرا آب دیده مظلوم حدیقه
رحمت سیراب ایدر و سبل اشک غریب مهمومله مرأت عملدن خیار
کدورت کیدر پس اصاغر اولادنی اکابر امانت طریقیله تسلیم ایدوب
و مجموعنی حضرت واجب الوجوده تابشروب و داع قیلوب میدان
مصافه موجه اولد قده مطهرات اهل بیت بر نوحه قیلدی لر و بر نوحه
نالان اولدی لر که سکان صوامع ملاکوت غلغله نوحه لرندن سر اسیمه اولوب

تسبیح و تهلیلارن فراموش ایتدی لر و عنادل و قاری ریاض بهشت زمزمه
کریه لرندن متحیر قالوب کندوسر و دلر ن او تدی لر (شعر) شاهد افراط غمدر
کثرت فریاد و آه * سیل آب چشم مقداری دل از انچه در * ایل عزاسپنه
نه نسبتدر غزای اهل بیت * چون عزاسی هر کسک مقتولی مقدار انچه در
* اول حاله مقارن علی اصغر که طفل شیر خواره ایدی حرارت روزگار
غنچه پستان والده سنه حدت پیکان و یروب اول طفلک چشمه معیشتن
مسدود قیلمشیدی و اول طفل معصوم اضطراب جوع و عطشیدن
ورطه هلا که قریب اولمشیدی حضرت امامه احوالن عرض ایتد کده
حضرت امام اول طفلی مبارک الله آلوب لشکر مخالفه مقابل طوروب
ایتدی ای ظالم لوطوته لم که بن کنه کارم آیا بو طفل بی کناهه نیچون بر قطره
صویر مر سز اول سنک پار مالدن آب روان چقمق ممکن اولیوب ایتدی لر ای
حسین عبدالله زیادک حکم روانی صومعه نده مؤکد در تغیر بولور و بیعت
ایتدینجه سکا و اولادیکه صوایچمک مبرسر اولمز حضرت امام نومید
اولوب مرا جعت ایتد صد دنده ایکن حزیمة کاهلی لعین بر ناولک دل دوزه
کشاد و یروب اتفاق اول معصومک خلق مبارکده کوب اندن کذار ایدوب
حضرت امامک ساعد مبارکده صابجلدی حضرت امام اول اوقی
چکد کده اول طفلان خلقومندن چشمه خون روان اولوب پاک ایدره رک
والده سنه یوروب ایتدی ای بیچاره فرزندک شربت شهادتله سیراب اولدی
(روایتدر که علی اصغر ایله یتیم ایکی نفر تمام اولدی و حضرت امامه
زین العابدیندن غیریکه بیمار ایدی صحرای وجود ده حضرت حسینه
همراه قالدی شاهزاده کندوسن تنها کورد کده آه جگر سوز چکوب
بو مضمونه بر جز آغاز ایتدی (شعر) دردا که دارد هرده بر یار قالدی *
بر یار غمکسار و وفادار قالدی * دام بلادن اهل و فابولدی لر بجات * بر بندن
اوز که زار و گرفتار قالدی (روایتدر که حضرت امام زین العابدین و اند
بزرگوارن تنها کوروب رقت تمامله خوابکا هندن طشره چیقوب جسم

ضعیف و کف لرزان ایله کند وید اسباب رزم مرتب قیلوب عزیمت میدان
ایتمکده ایکن حضرت امام حسین ابتدای نور دیده حال اسکار خست
شهادت بو قدر زیر اسلسله سیادت سکا میریو طدر و بقای نسل مصطفی
و مرتضی سنک وجود که مشروط در حضرت امام زین العابدین ابتدای
ای مخدوم حاشا که بن شربت شهادت بنی نصاب و دولت دیدار
شریف کن محروم قالم حضرت حسین ابتدای ای جگر گوشه بزم بلاده
جام شهادت نوش ایتمکده هنوز سکانو بت یتیمشدر و ساقی اجل سنی
هنوز یاد ایتمشدر عنقریب سن دخی بو شربتدن ایچوب بزه واصل
اولور سن و مراد کجه بو خوان مصیبتدن نصیب آلور سن پس حضرت
زین العابدین حضورینه آلوب جد و آبادن مودوع اولان اما نعلری
اول حضرت نایشوردی کلام الله المجید و مصحف فاطمه و جعفر ابیض
و جعفر جامع و علم قیامت و باقی علوم که ائمه دن غیر کس به ضبطی
ممکن دکل اکتسلیم ایدوب و آتی حضرت واجب الوجود نایشوردی
(شعر) سیر ایلدی زلال صفا باغ باغدن نور ایلدی انتقال چراغ
چراغدن تسلیم امانت ایتد کد نص کره ضیافتخانه بهشت عزیمتن مقرر
بلوب دوستلرد و ستلر و لیمه سنه کتد کده من بن اولق رسمدر دیو بردخی
حر مسرایه کیروب غبار میدانن محاسن لطیفی و کبوسوی شریفی پاک
ایدوب و تجدید لباس طریقیله رق مصریدن بر کر انمایه خلعت کیوب
و عمامه رسول اللهک عقدن تازه لیوب و سید الشهدا حمزه نک سپرین
کتفنه براغوب و علی مرتضی نک ذوالفقارین حائل ایدوب رسول اللهک
ذوالجناس نام سمند برق رفتارن رکاب همایونته چکوب مبارک الله
بر رخ ازدها مانند آلوب زینت تمامله اهل بیت و داع ایدوب (و کفی بالله
شهیدا) کله سن یاد ایدوب عرصه میدان بوز طودندی ویتد کده نیره جان
ستانی دل خا که استوار قیلوب و نیره سنه تکیه قیلوب بر رجز غازی ایتدیکه
بعض ایاتی بودر (شعر) خیر الله من الخلق ابی * ثم ای وانا ابن الخیرین

فضه قد خلقت من ذهب * وانا الفضة ابن الذهبین * فاطمه الزهراء امی
وابی * وارث رسول الثقلین * من له جد کجندی فی الوری * او کشیخی
وانا ابن العلمین * ذهب فی ذهب فی ذهب * ولجین فی لجین فی لجین *
(شعر) اول بنم کم جد پاکدر چراغ انبیا * آفتاب اوج همت سرو باغ
اصطفی * اول بنم کیم معدن در وجود مدر علی * شاه ارباب حقیقت
شمع جمع اولیا * اول بنم کیم شمع نور خلقتدر فاطمه * کوهر کان
شرف شمع شبستان خیا * بن نهال گلشن عدل و ریاض عصمت * ای
فساد اهلی ندر بونجه بکا جور و جفا * دو کدیکز بر آتوب سنک ستم
اوراقی * قودیکز تنهانی غریبه بی برک و نوا * حالیا قلم تناسنده قلمش
سز غلو * قنی مذهبه بنم قطع حیاتدر روا * بو مقاله دنص کره اول
کروه مخالفی مخاطب قیلوب ندا قیلدیکه ای قوم ستمکار وای طائفه
غدار احتراز ایدک اول قهارک قهرندن کیم فرقه آل فرعون غرقه
سیلاب نبل و سپاه اصحاب قبلی مغلوب هجوم طیرا ابایل ایدوب و توهم
قیلاک اول جبارک غضبندن که عصات قوم لوطک شهرن سرنکون
ایدوب غلات ال نوحک ملکنه سیلاب سیاست یورتدی (و استغفروا
ربکم ثم تو بوا الیه یمتعکم متاعا حسنا) ای ظالمرا اگر حاکم دیوان قضا عدلانه
و حضرت رسول شریعتنه اعتقاد و انقیاد کز وار ایسه یاد ایدک
عواقب اموری و بوظلملردن استغفار قیلاک و بکا امان و یرک که بو اطفال
و عیالی پایمال غربت اولمدن دیار حبش جانبدنه یاروم طرفنه آلوب کیدهیم
و بوجزیره عرب و ارض بابل و ملک حجازی سزه تسلیم ایدهیم * و اگر
محاربه دن تجاوز ممکن اولماز ایسه باری بر میدانه کلک دید کده لشکر
کوفه و شام اول کلمات محبت آمیزی استماع ایتد کده طاشلردن چشمه ل
روان اولور کبی بی اختیار دیده و قاحت پیشه لرندن اشک ندامت روان
اولوب بر مقداری پشیمان اولمغه متوجه اولمش ایکن بختری بن ربیع
و شبت بن ربیع و شمر ذی الجوشن و بعض رؤسای عسکر که دل

سختنرند عداوت خاندان ولایت متکمن ایدی کوردیلر که حضرت امام
حسینک کلماتی تأثیر ایدوب تغیر عقاید عسکر ممکندر فی الحال حضرت
حسیننه مقابل طوروب ایتدیلر ای حسین بزم محاربه مز یزید حکمیه
اولوب سنک زلال نجاتک آنک چشمه بیعتنده در * یا قبول بیعت ایتک
کرک یاسیاسته یتک کرک بو حاله مقارن تیر اندازله حکم اولندی که حضرت
حسیننه مهلت و یرمیوب تیر باران ایدک بر غایتده تیر باران ایتدیلر که هوا
پر عقایدن مملو اولوب کثرت پیکان سهام هجوم عام شعاع آفتابدن اول ماه
اوج رفعتنه بر سپر آهنین اولدی و اول کلزار عصمتک اطرافنی غلبه ناوک
خارستان جفا قیلدی اما حرز حایت ربانی حصین و حفیظ اولوب اول
پادشاه عالینا هه ضرر یتدی حضرت امام اول حالی کوروب قلب
سپاهه حله قلیق تدارکننده ایکن ناکاه بر غبار و همناک پیدا اولوب عالمی
تیره و تار قیلدی و اول حالده بر شخص مهیب و صورت عجیب ظاهر
اولدی که باشی هر کبه و آیقاری ارسلان ایقلرینه بکزر دی حضرت سلطان
کر بلانک ملازمته مشرف اولوب ایتدی (السلام علیک و علی جدک
و علی ابیک) حضرت امام جواب سلام قیلوب ایتدی ای نیک بخت سن
کیم سن که بو تنه القده غریبنو ازلق ایدرسن دیدی یا ابن رسول الله بودیار
ایچنده ساکن اولان پر یلرک سرداری یم و بکاز عفر جنی دیرلو حضرت
علی بن ابی طالب اول زمانده که چاه بین العلمین ده ضرب ذوالفقارله دیواری
مسلمان ایتدی و بنم بابای بودیارک بر یلرینه سردار قیلدی و حال بن وارث
ملکم رخصت و یر که بو ستمکارله ایتدکاری عملرک نتیجه سن کوستریم
حضرت امام ایتدی ای زعفر حسن اعتقاد یکه بمنون اولدم اما سن
اجسام لطیفه سن محسوس اولوب انسانله محاربه ایتک متضمن ظلمدر
روا کورمزم زعفر جنی ایتدی یا امام حسین صورت انسانه کیروب جنک
ایده لم نه که بدر حنین معر که سننده ملائکه حضرت رسوله معاون اولدیلر
حضرت امام ایتدی ای زعفر حضرت رسوله بدر حنین معر که سننده

وعدۀ شهادت یتمشدی بهر حال نجات ایچون معاونت لازم اولمغین
حضرت حق ملائکه یه حکم ایتدی حالا علم المنایاده کورمشم که بن
بو کون معبود مله ملاقات ایدرم و دار فنا دن ملک بقایه کیدرم
بو بر ساعت حیات ایچون دوستلریمی زحمته صالمق نه مناسبدر زعفر جنی
رخصت محاربه بولوب و داع ایدوب هر اجعت ایتد کده اول غبار
ساکن اولوب اول ظلمت آچلوب حضرت امام متوجه حرب اولوب
مبارز طلب ایتد کده تیم بن قطبه که امر ای شامدن اولوب مبارز لسلکه
معروف ایدی مقابل طوروب ایتدی یا امام حسین نفس واحدایله بر لشکره
مقابل طورمش سنکه زمان سابقده اکثرینک اباواجدن نهر و انده
صفین محاربه سننده اناک قتل ایدوب هنوز خاطر لرنده اول کینه متمکن
ایکن حالا دخی اکثرینک اخوان و اولادن هلاک ایدوب تجدید عداوت
واقع اولمشدر و زمان زمان دخی زیاده اولمقده در بونک کی لشکر ایله مقابله
ایتک غلطدر صلاح اولدر که طریق بیعتنه سلوک ایدوب طلب نجات
ایده سن حضرت امام ایتدی ای شامی بن سز که ایتدای حرب ایتدم سز
باعث فساد اولوب اولاد و انسایمی قتل ایتدیکر حالا کثرت اعدادن بکا
توهم و بروب بیعتی المتی استرسن ای بد بخت اگر چه عالم صورنده سزک
لشکر یکز چوقدر اما عالم معنیده بنم سپاهمه نهایت یوقدر بن اول
سلطان بلند بار کا هم که سر اداق جاه و جلالم سطح عرشده اطناب توفیق
واوتاد تأییدله استحکام بولوب سایه عموم عاطفتی جمیع کائناته بر ایشدر
و تمامی معشر ملائکه علویه و سفلیه و عقول و نفوس بشریه و دیو و پری
وحوش و طیور تحت اوای اماممده اعانتهم مأمور اولوب مطیع لری
میربان مر حتم متمتع نعمت بهشت ایدوب و متمر در لری اقتضای محالقم
آتش بحیمه یا قشدر ان شاء الله تعالی بو صورت عاقبت سزیه معلوم اولور
و پرده غفلت رفع اولوب هر کس صورت اعمالن ملاحظه قیلور (قد خسر
الذین کذبوا بلفاء الله حتی اذا جاءتهم الساعة بغتة قالوا یا حسرتنا علی

ما فرطنا) الایة ای حرامزاده بنم جدر فبع عا لیمقدارم اولدر که لشکر
مخالف هجوم ایتد کده ملائکه صورت انسانه کوروب خدمتن اختیار
ایتدیلر و بنم والد بزرگوارم اولدر که رایت رفعت و قدرن مهجده (یحی
الله ورسوله) کرد و نسای ایدوب ضرب دستندن باب خیره شکست
یتدی بونشاط ایله بر نعره اوردیکه جمع لشکر هیبتندن دتردی بلکه ارض
کر بلا یه زلزله دوشدی هم اول ساعتده تیغ صاعقه کردارن چکوب
تیم بن قحطبه بی بر ضرر بله هلاک ایدوب دخی مبارزاستد کده جمع لشکر
اول صلابت نعره دن و اول ضرب دستدن ترسناک اولوب متحیر و متفکر
قالمش ایکن زید ابیطحی بدبخت که عالم شجاعته بغایت صاحب غرور
ودیار عربده کال مبارز تله مشهور ایدی شهرزاده یه مقابل طوروب
بی محابا تیغ حواله قیلدی حضرت امامانی دخی بر ضرر بله ایکی پاره
قیلوب مر کبک ایکی جانبده دوشدی اما شهرزاده تشنه لکدن بغایت
مضطرب اولوب صوایچمک قصده آهنگ رود فرات ایتدی شمر لعین
اول حالی کوروب فریاده کدیکه ای لشکر شام و کوفه زنه از نههار حسینه
تمکین و یرمکه اکر برایچم صوایچوب کند ی سیراب و مر کبی دخی صو
ایچسه بیک بونک کبی لشکر اکا جواب ویره مزوجیع ایتدیکم سعبیلر
ضایع اولمق مقرر در اول حرامزاده لر اول لعینک تحر یضیله غلبه
قیلوب حضرت امامله فرات اراسنه حائل اولدیلر و حضرت امام
مر کب بادر فتارینه جلو و یروب و تیغ آتشبارن چکوب مقاتله و محاربه یه
مشغول اولدی (شعر) اویله کیم پولادله طاشدن اولور آتش عیان
* آقیدردی تیغی بغرندن عدونک خون ناب * خون اعدادن روان
ایلردی هر یان سیلار * سیلار اوزره عیان ایلردی باشلردن حباب * جوهر
تیغنده مضمون موج طوفان فنا * سایه رخنده مضمون شرح احوال
عذاب * جلو رخنده روشن سرعت نور بهر * سرعت سیرنده ظاهر
حمله سلطان حواب * رخشی کوه باد جنبش تیغی برق آب کون * رخنه

کردون فدا تیغینه قربان آفتاب * اول شهسوار عرصه میدان شهادت
و اول شاهباز صید کاه سعادت رخس همی کرم جولان ایدوب و تیغ
شجاعتی غرق خوناب اهل شقاوت قیلوب اول ظالم ملک اوج صفن شکست
و جاک ایدوب کندوسن فراته بتوردی و نهنگ و آراب فراته کوروب الله
صو آلوب ایچمک تدارکنده ایکن برکسنه ندایتور دیکه ای حسین نه
صوایچمک مجالیدر لشکر بدخواه اغارت حرم سرایه متوجه اولدیلر کال
غیرت عنان اختیارن اندن آلوب بر قطره ایچدن سمند سیل رفتارن
جانب خیمه کاهه سد سپر ایدوب ایتد کده کوردیکه اول آواز منع آب ایچون
بر حیله ایمش اما موافق اراده تقدیر واقع اولمش زیر اول کون شربت
شهادت ایچمک مقرر ایدی (روایتد رکه فرات کارندن خیمه کاهه تیغجه
غرق مبارز هلاک ایتشدی و نقل صحیحدر که حضرت امام خیمه کاهه
ایتد کده تکرار خواتین حرامسرای عصمتی حاضر ایدوب و صبیتی
تازه قیلوب ایتدیکه ای اثمار نهال فتوت وای اشجار ریاحین طهارت مصیبت
ایچون مهیا اولک اما زنه ار جامه چاک ایدوب موی کبسو پریشان ایتک و کندو
کری تمکین اولد قبحه نامحرمدن نهان طوتک حضرت امام زین العابدینی
بغرنه بصوب بردخی یوزن یوزینه سوروب و داع ایتدی (شعر) کل
ای همدم که جسممله و داع ایتد کده درجام * دو کر قانلرا کوب فرقت
بلاسن چشم کریانم * بنم مشکل دکل عالم که قرب حق قیلوب حاصل *
غم دنیا اندن قورتلور حالا کریانم * سنگجون اغلرمکم ایده جکدر حاکمی
مضطرب * هم اعدا ظلم و جور ی هم بنم اندوه هجرانم * ای نور دیده طریق
مصابر تدن انحراف ایتد که شیمه انبیا و شیوه اولیاد رو یقین که بوابه بلا بزه
نصیب اولسیدی بزدن صکره ظاهر اولان مسلمانلره بر بلا نازل اولد قده آنی
موجب غضب الهی تصور ایدوب مأیوس اولمق مقرر ایدی زهی سعادت که
بلا بزم ملازم مقررده مدوح اهل حقیقتند و وقوع مصیبت موجب تسلی
اتقیای امت اولدی (شعر) بلا یه صبر ایده لم جور و شکر لر قیله لم * که بوزوش

طلب اهلینه در طریق وصول * جمیع خلقه بلا احترامی واجب در * کیم
اولدی اقرب خدام اهل بیت رسول * ای جگر گوشه مدینه یه یتد کده
نه که بن سنک سلامکی سکان اهل بهشته التورم سندخی بنم سلامی انده
اولان احبایه و اودایه عرض ایده سن * بو حاکمه شهر بانو اول شهر یارک
دامن پاکن طو توب ایتدی ای سرور عالیقدر وای سید برز کواری نسل
زد جرد شهر یارم حوادث ایامدن سنک حصن جایتک پناه ایتمش ایدم
حالا وهم اندر که زمان غیبتکده بو ظالم لر سائر خواتین اهل بیت اولاد
رسول اولمغله حرمت ایدوب بکا اهانت یتوره لرینی کیمه تسلیم ایدرسن
حضرت حسین ایتدی ای شهر بانو بو واسطه دن دغدغه چکمه که سن
داخل بیت سن و بو حصار غفتمده ~~سک~~ انا محرم تعرضی یتز (شعر)
بر جبریلدر دیوار دو لخانه عصمت * آنک سکانه آسیب یتز شر شیطاندن
* حریم قرب اهل بیت بکر ز زورق نوحه * اولان اول زورق ایچره احترام
ایلر می طوفاندن (و بر روایت دخی اولدر که حضرت امام شهر بانویه
وصبت قیلدی که بند نصر کره مرکم خیمه گاهه کاه اول مرکه که دیوی محکم
ایدوب عنان ارادتک راض قضایه تابشور اول مر کب سنی بادیه هولدن
چیقارر شهر بانو اول وصبتلره عمل ایدوب اول مر کبله لشکر کاهدن
چیقوب کتدی عاقبت امرن الله یلمور که نیچه اولدی اما صحر روایت
اولدر که اهل بیتله شامه کتدی (القصة) حضرت سلطان کر بلانک
و صبتی تمام اولدقده متوجه میدان اولوب بو مضمونه بر جز آغاز ایتدی
(شعر) کلدی اولدمکم دل غمناکی شاد ایلیم * مرغ روحی دامگاه تندن آزاد
ایلیم * کلدی اولدمکم بو محنت خانه بی ویران ایدوب * قدس ملکند
بنای عشرت آباد ایلیم * کلدی اولدمکم قیلدر کاهه عرضحالی * چشم
غمناک و دل غمناک ایله داد ایلیم * اول پادشاه قدسی سپاه و اول سلطان
عرش بارگاه ذوق تقرب درگاه اله ایله انا بن رسول الله و انا بن علی ولی الله
فیوب بر نعره اوردی که اول صدادن جمیع اجزای ترکیب کائنات متخلخل

اولوب فلک دوار حر کتدن متوقف وارض ساکن مترن اولدی عمر بن
سعد شاهزاده بی اول صلابتله کوروب لشکری بربر محاربه قتلقدن منع
ایدوب فریاد ایتدی که ای بخبرل شجاعت مصطفی و صلابت مرتضا و هیبت
حسن مجتبا بو کون بو شخصه منحصر اولوبدر * حقا که اگر جمیع
کائنات بر صورتی متشخص اولوب اکامقابل طور سه بر حله سنه وفا قیلر *
و حال از خم تیغ عطش و جراحت مفارقت احباب و اولاد اکا کار کر اولوبدر
جمیع لشکر اتفاقله حله قیلوب تردددن زیاده قیلک اول ملعونک امر یله
جمیع لشکر اتفاقله متوجه اولوب شهر زاده بی ارایه آلدیلر اول
شیر یشنه شجاعت شعاع تیغ برق آسایله دیده ادرالک بدخواه لری خیره
قیلوب و هر جانبه توجه قیلد قچه کردنعل باد پای بادیه پیما سندن روزگار
اعداتیره اولدی هر جانبه توجه قیلد قچه کر یزان اولوب متفرق اولورلردی
(روایتدر که بردخی اول لشکر کراهی یاعمال رخس همت قیلوب
سمند بادرفقارن فراته یتوردی و داعیه قیلدی که بر قطره صو ایچوب
تسکین حرارت ویره اما عطش مطهرات و اطفال یادنه کلوب ترک مدعا
قیلیدی و بر روایت دخی اولدر که بر مقدار صو ایچمک تدارکنده ایکن
حصیر بن تمیم براوق آتوب اولوق زنجیله لب و دندان مبارکن مجروح
قیلوب صو ایچمک مبر اولدی (القصة) لشکر اعدا هجوم
ایدوب کلدی غلوی مخالف زیاده اولوب و وعده شهادت مقاربت
قیلوب زنجیردن چشمه چشمه قانلر کتمکله شهر زاده یه ضعف غالب
اولوب سست اولدی (روایتدر که اول حضرتک یتمش ایکی زنجی
اولوب سمند سبک سیر دخی کتمکدن قلوب کثرت زخم و افراط
عطشیدن سست اولوب آثار ترزل ظاهر اولدی عمر بن سعد شهر زاده نک
ضعف حالن ملاحظه قیلوب قتلنه اقدام ایتد کده حضرت
امام اول بدبخته قهرله باقوب ایتدی ای ظالم بواصر قبیحه ستمی اقدام
ایدرسن اول بدبخت انفعال بولوب کیر و دوند کده شمر این پیاده لره

دیدیکه اطراف وجوانین طو توب تیر باران ایدملرینه شهرزاده بر حله
 قیلوب آنلرک صفن صندروب بر موضعه قرار طوتدی (روایتدر که اول
 بدبختلردن بعض یزیدلر مباشر قتل حسین اولوب بعضی متوجه غارت
 ونهب اهل بیت اولدیلر حضرت اول حالتده واقف اولوب ایتدی
 ای آل ابوسفیان طوته لم سرزده اثر ایمان یوقدر باری قاعده ناموس
 جاهلیتی که لازمه جبلتکزد ترک ایتک نه مناسبتدر که قصد عورات
 ایدرسر اکر مقصود کز بنم قتل ایسه اول مدعا بندن مبردر شمرلرلر
 ایتدی ای حسین بو التماس قبول ایدرز پس لشکری تعرض اهل
 بیتدن منع ایدوب مباشر قتل امام حسین اولدیلر (روایتدر که اول کمال
 ضعفله تیغ آبدارندن اهتر از ایدوب قتلنه کسنه اقدام ایدملریدی عاقبت
 ابراقدن تیر باران ایتدیلر حضرت امام کوردیکه جولان ایتکجه مجال
 یوق ناچار مریکبندن اینوب پیاده اولدیکه مریکبنه تیر باراندن
 بر ضرر یتیمه زیاده کار مصطفی و مر تضا اولوب مکرم و محترم ایدی اول
 بدبختلر حضرت امامی پیاده کورد کده دلیر اولوب قتلنه متوجه
 اولدیلر انشای مریکده برلرین بدبخت اول آفتاب اوج سعادتک جبین
 مبارک لرینه که مطلع نور هدایت ایدی براوق اوروب مجروح ایتدی
 حضرت امام اول ناولک خون نشانی چکوب جبین مبارکدن محاسن
 شریفنه قائلر روان اولوب خضاب اولدقده مبارک انی رخسار شریفنه
 سوبر مباحات ایدردیکه ان شاء الله بوزنگله جدم مصطفی خدمته
 مشرف اولورم و بو حالتده قبله یه متوجه اولوب و بارگاه قرب معبوده بوز
 طو توب منتظر شهادت اولدی (شعر) شمع حیات صبح اجل ویردی
 اضطراب * ملک وجوده سیل عدم صالیدی انقلاب * کلزار عمره قیلدی
 اثر صرصر خزان * دست زمانه رشته امید ویردی تاب (روایتدر که
 اول شهریار سرور یاض شریعت و اول کلبن باغ طریقت صرصر هجوم
 اعدادن وسیل سهام اشقبادن کمال ضعف بدن حاصل ایدوب بی مجال

اولدی کوردیلر که حضرت امام مریکبندن دوشوب بپنخود اولوب بدر
 منافقلر بربر ایکی ایکی قصد قتل ایدوب مقابله سند کلد کده رخسار
 مبارکن کوروب شرم ایدوب تأخیر ایدرلر ایدی (شعر) دوکت اولاد
 رسولک قاتی آسان دکل * اول سبیدنکیم بوقان هر قانه بکزر قان دکل *
 عاقبه الامر شمرلرلر کوردیکه لشکر اول حضرتک قتلنده تأخیر ایدرلر
 فریاده کلوب ایتدی که ای بی حیثلر بونه تأخیر در در عتبن شریک پیدوات
 کلوب اول حضرتک ساعد مبارکن مجروح ایتدی و سنان بن انس لرلر
 کتف مبارکنه براوق اوروب اول ایکی زحیدن شهرزاده عالم بی اختیار
 دوشوب خاک کر بلایه تزلزل بر اقدی و اول واقعه دن سکان تحت الثران
 ثریاه غلغله چیقدی و دوران فلک سر اسمه اولوب دیردیکه ایابونه امر قیبحدر
 و دائرة زمان اضطرابه دوشوب تأسف چکردیکه آیا بونه ظلم صریحدر
 (القصة) خول بن یزید اصبحی و انک فرزند شبل بن یزید اتفاقله پیاده
 اولوب اول سرافرازک سر مبارکن بدن شریفندن جدا قیلدی قصدنه
 متوجه اولدیلر اقدام ایتد کده مهابت مستولی اولوب مبرسر اولدی
 و اسماعیل بخاریدن تقلدر که شهرزاده دوشدیکه زمانده عمر بن سعد امر یله
 بر مبارز آنک قتلنه اقدام ایتد کده حضرت امام ایتدی ای فقیر بنم
 قاتل سن دکلسین بواصر قبیحه اقدام ایتد که حیقدر آتش دوزخه گرفتار
 اوله سن اول مبارز کریان اولوب ایتدی یا ابن رسول الله بو حالتده سن بزه
 هنوز رحم ایدرسن اهل حق اولدیغکه شکم قالمدی اول مبارز بی محابا
 النده کی تیغی مریاجعت قیلوب عمر بن سعد حواله قیلدی ملازم لری
 هر طرفدن مانع اولوب اکلز جلر اوروب اول یکنانه زمانه بدن مجروحله
 حضرت امام حضورنه کلوب ایتدی یا امام حسین سنکجون بنی
 شهید ایدرلر حضرت ایتدی مجاهد لر عملی ضایع اولماز (القصة)
 هر طرفدن تیغلر چکوب یزیدک انعام و التفاتی امیدنه اول امر قبیحه
 اقدام ایدرلر ایدی اما کسنه یه بوشقاوت مبرسر اولوب ایکی کسنه یه

مختصر اولدی بری سنان بن انس وبری شمر ذی الجوشن سنان بدبخت
استدیکه اول امر قبیحه مباشرت قبله شمر لعین بی دولت سبقت ایدوب
اول حضرتک سینه بی کینه سنه قدم بصدی حضرت امام کوز آچوب
دیددی ای بدبخت سکا کم دیرل اول ملعون دیدیکه بن شمر ذی الجوشن
حضرت امام ایتدی دامن زرهی چهره ناپا ککدن کوترسی کوره یم
اول بدبخت دامن زرهی رفع ایدوب چهره ناپا کنی کوسترده کده حضرت
امام کوردیکه دیشلری خنیزدیشلری کی دهان پلیدندن طشیره چقمش
دیددی (صدق رسول الله) بو برنشانه در زیر اواقعه سنده حضرت رسول
قاتلندن خبر و یروب وعده قتلن مقرر ایتشیدی * دیددی ای شمر بنم قتل
سکا مقدر اولدر عملکده تقصیر ایتما ای شمر بو وقت ته وقتدرو بو کون
نه کوندر و بو آینه آیدر شمر بدبخت ایتدی محرم آبی وجعه کونی و نماز
وقتیدر حضرت امام ایتدی ای ظالم بونک کی شهر حرام و روز جمعیت
و وقت نماز که خطبای اسلام رأس منبرده جنم اوصافن بیان ایدر لر
و عباد خواص و عوام متوجه درگاه معبود اولوب اداء عبادت قیلور لر
سن نیشه بواجر قبیحه اقدام ایدرسین باری ای شمر کو کسم اوزرندن
طوروب بر مقدار مهلت ویر که بن دخی لب تشنه ایله نمازه مشغول اولیم
و چون نمازه ایکن شهید اولق بکامیراندر بن دخی اول سعادت بولهیم
شمر بدبخت اول حضرتک سینه پیر صفا سندن طوروب و اول حضرتده
اول مقدار قدرت وار ایدیکه او توروب قبلهیه متوجه اولوب نمازه اشتغال
ایتدی * اول وقت بروقتدیکه سلطان سرا پرده طارم چارم سهام
شعا عن خار و خاشاکه اوروب پاره پاره قیلوب و شمشیر شعشه سن
کوهساره چالمقدن صندروب زواله متوجه اولوش ایتدی * و خطبای امت
منبره چیقوب (ان الله يأمر بالعدل والاحسان وایئذ ذی القربی وینهی
عن الفحشاء والمنکر والبغی یعظکم لعلکم تذكرون) موعظه سین ظالمیره
القا ایدوب و مؤذنلر مناره لرده (ان الله و ملائکته یصلون علی النبی)

زمزمه سن جهانیه صالمشیر ایدی و فی الواقع اگر چه اول وقت عالم صورتده
اهل ضلالتک کواکب اقباللری درجه رفعتده اولوب عمر بن سعد لعین
وسائر امر ای لشکر یزید لعنه الله علیهم بر پینه تهنیه طفر و یروب امید
التفات و انعامله نشاط تمام یولوب و یزید پلید و عبید الله زیاد ملعون
مسند حکومتلرنده مجالس طرب ترتیب ایدوب ساز و نوا مشغول عبش
و طرب اولمشیر ایدی و اهل بیت حضرت امام حسینک نواب و اخرا نلری
کماله یتوب حضرت حسین و سار شهدا آلوده خالک و خون دشت کر بلاده
حر کبلر پایمالی اولوب و مطهرات حر مسرای نبوت رقت قلبله
کشته لرن پاره پاره برابرلرند * کوروب و باشلری اوزره مجرد تیغله مشاهد
قیلوب اضطرار تمامله تزلزل بولمشیر ایدی * اما عالم معنیده اول
بدبختلرک منشی قضاء ناصیه احوالترین رقم (خسر الدنیا و الاخرة)
چوب استرداد نعمتلرینه فلاح ینجه تصرف مهیا قیلوب و تعذیب
روحلرینه مالک دوزخ سلاسل و اغلالی مرتب ایدوب اترظلم و ستملری
سرای عاقبتلرین ویران ایتشیدی و حضرت امام حسین و اتباعه رضی الله
تعالی عنهم ارواح انبیا و اولیا استقبال ایدوب و ملائکه مقربین نثار
ایچون اطباق جواهر تحیات مهیا قیلوب دیوان قضادن مشال حکومت
دنیا و آخرت و بریلوب و مطهرات اهل بیت حجت تملیک حور و قصور
جنت انعام اولنوب سمع رضالرینه مژده احترام دنیوی و اخروی
ایتشیدی (شعر) بردکانه ربو بساط دهر کیم غمناکه * اجر مقدار
عملدرمزد مقدار هنر * خاکدان دهر برمزرعدر را اعمال زرع * خیر اولور
محصول خیر اهلینه شراهلینه شر (القصد) حضرت امام نمازه مشغول
اولوب سجده ده ایکن شمر بدبخت باش قالد رمغه مهلت و یرمیوب
شر بت شهادت ایچوردی (انا لله وانا الیه راجعون) بو حالتده
صوامع ملکوتیه غلغله دوشوب و حظائر جبروت ولوله ملاء اعدا دن
طولوب * چون پادشاه مسند امامت عالم صورتدن عالم معنایه انتقال

ایتدی اهل عالم صورت اول داغ فراقه صبر ایتدیوب اتفاقله اضطرار
ایدوب * مجمره کردن کردن قصور زینکار ایلله افلا که آتش اوروب
ملائکه پروبالن آتش فراقه یقیدی * وشعبده باز صور تخانه طبیعت
سلسله رابطه طبایع قطع قیلوب اجزای هر بکانه اهتر از اقدی فضای
دریا بومصبتده ماهیله چشمه زهر هلاهل اولدی وعرصه صحرا
بومحنده وحوش وطیوره تنکنا ی تنور پر آتش قیلدی (تقلد راتم
کوفیدن که مقارن قتل امام حسین هوایه بر غبار طاری اولوب اول غایتده
عالم تیره و نار اولدیکه علامت قیامتدر دیو خلق عالم استغفار ماباشلدیلر
اول غبار مر تفع اولدقده حضرت حسبنک مر کبی کا کلن قانله رنگین
ایدوب متوجه خیمه گاه اولوب مطهرات اهل بیت اول مر بک کا کلن
بر خون ایلله شاهزاده دن جدا کورد گده فغانلر ایدوب مر کبی مخاطب
قیلوب نوحه ایلله ایتدیلر (شعر) ای سمن باد پابالله قنی اول شهسوار *
نیشه اول سرداردن قیلدک جدالق اختیار * نبلدک اول در شهوار بیکه
طایشر دق سکا * قنده صالدک نیشه کلر آشدی حددن انتظار * پای
بوسندن آنک محروم اولوب سن ای رکاب * سخت دل سن کیم کوزک
اولمزد مادام اشکبار * دست بوسندن آنک دوشمش سن آروای لجام *
نوله طیراغه دوشوب اولد کسه خوار و خاسار * آنلر بوسرودله نوجه
قیلدق ذوالجنح دیده لرندن اشک روان اقد یردی (روایتدر که اول
مر کب وفادار اول حضرتدن صکره راه بادیه طوتوب کندی من بعداندن
کسسه نشان بولدی و آنک رکوبی کسسه یه میسر اولمدن (روایتدر که
اول حضرتک قتلدن صکره شمر بدبخت منافق ایلله متوجه حره سرای
اولوب بنیاد غارت ایتدیلر امامطهرات اهل بیتده دست تعرض یتدی
(روایتدر که شمر بدبخت لعین کراه حضرت امام زین العابدینه بتوب قصد
ایتدیکه قتل ایده حمید بن مسلم طریق منع ایلله ایتدی ای بدبخت ملعون بو
نور سیده اسیر دام مر ضدر بیکنه قتلنه اقدام ایتک مرومیدر (و بر روایتدی

اولدر که عمر بن سعد منع ایتدی بهر حال چون مقتضای حکمت
بقای شهرزاده ایدی اول ورطه دن نجات بولدی حضرت امام حسبنک
ماتمنه اشتغال ایدوب بومضمونه سروده بشلدیلر (شعر) یارب
نه فتنه در که جهان قیلدی آشکار * یارب نه ظلمدر که عیان ایتدی
روزگار * یارب قضا بوا مرده چکمری انفعال * یارب فلک بوفعلدن
اولمزمی شرمسار * آب و هوای کلشن سخت فزای دهر * چون اولدی
حسبنه صفابخش ساز کار * آرام طوتوب بره کچسون همیشه آب *
مهد فراغت اوزره هوا طوتوسون قرار * چون خاکدان دهرده آرام
بولدی * سلطان دین حسین علی شاه کامکار * باد فایه کسه روادر
بو خاکدان * ایننه وجوده عدمدن صالوب غبار * ای دل حکومتبنه
جهانک نه اعتماد * ای دیده حشمتنه زمانک نه اعتبار * اولسیدی
روزگار نهادنده بر ثبات * عهدین قیلوردی آل رسولله استوار * دوران
جبلتنده کر اولسیدی بروفا * آل رسول خدمتن ایلردی اختیار *
اول وقتدنکه خصم رضاسیله تیغ وتیر * شاه شهیدک ایلدی اغضاسنی
فکار * آچش دهان تأسف ایچون تیر تندر * چکمش زبان
تخسر ایچون تیغ ابدار * یارب که تیغ چقمیه حبس نیامندن * یارب که
قنده اولسه اوله تیر خا کسار * خاتمه * مخدرات اهل بیتک کر بلادن شامه
کشدکلرین بیان ایدر * چون حکمت بالغه ربانی بنای مکونات *
وقدرت کامله سبحانی مصور اشکال موجودات * بوبله اقتضا قیامش که
بنیه وجود بشر مظهر جمیع صفات اولوب گاه اطوار ستوده لری اعمال
ذمیه لری ینه غالب دوشوب رفعت اقتدار لری ملائکه دن اعلا اوله و گاه
افعال قبیحه لری اخلاق حمیده لری ینه فایق اولوب رتبه اعتبار لری
ابلیسدن ادنا قبله و بعض ارباب حقایق که عالم کون و فساد
انسان کیمیر دیمش بو معنایی متضمندر که صورت عالم همیشه
متشوع و متلوندر * گاه مسند خلافتده خلفای عدالت شعار و سلاطین

رأفت دثار اولفده استقلال بولوب ارباب كفر و طغیان مقهور اولور *
 و گاه سریر ایلته ملوک جفا یشده و حکام ستم اندیشه متمکن اولوب اصحاب
 عقل و ایمانی مغبون و مخذول قیلور * اول جمله دندر یرید علیه اللعنه
 ایام استقلال حکومتی که جمیع افعال ذمیه بی جامع اولوب جهانی فسق
 و فسادله دارالفساد ایتش ایدی * و حضرت امام حسین مظلومک
 زمان استیلای محنتی که تمامی اخلاق کریمه مظهر واقع اولوب
 عالم صورته مصیبت و ملالی کاله یتش ایدی * بیلک کر کدر که دور
 آدمدن خاتم انبیایه دکن جمیع اعصار و امصارده تمامی
 افراد انسانه واقع اولان اصناف بلیاتی جمع ایدسه لر کر بلا مصیبتک
 بیکدن برینه برابر اولمز * و اعتقاد ایتک کر که سائر بلیاتک عینی واقعه
 کر بیلانک تصور نیجه حقیقت اهلنه اثر قیلز (شعر) کو کدن اند کده
 بلا بولمزدی منزل قونغه * اولسیدی عرصه عالمده خاک کر بلا *
 کر بلادن غیری یو قدر بر مبارک بقعه کم * اوله آنک اکثری اجزاسی
 ترکیب بلا * فی الواقع کر بلا بر بقعه شریفدر که جانب حقندن اندرتبه
 احترام خاندان رسالت و تعظیم دود مان نبوت کاله یتش * و حقیقت
 ظلم اشقیای و صبر اولیاده اولان اسرار حکمت ظهوره یتش زهی
 بد بختلر که آنک کبی بقعه شریفده ماه محرم که مقدم شهو رمدار عالمدر
 و روز جمعه که سائر ایامدن احترامله مقدمدر و وقت ظهر که زمان امامت
 آثار رسول مکرمدر حرمت رسول الهی رعایت قلیوب اولادینه
 ظلم و ستم روا کوردیلر و حضرت واجب الوجودک صبرین کندولرینه
 نصرت تصور ایدوب واجب التعظیم اولان جماعته اهانت یتوردیلر
 چون ماه محرمده اهل بیت رسالت نهایت ملالت بولمشلر * و غایت
 اضطرابله متفرق و پریشان اولمشلر * لاجرم ترک سرور قلیوب طریقه قائم
 رعایت ایدلره شرف انتساب اهل بیت رسالت مقرردر * و ملالترینه
 شریک اولنلره ثوابلرنده شرکت مبسردر (شعر) محرمدر کوکل فریاده

کل آه ایلله افغان قیل * عزاطوت باشه طیرا قلع صیوب چاک کر بیان قیل *
 قلیوب قطع نظر ماه محرم عبس و عشرتدن * دمام چشمکی مظلوملر
 یادیلله کر یان قیل * اوروب کر دونه برق آه آتشباردن آتش * بناسین یق آتی
 دور مخالفدن یشیمان قیل (عیون الرضاده مسطوردر که عمرو بن لیث
 حاکم خراسان ایکن امر ای لشکرندن بیک مسلح مبارزه مالک اولان
 کسنه یه برزین کرز انعام ایدردی بر کون اعیان دولت و ارکان حشمتی
 عرض لشکر کورد کده یوزی کرمی صاحب لوای زرین کرز قلمه کلدی
 صورت حالی عمرو بن لیثه عرض اولاند قد ممر کبیدن دوشوب خاله منلته
 یوز سوروب زار زار اغلادی ارکان دولت اول حالته تعجب ایدوب ایتدیله کر
 ای ملک کامکار وای شهر یار عالمقدار المنه لله ملکک معمور *
 و لشکرک موفور دشمنک مقهور * شاد و خرم اولق مناسب ایکن یو
 پریشانلغه سبب ندر * عمرو بن لیث ایتدی ای عزیز لرین بولشکری
 استعداد تمامله مهیا کورد کده یادمه واقعه کر بلا کلدی تأسفم و تحیرم
 بودر که نیچون بولشکر ایلله اول کون امام حسین مظلومه معاونت قیلغه
 موافق اولدم و یزید لعینک لشکرن متفرق ایدوب انساب سعادت قیلدم
 (روایتدر که عمرو بن لیث دنیادن انتقال ایتد کده واقعه ده کوردیلر که
 باشنده بر تاج مرصع واکنده خلعت کرانمایه و آلتده هر کب بادر فتار
 و ملازمته غلمان ماه رخسار منتظر خدمت اولمشلر ایتدیله ای امیر
 بوسعادت نه عبادت اجریدر عمرو بن لیث ایتدی بو کر امتلر اول تأسف
 مقابله سنده واقع اولدیکه هنگام عرض لشکر معانیت شهدای کر بلا
 خصوصنده که خاطر مه یتوردم * و واقعه دن معلوم اولدیکه آرزوی
 معانیت سلطان شهید امشابه غزادر بلکه غزادن اثوب واصو بدر آنلر
 ایچون ارتکاب غزادر (شعر) اگر چه حشمت اولاد و ملک و مال قو * عزیز
 اولور قویه ذوق ووح غایبدر * چو جان مقدم اولور جمله دن یقین در بو * که
 ثلث جان المی اعظم مصائبدر * محقق اولدی بو ترتیب اولان مقدمه دن که

رتبه شهدا اشرف می آید در تقدیر که روز جزا می رسد * شهدایه جمیع اصناف
مواهب و جمله انواع مطالب محقق اولدی * بو ترتیب اولان مقدمه دن که
رتبه شهدا کرامت اولند قد نصکره جانب حق دن ندا کلدیکه ای طریق
محبته نقد جان نثار قلندر * وای بزم بلاده هلاهل محنتی شهد شفا بلنلر
دخی مراد کز واریسه بیان ایدک حاصل اولسون * و دخی مقصود کز
نه ایسه عیان ایدک اجابت بولسون * فرقه شهدا بوجوابه مهم اوله که یارب
بوسعدت شهادت نتیجه سن کوروب ارادتمز زیاده اولغین مراد من
دنیا به می اجعت قیلوب تکرار له سعادت شهادت بولمقدور * واکرمبسر
اولسه بو اقبالک ادراکنه مداوم اولمقدور (شعر) شهید خنجر
بیداده روز حشر فیض حق * عیان ایتد کده صرف نقد جان اجرینک
آتارن * کمال ذوق بوندن غیری قوی عزم آنده حسیرتکم * دونوب دنیا به
حاصل ایلیه اول ذوق تکرارن (کتاب ربیع الا برارده بختی مسطور
ایتمش بر عز یزدن نقل ایدر که بر کون حضرت رسول الله بنم منزلده
مبارک الاربین یویوب و مضمضه ایدوب استعمال اولنان صوبی بره موضعه
دو کدی صباح اولدقده اول موضعه بدرخت بارور پییدا اولوب
برخوش میوه کتوردی بر مدت خلق اکا شجره مبارک که لقب قویوب
میوه سندن متمتع اولور لردی * بر کون کوردک که میوه سی دو کلوب
بر کوری بزم ده اولمش تعجب ایتدک که آیابو کانه آفت واقع اولدی * ناکاه
خبر وفات حضرت رسول الله صلی الله علیه وسلم استماع اولندی *
اند نصکره دخی میوه ویردی اما غایت قلنده بر کون کوردک که جمیع
میوه سی دو کلوب میوه پرینه دیکن بتمش ناکاه حضرت مر ترضی
وفاتندن خبر ویردی * اند نصکره دخی اوراقن استعمال ایدوب بیمارلر
شفا بولور دی * بر کون کوردک تمامی عضو و اوراقی خشک اولوب
همان ساقی درخت قالمش * ناکاه خبر وفات امام حسین شیوع
بولدی بعده بر کون بنه کوردک که اول ساقی درختدن دخی اثر

قالیوب خالکله یکسان اولمش * ناکاه واقعه کر بلادن سلطان شهادتک
شهادتی خبرن یتوردیلر (شعر) هر غافلک که چشمی بو مانده تردکل *
مطلق نهال عمری آنک بارور دکل * هر دیده کیم دکل بو مصیبتده اشکبار *
مقبول طبع مردم صاحب نظر دکل (روایتدر که حضرت امام حسین
شهید اولدقده فی الحال بر کبوتر کافور فام هوادن اینوب پرو بالن اول
مظلومک قانیله کلکون ایدوب پروازه کلوب هم اول ساعتده مدینه به
عزم قیلوب روضه رسول الله اطرافنده جولان ایدوب قطره قطره قان
پروبالندن اول مرقد مبارک که آقیدردی و اهل بیت اول حالتی مشاهده
قیلوب حیران قالمش ایدیکه آیابونه علامتدر ناکاه خبر واقعه کر بلا
یتوب معلوم اولدیکه اول کبوترک پروبالی نامه احوال کر بلا ایتمش که
روضه رسول الله صلوات الله علیه و سلمه کلش (کنز الغرائب
مستوردر که بر یهودینک رجیله قزی اولوب بعض بلالره مبتلا ایدی
اول جملده دن بری اولدر که اعمی ایدی و یهودی خارج شهرده انکیچون
بر بوستان مرتب ایدوب منزل معین ایتمشیدی بر کون اول یهودی غائب
اولوب اول ضعیفه تنها قالدقده حضرت امام حسین مظلومک قانیله
رنکین اولان کبوتر اول بوستانه کذار ایدوب برشا خسار اوزره
قونوب فغانه باشلدی اول ضعیفه آنک صداسنه متوجه اولوب اول
شاخساره یتسد کده باشن قالدیروب یوقارو توجه قیلدقده اول کبوترک
پروبالندن بر قطره قان دیده نایینه اسانه داملیوب بینا اولدی * کوز
آچوب اول کبوتری کورد کده پروبالندن اقد بغی قالدن سائر
اعضا سینه دخی سوروب صحت تام بولدی صحیح المزاج و بینا سیر
ایدرکن یهودی شهردن کلوب بوستانه کیرد کده اول بیمارنی صحت
اوزره کوروب تعجب ایدوب سببین سؤال ایتد کده اول ضعیفه صورت
حالتن بیان ایدی یهودی متعجب اولوب اول شاخساره متوجه اولدقده
اول کبوتری کوروب نشاط تمامله ایتدی (ایها الطیر ما حقیقه حالک

وما فی بالک) حکمت الهی در یهودی به سبب اسلام اولی مصلحتی ایچون
اول حیوان ناطق اولوب گفتاره کلدیکه ای یهودی بو کون بعض
کیوتلر ایلله آشیانه مرده پرواز ایدوب سیر ایدر کن گذارمزدشت کربلایه
دوشدی حضرت امام حسین مظلومی کوردلک آلوده خاک و خون اولوب
شهید اولمش پرو بالمری آنک مبارک قانه سوروب هر بریمز بر جانیه توجه
قیلوب حال این بو بقعه به دوشوب توجه به مشغول ایکن سنک قزک حاضر
اولوب توجه ایتد کده امر اضنه شفا اولان پرو بالمدن آقن قاندر بو کون
جمع وحوش و طیور ماتم اولادر سول الله طوب پریشان حالدر یهودی
بو حاله مطلع اولدقده هدایت اسلام بولوب سعادت اسلامه ایمانه
کلدی و سبب سؤال ایدنلره شرح و بسطله بیان حال ایدوب نیجه لری
دخی مسلمان ایتدی (شعر) محرم بارگاه عزتدن * نه عجب کر کرامت
ایتسه ظهور * قرب درگاه حق بوللردن * معجزات و کرامت اولمزدور *
(روایتی که اخبار جکر سوز کربلا دن و ناقل آثار غم اندوز شهیدان صحت
تمش روایت و شهرت بولمش حکایت بودر که شمردی الجوشن ملعون
اول فعل قبیحه مباشرت ایتد کدنصر کره اهل بیتک غارت اموال
و اسبابه اطاله ایادی تصرف قیلوب متعرض اولدی استدی که حضرت
امام زین العابدینی شهید ایده * بر روایتده حمید بن مسلم منعیله و بر روایتده
عمر بن سعد نهیله ممنوع اولوب اموال و امتعه لرن غارت قیلدی *
ابو حنیفه تاریخنده مسطور در که عمر بن سعد امر محاربه تمام
اولد قد نصر کره حضرت امام حسینک سر صاحب سعادت بن خولی بن یزید
اصبحی به تسلیم ایدوب عبید الله زیاده ارسال ایتدی و کندی بر کون دخی
کر بلا ده قالب لشکرک مقتول لرن جمع ایدوب اوزر لینه نماز ایدوب دفن
ایتدردی و شهدانک باشلرین الوب بدنلرینه التفات ایتیب صحراده عربان
یراقدی و اول باشلری لشکرینه تقسیم ایتدی که هر جماعت مقدار نیجه
عبید الله زیاده لعینک انعام و احسانه مستحق اوله بکرمی ایکی عدد یهودایه

درت عدد بنی تمیمه ویدی عدد بنی اسده و بش عدد ارد شیر و اون
ایکی عدد بنی ثقیفه و یروب حکم ایتدی که هر طائفه کندی صفه اول باشلر
ایله زینت و یروب کوفه شهرینه کیره * خواتین حره سرای اهل بیت
رسالت ایچون مناسب هود جلمر مرتب قیلوب * بعضیلر دیرلر که اهل
بیتی عربان ناکه ل اوزره الوب کتمشلر غلط محضدرن را اهل بیت رسالته
اول اهانت هیچ بر وجهله ممکن اولمز و نقل صحیحدر که چون وقعه
کربلا ده اهل بیت جمع مکار همدن مصون و محروس اولوب حصن
و حیات و عصمت و عفتده قالب مستور و محجوبه متوجه شام اولد یلر
(شعر) مخدرات سر پرده رسالت بی شک * کفالت کرم کرد کارده
حصن حصین در * نه احتمال خلل ستر عفتنه آنک کیم * حریم
حرمت قرب بنیده پرده نشیندر (روایتدر که خواتین حره سر اعمار یلر
ایجره کیدر کن گذارلری معرکه قتاله دوشوب زینب که همشیره امام
حسیندر حضرت شاه کر بلانک بدن شریفن الوده خالک و خون کوروب
بی اختیار فریاده کلوب ایتد به که یاجده و امجداه بو اول حسین بن
علیدر که سینه و رخساری سنک بوسه کاهک ایدی و بو اول فرزند ار چند
و جکر کوشه سعادتنددر که محبوب و مقبول دل اکاهک ایدی
باشی بدندن جدا و بدنی لباسندن معرا کورنه مقامه یتشددر و روز کار
اکانه جفال ایتشددر (قصه) خولی بن یزید که حضرت امام حسینک
سر صاحب سعادت کوفه یه ایلتمک مصلحتنه مأ مور ایدی اول کون
کوفه یه کرمک مبسر اولیب منزلی خارج شهر ده اولمغین کند و منزله
نزول ایتدی * و حضرت امامک سر مبارکن بر کوشده پنهان ایدوب
مسندنده آرام طوندی (روایتدر که اول بد بختک عورتی انصار دن
اولوب غایتده اهل صلاح و محب خاندان ایدی و تهجد نماز نه عادت
ایتشدی نصف الیلده قاعده معهوده سی اوزره نماز مشغول اولدقده
کوردی که منزلی روشن اولمش آسبب ضیانه اوله دیو ملاحظه قیلدقده

کوردیکه برکوشه دن لایح اولور شعله آتش تصور ایدوب تفحص
ابتد کده کوردیکه سقف کوشه حجره شق اولوب نوردن برتخت پیدا اولوب
اوزرندن درت خاتون اینوب بری اول شعاع ظاهر اولان کوشه دن
برصورت چبقاروب رخسارنی رخسارنه سوروب فغانه باشلادی که ای
مظلوم مادر وای مهموم پدر ان شاء الله روز قیامت قائمه عرشدن دست
تظلم حکیم ناسنک انتقامکی ظالمردن آلینجه و باقی خواتین دخی اتفاق
ایدوب نوحه یه مشغول اولدیلر بر زمان نوحه ایتد کد نصکره وداع ایدوب
کلدکری مقامه مراجعت قیلدیلر * اول ضعیفه اضطرار بله اول کوشه یه
متوجه اولوب کوردیکه زیارت ایتدکری صورت چهره مبارک مظلوم
کر بلادر و تعظیم قیلدقری پیکر جگر سوز سرد فتر سید شهادت در غایت
توهمندن مضطرب اولدقده هاتفندن دکلدیکه ای مستوره سن بو
بدبختک کاهبله مواخذه اولمز سین * و بیلش اولکه جالابو تعزیننه حاضر
اولنلرک بری مریم بنت عمران و بری آسیه و بری خدیجه کبری و بری
فاطمه زهرا ایدی * اول صالحه پاکیزه اعتقاد اول سر مبارکی کرد
میدان کر بلادن پاک ایدوب مشک و کلابه یویوب و کبوسوی مبارکن
شانه لبوب بر پاکیزه قویوب خولی بدبختی بیدار ایدوب ایتدی ای یدوات
بلدکی که بوفرزند رسول الله در نیجه قتلنه اقدام ایدوب ارتکاب
قیلدک فی الحال اول ملعونک مترلندن چبقوب کتدی دخی اثری
کورغدی * اما صبح دمکه جلاد فلک سلطان انجمک سربنی بدن طبق
لاجورد فامه وضع ایدوب محفل اعیانه کوردی ونسیم سحر جمع خار
کلین ایچره شاهد کلچهره سندن نقاب کوردی خولی بی سعادت التفات
وعنایتیه امید وار اولوب سر نورانی صاحب سعادت سلطان کر بلایی
بر طبقه وضع ایدوب عید الله زیاده مجلسنه یوردی اول بدبخت
مبتهج و مسرور اولوب اول صورت جمیلی مقابلنده قویوب و جمال عالم
آراسنی تماشا قیلوب و حسن شمائلنه متحیر قالوب النده بر قضیب اولوب

اول قضیب ایله لب و دندان مبارکنه اشارت ایدردیکه حسبنک نه
خوش لب وندانی و ارایش اول حالتده ارقم که اصحابه کباردن ایدی
واول مجلسده حاضر ایدی فریاده کلوب ایتدی قطع الله یدک ای بدبخت
یونه ترک ادبدرحقا که کراتله کورمشم که حضرت رسول الله بوقضیب ایله
متعرض اولدیغک لب وندانی تلثیم و تقبیل احترام ایتدیکن حضار
مجلس انک کلماتدن متأثر اولوب فغانه بشلدیلر عید الله بن زیاد بدبخت
غضبناک اولوب ایتدی ای ارقم اگر حرمت رسول الله اولسیدی سکا
سیاست ایدردم (القصة) ارقی مجلسندن چبقاروب یوردی که
حضرت امامک مبارک و سعادت مند باشنی سائر شهدانک باشلرینه ملحق
ایدوب جمعیتله شهره کتوردیلر (روایتدر که عمر بن سعد یلدشهدانک
مبارک باشلرین آلوب بدنلرین براقوب کر بلادن ارتحال ایتد کد نصکره
اول جوانبده عارضه نام برقریه و ارایدی اهلنه اول واقعه معلوم اولوب
کر بلایه کلدیلر کوردیلر که بر نیجه باش سز بدنلر یاتور اما اوزرلرند نوحه
اولوب و برکسنه کورمد کلرندن فراستله بلدیله که جنیلر ماتم
طو تو ب مرثیه او قورلر و بوییت اول مرثیه دندر که ذکر اولنور
(شعر) نساء الجن یسعدن نساء الهاشمیات * بنات المصطفی احمد
امام زاکی الذات (شواهد النبوه) مسطور در که سؤال ایتدیلر
بنی طی قبیله سنک بر معتمد کسنه سنه که شهداء کر بلا ایچون جنیلرک
نوحه قیلدقلرین سز استماع ایتدی کز می اول مؤمن ایتدی حقا که حر
و آزد اول نوحه بی استماع ایتدیلر * وانلرک مرثیه لرندن بیتلر یاد لرند
طوندیلر و اول جمله دندر بو که ذکر اولنور (شعر) مسیح الرسول جبینه
قد فاق بر قافی الحدود * ابواه من اعلی قریش وجده خیر الجدود (القصة)
اهل عارضه اول مظلوملرک بدنلرین جمع ایدوب تجهیز و تکفین ایدوب
اوزرلرینه غماز قیلوب دفن ایتدیلر * و عمر بن سعد ملعون کر بلادن روان
اولوب کوفه یه یئتد کده شهدا باشلرین نیرنلر اوزرینه تعبیه قیلوب و مخدرات

خاندان عصمتی عماریلر ایچره ترتیبه روان ایدوب علملر آچدیروب تقارهل
چالدیروب شهره متوجه اولدیبلر (شعر) آماج ناوک نظر هر مر دم اولمغه *
باشلردیلدی نیریه زرین قبق مثال * تقدیردن زمانه به حکم اولدی غالباً
* کیم سر بلند قیل بولری قیلله پایمال * عبیدالله زیاده عمر بن سعدک
کلدیکنندن واقف اولوب بارگاه حشمتن انواع زینب وزینله آرایش قیلوب
بیک مسلح مبارز تعین ایتدیکه دروازه لری ومحلله لری ضبط ایدوب فتنه دن
احتیاط ایدهلر ومنادی ایتدردیکه جمیع خواص وعوام استقباله چبقهلر
تمامی اهل شهره بعضی تمهیه طریقیله وبعضی تعزیه استعدادیله استقبال
ایدوب اول کون برغوغا واز دحام اولدیکه کثرت خلقدن لشکر عمر
بن سعد لعین صباح دروازه دن کیروب وقت عصر قصر اماره به یتدیبلر
(روایتدر که اهل کوفه محمل اطرافنده غلوقیلوب تأسفلر چکوب فغان
ایدلردی زینب بنت علی مطلع اولوب هودجدن زبان طعن آچوب
ایتدی ای اهل کوفه سز بیغلملر ومکتو بلرارسال ایدوب حضرت امام
حسینی بودیاره کتوردیکر * وسر نقض عهد ایدوب مسلم عقیلی شهید
ایدوب بزی بومقامه یتوردیکرینه تأسف ایدوب نوحه قیلورسز (شعر) ای
اهل کوفه عادتکرمکرایمش مدام * ای اهل شام حمله ایمش رسمکرم تمام *
که سعی ایدرسز آل رسولک قتالنه * که مائمن طوتوب آکه ایلرسز احترام *
اهل کوفه اراسنده بر پیرکهن سال وارایدی ایتدی ای خاتون قیامت
بوکلماتکه صادقسن (یقولون بالسنتهم ما لبس فی قلوبهم) حقا که
بود ناملق کوفه اهلندن قیامته دک مرفوع اولماز * زیدبن ارقدن
نقلدر که شهدا باشلرین کوفه محلله لرنده کز دیرکن بن برغرفه اوزرنده
ساکن ایدم بکایتده که حضرت امام حسینک سر مبارکنندن برصداء
اشتمکه اوقوردی (ام حسینک اصحاب الکهف والرقیم کانوا من آياتنا
عجبا) اول کلماتک صلابتدن اعضامه لرزه دوشوب ایتدم (صدق یا ابن
رسول الله) ودخی بر عزیز دن نقلدر که قصر اماره ده شهدا باشلرین

نیره لردن ایتدر دکلرنده بن انده قریب ایدم حضرت امام حسینک
سر مبارکنندن بو آیت تلاوتن صریح ایتدم که (ولا تحسبن الله غافلاً عما
یعمل الظالمون) روایتدر که عبیدالله زیاده بنو بت دخی حضرت امامک
سر مبارکن حضوره کتوروب الله آلوب دیزی اوزرینه قودقده برقطره
قان آقوب ساق پای پلیدنن پیکان آبدار کی کذار ایتدی واول ممر
پیوسته مجروح قلوب مدت حیاتنده قابل علاج اولوب رایحه
مکروهندن اهل مجلس متأذی اولمغین اول حرامزاده اول جراحته
هر تقدیر نافه مشک بغلردی فائده قیلردی (شعر) صمد دوکت اهل بیتک
قانی آسان اولور * احترام زایتکم سکا هر قطره بر پیکان اولور * روایتدر که
اول جراحته زمان قتلنه دکن علاج پذیر اولوب محاربه مختارده
مقتول اولدقده ابراهیم بن مالک اشتر اول پلیدک جثه مر دارن اول
جراحته دن معلوم ایتدی (القصة) عبیدالله زیاده مجلسنه اهل بیت
حاضر اولدقده زینب بنت علی جهله دن مقدم مجلسنه قدم باصوب سلام
ورمیوب والتفات ایتوب برکوشه ده قرار طوتدی عبیدالله زیاده آنک
استغنا سندن غضبناک اولوب ایتدی بو کیمدر که هنوز اثر طغیان
صورت احوالندن ملحوظ اولور دیدیلر بوزینب در همشیره حضرت
حسین عبیدالله زیاده ملعون ایتدی ای خاتون شکر و سپاس اول
معبوده که سزی خاص وعام ایچنده مغلوب ایدوب بطلا نکز
ظاهر ایتدی وصیقل اعانیه مرآت ملکمز دن ژنک کدورتمز کتدی زینب
رضی الله عنها ایتدی (کذبت یا عدو الله) ای کذاب سپاس بی قیاس اول
واجب الوجوده که بزم خاندانمزی شرف نبوتله معزز ومکرم قیلوب (انما
یرید الله لیذهب عنکم الرجس اهل البیت) اشارتیه سعادت و بطهرکم
نطهیرا (بشارتیه کرامت قیلدی و بدخواه لریمک دیده بصیرت لرن
اعمی قیلوب (ولهم اعین لایبصرون بها ولهم آذان لایسمعون بها)
بادیه سنده حیران ایدوب دائرة حیره صالیدی عبیدالله زیاده لعین ایتدی

ای فرزند علی ابن ابی طالب نه اعتقاد کرواریدی بزم غالب و سرك
مغلوب اولدیغكر خصوصده حضرت زینب ابتدای ای ظالم بزه واقع
اولان احوال دن جدیم خبر و برمشیدی وقوعه منتظر ایدك (المنه الله)
كه جدیدك صدق قرآنه صورت احوال مز مظهر واقع اولوب درجه
اقبال (ان الله مع الصابرين) مبسر اولدی عن قریب سزه دخی هر كجك
سیر انجاسی نه اوله جغی معلوم اوله جقدر و هر كس جزای عملن
كار گاه عدل دن بوله جقدر (و بشر المنافقین بان لهم عذابا لیبیا) عبید
الله زیاد ابتدای ای بنت ابوتراب حالا بو بر سعادت ر كه ضمیر مز
سرك طغیا نكردن فارغ اولدی واسنیلای غرور یكز تسكین بولدی
زینب ابتدای ای ابن مر جانه غرور اسباب دنیا یله سر مست اولوب
بر یاد شاه قصدن ایتش سنكه جمیع افراد آفرینش تحت اواء امامتده
ورضای خدا و رسول شرف اطاعتده ایدی (شعر) حسین بن علی ابن
ابی طالبكم اندر * بنای شرعه استحکام و دین حقه استعلا * معظم جد
والاسی نبی امی و مکی * مكرم باب القاسی علی عالی اعلی * عبیدالله
زیادید بخت اول کماندن متأذی اولوب قتلنه امر ابتدای عمر بن حریت
مخزومی حاضر ایدی فریاده گلوب ابتدای ای ظالم بر غریبك كه اكبری
مقتول اولوب و اصاغری بنیم اسیر اولمش اوله اگر حرقت قلب و حرارت
جـ کردن دلیرانه تکلم قبله عجب اولمز (شعر) سن نه آ كه سنكه
سوز آتش محنت ندر * مسند راحتده ملاك و ماله مغرور سن *
درد اهلی حالنی عالمده درد اهلی یلور * سنده یوقدر دردای بی درد
سن معذور سن * عبیدالله زیاده لعین زینب دن انحراف ایدوب علی
زین العابدینه توجه قلوب ابتدای بو کیم در دیدیلر علی بن حسین در
ابتدی علی بن حسین مقتول اولدیغی استماع اولندی دیدیلر كه اول علی
اکبر ایدی حضرت امام زین العابدین محمل اولوب ایدی (والله
ان له مطالب ایوم القیمة) ای عبیدالله زیاده اول بنم برادر بز کوارم ایدی

و اول بنم امید کاهم واستظهارم ایدی حقا كه آخرت دن مقدم دنیا ده آلت
انتقامن آلنر عن قریب پیدا اولور * عبیدالله زیاده ملعون غضبناك اولوب
امر ابتدایكه اول مظلومی قتل ایده لر زینب دست مبارک کن حضرت
امام زین العابدینك دامن شریفنه محکم ایدوب بنیاد نوحه قیلدیكه
ای بد بخت ظالم اكر هنوز آتش طغیانك سیل خون شهدای اهل بیت
مصطفادن تسكین بولمديسه و حرارت عصیانك شهیدلر قان ایچمكدن
سیراب اولمديسه بو مظلومك یرینه بنی شهیدایت و بو كه متعرض اولمه
زیرا خاندان نبوتده و دودمان ولایتده بوندن غیری محترم قالمشدر
حضرت امام زین العابدین عمه محترمه سندن عنان تسكیم آلوب میدان
فصاحتیه رخش عبارت صلوب كفناره کلدیكه ای ابن مر جانه
بكقتلدن توهممی و بررسین بیلز مپسنكه بزه قتل و قتال سرمایه فیض
شهادتدر و همیشه غزاقلوب شهید اولوق بزه رسم و عادتدر پیوسته
حیاتمز لال شم شیر ایدارله سبز و خرمدر و همواره قضایه رضا و یرمك
و مصائبه صبر ایلک بزه مسلدر (شعر) قتلدن خوف و یرن اهل حقه
بیلز کیم * دام او اور اهل حقه دائرة قید حیات * دهر بر محنت و غم منزلتدر
ای غافل * وعدة قتلده درمژده توفیق نجات * عبیدالله زیاده کوردیكه
مصدوقه (وما یطق عن الهوی) واقع اولان قومله مناظره فائده قیلز
و معلم مکتب (علمه شدید القوی) یه مباحثه ده غالب اولوق اولمز ناچار
ساکت اولوب ملازم لینه امر ابتدایكه آلنر ایچون قصردن طشره جامع
کوفه یه یقین بر منزل تعیین ایدوب اهل شهری اختلا طلر دن منع ایده لر
بر نیچه کوند نصیره تهیه اسباب سفر قلوب زهیر بن قیس و حصین
بن مغیره و شمر ذی الجوشن ایله بش بیک مسلح نامرد قوشوب اهل بیتی شهدا
باشلری ایله جانب شاهه روان ابتدای (روایتدر كه منازل و مر احل قطع
ایدوب کیدر کن هر منزلده انواع کرامت ظاهر اولوردی اول جله دندر
بو كه چون حرانه تبدیلر یحیی نام بر یهودی سائر خلقك نماشا ایچون اول

باشلره استقبال ابتدا کده و حضرت امام حسینک سر مبارک کنه قریب
اولدقده لب مبارک کن متحرک کوروب دقتله تأمل قیلدقده بواجبی تلاوتی
سمعه یتدی (وسبعلم الذین ظلموا ای منقلب ینقلبون) یحیی متحیر اولوب
سؤال ایتدی که بو کیمک باشدر ایتدی لر حسین بن علینک باشدر که جدی
محمد مصطفی در وجوده سی خدیجه کبرادر و والد بزرگوار علی مرتضادر
و والدۀ عالی مقداری فاطمه الزهرا در بحیایه اول کرامت اثر قیلوب
فی الحال ایمانه کلدی و منزلته دونوب خواتین حر و سرای اهل بیت ایچون
و حضرت امام زین العابدین ایچون البسه دن و الوان اطعمه دن بعض
مناسب هدیه لر مرتب ایدوب و بیک درهم نذر ایدوب کتورد کده موکل
اولر تعرض ایتدی لر که اعدای پادشاه محبت موجب فساد در دیو قتلنه
قصدا ایتدی لر یحیی دخی و هم ایتوب بعض ملازم لریله انلره مقابل طوروب
بحسب المقدور مقاتله ایدوب شهید اولدی رجه الله علیه و حال اقبری
حرانده اولوب یحیی شهید دیمکه مشهور و معروف بر مزاردر (شعر)
کرامت نسب مصطفی فادکل مخفی * نه باک آکا حسدا هلی اکر نظر قیلز *
نه تیره دردل اهل حسد که معجز آل * یهوده ایلر اثر انلره اثر قیلز * جمله
کر امانتدن بری دخی اولدر که موصل دیارنه یتد کده شمر ذی الجوشن
ملعون اعلام ایتدی که امیر موصل شهره آیین بغلوب اهل شهرله
استقباله چیقده لر عماد الدوله که امیر موصل ایدی اهل شهری جمع ایدوب
اول امره اقدام ایتوب جواب کوندردیکه بوشهرده طوائف مختلفه
چو قدر فساد احتمالی وار صلاح اولدر که طشهرده قونوب نزول ایدهلر
وسا تر لوازم خدمت ککره ارسال اولنه شمر ملعون دخی غایت
توهمدن بوضلاخی قبول ایدوب شهره گیر میوب طشهرده نزول ایدوب
حضرت امام حسینک سر مبارک کنی بر طاش اوزره قوم شلر ایدی
برقطره قان طالمیوب اول صخره مبارکی معدن یاقوت کرامت قیلدی
مقرر اولدیکه هر ماه محرم اول قان جوشه کلوب مجدد اوله اولاد رسول الله

ما تمیله خواص و عوام شهر اطرافنده جمع اولوب عزایه مشغول اوله لر
تا عبد الملك ابن مروان خلافتنه دك موجود ایدی عبد الملك مسند
حکومتده و الی اولدقده حسدندن اول طاشی کونوروب اندن اثر
قالمدی اما یرینه مشهد نقطه دیوب هنوز زیارت ایدر لر (شعر) کیردک
ای اهل ستم برقانه کیم هر قطره سی * طاشه طمسه تا ابد طشدن
چیقریاقوت تر * کوکلکی طاشدن بتر دیرسم روادرنیشه کیم * طاشه
تأثیر ایلر اول قان کولکه قیلز اثر * وجهه کرامتندن بری دخی
اولدر که نصیبین حدودنه یتد کده منصور بن الیاس شهر آیین بغلوب
استقباله چیقوب انلری شهره کتورد کده بر برق عالم سوزن طاهر اولوب
شهرک اکثرین یاقدی و لشکر شمر ملعونه غایتده اضطراب بر اقدی
(شعر) دشمن غافل صنور کیم خون آل مصطفی باغ اقبالنه کلبرک
بهار افروزدر * احترازا یتز حذر قیلز مکر و اقف دکل * کیم آنک
هر قطره سی بر برق عالم سوزدر * وجهه کرامتندن بری دخی اولدر که
چون نصیبیندن اضطرابله چیقوب بر قلعه یه دخی یتدی لر که حاکمه سلیمان
بن یوسف دیرلردی و آنک ایکی قرن داشی اولوب بری محاربه صفین ده علی
مرتضی النده مقتول اولمشیدی و بری آنکله شریک ایالت ایدی
و شهرک ایکی دروازه سی اولوب هر بری برینک حکمنده ایدی شمر لعینک
وصولندن واقف اولدقده شهر آیین بغلوب تفاخر ایچون هر بری
اول باشلری کندویه متعلق اولان دروازه دن کتورمک ایچون نزاع
ایدوب ارا لرنده فتنه واقع اولوب سلیمان مقتول اولدی لشکر شمر لعین
دخی سر اسیمه اولوب انده تمکین بولوب حلب دیارنه توجه ایتدی لر حوالی
حلبده بر معمر بقیعه یه یتدی لر که انده حر یردن غیری نسنه استعمال
اولنمز ایدی قربنده قونوب آرام طوندی لر شهر بانو ک انده شیرین نام بر جمیله
جاریه سی وار ایدیکه لطافت حسنله یکانه روز کار ایدی شهر بانو خدمته
کلوب گریه یه آغاز ایتدی و سبب بوایدی که شهر بانو مدینه یه کلوب حضرت

امام حسین صحنه مشرف اولد قده یوز جاریه سی اولوب زمان ز فافده
اللی جاریه بی آزاد ایدوب اللی جاریه سی قالمشیدی و حضرت امام زین
العابدین متولد اولد قده قرق جاریه دخی آزاد ایدوب اون جاریه خدمتده
قالمشیدی و شیرین اول جمله دن ایدی (روایتدر که بر کون حضرت امامک
نظر شریفنه شیرین مطبوع کورینوب مطایبه طریقه شهر بانو به ایدی
ای شهرزاده شیرین بکابو کون غاینده حسن او زیبا کورینور (شعر) دوشدی
کویا صورت شیرینه حسنکدن فروغ * کیم کوکل فرهادوش بوالدی
لقاسندن سرور * پر تو خور شید عالمه باندنر متصل * لعله رنگ و لاله
سیرابه تاب و ماهه نور * شهر بانو تصور ایتدی که حضرت امامک اگر غیبی
وار اخلاصه ایدی ای شهرزاده بوجاریه بی سگاهبه قیلدم حضرت امام
ایتدی بن دخی آزاد ایتدم شیرین آزاد اولد قده شهر بانو اکابر خلعت فاخره
کیدردی که خزانه آبا و اجدادندن اکار ثله یتشیدی حضرت امام
ایتدی ای شهر بانو نه واقع اولدیکه شیرین حسن التفاتله سائر جاریه لردن
ممتاز اولدی شهر بانو ایدی ای شهرزاده سائر جاریه لرنم آزاد مدر اما شیرین
سنک آزاد کدر حضرت امامه خوش کلوب اکادعا قیلدی * و حالا شیرین
شهر بانو کسوتن پیرایه لطیفدن معرا کوروب ادنا البسه ایله ملاحظه
قیلغین * محمل اولوب تضرع ایتدی که ای مخدومه بکار خصت ویر که
بو قلعه به کوروب بعض پیرایه لرم و وروپ اوله که بر مباسب ملبوس منبر
آلوب خدمتکه مشرف اولم شهر بانو ایدی ای شیرین سن آزاد سن سکا
کیم مانع اولور شیرین اجازت آلوب اول قلعه به متوجه اولد قده دروازه بی
بغلو کوروب بر کوشده متمکن اولوب دروازه آچلمس نه منتظر ایکن پس
عزیز بن هارون که کوتوال قلعه ایدی برج و بارو اوزرنده سیر ایدر کن
کوروب شیرینه آوازیتوردیکه ایها الر جل سن کیمسن شیرین
ایتدی بن بر غریم حاجتم وارنوله اگر اطف ایدوب قلعه قپوسن آچه سن
عزیز ایدی ای خاتون سن شیرین دکلمسن شیرین تعجب ایدوب ایدی بلی

شیرینم عزیز دروازه بی آچوب شیرینی قلعه به آلوب کاسلام ویرد که
شیرین جواب سلام آلوب ایدی ای عزیز نه بلدک که بن شیرینم عزیز ایدی
بو کیجه حضرت موسی ایله هارونی واقعده کوردم ناصبه لرنده اثر تعزیت
و چهره لرنده نشانه مصیبت و کریمانلری چاک و دیده لری نمناک تضرع
ایتدم ای عزیز لرنی اسرانیله نه واقع اولدیکه صورت حال کرم تغییر ملاحظه
اولور دیدیلر ای عزیز بو کون جمیع اشیا عزایه مشغولدر زیر نقد خاتم
المرسلین شهید اولمشدر و اول مظلومک سر مبارک کن بدن لطیفندن جدا
قیلوب حالا بو مقامه کتورمشدر ای عزیز اگر سعادت باقی مراد کسه
حضرت حبیب اللهه ایمان کتوروب حضرت امام حسنک سر مبارک کن
زیارت ایدوب بزم سلامی اکایتور کلمات شیرینلرن کمال اعتقاد ایله استماع
ایتد کد نصکره ایتدم ای قدامی بنی اسرائیل تزیاید اعتقاد ایچون
بر سر رشته مراد مدر دیدیلر ای عزیز حالا بو قلعه قپوسنده اهل بیتندن
شیرین نام بر جاریه کلوب منتظر در و اول جاریه دیوان قضادن سنک
تزو یحکه مقدر اولوبدر اکا استقبال ایدوب حقیقت حالی اندن معلوم
ایدوب آنکله خدمت لرنه مشرف اوله سن * شیرین اول کلماتدن
خوشحال اولوب ایدی ای عزیز نه که دیدک عین صواب و محض
مصلحتدر اما بنم عقدم شهر بانو اجازنه موقوفدر پس شیرین هم اول
ساعت مراجعت قیلوب شهر بانو به احوالی عرض ایتد که جمیع اهل بیت
واقف اولوب مباحاتلر قیلوب شکر ایتدیلر اما صبحدم که موسی خورشید
عالمتاب عصای شعاعله دریای نیلکونه گذار ایدی و شعشعه ید بیضای
صبح صادق طور کوهساری سراسر طودی عزیز بن هارون قلعه دن
اینوب مستحفظ لره بیک درهم خدمت و وروپ خدمت اهل بیت اجازت
آلوب بیک التون حضرت امام زین العابدینه نذر طریقه مهیا قیلوب
و خواتین حر مسرای اهل بیتک هر برینه بر مناسبت تحفه لرم تب ایدوب
خدمت لرنه مشرف اولوب ایمان کتوردی و حضرت امام حسنک

سر مبارک زيارت ايدوب موسی و هارون علیهما السلام کین
یتورد کده حضرت امامک سر صاحب سعادتندن بر آواز کلدیکه سلام
الله علی نبینا وعلیهما * عزیز ایتدی یا امام بکاطر یق هدایت ارشادایت
صدا کلدیکه ای عزیز چون مسلمان اولدک ایمان وهدایت بولدک وچون
اهل بیت حرمت قیلدک وانبیا سلامن یتوردک سلسله انتسابمزه داخل
اولدک عزیز دما قیلوب مراجعت قیلدقده شهر بانوشیرینه ایتدی اگر
رضای شیرین سترسک عزیزی قبول ایت شیرین شهر بانو اجازتیه
عزیزی قبول ایدوب حضرت امام زین العابدین حضورنده عقد ایدوب
انکله روان اولدی (شعر) سعادت نشانی بودر کیم یهود * اولور اهل دین
اهل طغیان ایکن * شقاوت دلیلی بودر کیم شقی * قیلور ترک دین اهل ایمان
ایکن * حضرت امام زین العابدین اسمعیل ابوالخنوقدن روایت ایدر که
شهادا باشلرین الی مبارز هر کیمه محافظت ایدر لر دی بن که ابوالخنوق
بر کیمه انلرایله همراه اولوب انلراویقویه واروب بن بیدار قالبوب کورد مک
بر کسندم کون کسسه لباس کافور فام ایله کریان حضرت امام حبیبشک
سر مبارکی اولان صندوقه مقارن اولوب اول سر مبارکی صند قدن
چیقاروب یوزن یوزینه سوروب فغانه باشلدی بن اویله تصور ایتد مک سائر
خلقدندر تهو رایله متوجه اولدم که اول باشی الندن آلوب ینه صندوقه
براقم ناکاه بر صدا کلدیکه ای بی ادب بو آدم صفیدر که جکر گوشه مصطفی
مانن طوثر بن غرقه دریای تحیر اولمش ایکن بر صدا دخی کلدی بر معتبر
کسند دخی پیدا اولدی دیدیلر که بنو نوح علیه السلامدر و متعاقب ابراهیم
واسماعیل واسحاق و سائر انبیا علیهم السلام حاضر اولوب بر کلوب
حضرت امام حبیبک سر مبارک زيارت قیلدیلر جمله سند نصکره
صدمات ناله و افغان ایله کبسوی مبارکری پریشان و دیده شیرین
کریان حضرت رسول الله جماعت صحابه کبار و حضرت حیدر کرار و امام
حسن شهسوار و خزه و جفر طیار له کلوب حاضر اولد قلدن ملاحظه

قیلدم که آسماندن بر کرسی نورانی نازل اولوب حضرت رسول علیه السلام
اول کرسی اوزرنده قرار طوتوب و سائر انبیا اطرافنده متمکن اولوب
عزایه مشغول اولدیلر اول حاله مقارن کوکدن بر فرشته ایندی برالنده
تیغ بران و برالنده بر عمود آتشین کران اول صندوق مستحفظ لرینه جمله
قیلدقده بن غایت و همدن فریاده کلوب ایتدم یا رسول الله بن اگر همراهیم
لکن بونلردن مفارقت قیلشم حاشا که دشمن خاندان رسول اولم حضرت
رسول الله بنی منعله خلاص ایتدی اما رخسارمه بر طبا نجه اوردیکه انک
اثرندن طرف رخسارم سیاه اولدی صباح اولدقده اول رفیق لرمندن بر اثر
کوردم بر نیچه خرمن خاکستردن غیری * بو خبر شمرزی الجوشن
ملعونه یتوب بندن که ابوالخنوق حقیقت حالی سوال ایتد کده مشاهده
قیلدیغم احوالی تمام شرح ایلدم لشکر مخالف اول حالی معلوم ایدوب
عواقب امور لرینه اطلاع بواندیلر امانه چاره (شعر) هر عمل بر جزایه
قابلدر * ای خوش اولکم ثوابه مائلدن * تکیم کل اولور تکسندن یک *
کل دیکندر دیکنندن یک * ابوسعید دمشقیدن نقلدر که دیمش که بن
اول جاعتله شام بولنده رفیق ایدم حوالی دمشقه یتد کده بو خبر شایع
اولدیکه مسبب بن قعقاع خزاعی بر لشکر مرتب ایدوب شب بخون ایدوب
باشلری آلتق تدارکننده در رؤسای لشکر مضطرب اولوب اول
صحرا ده بر دیر کوردیلر متحصن اولق ایچون اول دیره متوجه اولدیلر
راهب دیر ایتدی ای قوم سز نه طائفه سز و بو باشلر کپلر کدر و بودیره
کلمکدن مراد کنندرایتدیلر که بز عسکر یزیدز و بوجاعت خروج ایتشلر
ایدی سیاسته یتوردک و حالا استماع اولندیکه جمیع مخالفلر قصد شب بخون
ایتشلر بز بودیره متحصن اولق استر ز راهب ایتدی بودیره از دحام عسکر
وسعتی بو قدر مناسب بودر که اسیر لری و باشلری حصاره کتوروب لشکر
طشردن دوره شمرزی الجوشن لعین و صلاحه راضی اولوب باشلری
جمله بر صندوقه قویوب مهر لوب دیر ایچنده بر مستحکم سراه صالوب

قیوسنه قفل اوروب حضرت امام زین العابدین و باقی اهل بیت ایچون
دخی اول دیرده برمناسب منزل تعیین ایدوب اول جانبیدن منسلی اولوب
کندو لشکر یله طشیره ده آرام طوتدی شب هنکام که دیر بنای فلاك
مودع مهره مهر رخشان اولوب سپاه ظلام قیرقام * مثال لشکر
شام * اطراف فلكده قرار طوتدی و راهب هندوی زنگی رنک شب
صندوق زرین آفتابی دیر سپهر میناده نهان ایتدی نصف الیلده راهب
دیر بیدار اولوب کوردیکه صندوق اولان سرایک روز نلرندن نور لامع
اولور متحیر اولوب بر روزنه دن نظر قیلد قده کوردی که سقف سرای شق
اولوب شد کافندن بر عماری چیقوب اول عماریدن بر نیجه خانون
چقدیکه نار محجز نلندن مد شعاع خورشید کی انوار عفت و عصمت
فروزان ایدی و پرتو انوار طاعت نلندن سایه وار ظلمت فساد و فتنه کریزان
ایدی انلره متعاقب بر خانون دخی بعض مطهر آله ظاهر اولدیکه لمعه
نور صلاح نلندن مقدم کلنلر پرده خفایه کیردیلر راهب متحیر ایکن
ندا کلدیکه ای بی ادب نظاره قیلده که بونلر مخدرات پرده عفت
و خواتین سرا پرده عصمت درلر * مقدم کلنلرک بری ساره در که زوجه
خلیلدر و بری هاجر در که والده اسمعیل در و بری خدیجه کبری در که
زوجه حبیب ملاک جلیلدر و بری آسیه که زوجه فرعون علیلدر *
و بونلر دینصکره کلن فاطمه زهرا در اگرچه راهب نظر قیلر دی اما استماع
ایدردیکه دیرلر دی السلام علیک ایها المظلوم السلام علیک ایها المهموم
السلام علیک ایها المغموم و سائر خواتین اکا موافقت قیلوب نوحه لر
قیلورلر دی بر زمان عز اطو توب غائب اولدیلر راهب بو حالدن متأثر اولوب
بی اختیار چراغ لریاقوب اول سرایک قفلن صندیروب حضرت امام
حسینک سر مبارک کن صندوقدن چیقاروب مشک و کلابله یوبوب بر طبق
اوزرنده قو یوب بنیاد تضرع ایتدیکه ای سرور عالم شمدی بیلمد مکه * سن
اول طائفه دن سنکه پیغمبرلر عمر قردوم شریف کزدن خبر وروب متابعتک بزه

لازم ایتشلرد رفی الحال راهبی ارشاد ایچون حضرت امامک لب
مبارکی متحرک اولوب کفتاره کلوب ایتدی ای راهب (انام مظلوم
انام مهموم انام مقتول اناقریب انا ابن المصطفی انا ابن المرتضی (شعر)
* بن روح روان مصطفایم * بن راحت جان مرتضایم * مظلوم و غریب
وزار و حیران * مقتول و شهید کر بلایم * چون راهب بو کرامتی کوروب
اولاد و اتباعن حاضر ایدوب احواله مطلع قیلدی یتش نفر نصرانی
اتفاقله حضرت امام زین العابدین حضورنه کلوب هم اول ساعتده
اول کیجه مسلمان اولدیلر و اجازت استدیلر که چیقوب لشکره شب بخون ایدلر
حضرت امام زین العابدین رخصت و یرمدیکه حالانلرک زوالنه وعده
ایریمشدر صباح اولد قده شمر ذی الجوشن لعین لشکرن ترتیب ایدوب
انلری چیقاروب آهنگ راه ایدوب عسقلان نام شهره یتدیلر یه قیوب
عسقلانی که حرب کر بلاده داخل عسکر یزید ایدی فی الحال شهره آیین
باغلدوب خلقن استقباله چیقاروب مجالس خیر و لهو مرتب قیلدروب
شمر ذی الجوشنی لشکر یله آلوب کلور کن بر یر خزاعی تجارت طریقله انده
حاضر ایدی بو احواله مطلع اولد قده استقباله چیقوب سیر ایدر کن شمر
بدبخته مقابل اولدی کوردیکه مباحات ایدوب کلور بر ایتدی ای بدبخت
بو کچک باشیدر که مهججه علم ایتش سن شمر لعین اندن مخالفت فهم
ایدوب ملازم لینه حکم ایتدی اول مظلومی مجروح ایدوب براقیدیلر
(روایتدر که لشکر کتد کد نصکره بر یر طوروب هر طرفه تردد ایدر کن
بر جماعته یولی اوغرا دی که فریاد و فغان ایدرلر ایتدی ای قوم بو کون
بو شهرک خلق شاد و خرم ایکن نه عجبدر که سز فریاد و فغان ایدر سز دیدیلر
بر محب خاندان رسول حضرت امام حسین ایچون ماتمده یز بر یر ایتدی
ای قوم اگر قول کزده صادق سکر کلک جا غمزی فدای اهل بیت ایدلر لم
اول جماعت اتفاق ایدوب یوزاون نفر مجاهد جمعه کونی خروج ایدوب
خطیبی اولدروب اظهار محبت اهل بیت ایتدیلر و حکایتلری اکثر

تواریخده مسطور در (القصة) لشکر یزید پلید منازل و مراحل قطع
ایدوب و هر منزله بر کرامت و هر مرحله بر اشارت کوروب
شهرد مشقه قریب اولوب خبر و وصولری خاص و عامه شیاع بولدده
یزید پلید واقف اولوب مسند حکومتی انواع تکلفاتله زیب و زینت
و یروب و مجلس عبش و عشرت مرتب قیلوب و جمیع ارکان حشمت
و اعیان حکومتی البسه فاخره و اسباب ملوکانه ایله مزین اولوب
بارگاهنه جمع اولدیلر و تمامی شهرک خلقی معاملاتدن فارغ اولوب
نشاط و سرورله تماشا ایچون استقباله توجه قیلدیلر کفر الغرائبده
ابوالعباس سهل ساعدیدن نقل ایتدیکه بن طریق تجارتله اول زمانده
شامده ایدم کوردمکه بر کون کوس بشارت اوریلوب خلق شهر نشاطه
مشغول اولدیلر کون ایتدیم که عید لریدر بر یسندن سوال ایتدیم که
آیاسب نشاط ندر دیدی ای شیخ بو کون یزیدک مخالفینک باشلری کلور
نشاط انکچوندر دیدم ای عزیز قنخی دروازه دن کتورلر دیدی دروازه
سعادتدن در حال روان اولدم و کندیمی اول غوغاده اهل بیته پتوردم
واول مبارک باشلری کوردکده اختیار سز فریاده کلدم فریادیمی
ایشدکده هودجدن بر آواز ایشتمکه بکادیدی ای پیر سبب ندر که جمیع
خلق خندان اولدیغی زمانده سن کریان اولور سن دیدم ای عقیقه سن کم
اولور سن دیدی بن سکینه بنت امام حسین بن دیدمکه ای کوه خزانه
عصمت بن سهل ساعدیم که صحابه رسول الله بنم و بو دیارده غریب
واقع اولشم * دیدی ای سهل چون محب اهل بیت سن بر تدبیرایت
بونیره دارلره که شهدا باشلرین طوتمشدر برزدن بر مقدار مبادت قیللر
اوله که خلقک هجومی باشلر تماشا سنه اولوب هودج مطهرات اهل بیت
نظر ناچرمدن محفوظ اوله * بو خدمتی عین سعادت بیلوب تیره دارلرک
سردارنه بیک قزل التون و یرمکی قبول ایتدیم که بر مقدار اول باشلری
خواتین حرمسرا عمار یلرندن مقدم یورود لر (روایتدر که لشکر کوفه

شهدا باشلرین مشعل پر نور کی نیر لراوزره ترتیب ایدوب و مخدرات اهل
بیت عمار یلرین غنجه کلبن کی ناقسه لراوزره مرتب قیلوب بر برینه
متعاقب روان ایدوب و باقی لشکر عقب از بنجه صف چکوب عملر و بیر اقلر
جولانه کتوروب و صدای نفیروناله کوس و غلغله نایی آسمانه توردیلر
صبحدمکه جلاد فکاک مهره خورشید در خشانی سربنی تن کی نیره مد
شعاع اوزره تماشاگاه اهل عالم قیلدی و رماح سیره نوخیز اوزره عقود شبنم
رؤس شهدا کی جلوه کراولدی شهره کوروب ازدحام عوامدن وقت عصرده
قصر اماریه فرصت وصول بولدیلر دروازه قصره یتدکده باشلری
نیره لردن ایندی یروب مخدرات اهل بیت هودجلردن چیقاروب یزید
ملعونک بارگاه بی سعادتنه متوجه اولدیلر * اما شمر ذی الجوشن ملعون
حیله ایدوب حضرت امامک سر سعادت بن بشیر بن مالک الله و یردیکه
اگر خدمت مقبول اولرسه کندواها انت چکیمه بشیر بدبخت اول سر
پر سعادت یزیدک مجلسنه کتوردکده مباحات ایدوب بر رجز آغاز ایتدی
(شعر) املا رکابی فضة و ذهباً * انی قتلت الملك المهدی * قتلت خیر
الناس اما و اباً * و اشرف العالم جمیعاً حسباً * یزید ملعون بو کلدن انفعال
بولوب متغیر اولوب (املاً الله رکابک نارا و خطباً) دیدی و ایتدی ای
بدبخت چون بلدک که امام حسین بو وصفله موصوفدر نیجه قتل ایتدک
فی الحال امر ایتدی دفع مظنه ایچون آنی قتل ایتدیلر * پس یزید لعین
امر ای کوفه یه متوجه اولوب صورت واقعه بی سوال ایتدکده
زهیر بن قیس آغاز تکلم قیلوب ایتدی بو شخص بهض اقوامیله کر بلایه
کلدکده بیعت عرض ایتدک قبول ایتدی بزدخی قتل ایدوب باشلرین
کتوردک یزید بر زمان متفکر ایکن حضرت امام حسینک سر مبارکن
بر طبق ایچنه قویوب حضور ینه کتوردیلر اتفاقاً اول پیدولتک دخی
عید الله زیاد کی الله بر قضا و ار ایدی آنکله مبارک لب و دندانده
اشارت ایتدکده (ابوالمؤید خوارزمیندن نقلدر که نمیر بن جندب اول

مجلسه حاضر ایدی متحمل اولوب ایتدی (قطع الله بیدک) ای بی ادب
بوملاعه قبله یغلب و دهن بوسه گاه حضرت رسول الله در یزید
غضبناک اولوب ایتدی ای غیرا که حرمت صحبت رسول الله اولسیدی
سکاسیاست ایدرم غیر ایتدی ای بدبخت صحبت رسول الله حرمت
اولوب اولادک حرمتی اولمق نه مناسبتدر حضار مجلس بو کلامدن متأثر
اولوب ویزید پلید فتنه دن توهم ایدوب غیری مجلسدن اخراج ایتدی وروب
غیری کلمه مشغول اولدی ابوالمفاخر خوارز میدان نقلدر که بریهودی
تجارت طریقله شامه کلوب اتفاقا اول کون مجلسده حاضر ایدی سؤال
ایتدی که بونه باشد یزید لعین ایتدی بو برکسنه نک باشد که بکا خروج
ایتشیدی یهودی ایتدی بو شخص کند بسنده برلیاقت ملاحظه
قیلسیدی خروج ایتزدی یزید ایتدی بو حسین بن علی درونیره حضرت
نیدر یهودی فریاده کلوب ایتدی ای یزید بمله داود نبی ارا سنده بتمش
قرن تجا و زبانش در هنوز بکا یهودلر تعظیم ایدرلر محمد قریشی هنوز
دون فوت اولدی بو کون اولادنه قصه ایدر سر بونه دیانتدر یزید قهر
ایدوب ایتدی ای یهودی اگر حضرت رسول الله دن ازار اهل ذمت ممنوع
اولسیدی سنی قتل ایدرم یهودی ایتدی ای احق بریهودی ایچون محاصمه
قیلن واجب الوجود رسول ایچون خصم اولمزمی یزید پلید غضبناک اولوب
قتله امر ایتدی یهودی فی الحال حضرت حسینک سر مبارک کن مخاطب
قیلوب ایتدی یا ابا عبدالله یوم عرصانده شهادت ویره سنکه صدق پاکله
مسلمان اولدم و محمد ایمان کوردیم و حق بر بلدم یزید ایتدی ای یهودی
خوف قتله رسنی مسلمان ایدن سنک اسلامک نه اعتبار یهودی ایتدی
ای یزید مسلمانلرک امان قتل ایتدک اگر برنومسلمانی قتل ایتدک
نه لازم کلور بن دخی بوسه عاده طالم که داخل فرقه شهادی کر بلا اولم
فی الحال اول نومسلمانی شهید ایتدی لر رحمة الله علیه (و کتاب ربيع
الاخبارده مسطوردر که عبد الوهاب نام برترسا رسالت طریقله روم

دیارندن کلوب اول محفله حاضر ایدی حضرت امامک رخسار شریفن
کوروب آه جگر سوز چکوب ایتدی بن حضرت رسولک ایام حیاتنده
تجارت طریقله مدینهیه کتمش ایدم استدمکه حضرت رسوله بر تحفه
نذر ایدم صحابه دن استفسار ایتدمکه حضرت رسول نه جنس نسنهیه
طالبدر دیدیلر طبع مبارک لری عطریاته راغبدر ایکی نافه مشک ایله بر مقدار
عنبر اشهب آلوب اول حضرت تحفه ایتدم اول حضرت ام سلمه سر اینده
ایدی عرض ایتدم پیوردیکه ای عزیز اسمک نذر ایدم عبد الوهابدر
پیوردیلر که اگر دین اسلامی قبول ایدر سنک بن دخی تحفکی قبول ایدرم
سپای مبارکندن بکا معلوم اولدیکه حضرت عیسی وعده قیلدیغی پیغمبر
اولدر فی الحال اثر التفاتلریله مسلمان اولدم و برمدندر که ایمانی اخفا قیلوب
دیارنده امر وزارت مشغول ایدم حقا که اول کون حضرت رسولک
حضور شریفنده ایدم بو عزیز که حالا سر مبارکی ذلتله حضور کده در
طفل ایدی ناکاه حاضر اولوب حضرت رسول الله آنی بغرنه باصوب
رخسار بن رخسارینه سوروب دیردیکه واجب الوجود رجندن بینصب
اولسون اول بدبخت کیم سنک قتله رضا ویره و نقل ایتدیکه بر کون
دخی حضرت رسول ایله مسجدده ایدم بو عزیز اولوقرنداشیله کلوب
دیدیلر یا جداه قدرت و قوت تفاوتنده بر بریمز ایله نزاع واردر حالا مدعایم
بودر که حضور کرده مصارعه ایدلم هر کیمک قدرت و قوتی زیاده ایسه
معلوم اوله اول حضرت تبسم ایدوب ایتدی ای نور دیده لر مصارعه ایتدک
سزدن مناسب دکل اما هر بریکز خط یازلک هر کیمک حسن خطی زیاده
ایسه اول غالب اوله شهزاده لر قبول ایدوب هر بری بر خط یازوب حضرت
رسول الله عرض ایتدی لر حضرت رسول هیچ برینک خاطری ملول اولمق
مصلحتی ایچون ایتدی ای جگر گوشه لر خطلریکزی علم رضایه کوسترک
اول تمیز ایتسون شهزاده لر خطلری بن مرتضایه کوسترد کده ایتدی سیدلر
والده کزه عرض ایدک اول تمیز ایتسون شهزاده لر حضرت فاطمه زهرا یه

عرض ایتد کلرنده ایتدی ای مخدومزاده لر بنم خط علمنده وقوفم یوقدر
امار نیجه دانه لؤلویه مالکم سزه نثار ایدیم هر کیم زیاده جمع ایدرسه اول
غالبدر پس حضرت فاطمه زهرا اول کوهلری اول درلره نثار ایدوب
شهرزاده لر جمع ایتد که توجه قیلد قدده حضرت رسولدن استماع ایتد مکده
حضرت عزت جبرائله امر ایتدیکه ای جبرائیل پر یوزینه اینوب
بولولوری مساوی تقسیم ایت قویمه کیم تقسیمده تفاوت بولنوب
بر یسنک خاطرینه غبارالم ابریشه تأمل ایدک ای عزیزلر هرگاه که حضرت
عزت و حضرت مصطفی و حضرت مرتضی و حضرت فاطمه زهرا انلره
ملالت روا کورمیه لر زهی بد بختلر که بونجه ظلمی انلره روا کورمه لر که برین
زهرا ایله هلاک ایدوب و برین تیغ تسلط مستحق کورمه لر (شعر) ای دعوی
سعادت اسلام ایدن کروه * حاشا که قتل آل پیغمبر روا اوله * وای اول لعین
مدبره کم سوء فعله * محشر کوننده خصمی انک مصطفی اوله * اهل مجلس
بو حکایتدن متأثر اولوب فریاده کلدی لر یزید پلید ایتدی ای عبدالوهاب
بو کلماتک سبب فتنه اولور اگر حرمت صحبت رسول الله اولمسیدی سکا
سیاست ایدردم عبدالوهاب ایتدی ای بد بخت حرمت رسول خلقه لازم
اولان یرده آنک اولادنه نیجه لازم اولما ز یزید ملزم اولوب امر ایتدی
آنی مجلسدن چیقاردیلر اند نصکره حکم ایتدیکه اهل بیتدن بعض
کسنه بی احضار ایدمه لر ام کلثوم وزینب و امام زین العابدین حاضر اولوب
پرده التدن زینبک نظر مبارکی حضرت امامک رخسار شریفنه
دوشوب بی اختیار فریاده کلوب ایتدی (شعر) ای فلاح شرم ایت
نه بدعتدر که بنیاد ایلدک * خاندان احمد مختاره پیداد ایلدک * اهل بیت
مصطفایه بیک ستم کوردک روا * تازیید پر جفانک کوکلی شادا ایلدک *
یونه فکر باطل و اندیشه بیهوده در * کیم یقوب بیک کعبه بر پتخانه آباد
ایلدک * ای یزید پر جفا هر کیمسه بر آد ایلش * سندخی بو ظلمه عالمده بر آد
ایلدک * یزید ایتدی بو کیمدر دیدیلر همشیره حسین بن علیدر * ام کلثوم

دخی بر جانبدن خروشه کلوب ایتدی ای یزید رخصت ویر که حضرت
حسین ایله بردخی ملاقات ایدوب و داع ایدم اجازت حاصل ایدوب اول
دمده سر مبارکی انه آلوب رایحه کبسوی مشک بارندن بر زمان بیهوش
اولوب اوزرینه کلد کده ایتدی ای یزید امیدوارم اول واجب الوجود
درگاهندن که عذاب آخرتدن مقدم عذاب دنیا به گرفتار اولوب مرادی که
یمه یه سن یزید ایتدی ای خاتون کوردیکز میکه دعوی کاذبه کر نه نتیجه
ویردی ام کلثوم ایتدی ای یزید (ان المنافقین لکاذبون) منافقن
کاذبلردر (و یعذب المنافقین و المنافقات) و حق تعالی منافقین و منافقاتی
معذب ایدر المنه الله که بزخاندان نبوت و ولایت یزید انلردن منحرف
اولوب امام زین العابدینه توجه ایدوب ایتدی بو کیمدر دیدیلر علی بن
حسین در یزید ایتدی علی بن حسین مقتول اولمیدی دیدیلر اول علی
اد کبردر بو بیمار ایدی یزید ایتدی ای زین العابدین حسین استدعا
قیلوردیکه منبرلده جلوه قیله و خطبه لر بیان ایده المنه الله که جلوه
گاهی رؤس رماح اولدی و بنم دولتم انی مقهور و مخدول قیلدی امام زین
العابدین ایتدی ای یزید بنای منبر بنم اجداد مد نمیدر یا سنک و رسم
خطبه بزم جانمزد نمیدر یا سنک طرفکدن ای یزید دولت دولت آخر ویدر
واول بزمه مبردر و سعادت سعادت باقیدر و اول بزمه مقرردر (والذین
جاهدوا فی سبیل الله ثم قتلوا اوماتوا لیرزقنهم الله رزقا حسنا) ای غافل
سکادخی ایتدیکک عمل جزاسی عن قریب عائد اولمق مقرردر (ومن یقتل
مؤمنا متعمدا فجزاؤه جهنم خالدافیه) (شعر) ای که هرگز قیلیوب اندیشه
روز حشردن * سبئات محضدر پیوسته افعالک سنک * اول زمانکیم
مصطفی خاتم اوله حاکم کرد کار * سندخی یدشک یلور سنکم نولور حالک
سنک * یزیدانک کلماتدن غضبناک اولوب قتلنه حکم ایتدی ام کلثوم
وزینب فریاده کلوب ایتدی لر ای ظالم بی دین بو طفلدن غیری خاندان
نبوتده صاحب ولایت قالمدی یونه ظلم صریحدر (شعر) انادیک یا جداه

یاخیر مرسل * حسبنک مقتول و نسلک ضایع * یزیده بوکلاندن هول غالب
اولوب امام زین العابدینک قتلندن تجاوز ایدوب حضورنه کتوروب
اوغلنه مقارن بر مقام تعیین ایدوب ایتدی ای زین العابدین بنم او غلم سنکله
قریندر انکله مصارع ایتکه قادره بسین * امام زین العابدین ایتدی
مصارع سلهدر اما هر بریمزه بر آت حرب و یروب حکم ایت مجادله
قبیله لم غالب اولان مغلوبی قتل ایتسون بو تکلمده ایکن ناگاه صدای نقاره
بو بت چیقوب بارگاهه زلزله براقدی یزیدک او غلی ایتدی ای زین العابدین
بو بنم اتام نو بتدیر قنی سزک نو بتکز زین العابدین ایتدی بر مقدار صبر ایت
نقاره د نصکره مؤذنلرندای الله اکبر چکوب مسامع حضاره غلغله براقده
امام زین العابدین ایتدی ای نطقه یزید بو بزم نو بتز در که تاقیامت
تغیر و تبدل اولمز (شعر) نوبت حکم ملوک ایلر قبول انتقال * شرعدر
اول حکم کم یوقدر اکام طلق زوال * قطع بولمز رشته پیوند آل مصطفای
* کردن عقبایه صالمشدر کمد اتصال * حضرت امام زین العابدینک حسن
فصاحتندن یزیده ریشه د و شوب ایتدی ای فرزند حسین بن علی
هر نه حاجتک و ارایسه بندن استدعا قیل حضرت امام زین العابدین ایتدی
قاتل حسینی بکاتسلیم ایت که جزاسنه بتوریم یزید دفع مظنه ایچون
کوفه سردار لر بن جمع ایدوب ایتدی کیمدر امام حسبنک قاتلی دیدیلر خولی
بن یزیددر خولی بن یزیدی حاضر ایدوب سؤال ایتد کده ایتدی حاشا که
بن قتل ایتمش اولم لغبت الک قاتلنه (قصه) چوق مناظره و مجادله دن
صکره دیدیلر شمر ذی الجوشندر شمر لعیندن سؤال اولند قده ایتدی
ای امیر حسبنک قاتلی بن دکل یزید ایتدی پس کیمدر شمر ایتدی اول
کسنه در که تهیئه اسباب سفر ایدوب حکم لار سال قیلوب لشکر
کوندروب بواصره مباشر اولدی یزید بو سوزدن منفعل اولوب ایتدی
لغبت سزه و افعا لکزه بن امام حسبنک قتلنه راضی دکل ایدم دیوب
امر ایتدی فی الحال شمر خنزیری میدانه ک و توروب حضرت

امام زین العابدین معرفتیه درت پاره قیلوب هر پاره سن بردر وازه به
آ صوب سیاسته یتورد یلر لغنه الله علیه آند نصکره بررو ایتده حضرت
امام زین العابدین ایتدی بوندن غیری حاجت تمنا قیل حضرت امام زین
العابدین ایتدی اجازت ویر که اهل بیتله متوجه مدینه اولوب جد بزرگوارم
تر به سی اوزرنده مجاور اولم یزید ایتدی بو حاجتک دخی اجابته مقروندر
بر حاجت دخی استه امام زین العابدین ایتدی بو کون جمعه کونیدر رخصت
ویر که منبره چیقوب بر خطبه بیان ایدم یزید ایتدی بو استدعا دخی
مقبولدر اما بوشر طله که آخر خطبه ده مناقب آل ابی سفیانی بیان ایده سن
پس منادیلر صالوب جمیع اهل شامی مسجد جمعه به حاضر ایدوب
ایتدای حالده اهل شامدن بر خطیب منبره چیقدی حمد و ثناده نصکره
ستایش آل ابی سفیان و مذهب آل ابی تراب ایدوب اولویت یزید و بطلان
امام حسین خصوصنده مبالغه لر قیلدی حضرت امام زین العابدین
متحمل اولوب ایتدی ای خطیب خطا قیلد که که رضای خالقی قویوب
رضای خلقی اختیار ایتدک (شعر) ای خطیب سست رأی و سخت
روی و بی ادب * دامن ناپاکله آلوده قیلدک منبری * مدح اهل
ظلمه ایتدک خدای خشنک * طعن آل ایتدک مذمت ایلدک پیغمبری *
اعتبار دولت دنیای فانی سهلدر * نولدک ای ظالم نیچون یاد ایلر سن
محشری * خطیبک تعرضند نصکره ایتدی ای یزید اجازت ویر که بن منبره
چیقوب حسب الواقع بر خطبه بیان ایدهیم چون یزید یلوردیکه اظهار
حقیقتدن انفعال چکمک لازم کلور تغافل قیلوب رضا و یرمدی اما
حضار مجلس التماس ایتدیلر که اهل حجاز ک فصاحتن استماع ایتک
مراد مزدر چوق مبالغه د نصکره اجازت ویردی و حضرت امام زین
العابدین منبره چیقوب مسند رسول الهی وجودشریقیله منور قیلوب
بر خطبه بلیغ ادا قیلدیکه کمداد راک نظری کنکره ایوان او صافنه
یتک دائرة امکانه کیمر زودریای تفکر مضمون و عبارتنده عقل سر اسیمه

ساحله احتمال ویرمز * ویدایع عباراتند اصناف لطائف ملکیه
محتوی * واطایف مضمون شریفند اسرار طرایف ملکوتیه منظوم
(شعر) تسلسل کلماتی کند قید قلوب * فضای عرصه گفتاری صیدگاه
عقول * بلاغته عیان سر حکمت قرآن * عباراتند معین رموز شرع
رسول * شرائط حمد و ثناء نصکره بر موعظه بیان ابتدیه که لذات
استماعند نفوس و عقول حضار مجلس رشته علاقه عوالم جسمانیه دن
منقطع اولوب * غرقه دریای حظوظات روحانی اولدیلر و ارواح قلوب
سکان محفل شراب ادراکندن سرمست اولوب ذوق تنعمات حظائر
قدسیه حاصل قیلدیلر * فی الواقع بوبر کلام حکمت نظام محض در دیدیلر
و نهایت سوز جکردن منبعث اوله سرایتی مقرر در بر جوهر تسکیم که
صدف عصمت و عفتندن چیقوب اقتضای اظهار قیله عدم حسن
قبول نامتصور در (القصة) صغر سنیه کمال فصاحت و نهایت بلاغتن
ملا حظ قیلوب جمیع اهل مجلس مقتون و معتقد اولد قده احسن
اصواتله ندا قیلدیکه ای قوم بنم وارث مسافر فضای (سبحان الذی اسری
بعبدیه ابلا من المسجد الحرام الی المسجد الاقصی) بنم مجاور حریم حرم
سرای (فکان قاب قوسین او ادنی) بنم دردانه دندانۀ مفتاح ابواب
(انامدینه العلم و علی بابها) بنم مضمون عبارت (لا استلکم علیه اجرا
الا المودة فی القربی) بنم نطفه خیر الاصلاب * بنم نقاوه احسن الانساب
بنم شکوفه بهارستان عصمت * بنم غنچه کلین طهارت * بنم جگر کوشه
قائمة الزهر * بنم میوه دل علی مرتضا * بنم نور دیده حسن مجتبا * بنم
سرور سینه سلطان شهدای کر بلا * مسند خلافت معنوی جانب والد
بزرگوار مدن بکا موهو بدر * و سریر سلطنت صوری جانب والد
عالیقدار مدن بکا منسو بدر * اول بلبل کلزار فصاحت * و اول طوطی
شکرستان بلا غتک کلمات حکمت آثان * یزید پلیده مؤثر کوروب خلقت
تغیر عقیده لرندن احتراز ایدوب مؤذنه اشارت قیلدیکه قامت کتوروب

حضرت امامک کلمات قطع ایده مؤذن ایاغه طوروب ابتد (الله اکبر)
حضرت امام ابتد (لا شک فیہ ولا شبهة ولا شیء اکبر منه) مؤذن ابتد
(اشهد ان لا اله الا الله) حضرت امام ابتد که (اشهد بها الحی ودمی) مؤذن
ابتدی (اشهد ان محمدا رسول الله) حضرت امام عمده سرفراز فرق
مبارکندن آلوب مؤذن اوکنه بر اقوب کبسوی معبر لرین پریشان
ایدوب ابتد ای مؤذن بو ذکر ابتد یکک محمد حقیقون بر ساعت
صبرایت مؤذن خوش اولد قده شهرزاده رخس فصاحتی میدان عبارت
براغوب حرارت عصمت و جرات امامت برله احتراز و اجتناب ایتجوب
دید ای یزید مکراه و لعین بوسول کریم که ذکر یزور منابر در آسانک
جد کیدر یابنم * و بوصاحب شان عظیم که وصفی وردا کابروا صاغر در
آسانکمی اقریدر یابکا * اگر در سک بیلزم بو کمال تجاهلدر * و اگر در سک
که بیلورم * آیانه خیال غلط و اندیشه باطلدر * بو که زخارف دنیای
بی اعتبار ایچون سرای عاقبتک ویران ایدوب نقدر رسول اللهی تشنه
و حیران هدف سهام بلا * و سپریغ جفا قیلوب و مخدرات اهل بیتی
ناحرم ملرله شهر دن شهره کردیروب مبتلا ی محنت غربت قیلدک * اگر
خلقتکده اثر اسلام و ارایسه ندر بو استخفاف نقبای اسلام * و اگر یوق ایسه
ندر بو مسجد و محرابی آلوده قیلوب عادت باطله قیام و اقدام ایتک برید
لعین اول کلماتدن کمال انفعال پولوب ایاغه طوروب مؤذنه امر ابتد که
اقامت کتوروب مشغول نماز اولدیلر نماز دناصکره دفع مظنه ایچون
جمیع امرای شام و کوفه بی حاضر ایدوب انلره نفرین و ناسزا دیوب اظهار
تاسف قیلدیکه بن حضرت حسبنک قتلنه راضی دکل ایدم لعنت
عبید الله زیاده که بواصر قبیحه اقدام ایدوب بنی عراق و شامده بدنام
ابتدی (شعر) دکل ای سفله آسان قتل آل مصطفی قیلیق * و فاهلین
اسیر بندیداد و بلا قیلیق * عدالت باغنت کلین لرندن غنچه راوزمک *
جفا تیغیله بر بر باشلرن تندرک جدا قیلیق (کنز الغرائب مسطور در که

یزید لعین اهل بیت کندی و سراینده بر منزل تعیین ایتشدی حضرت
امام حسینک درت یاشنده بر معصومه سی اولوب اول معصومه حضرتک
التفاتنه معتاد ایدی اول حضرت درجه شهادت بولد قد ه هر کون
متفقدا اولوب صورردیکه (این ابی) انواع فریبه تسکین و پروردی
بوزمانده که مقاملری یزیدک سراینده ایدی اول معصومه بر کجه
والد بزرگوارن واقعه سنده کوروب اضطرار به بیدار اولوب فریاد ایتدیکه
(این ابی) اول نوحه دن یزید بیدار اولوب سبب سوال ایتد کده اول
معصومه نک حالن عرض ایتدیلر یزید ایتدی حضرت امام حسینک باشن
اکا کوسترک اوله که تسکین بوله حضرت امامک سر مبارکن بر طبقه قویوب
اول معصومه نک حضورنه کتورد کده دیدی بوندردیلر (هذا بولک) اول
طفل معصومه اکا نظر قیلد قد ه بی اختیار رخسارن رخسارینه سوروب
آه جگر سوز چـ کوب جان تابشوردی مخدرات اهل بیت اول حالی
کوروب تجدید ماتم قیلوب نوحه لر بنیاد ایتدیلر که یزیدک سراینه تزلزل
براقدیلر (شعر) ارتور رسن ای فلک اولاد پیغمبر غم * تازه ایلرسن دمام
اهل بیتک ماتمن * یدشه بیداد ایلهر دم کوب برطاشنی * وه که ویران
ایلدک شرعک بناء محکم * یزید اول حاله مطلع اولد قد ه اهل بیت تعظیمه
تعزیت بتوردی ام کلثوم یزیدن استدعا قیلدیکه سرای اماره دن
خارج بر منزل مقرر ایدلر که اهل بیت آنده ساکن اولوب فراغتله عزایه
مشغول اوللر یزید مخدرات پرده عصمت ایچون خارج سرای اماره ده
بر منزل مناسب تعیین ایتد یروب امر ایتدیکه خواتین اکا برواشراف
شام جمع اولوب انلر کله عزایه مشغول اوللر (القصة) مجمع ماتم مرتب
ایدوب نوحه لر بنیاد اولوب مرتبه لر اوقندی اول جمله دندر بو که ذکر
اوانور (نظم) ماتت رجالی وافقی الموت ساداتی * وزادنی حیره من
بعد عاداتی (شعر) آه کیم قیلدی جفا چرخ وفادارلر * داغلر اوردی
دمادم دل افـ کـ ارلر * بونجه معصوملری زارو گرفتار ایتدی * هیچ

رحم ایلوب زارو گرفتارلر * مقتل ابی مخنفده مسطور در که یزید یلید
حضرت امام زین العابدین ایلر بعض خدمتکارلر قوشوب شهدانک
باشلرین کر بلایه واروب بدنلرینه ملحق ایدوب کیروشامه مر اجعت قیلند
دکین اهل بیت ایچون اسباب سفر مهیا قیلوب هر برینه مناسب خلعتلر
وهدیله لرو یروب حضرت امام زین العابدین کـ لـ کده نعمان بشیری
اوتوز مکمل مبارزله خدمتلر ایچون تعیین ایدوب رعایتلرنده مبالغه
قیلوب مدینه ارسال ایتدی نعمان بشیر که محب مخلص خاندان ایدی
مدینه یولنده اهل بیتک خدمتده کمال سعی و اهتمام ظهوره کتوروب
نزول وارتحا لرنده طریق ادبله بر مرتبه ده رعایت قیلدیکه خواتین
اهل بیت شا کر و راضی اولدیلر مدینه قریبه یزد کده ام کلثوم زینبه
ایتدی ای همشیره عزیزه نعمانک اداء حقوقی بزه لازم اولدی صلاح
ندر زینب ایتدی (مالنا شیء الا حلیتنا) یعنی حلیه مزدن غیری نسنهیه
قدرتمز یوقدر پس اعضا لرندن حلیه لرین چیقاروب بر طبقه قویوب
نعمانه ارسال ایتدیلر که بو خدمت دنیادر ان شاء الله جزای خدمتک
آخرته ظاهر اولور نعمان اول حلیه لرینه کـ کـ و دوندروب
تضرع قیلدیکه ای خواتین اهل بیت نبوت اکر چه بو خدمت ظاهرا
یزید حکمیه صورت بولدی اما حقیقتده بنم مقصودم بو ایدیکه خاندان
عصمت و عفته لایق برخد مت شایسته بو بنده بیچاره دن ظاهر اوله
المنه لله که مہسر اولدی (شعر) لله الحمد که شایسته درگاه اولدم * معنی و
صورت اخلاص دن آگاه اولدم * عاقبت منزل مقصوده بترسم نجب * اهل
الحجاز و کراماتله همراه اولدم (القصة) اهل بیتک تشریف قدومندن
خبردار اولوب اهل مدینه ذکور و اناث صغار و کبارناله و افغان ایلر
استقبال ایدوب حضرت امام زین العابدین و خواتین اهل بیتی لباس
ماتمه کریان و پریشان کوروب سینه لرین چاک و دیدلرین نمناک ایدوب آه
و واهله دیرلردی (شعر) ای سپاه منکسر نولدی سپهسالار یکن * تندیکن

سلطان کنز بالله قنی سردار یکر * نیشه اولمش اعلکون اولو آب چشمکر *
 نیجه رنگ یاسمن طومش کل رخسار یکر * نندیکر اول شهر یار معدلت
 اناریکم * لطفی اولمشدی انیس ومونس و غمخور یکر (القصة) مدینه یه
 غلغله اهل عزادن برزله دوشدیکه در و دیوار دن صدای نوحه سطح
 آسمانه ایرشدی (و نزهه الارواحده مسطور در که بش نوبت مدینه ده
 اویله مصیبت واقع اولدیکه غوغا شدن مقدمه قیامت تصور ایدوب
 خلق استغفاره باشلدیلر * برنوبت حرب احده حضرت رسول الله
 مقتوللر ایچره قالب ابلبس ندا قیلد قده (الا آن قد قتل محمد) و برنوبت دخی
 حضرت رسالت دارد نیسان رحلت ایتد کده و برنوبت دخی حضرت
 مرتضائک خبر وفاتی ایرشد کده و برنوبت دخی حضرت حسین مدینه دن
 مکده توجه ایتد کده و برنوبت دخی اهل بیت شامدن مدینه یه کلد کده
 (روایتد که اهل بیت چهره و کبسولر بن غبار راهدن پاک ایتدن ورنج
 سفر دن استراحت بولدن روضه سید کائنات * و مفخر موجوداته متوجه
 اولوب فریاد و فغانلر ایدوب سلام و یروب عرض حال ایتدیلر که یا جداه
 و یا سبده بادیه کر بلا سر کردانلری یز * و دیار غربت حیران و پریشانلری یز
 * پنجه حوادتن کر بیانر چاک * و طبا بجه مصائب دن دیده مز غمناک
 (شعر) یا رسول الله یسایان بلا سیا حیر * کلمشز درگاه که زار و دلفکار
 و حزین * شمع نزهتگاهمز باد فنادن فوت اولوب * همدم اولمشدر بزه نیران
 آه آتشین * رختنر سیلابه کتمش ملکمز اولمش خراب * حالمز اولمش مکر
 کوکلز اندوه کین * بونوعله نوحه لر قیلور کن ناگاه ام سلمه حجره طهارتن
 خراشیده روی و پریشان موی استقباله کلوب و شبشه خاک کر بلا انده
 قانه دوشمش مطهرات اهل بیت ام سلمه بی بو حال ایله کوروب برنوعله ماتم
 ایتدیلر که سکان طبقات سما سبجه عبادتلر بن الدن براغوب دائرة مجلسلرینه
 حیران قالدیلر و عباد عبادتخانه علیا اوراد متعارفهلر بن فراموش ایدوب
 انلرک عزاسنه متوجه اولدیلر (عبود الرضاد مسطور در که فرزند

دعبل خزاعی روایت ایتشکه والد مک حین مونتده رخسارنی سیاه
 کوردم غایده متحیر ایدم بر کیمه واقعه کوردمکه خرم و خندان و لباس
 فاخرله جنت ایچره سیر ایدر دیدم ای والد بزرگوار حین وفاتکده حالک
 اهل جرایم حائنه مشابه ایدی حال صورت حالکده نشانه اهل صلاح
 ملا حظله اولنور حکمت ندر دیدی ای فرزند عزیز غایت عصبانله
 دنیادن چبقدم اما حضرت رسول بندن سوال ایتدیکه ای دعبل شهید
 کر بلا هر شبه سنده نه دیمش سن تقریر ایله بن دخی ادا قیلدم بوییت اول
 جله دندر (بیت) لا اضحک الله ثغر الدهران ضحکت * و آل احمد
 مظلومین قد قهر * و بن او قود فیه حضرت رسول الله رقت ایدوب
 آغلردی تمام اولد قده بو اوزرمده کی خلعتی انعام ایدوب کاهلریمه شفیع
 اولدی (شعر) اهل بیتک ثنا و مرثیه سی * احسن افضل فضایلدر *
 کیمکه بر بیت اول خصوصده دیر * اول دخی اهل بیت داخلد ر (روایتد
 نقل صحیح ایله که قاتل حسین بر آتشین تابوت ایچره مقید اولوب سلاسل
 و اغلالله معاقب اولد قده در قیامته دك (و صحف شریفده) اسناد
 رضویه دن نقلد که حضرت رسول پیور مشکه موسی بن عمران هارون بنی
 فوتند نص کره روی تضرعی درگاه واجب الوجوده طوتوب هارون ایچون
 رحمت استدا قیلدی حضرت عزتدن وحی کلدیکه یا موسی اگر بندن
 جمیع خلق ایچون رحمت استدا قیلد قبول ایدرم اما قاتل حسینک
 کناهندن تجاوز ممکن دکدر الک انتقامن بن السم کرک (شعر) کر عذاب
 اهل دوزخ جرمی مقدار نجه در * وای اکاکیم ایلش قتل شهید کر بلا *
 اول سبیدن کیم شهید کر بلانک قدرنی * ایلش اعلی جمیع خلقتدن رب
 العلال (کنز الغرائب مسطور در که جمیع اژدها لر که مهتری بر ازد در در که
 شدید نام هر کون یتش نوبت تریوب اعضا سندن زهر هلاهل دوکلور
 حضرت عزتدن ندا کلور که ای شدید صبرایت که قاتل امام حسین تعذیبی
 سکا منسوبدر (روایتد که اهل کوفه و شامدن هر فرد که اول معر کده

ایدی بو عقوبته شریکدر (کنز الخرائد) مسطور در امام سپری
نقلیه که بر کون مجلسمزه بود که اولنوردیکه واقعه کر بلا ده مسرور
اولنر سر بسردنیاده و آخرتده مقهور اوله * خوار جدن بر بدبخت آنده
حاضر ایدی بو گفتاره انکار ایدوب دیدی بوسوز کند بر زیر بن اول
جمله دغم و اصلا بکار مکره متوجه اولدی حقا که هنوز گفتاری تمام
اولدن چراغ مجلسدن بر شراره رختنه دوشوب زبانه چکوب هیچ
بر وجهله تسکین بولیوب اول بدبختی یاقدی و بصورت اولوالابصاره
موجب تر اید اعتبار اولدی (امام حسن بصری نقل ایتشکه تحقیق
مسائل شرعیه ایچون بر تعلیم بنم مجلسه تردد ایدردی و همیشه اندن
بر رایحه مکره ظاهر اولوب اهل مجلسه کدورت یتروردی اما منعنه
حیا مانع اولوردی عاقبه الامر اول رایحه نک سبب سوال ایتد که
منفعل اولوب ایتدی ای عزیز بن اول طائفه دنگه واقعه کر بلا ده
محافظت فرات ایچون مأمور ایتشلر ایدی محاربه دنصکره بر کیجه
واقعه کوردیم قیامت اولمش و بن غایتده تشنهیم ناکاه کوردیم که
حضرت رسول و حضرت علی مرتضی و حسن مجتبا و حسین مظلوم
و شهید کر بلا حوض ککوثر کنارنده جمع اولمش و بعض ملا زملری
اول حوضدن اصحاب و احبابه صوو بر لر بن دخی الحاح ایدوب بر جرعه
صواستدم و یرمدیلر فریاد ایتدیم که تشنه ام حضرت رسول مطلع اولوب
ایتدی نیچون بو فقیره صوو یرمز سن ایتدیلر یا رسول الله بو شخص اول
طائفه دندر که محاربه کر بلا ده حفظ فرات ایچون تعیین اولمشلر ایدی
حضرت رسول ایتدی (اسقوه قطراناً) بن قطران صو تصور ایتدم تجرع
ایتد که در ایجه سندن نفرت ایدوب هول و هر اسله بیدار اولد قدده بوزجت
بنده پیدا اولدی امام حسن بصری اول حالتدن واقف اولد قدده انی
مجلسدن منع ایدوب اول بدبخت اقرب زمانده اصعب بلیاله دنیادن
کتدی (ابوالمفاخر دن منقولدر که بر شخصی طواف کعبه ده کوردیم

نقابه کیرمش تضرع ایدردیکه یارب کاهمی عفوایت اگر چه یلورم که
قابل عفو دکدر اشرف مکه ایتدیلر ای فقیر نومیدلاک کفر در دیدی ای
قوم بن اول کروه دغم که شهدانک باشلری شامه کتد کهده محافظه سنه تعیین
اولنردن ایدم و اول بدبختلر هر منزلده شهدا باشلری اولان صندو قلری
ارایه آلوب و اطرافنده مجلس خرم مرتب ایدوب ارتکاب اعب و لهو
ایدلردی اما بن ارتکاب ایتیموب عملار بن مشاهده قیلوردم بر کیجه جمله
مستحفظلر مست اولوب بن تنها قالد قدده ناکاه کوردیم که کوکدن برخیمه
نورانی اینوب مبارک باشلر بن مقابله سنده قوریلوب و اول خیمه دن اوچ کسنه
چهره نور افشانله چیقوب اول باشلری صند و قدن چیقاروب
زیارت ایدلردی بن توهم تمام ایله مشاهده ایدر کن اوزرمده بر پیر روشن ضمیر
نورانی کوروب سوال ایتدیم که بونلر کلدردیدیکه بونلردر کاه آله مقبر بلریدر
یعنی جبرائیل و میکائیل و اسرافیل در بر زماند نصکره کوردیم که جبرائیل
خیمه کاهه متوجه اولوب ایتدی انزل یا صفی الله کوردیم که حضرت آدم
و شبت و ادريس چیقوب اول باشلری زیارت ایتدیلر انلرد نصکره ایتدی انزل
یا نبی الله کوردیم که نوح و سام چیقوب اول باشلری زیارت ایتدیلر انلرد نصکره
ایتدی انزل یا خلیل الله کوردیم که ابراهیم خلیل و اسمعیل و اسحق و یعقوب
چیقوب اول باشلری زیارت ایتدیلر * انلرد نصکره ایتدی انزل یا کلیم الله
کودم که موسی و هارون چیقوب زیارت ایتدیلر * انلرد نصکره ایتدی
انزل یا روح الله کوردیم که حضرت عیسی چیقوب مبارک باشلری زیارت
ایتدی انلرد نصکره ایتدی انزل یا حبیب الله کوردیم که محمد مصطفی صلی
الله علیه و سلم تشریف یورد قدده سر مبارک حضرت حسین شهید یتیم
قدم مقداری استقبال ایدوب چهره مبارک کن قدم رسول الله سوروب
آواز حزین ایله فغانه کلدیکه یا جداء ملاحظه قبل که امت بیوفالر کدن
بکانه بلالر ایرشدی حضرت رسول علیه السلام رخسار شریفن رخسارینه
سوروب و جمیع انبیا اتفاق ایله عزایه مشغول اولدیلر (شعر) سهار

اولکیم همین حوادن آدم اولدی دور * اولدی مجموع اتباع و عیالندن جدا
 * سهدر اول غم که دوشدی بحر منو حک زورقی * کور مدی دریای خوناب
 ایجره کرداب فنا * سهدر کم یتدی ابراهیمه نمرود آتشی * یتدی برق جهان
 سوز فراق اقربا * سهدر کم چکدی بیدادینی فرعونک کلیم * اولدی
 دشمن اکابر کافر مؤمن غما * بی تکلف عقل میرانیله تحقیق ایتسلر * جمله
 اندوه مجموع گروه انبیا * کلز اولمقدار مختلرجه کم صبرایلیوب * چکدی
 اهل ظلمدن مظلوم دشت کربلا (روایتدر که اول تعزیت اثناسنده
 جبرائیل علیه السلام رسول اللهک خدمت شریفه کلوب ایتدی یار رسول
 الله حکم حضرت عزتدر که اگر رضای شریفک اولور سه کوفه شهرین لوط
 قومک شهرینه دوندرم * حضرت رسول الله ایتدی ای جبرائیل بنم
 صبرم سائر انبیادن زیاده در صبر ایدرم قیامت کونی عذاب شدید ایل
 انلردن انتقام الورم جبرائیل ایتدی یار رسول الله حکمدر که بو مستحفظلری
 ملائکه عذاب آتش سوزان ایل یقالر * هم اول ساعت فرشتهلر حربه
 آتشین چکوب اول جاعته حله قیلدیلر واللی نفر مستحفظلرک قرق
 طقوزی یانوب نوبت بکا کلدکه تضرع ایتد مکه الامان
 حضرت رسول الله ایتدی لاغفر الله لک بن بیلورم که دعای حضرت
 رسول مستجاب دروین مغفور اوله جق دکلم * دیدیلر که نقاب طوتمغه
 سبب ندر دیدیکه اول واقعه هولندن لوغم متغیر اولدی پس چوق مبالغه ایل
 یوزندن نقابی آجدقه کوردیلر که پیکری بوزلمس اول بد بختی کعبه
 طوافدن منع ایدوب چیقاردیلر شهردن چقدقه همان برصاعقه پیدا
 اولوب اول ناپاکی پالک یاقدی (شعر) اثر و ظلم و ستمدر غضب قهره سبب *
 ظلم اهلینده دوشر صاعقه قهر و غضب * ودخی اکثر اهل تفاسیردن تقلدر
 و صخته یتشددر که واقعه کربلا دنصکره عبیدالله زیاد لشکرندن سوار
 و پیاده و خادم و مخدوم کاشا ما کان هیچ بر فرد اسایش و حضور له
 معاش اینجوب هریری قبل الموت بر عذابه گرفتار اولوب اول عذابه فوت

اولدیلر * خالد بن یزید حضرت امامک عماسه شریفن فرق مبارکندن
 آلوب تصرف ایتمش ایدی دماغی محبط اولوب علت سودا ایلله زنجیر له
 کیروب اول قید ایلله سلسله (ذرعها سبعمون ذراعا) قیدنه دوشدی و جعفر
 ابن خضرمی پیراهن شریفن بدن لطیفندن چیقاروب آلمشیدی و اول
 پیراهنده یوز یتمش زخم تیغ و تیر اولوب فی الحال اول بد بخت ابرص
 اولوب اول علت ایلله دنیادن کتندی واسود بن حنظله شمشیرنی تصرف
 ایتدی علت جذامه گرفتار اولوب اول علتله دنیادن کتندی و مالک بن
 یسار جوشنلرین تصرف ایتدی خفت عقل پیدا قیلوب مصرع اولوب
 صوصا فله دوشدی عاقبت طفلار طاشیله هلاک اولدی * ودخی
 شواهد النبوه مسطوردر که شمرا عین بر مقدار اشرفی حضرت امامک
 رحوتدن چیقاروب نهب ایتمشیدی بعضیسن حلیه ایدوب اولادنه
 و یرمک داعیه سن قیلد رفته اول طلامعدوم اولوب شمرا عین اول حالته شک
 کتوروب زرگری کندی حضورنه کتوروب اول طلائک بعضیسن دخی
 بوتهیه قوید قده تمام معدوم اولدی (روایتدر که بعض بد بختلر شهرزاد منک
 قطارندن ناقه لر ذبح ایدوب تناول ایتد کده مشابه زهر اولوب اکلنی
 منبر اولدی (القصة) قتلائی حضرت حسین عقوبات اخرویه دن مقدم
 عقوبات دنیویه به گرفتار اولمدین دنیادن کتدیلر (مرآت الجنانده
 مسطوردر که واقعه کربلا دنصکره اقرب زمانده عبیدالله زیاد ملعونک
 سر ناختوستن قطع ایدوب کوفه مسجدی اوکته براقدیلر امام ترمذی
 عماریدن نقل ایتشکه بن آنده حاضر ایدم کوردم دیواردن برافعی
 چیقوب عبیدالله زیاد بد بختک دماغ نخوستنه کیروب وینه جیقوب
 بر نیچه نوبت بوعلی ایدردی مشا هده ایدنلره محقق اولوب معلوم
 اولدیکه بو مقدمه عذابدر (وشواهدده مسطوردر که مدینه ده بر
 بد بخت حضرت امامک قتلنه مباشرت ایتدی و هم اول کیچه بر آواز
 اشدیکه آسماندن کلوردی (نظم) ایها القاتلون جهلا حسبنا * ابشر و

بالعذاب والتكيل * ودخی امید وارم که عموم لطاف الهی * وشمول
فضل نامتاهی * واول احبای صادق الاخلاص و اودای قدیم
الاختصاصه قرین حال * وکفیل حسن آمال اوله که هرماه محرم
تجدید ماتم شاه کر بلا * و تحریک سلسله تعزیت شهدا قیلوب دیده کریان *
ودل بریان ایله متوجه کسب ثواب دنیوی و اخروی اولوب اجر لر بوله لر
شعر) هجوم تحت دوران ملولی * گرفتار غم عالم فضولی * دکل اول لهجه
گفتاره قادر * کیم اوله قابل سمع اکابر * قیلور جمعیت دل لفظی دل کش *
مشوش سویلن الامشوش * کل ای حال تکلمدن خبردار * ترحم قیل
تعرض قیلن زهار * وجهه ثوابدن اشوب مصیبت نامه مؤلفه و کاتبه
و مستمعنه دخی دعاء خیر تصدق قیلوب بو ثواب دخی موجب مزید
حسنات اوله (مرثیه) ماه محرم اولدی شفقندن چیقوب هلال *
قیلش عزادو کوب قدخم برله اشک آل * اولادمه صطفایه مدد قیلش
فرات * کچور مسوئمی یرله اتی بوانفعال * چو قد رحکایت الم شاه
کر بلا * البته چوق حکایت اولور موجب ملال * عزم ایلسک غم شهدا
شرحن ایتمکه * هر سیره کر بلا ده آچو بدر زبان حال * تجدید ماتم شهدا
قیلدی روزگار * زار آغله ای کوکل بو کون اولدیه احتمال * میدان چرخ
جلوه که دود آقیل * کردون دونه کسوت ماتم سیاه قیل (نظم دیگر) ماه
محرم اولدی مسرت حرامدر * ماتم بو کون شر یعته برا حرامدر * تجدید
ماتم شهدا نفع سزدکل * غفلت سرای دهرده تنبیه عامدر * غوغای
کر بلا خبرین سهل صانمه کیم * نقص وفای دهره دلیل تمامدر * هر ذره
اشک کم دو کیلور ذکر آل ایله * سیاره سپهر علومه مقامدر * هر مدآه کم چکیلور
اهل بیت ایچون * مفتاح باب روضه دار السلامدر * شاد او لمسون
بو واقعه دن شاد اولان کوکل * بردم بلا و غصه دن آزاد اولان کوکل
(نظم دیگر) تدبیر قتل آل عبا قیلدک ای فلاک * فکر غلط خیال خطا
قیلدک ای فلاک * برق سحاب حادثه دن تیغ لر چکوب * بر رحو الله شهدا

قیلدک ای فلاک عصمت حرم سراسنه حرمت روا ایکن * پامال خصم
وبی سرو پا قیلدک ای فلاک * صحرای کر بلا ده اولان تشنه لب لره * ریک
روان وسیل بلا قیلدک ای فلاک * تخفیف قدر شرعدن اندیشه قیلدک *
اولادمه صطفایه جفا قیلدک ای فلاک * بررحم قیلدک جگری قان اولنره *
غربته روزگاری پریشان اولنره (نظم دیگر) با صد قدی کر بلا یه قدم شاه
کر بلا * اولدی نشان تیرستم شاه کر بلا * دشمن اوقینه غیر سپر
کورموب روا * یاقشیدی جانه داغ الم شاه کر بلا * اعدا مقابلنده
چکنده صف سپاه * قیلشیدی مداهی شاه کر بلا * دود دل پر آتش
اهل نظاره دن * ایتشدی پرده دار حرم شاه کر بلا * اولدیه عمری راحت
دل کورموب دمی * اولمش همیشه همدم غم شاه کر بلا * یا شاه کر بلا
نه روا بونجه غم سکا * درد دمامد والم دمدم سکا * (نظم دیگر) ای
درد پرورالم کر بلا حسین * وی کر بلا بلالینه مبتلا حسین * غم پاره پاره
بغریکی یاندردی داغله * ای لاله حدیقه آل عبا حسین * تیغ جفا ایله
بدنک اولدی چاک چاک * ای بوستان سیره تیغ جفا حسین * یقیدی
وجودیکی غم ظلمت سرای دهر * ای شمع بزم بار که کبریا حسین * دور فلک
ایچردی سکا کاسه کاسه قان * ای تشنه حرارت برق بلا حسین * یادایت
فضولی آل عبا حالن ایله آه * کم برق آهله یاقیلور خرمن کاه * اگر چه
اظهار سلسله سیادت داخل احوال کر بلا و شرح ابتلای انبیا اولوب
بونسخه ده ایرادی مناسب دکل امانتبع مضمون روضه الشهداء ایدوب
طریق اجمال اوزره تقریرینه اقتضا قیلغین اویله که شواهد النبوه ده
مسطور در عرض اولنور بیلک کر کدر که اصح روایاتله حضرت امیر
المؤمنین علی بن ابی طالب حضرت ترینک اوتوزالتی عدد اولادی اولوب
اول جمله دن اون سکر عدد ذکور و اون سکر عدد انا ندر و بعض روایتده
اون طقوز عدد ذکور و اون یدی عدد انا ندر * اول جمله دن اتی عدد ایام
حیاتنه متوفیه اولوب والی عدد کر بلا ده شربت شهادت نوش ایتدی لر

اما مشهور اولاد بونلردر که ذکر اولور امام حسن و حضرت حسین
و محسن و یحیی و عبدالله و محمد حنفی و ابو بکر و عمر و عثمان و عون
و جعفر و عباس و الله اعلم (و حضرت امام حسن اکبر اولاد فاطمه
زهرادر و اینکجی امامدر ولاده شریفی رمضان شریفک اون بشنجی
کوننده و هجرت نبویه نک اوچنجی یلنده در وفاتی صفر آینک اون
طقوزنجی کیجه سنده هجرتدن الی ییل کجکده نصرکه و مدت عمر
شریفی قرق الی ییل و الی آی و اون بش کون ایدی و اون الی عدد
اولادی اولوب اون بری ذکر ایدی انلردن مشهور اولان بونلردر زید
و حسین و طلحه و اسماعیل و عبدالله و جزه و عبدالرحمن و قاسم و عمر در
والله اعلم (و حضرت امام حسین اوچنجی امامدر ولادت شریفی
هجرتک در دنجی یلنده واقع اولوب و مرضعه سی ام الفضل ایدیکه زوجه
عباس بن عبدالمطلبدر و اولادری علی اکبر و علی اوسط و علی اصغر و عبد
الله و محمد و جعفر در و الله اعلم (و حضرت امام زین العابدین در دنجی
امامدر ولادت شریفی هجرتک اونوز الی ییلنده واقع اولوب وفاتی یتیم
بشنجی یلنده واقع اولمشدر اون سکر عدد اولادی اولوب اول جله دن
طقوز عدد اناث و طقوز عدد ذکر در اما اولاد ذکر در مشهور اولان
بونلردر محمد باقر و عبدالله باهر و زید شهید و عمر اشرف و حسین اصغر در
والله اعلم (و حضرت امام محمد باقر بشنجی امامدر کنیت ابوجعفر و لقبی
باقر در ولاده شریفی مدینه ده جمعه کونی صفر آینک اوچنجی کونی
هجرتک الی ییلنده واقع اولدی بدی عدد اولادی اولوب اول
جله دن مشهور اولان جعفر و عبدالله و ابراهیم و علی در و الله اعلم (حضرت
امام جعفر صادق الشجی امامدر ولادت شریفی مدینه ده دوشنبه کونی
ربیع الاولک اون یی کوننده هجرتک سکسان یلی کجکده واقع اولمشدر
واکثر عاوم غریبه اکامنسویدر مثل جفراجر و جفرا یض و جعفر جامع
و مصحف فاطمه کی و بدی اولادی اولوب اول جله دن مشهور اولنلر

بونلردر اسماعیل و عبدالله و موسی و اسحاق و محمد و عباس و علی در و الله
اعلم (و امام موسی کاظم یی امامدر ولادت شریفی یکشنبه کونی
هجرتدن یوز یکر می یی ییل کجکده در و هارون الرشید حبسنده وفات
ایتدی و التمش عند اولادی اولوب اول جله دن اونوزید یسی اناث یکر می
اوچی ذکر در مشهور اولان بونلردر عباس و هارون و اسحاق و اسماعیل
و حسن و رضا و مرتضی و ابراهیم و محمد و جعفر و الله اعلم (و حضرت
علی بن موسی رضا سکنجی امامدر ولادت شریفی مدینه ده
پنجشنبه کونی نصف ربیع الآخره هجرتک و زالی یی ییل کجکده واقع
اولدی * و اول حضرت بش عدد اولادی اولوب محمد و حسین و حسن
و جعفر و ابراهیم در و الله اعلم (و حضرت امام محمد تقی طقوزنجی امامدر
ولادت شریفی جمعه کونی نصف شهر رجبده هجرتدن یوز طقسان بش
ییل کجکده واقع اولوب معتصمک ایام خلافتده زهرایله شهادت اولدی
و اینکی عدد فرزند سعادتندی اولمش علی هادی و موسی در و الله اعلم
(حضرت امام علی نقی اونجی امامدر ولادت شریفی مدینه ده رجب
آینک اون اوچنجی کوننده واقع اولدی و مستنصرک ایام خلافتده شهید
اولدی و اوج اوغلی اولوب حسین و حسین و جعفر در و الله اعلم (حضرت
امام حسن عسکری اون بری امامدر ولادت شریفی مدینه ده
واقع اولوب و اول حضرت محمد مهدیدن غیری فرزندی یوغیدی
والله اعلم (و حضرت امام محمد مهدی اون اینکجی امامدر مذهب
امامیه مقتضای سلسله امامت انده ختم اولدی * خاتمه کتاب *
(مناجات) الهی کمال عنایتکدن شرف اختتامه موفق اولان بونسخه
سامی * و نوال عاطفتکدن سعادت اتمام بولان بونسخه کرامیده *
ایستادن انتهایه دک اعمال ستوده لری مذکور و مسطور اولان * و افعال
حبیده لری تسطیر و تحریر بولان انبیاء عظام و اولیاء کرام * و شهداء
ذوی الاحترامک که ساکن سرادقات قرب قبول اولمشلر * و محرمیت

سراپرده سنده تقرب بولشلمیامن ارواح مقدسه لری و برکات نفوس
مظهره لری * اول پادشاه عالمپناه بدرقه طریق هدایت قیل و طراز
مهجته لوای نصرت آیتی که طغیان ارباب ضلالت و بدعت اهل بیت
مصطفایه مسدود ایتدیکی آب فرات انک ایام عدالتده فرمان شریفیله
دست توسلی دامن کر بلا یه آوردی و اول زلال کوثر مثالك تحسرنده
هلاک اولنلرک ارواح شریف لری سیراب ایتکه چشمه التفاتی جویبار
مرحتیتوردی * شهنشاهی که اگر خادنه سبزه اوصاف عدان صفحه
کلزاره تحریر ایتسه اوراق اشجاره نسیم ترزل گذار ایتزواکر مثال
زر نکار کل طغرای شریفیله مو شیخ اولسه استمرار حکمنه تغلب
خزاندن خلل و تغیر یتز (شعر) اول شهنشاه فلك رفعت که کسب ایتمش
کونش * خاک بوس آستاندن علواقتدار * اول سرافراز ملک
سیر تکیم المش آسمان * خدمت درگاه قدرندن سمو اعتبار * یعنی
سلطان شهنشاهان و قطب دائرة امن و امان * ابوالمظفر سلطان سلیمان
بن سلطان سلیم خان * رفع الله به النوائب عن الزمان الی یوم یقوم الحشر
وینصب المیزان * و اول خداوند کار سعادتستگاهک ظل مکرمتنده
و اول کامکار ملائک سپاهک سایه مرچتنده همیشه متمتع اوله *
و همواره انتفاع بوله * و اول سرور خجسته لقوا و اول سردار صاحب
رأی ملک آرا که بونسخه دلپذیر انک حسن اشارت شریفیله سمت تحریر
بولش * و انک لطف و اهتمامیله مستعد سعادت تسطیر اولش جهان
داریکه پیرایه حفظ و حراستله حوزه عراق عرب رنک نکارستان چین
طوتمش * و کال حرز و حایاتی بقعه بغدادی حیرت دار السلام ایتمش *
کل کلزار دولت و اقبال آفتاب سپهر جاه و جلال * کوهر معدن سخا
و کرم * زبده فرقه بنی آدم مجأ و مرجع خواص و عوام * اعظم و اکرم
عظام و کرام * یعنی کهف الفقراء صدر الامراء معز الرفعة والعز
والعلا حضرت محمد پاشا * حفظه الله بما یخاف و یخشى المنه الله که بو طرز

ملال افزای غم اندوز * و بونسخه جان کداز جگر سوز * احسن ساعات
و ایمن اوقاتده سمت اختتام بولدی * و مصلحت تفهیم عوام ایچون
تکلفات رسمیه دن معرا و استعارات بدیعیه و اسجاع غریبه دن مبرا تمام
اولدی * و دخی توقع و رجاء و انور که فضلالی بلاغت پیشه و فصیحای دقت
اندیشه دنکه بنای تألیفنه و طرح تصنیفنه نظر دقت بر اقدقه اصلاح
خط اسنه اقدام و اهتمام ایده لر * و محرر و مقرر ن دعاء خیر ایله یاد ایدوب
قبول عذرله هر نقصان تمام ایده لر (شعر) هجوم تخت دوران ملولی *
کرفتار غم عالم فضولی * دکل اول لهجته گفتاره قابل * کیم اوله قابل سمع
اکابر * قیلور جمعیت دل لفظ داکش * مشوش سویلن الامشوش
* کل ای حال تکلمدن خبردار *
* ترحم قیل تعرض قیلله زنهار *

و قد کمل طبع هذا الكتاب * فی عصر حضرة السلطان ابن السلطان
السلطان الغازی عبد المجید خان * لازالت ظلال حایته علی مفارق
الانام * فی دار الطباعة العامرة بنظارة (محمد رجائی) فی واسط
صفرا الخیر * لسنة ثلاث و سبعین و مائین و الف *
من هجرة من له کمال العز و نهابة
الشرف